

LEVIATHAN,

SIVE

De Materia, Forma, & Potestate

CIVITATIS ECCLESIASTICÆ ET CIVILIS.

AUTHORE

THOMAS HOBBS,

Malmesburiensi.



L O N D I N I

Typis JOANNIS THOMSONII,

M. D C. LXXVIII.

LEAVY I HAN

1814

De M... ..

OLIVIA THE

FOOT BRASS

ST. OLIVIA

AND A B. D. B.

M... ..



THE LIBRARY OF CONGRESS

Ad Nobilissimum Virum
DOMINUM
FRANCISCUM
GODOLPHINUM,

Equitem Ordinis Balnearum.



Ratri tuo Sidneo Godolphino (Nobilissime Domine) quantum placuerint studia mea; quantum ille Auctoritate Judicii sui apud viros bonos me ornaverit; quanto denique, durissimis temporibus, beneficio me adjuverit, ipse nōsti. Commemoro autem, non ut favorem amicorum virtutem faciam meam, sed quia virorum excellentium, qualis ille erat, delector testimoniis. Excelluit enim vir ille virtute omni quam postulat, aut cultus Divinus, aut commodum Patriæ, aut Societas Cīvilis, aut Amicitia singularis; pius erga Deum, eruditus ad Pacem, fortis ad Bellum, in congressibus jucundus, in Amicitiiis firmus. Honoris igitur & gratitudinis causa erga illum, & devotionis erga reipsum, Tractatum hunc de Potestate Civili, & Ecclesiastica, humiliter tibi Offero, Dedicoque. De illis, qui Doctrinæ, quam continet,

favere videbuntur, homines nostri quid sensuri sint, ut nunc sunt tempora, incertum est. Nam inter mucrones pugnantium de Potestate Summa, non facile est incedere sint vulnere. Causam tamen cur pars utraque succenseret mihi, nullam video. Quid enim facio, præterquam quod Potestatem Civilem, (quam quicumque possidebit, maximam esse volet) quantum possum magnifico. Neque de Jure hominum, sed de Jure simpliciter disputo; quemadmodum Anseres quondam Capitolini ad scandentium strepitum, tantum clango. Displicebit etiam fortasse non paucis, quod loca quædam Scripturæ Sacræ, aliter interpretari ausus sim, quam ab aliis explicari soleant. Id quod non modo (in ordine ad opus institutum) necessario feci, (quia loca illa Potestatem Civilem oppugnantibus, quasi Inimicorum, mœnibus Civitatis quam obsident, admotæ turres sunt) sed etiam ne quid contra Doctrinam Ecclesiæ nostræ publicam scriberem (dissentire enim à singularibus licitum est) diligenter cavi. Sin neque ad hæc mitescant reprehensores mei, te ipsum tamen rectè & facile excusabis; Dices enim (si vis) hominem esse me, qui mea amem, & quicquid dicam verum esse putem, quod fratrem tuum coluerim, & te colam, eoque fretus, inconsulto te, subscripserim

Servus tuus humillime devotus

THOMAS HOBBS.





LEVIATHAN

PARS PRIMA

DE HOMINE.

Naturam, id est, illam, qua Mundum Deus condidit & gubernat, divinam Artem, eatenus imitatur Ars humana, ut possit inter alia producere artificiale Animal. Cum enim vita nihil aliud sit quam artuum motus, cujus principium est internum in parte aliqua Corporis principali, Quid obstat quo minus dicamus, Automata omnia, sive machinas omnes quæ ab Elastris Rotulisque intus dispositis motum habent, ut Horologia in seipsis, habere etiam artificialem vitam? Quid est cor, nisi Elastrum, quid Nervi, nisi chordæ, quid articuli, nisi totidem rotulæ, motum, qualem voluit artifex, toti corpori impertientes? Neque animal tantum imitatur Ars, sed etiam nobilissimum animalium, Hominem. Magnus ille Leviathan, quæ Civitas appellatur, opificum Artis est, & Homo artificialis; quanquam Homine naturali (propter cujus protectionem & salutem excogitatus est) & mole & robore multo major. In quo *Is qui summam habet Potestatem*, pro *Animalia* est corpus totum vivificante & movente. *Magistratus & Præsentes artificiales Arius*. *Premia & Pœne* summæ Potestati appensæ, & à quibus Membra ad suum quodque opus perficiendum incitantur, *Nervi* sunt; qui idem faciunt in corpore naturali. *Divitiæ singularem hominum* sunt pro robore. *Salus populi*, pro *Negotio*. *Consilarii*, per quos ea quæ cognitu necessaria illi sunt suggeruntur, pro *Memoria* sunt. *Æquitas Legesque* pro artificiali *Ratione*. *Concordia*, sanitas est. *Seditio*, *Morbus*, *Bellum civile*, *Mors*. Postremo, *Pacta* quibus partes corporis hujus politici conglutinantur, imitantur divinum illud verbum *Fiat*, sive *Faciamus Hominem*, à Deo prolatum in principio cùm crearet Mundum.

Homini hujus Artificialis naturam descripturus, considerabo

1. Materiam ejus, & Artificem, id est *Hominem*.
2. Quo modo, & quibus Pactis factus sit; quæ Iura, quæ Potestas sive Autoritas ejus sit; & in quo resideat *Potestas summa*.
3. Quid sit *Civitas Christiana*.
4. Quid sit *Regnum Tenebrarum*.

¶ Quod ad primum attinet, permixti sunt qui sapientiam dicunt non legendo libros, sed legendo Homines acquiri; & sententiæ huc consequenter favent illi, qui sapientiæ suæ nullum aliud specimen proferre possunt; valde sibi in seipsis tunc placentes, cum quantum profecerint inspiciendo, censuris in proximos contra charitatem patefecerint. Extat autem præceptum aliud antiquius, per quod intelligere possent, si vellent, alios Homines rectius legere, nempe *Nosce teipsum*. Quod præceptum non ita intelligendum est, ut nonnulli putant, quasi aut Potentiorum erga vulgus fastui barbarico, aut humilium ergo Potentiores procacitati incivili indulgeret, sed ut doceamur cogitationes passionisque hominum diversorum adeo similes inter se esse, ut quicumque in seipsum inspexerit, consideraveritque quid faciat ipse, & quare, quando cogitat, opinatur, ratiocinatur, sperat, timet, &c. idem simul leget intelligetque cogitationes passionisque aliorum omnium hominum à similibus causis orientium; similes (inquam) passiones, non similia passionum objecta, quæ à Constitutione & Educatione hominum singularium ita variantur; & absconduntur, ut Cordium suorum characteres, simulatione, dissimulatione, falsisque opinionibus scribillati & confusi, soli scrutatori Cordium sint legibiles. Quanquam autem consilia hominum cognoscere aliquando possumus per ea quæ faciunt, difficile tamen est sine comparatione cum consiliis propriis, & sine distinctione circumstantiarum quæ effectus singulos mutare solent: tanquam si quis literas ignoto charactere legere tentaret sine scriptoris alphabeto. errabit ergo, aut simplicitate, aut suspitione nimia, prout is qui legit vir probus est vel improbus.

Verum in cognoscendis hominibus singularibus, ut peritissimus sit quis, solos cognoscet eos quibuscum vivit familiariter, qui pauci sunt. At is qui gentem aliquam universam recturus est, ex seipso cognoscere debet non hunc & illum hominem, sed Humanum genus. Quod etsi factum difficile sit, difficilius quam addiscere novam Linguam, aut scientiam quamlibet acquirere, si tamen ea quæ ego de hac re explorata habeo, recto ordine, & perspicue explicavero, minuetur difficultas aliis, quibus solus incumbet labor examinandi, an ea quæ dico, ipsorum cogitationibus congruant. Nam harum rerum alia non est Demonstratio.

CAPUT I.

De Sensu.

Cogitationes hominum primo figillatim, deinde alias ab aliis dependentes, ut in serie, considerabo. Ipsarum unaquæque, alicuius qualitatis vel accidentis in Corpore externo, quod appellari solet *Objectum*, est Apparitio sive *Representatio*. Quod *Objectum* agendo in corporis humani Organa, nempe Oculos, Aures, &c. pro diversitate Actionis diversas producit Apparitiones.

Origo omnium nominatur *Sensus*. Nulla enim est Animi conceptio quæ non fuerat ante genita in aliquo Sensuum, vel tota simul, vel per partes. Ab his autem primis conceptibus omnes postea derivantur.

Cognitio causæ Sentiendi naturalis præsentis instituto non est absolute necessaria; etiam alio loco de illa satis ampliter tractavimus. Verumtamen, ut præsentis Methodi partes impleantur, de eadem reiterum, sed breviter, disseremus.

Causa *Sensionis* est Externum Corpus sive *Objectum* quod premit uniuscuiusque Organum proprium, vel immediatè, ut in sensu *Tactus* & *Gustus*, vel mediatè, ut in *Visu*, *Auditu*, *Olfactu*, & premendo (mediantibus Nervis & Membranis) continuum efficit totum introrsum ad Cerebrum; & inde ad Cor; unde nascitur Cordis resistentiæ, & contrapressio seu *dynumia*, sive conatus Cordis liberantis se a pressione per motum tendentem extrorsum; qui motus propterea apparet tanquam aliquid externum. Atque Apparitio hæc sive Phantasma est id quod vocamus *Sensionem*. Et quantum ad Oculum, *Lumen* dicitur vel *Color*; Quod atinet ad Aures, *Sonus*; ad Nares, *Odor*, ad Palatum, *Sapor*; & ad reliquum Corpus, *Calor*, *Frigus*, *Durities*, *Mollities*, &c. cætera pertinentia ad Sensum *Tactus*. Quæ qualitates omnes nominari solent *Sensibiles*, & sunt in ipso *Objecto* nihil aliud, præter materiæ motum, quo *Objectum* in Organa Sensuum diversimodè operatur. Neque in nobis aliud sunt quam diversi motus. Motus enim nihil generat præter Motum, & Apparitiones illæ, tum vigilantibus, tum dormientibus mera sunt Phantasmata. Præterea, ut pressio *Tactus* frictus; pressio *Oculi* phantasma lucidi, & pressio *Auris* sonum excitat: ita etiam *Objecta* quæ videmus vel audimus Phantasma generant per pressionem, sed inobservabilem. Nam si colores illi & soni in ipso *Objecto* essent, separari ab illis non possent. Separantur autem, ut manifestum in reflexionibus visibilium

per specula, & audibilia per loca montana. Scimus autem corpus quod videmus in uno tantum loco esse, sed apparentias in plurimis. Quanquam autem aliquando in distantis parvis ipsum Objectum verum investitum videatur Imagine sua, semper tamen aliud est Objectum, aliud Objecti Imago. Sensio ergo & Phantasma originale omnino idem sunt, facta (ut dixi) pressione Oculi vel alius Organī ab objecto externo.

Philosophi autem Scholastici locis quibusdam freti Aristotelis, aliud docent, nempe, *Species* (id est Apparitiones) *Visibiles* emissas ab Objecto in Oculum efficere Visionem; item *Species* (id est Apparitiones) *Audibiles* emissas ab Objecto in Aurem causam esse Auditionis; causam denique Intelligendi esse quasdam *Species* (id est Apparitiones) *Intelligibiles* emissas à re Intellecta. Non hoc dico ut Scholarum Philosophicarum usum improbans, sed quia de earum in Civitate usu inferius locuturus sum, ostensurus etiam quæ in illis emendari debent (quorum unum est sermo insignificans), id non putavi obiter hic mihi negligendum esse.

C A P V T I I.

De Imaginatione.

ID quod omnino quiescit, nisi ab alio moveatur, perpetuo quietum, nemini puto dubium esse. Cæterum, corpus si moveatur, nisi motus ejus ab alio extinguatur, semper promotum iri, quam ratio utrobique eadem sit (nempe nihil posse movere seipsum) non tam facile concedi solet. Mensurant enim homines corpora omnia alia per sua, videntesque seipsos per motum dolori & lassitudini obnoxios esse, idem judicant de aliis motis omnibus, quasi defessa cuperent tandem sua sponte requiescere; neque considerant an non sit motus aliquis in quo consistit quietis desiderium. Atque hinc oritur doctrina illa Scholarum, *Descendere corpora gravia propter appetitum quiescendi & conservandi naturam suam in iis locis qui sibi maxime conveniunt*, appetitum & Scientiam boni & mali sui (qua homines plerumque carent) rebus inanimatis imperitè ascribentes.

Simul ac corpus moveatur, movebitur (nisi aliud corpus obstat) in æternum. Neque id quod obstat motum hunc in instanti, sed in tempore & gradatim exstringit. Sicut in mari videmus fieri ut cessante vento, non statim cessant fluctus: ita quoque in motu illo continet qui est in partibus internis hominis tunc cum videt, somniat, &c.

Post-

Postquam enim Objectum remotum est, vel Oculi clausus, imaginem tamen rei visæ retinemus, quanquam aliquanto obscuriorem. Atque hæc est imago à qua facultatem appellamus *Imaginationem*. Phantasiam Græci & melius vocant, à quocunque Sensu oriatur; Imago autem propria est rerum visibilium. Imaginatio ergo nihil aliud est quam Sensio deficiens sive Phantasma dilutum & evanidum, & est hominibus cum animalibus cæteris ferè omnibus communis, sive vigilant sive dormiunt.

Quod amoto Objecto Phantasma fit dilutius, causa non est debilitas aliqua motus facti in actu Sentiendi, sed præoccupatio Organorum ab Objectis aliis; quemadmodum prædominans fulgor Solis Stellarum lumen obscurum facit; quæ tamen Stellæ virtutem illam, qua videri se faciunt, non minus de die exercent, quam noctu. Verum quia inter multos & varios ictus quos Oculi, Aures, & cætera Sensuum Organa ab externis Agentibus de die patiuntur, solus ictus prædominans est sensibilis, lux Solis prædominans causa est, quod à Stellarum actionibus minus afficiamur. Amoto autem Objecto, etsi remaneat quæ facta fuerat impressio, succedentibus tamen Objectis, & operantibus, præteriti Imaginatio diluitur & obscuratur, sicut vox hominis à strepitu diei. Itaque quanto à Visione, vel Sensione alicujus Objecti, longius est tempus, tanto dilutior est *Imaginatio* sive *Phantasma*. Etiam continua Organorum corporis mutatio progrediente tempore partes aliquot quæ in Sensione motæ erant, destruit; atque inde contingit eundem in nobis Effectum producere distantiam temporis, & distantiam loci. Sicut enim in magna loci distantia obscuriora apparent, quæ aspiciamus, & sine minutiorum partium distinctione; & Voces debiliores apparent, & inarticulatæ; ita quoque post magnam temporis distantiam Imaginatio Præteriti debilior fit, perdimusque (exempli causa) earum quas vidimus Urbium multas plateas, & actionum multas circumstantias. *Sensationis dilutionem* hanc, rem ipsam indicaturi, nempe ipsam Phantasma, nominamus ut ante dictum est, *Imaginationem*; quando autem significare volumus *dilutionem*, appellamus *Memoriam*: adeo ut eadem sit res *Imaginatio* & *Memoria*, sed propter diversas considerationes, diversis nominibus significata.

Memoria

Memoria multarum rerum, *Experientia* dicitur. Porro, cum Imaginatio earum rerum tantum sit, quas antè vel simul, vel per partes sensu perceperimus, Imaginatio illa, quæ est simul totius Objecti, *Imaginatio simplex* est, ut quando quis imaginatur hominem, vel equum, quem antè viderat. Imaginatio autem, quæ oritur ex sen-

sione

sione plurium partium, ut quando à visione hominis uno tempore, & à visione equi alio tempore, concipimus animo Centaurum, *Composita* dicitur. Itaque quoties quis componit Phantasma suæ ipsius personæ cum Phantasmate actionum alterius hominis, ut facit is, qui seipsum imaginatur esse *Herculem* aut *Alexandrum* (id quod illis aliquando accidit, qui multum versantur in lectione actionum Heroicarum) *Imaginatio illa composita est*; & nihil aliud est præter Figmentum animi. Multæ etiam aliæ Imaginationes in hominibus, etiam vigilantibus, oriuntur à magna impressione facta sentiendi; nam ab intento aspectu in solem relinquitur ante oculos longo post tempore Imaguncula solis, quasi macula; & à longa & vehemente attentione ad Figuras Geometricas apparebunt etiam in tenebris & vigilantibus ante oculos Lineæ Angulique. Quod genus Phantasie an nomen proprium *habeat* necne, nescio; cum sit res de qua homines non sæpe differunt.

Somnia.

Imaginationes dormientium sunt *Somnia*. Atque hæc quoque, sicut Imaginationes cæteræ, ante existerunt vel integræ, vel per partes in sensu. Et quoniam in somno Cerebrum & Nervi, quæ sunt sensationis Organa necessaria, ita stupefiunt, ut ab actione externorum Objectorum moveri facile non possint; dormientibus contingere Imaginatio nulla potest, adeoque somnium nullum, nisi quod procedat ab agitatione partium internarum corporis sentientis; quæ partes internæ (propter connexionem cum Cerebro aliisque Organis) intemperie sua aliquando commovent Organa, faciuntque ut Phantasmata ante facta, appareant tanquam vigilantia. Sed quoniam Organa sensuum oclusa nunc in somno supponuntur, ita ut objectum aliud novum non sit, quod ea offuscare posset, necesse est, ut *Somnia*, clarius sit in hoc sensuum silentio, quam sunt Imaginationes vigilantium. Atque hinc est, quod difficile sit & multis videatur impossibile, inter sensum & somnium distinguere accuratè. Ego, quoties considero, quod in somniis, neque sæpe neque constanter, eadem Objecta, loca, personas, actionesque, imaginor, quæ vigilans; neque tam longam seriem cogitationum, coherentium reminiscor somnians, quam aliàs; & quoniam vigilans absurditatem somniorum meorum sæpe video, somnians autem cogitationum mearum vigilantis absurditates non video, satis persuasus sum vigilantem me scire, quod non *somnium*, quanquam somnians videor mihi vigilare.

Quoniam autem somnia pro causa habent aliquarum partium Corporis internarum intemperiem, necesse est ut variæ intemperies va-

ria efficiant somnia. Atque hinc est, quod sæpe accidit, ut illi, qui eubantes algent, sæpissime in somnis timeant, videanturque sibi imagines videre terrificas (motus enim à Cerebro ad partes alias corporis internas & ab illis ad Cerebrum est reciprocus.) Hinc etiam accidit, quodd, sicut Ira calorem efficit in partibus aliquibus corporis, dum vigilamus; ita etiam dum dormimus, nimius earundem partium calor efficit Iram, exciteque in Cerebro Phantasma alicujus hostis. Eodem modo, ut amor in vigilantibus amorem efficit, & calorem in partibus corporis aliquibus internis; ita etiam earundem partium calor in dormientibus imaginem efficit amoris. Somnia denique & vigilantium Phantasmata altera alterius sunt inversa; nimirum motu incipiente dum vigilamus ab uno termino, & ab altero dum Somniamus.

Inter Somnium & cogitationes vigilantium distinguere difficillimum tunc est, quando calu aliquo factum est ut minimè animadvertamus, nos dormiisse; id quod facile contingit illi, qui facinoris alicujus facti vel faciendi conscius, & sollicitus dormit sine circumstantiis exuendi vestes, & eundi cubitum; ut qui in cathedra dormit sedens vel reclinatus. Qui enim ad dormiendum se componit, si forte Phantasma aliquod insolitum aut mirandum videri contingat, non aliud illi videri potest quam Somnium. *Marcum Brutum* legimus (qui cum amicus fuisset *Julii Cæsaris*, & ab eo vitam condonatum acceperat, illum tamen ingratis occiderat) nocte illa quæ præcessit diem, in quo pugnatum est contra *Augustum Cæsarem* apud *Philippos*, Phantasma habuisse horribile, quod ab historicis vulgo narratur ut Visio vera; sed ab eo qui consideraverit singulas ejus circumstantias non Visionem sed Somnium fuisse breve judicabit. Sedit enim in Tentorio, & (propter horrorem facti sui temerarii) tristi & cogitabundo, nec bene sopito, sed dormitanti tantum, propter aërem non satis calidum, Somniare facillimum erat de ea re, quam maximè terrebatur, & propter eundem terrorem, paulatim rursus evigilare, & simul existimare spectrum illud, quod apparuerat, paulatim evanescere, & quia dormiisse se nesciebat, nescire etiam fuisse Somnium, aut aliud quicquam præter rem visam. Neque sunt hujusmodi accidentia valde rara; nam etiam qui perfecte vigilant, si meticulosi, superstitiosi, fabulis rerum terribilium occupati sint, & in tenebris soli, ejusdem generis imaginationibus obnoxii sunt, creduntque se umbras & mortuorum Spiritus ambulantes videre in Cœmiteriis; cum tamen revera nihil videant præter mera Phantasmata: vel decepti sunt ab hominibus improbis, qui timore eorum superstitioso

zioſo abutuntur ; eo ſine ut poſſint ipſi amiſſi veſtibus defunctorum nocturno per Cormiteria aliaque loca conſecrata ; ad loca tranſire quæ nimium à ſe frequentari videretur inhoneſtum.

Ab ignoratione hac diſtinctionis Somniorum ; aliorumque Phantaſmatum vividorum , à Viſione & Senſione , maxima ex parte orta eſt antiquorum Gentilium Religio , Satyras , Faunos , Nymphas , & ſimilia colentium Spectra ; hodieque Opinio , quam habent populi rudes de Lamiis & Lemuribus , & de potentia fortilegorum . Nam etſi fortilegium Potentiam aliquam realem eſſe non putem , puto tamen fortilegos puniri jure poſſe , cum mala facinora & facere ſe poſſe credant , & conentur quantum poſſunt . Sed ipſum fortilegium ego non tam potentiam veram eſſe credo , aut Artem , aut Scientiam , quam Religionem ipſis peculiarem . Quod autem ad Lemures & Spiritus ambulantes attinet , Opinio quæ de illis hætenus valuit , de induſtria (puto) tradita fuit vel non conſutata ad uſum Exorcifmorum , & lignationum ſigno Crucis , & Aquæ Benedictæ , aliarumque ſimilium inventionum hominum Spirituum ſuſtinendum . Dubium tamen non eſt , quin Phantaſmata ſupernaturalia fieri poſſint à Deo ; quod tamen id ita ſæpe facit , ut timenda ſint magis , quam ceſſatio mutatione Naturæ , quam Deus etiam ſiſtere vel mutare poteſt , Fidei Chriſtianæ Articulus non eſt ; ſed homines improbi ex eo , quod Deus poteſt omnia , etiam omnia dicere audent quæ ſibi utilia fore ducunt , etſi falſa eſſe putent . Sapientis autem eſt non ulterius illis credere , quam recta ratio , ea , quæ dicunt , facit videri credibilia . Si metus hic Spectrorum ſublatus eſſet , ſimulq ; Prognostica à Somniis , aliaque multa quæ inde dependent , & quibus homines ambitioſi aſturique populo ſimplici abutuntur , Cives in omni Civitate ad Obedientiam multo magis eruditi forent , quàm nunc ſunt .

Eſt autem hoc Scholarum opus ; quæ tamen hujusmodi doctrinas ſæpius promovent , quam conſutant . Neſcientes enim Imaginationis & Senſionis naturam , docent quæ didicerunt , alii Imaginationes oriri à ſeipſis , id eſt ſine cauſa , alii oriri plerumque à voluntate ; cogitationeſque bonas inſpirari in hominem à Deo , & malas à Diabolo ; vel cogitationes bonas inſundi in hominem à Deo , malas à Diabolo . Dicunt alii , Senſus cum recipiunt rerum ſpecies , eas communi Senſui tradere , communem Senſum Phantaſiæ , Phantaſiam Memoriz , Memoriam Judiciſ , multis verbis nihil intelligi facientes .

Imaginatio , quæ in homine , aliove animali , à ſermone , vel aliis ſignis voluntariis naſcitur , appellatur *Intellectus* ; communisq ; eſt homini-

hominibus cum bestiis. Canis enim, consuetudine doctus, vocari se vel abigi à Domino intelligit; quod facient etiam alia multa animalia. *Intellectus* qui homini peculiaris est, est *Intellectus* non solum voluntatis, sed etiam conceptuum & cogitationum aliorum hominum, per sequelas & contextum Appellationum rerum, in Affirmationes, Negationes, aliasque formulas loquendi *conceptio*. Atque de hoc genere *Intellectus* dicemus infra.

C A P V T III.

De consequentia sive Serie Imaginationum.

PER Seriem Imaginationum intelligo Successionem unius Cogitationis ad aliam; quam (ut distinguatur à Discursu verborum) appello *Discursum mentalem*.

Quando aliquis de re quacunque cogitat, proxima ejus Cogitatio non tam fortuita est, quam videtur esse; neque omni Cogitationi omnis Cogitatio pariter succedit. Sed, ut nullam habemus Imaginationem quæ non antè fuit in Sensione vel tota vel per partes: ita nulla est transitio ab una cogitatione ad aliam cujus similis non extiterat antè in Sensione. Cujus rei causa hæc est. Phantasmata omnia Motus sunt interni, nempe motuum in Sensione factorum reliquiarum. Motus autem qui alii aliis succedunt in Sensione immediatè, remanent etiam simul, etiam post Sensionem. Aded ut, quoties redit Cogitatio prior, prædominaturque, sequatur posterior, propter cohesionem materiæ motæ, quemadmodum aqua super tabulam planam & levem trahitur per viam, quæ ducit digitus. Sed quoniam eidem rei conceptæ sequitur modo una, modo alia res, post multa cogitata fit, ut incertum sit, quæ Cogitatio, cui Cogitationi successura sit. Hoc tantum certum est, successuram esse aliquam earum, quæ antè successerant aliquando.

Series Cogitationum, sive Discursus mentalis duplex est, altera *irregularis*, sine ullo Fine proposito, adeoque inconstans, ut in qua nulla est Passio quæ gubernet & dirigat Cogitationes cæteras ad finem desideratum. Tunc autem vagari videntur, & videri aliæ ad alias non pertinere, ut in Somnio. Tales plerumque sunt eorum Cogitationes, qui sunt non solum sine comitatu, sed etiam sine omnium rerum sollicitudine, quanquam etiam tunc non cessant Cogitationes, sed sine harmonia sunt, quales sunt pulsus lyre homini imperito. Veruntamen in hac vagatione animi animadvertere aliquando

possumus methodum quandam, & quo modo una Cogitatio ab altera oriatur. Etenim in colloquio quodam circa bellum nostrum civile, quid impertinentius videri poterat quam interrogare (ut interrogatum erat) Denarii Romani quantus valor esset. Cohæsiio tamen illa satis mihi manifesta videbatur. Nam à Cogitatione Belli introducta est Cogitatio de Rege à subditis suis tradito hostibus; Cogitatio illa Cogitationem genuit de proditione Jesu Christi ad Judæos; illa rursus peperit cogitationem de 30 denariis proditionis illius pretio; inde denique facile sequuta est prædicta interrogatio. Atque hæc omnia propter celeritatem cogitationis in momento ferè temporis.

Series Cogitationum regularis.

Secunda constantior est, ut quæ ab aliquo fine desiderato *regulata* est. Nam impressio facta ab iis rebus, quas cupimus vel metuemus, vivida est & permanens, vel (si paulum forte cesset) cito redit; adeoque est aliquando fortis, ut Somnum non modo impediat, sed etiam abrumpat. A Desiderio oritur Cogitatio medii ad rem desideratam obtinendam, quale medium videramus ante similem effectum produxisse. Eodem modo Cogitatio medii ad Finem producit Cogitationem medii ad illud medium, & sic deinceps, donec veniatur ad principium aliquod in potestate nostra. Quoniam autem Finis (propter magnitudinem impressionis) sæpe & facile recurrit animo, si cæperint forte Cogitationes evagari, facile rursus in viam reducuntur. Cujus rei observatio fecit, ut septem sapientum celebrium unus præceptum daret, quod hodie tritum est, *Respice Finem*; per quod, in omnibus actionibus sæpius respectandum esse monet ad Finem, ut ad id quod Cogitationes omnes in via ad Finem obtinendum dirigit.

Series Cogitationum *regulata* etiam duplex est. Altera quando aliquis effectus concepti Causas & Media quærimus quibus produciatur. Atque hæc hominibus cum cæteris animalibus communis est. Altera est quando imaginati rem quamcunque, effectus omnes quærimus possibiles qui inde produci possunt; id est usum ejus quærimus quis esse possit. Hujus generis Cogitationis signum, præterquam in homine nunquam vidi; curiositas enim hæc in naturam incidere vix potest Animalis cui nullæ insunt passionēs præter sensuales, quales sunt Fames, Sitis, Amor, & Ira. Discursus denique animi quando à designato Fine aliquo regitur, nihil aliud est præter *Investigationem*, sive facultatem *Inveniendi* quæ *sagacitas* quoque & *solertia* appellatur, & est quasi venatio quædam per sua vestigia alicujus Causæ vel Effectus præsentis aut præteriti. Investigat aliquis id quod perdidit? Ab

eo loco & tempore ubi id se perdidisse animadvertit, recurrit animo à loco ad locum, & à tempore ad tempus, ut reperiat ubi & quando rem perditam habuerat, id est ut tempus aliquod & locum certum & definitum reperiat, ubi Investigationis statuere initium possit. Inde rursus Cogitatione per eadem loca & tempora revertitur, ut actionem aliquam vel occasionem aliam inveniat, quæ causa esse poterat ut rem quæsitam perdidit. Atque hæc est facultas illa animi quæ vocatur *Reminiscencia*.

Reminiscencia.

Accidit aliquando ut quis locum definitum habeat intra quem Investigatio instituenda est. Tunc autem Cogitationes ejus partes omnes illius loci determinati percurrunt, eo modo, ut si quis cubiculum everreret, ut perditam inveniret gemmam; vel quemadmodum canis venaticus campum pervagatur, donec feræ alicujus odorem sentiat, vel ut qui percurrit animo Alphabetum, ut syllabam finalem inveniat homophonam.

Scire quis cupit actionis alicujus futurum eventum? Cogitat ille præteritæ actionis similes eventus, ordine, quo illos antè viderat; quia similes actiones, similes eventus plerumque consequuntur. Ut qui scire vult, quid Reo criminis capitalis eventurum est, reminiscitur ea quæ consecuta sunt ante in pari crimine, tali ordine cogitationum, Crimen, Minister, Carcer, Iudex, Patibulum. Genus hoc cogitationum, *Prævisio* dicitur, & *Prudentia* & *Providentia*, & quandoque *Sapientia*; quanquam *Conjectura* tantum sit, & propter difficultatem circumstantias omnes observandi, satis fallax. Hoc tamen dubium non est, quin, quanto alius alio majorem habet rerum præteritarum experientiam tanto magis sit Prudens, & ab expectatione sua rarius decipiatur. *Præsentia* tantùm existunt in rerum natura; *Præterita* in Memoria sola: sed Futura omnino non existunt, ut quæ nihil aliud sunt, præter *Figmenta* animi, consequentias actionis Præteritæ ad actionem *Præsentem* applicantis; id quod sit maxima certitudine ab eo, cujus maxima est Experientia, quanquam certitudine non plena. Et si autem quoties Expectationi respondet Eventus vocetur *Prudentia*, revera tamen Præsumptio tantum est. Prævisio enim rerum futurarum, quæ est Providentia, ad illum solum pertinet, cujus consilio futuræ sunt. Et ab illo solo, & supernaturaliter, proficiscitur. Alioqui optimus conjector, optimus est Propheta; optimus autem conjector is est, qui maximè versatus est in illis rebus, de quibus conjecturam facit; is enim plura habet conjiciendi *Signa*.

Prudentia.

Signum est Antecedenti Eventui Eventus consequens; & contra, con-

Signa.

sequenti

sequenti Antecedens, quando similes consequentiæ observatæ antè fuerint : & quanto sæpius observatum est, tanto *Signum* minus est incertum. Itaque is qui in quolibet genere negotii maximam habet Experimentiam, plurima habet *Signa* quibus possit de futuro tempore conjecturam facere, & per consequens est Prudentissimus ; & tanto Prudentior est, quam qui ad Negotium idem novus accedit, ut nulla naturalis & extemporarii ingenii ope hic illi æquari possit, quanquam forte multi sint juvenes qui hoc concessuri non sint.

Quod autem inter hominem & brutum differentiam facit essentialem, *Prudentia* non est. Sunt enim animalia alia quæ earum rerum, quæ ad finem suum conducunt plura observant & prudentius persequuntur, unicum annum nata, quam puer decennis.

Conjectura
temporis
præteriti.

Sicut *Prudentia* est præsumptio Futuri contracta à Præteriti temporis *Experientia* : ita etiam alia est præsumptio quædam rerum Præteritarum sumpta à rebus aliis (non Futuris) sed Præteritis. Nam qui vidit quibus moribus & gradibus, Civitas aliqua inciderit in bellum civile, & quomodo inde profligata fuerit ; si viderit alterius cujusque Civitatis ruinas, conjecturam faciet, similes mores & bellum simile illic quoque præcessisse. Sed conjectura hæc eandem habet incertitudinem, quam conjectura temporis Futuri.

Humani animi tractus alius nullus est, quod sciam, naturaliter insitus, talis ut ad exercitium ejus nulla alia re indigeat, præterquam nasci hominem & usum habere quinque ejus Sensuum. Facultates illæ, de quibus paulò post sermo erit, quæque hominis videntur propriæ, Acquisitæ sunt, & studio industriaque auctæ, habentes initium in instructione & disciplina, procedentesque ab inventione Vocabulorum & sermonis. Nam præter Sensum & Imaginationem, & Cogitationum Seriem, humano animo nullus alius inest motus ; quanquam Sermonis & Ordinis beneficio, eadem facultates promoveri in tantum possunt, ut per eas homo à cæteris animalibus omnibus distingui possit.

Quicquid imaginamur *Finisum* est. Nulla ergo est idea neque conceptus qui oriri potest à voce hac, *Infinisum*. Animus humanus Imaginem infinitæ magnitudinis capere non potest ; neque concipere infinitam velocitatem, infinitam vim, infinitum tempus, aut infinitam potentiam. Quando dicimus rem aliquam esse *Infinisimam*, hoc tantum significamus, non posse nos illius rei terminos & limites concipere ; neque aliud concipere præter nostram impotentiam propriam. Itaque nomen Dei non usurpatur, ut illum concipiamus (est enim Incomprehensibilis, & magnitudo potentiaque ejus inconceptibilis).

lis) sed ut honoremus. Et quoniam quicquid (ut dixi supra) concipimus, perceptum est antè in Sensatione, nulla inesse homini potest imaginatio rei, quæ non sit percipienda Sensibus. Nemo itaque concipere aliquid potest, nisi ut in loco, & finita aliqua magnitudine præditum, & divisibile in partes; neque aliquid esse totum in uno loco, & totum in altero, tempore eodem; neque duas vel plures res eodem tempore esse posse in eodem loco. Nihil enim horum fuit aut esse potuit in Sensatione; sed sunt orationes insignificantes, admissæ propter auctoritatem quorundam Philosophorum errantium, vel Scholasticorum fallentium.

C A P V T I V.

De Sermonē.

INventio Artis Typographicæ quāquam ingeniosa, collata tamen cum inventione *Literarum* non magna res est. Literas autem quis invenit ignoratur. Qui primus illas intulit in *Græciam*, *Cadmus* esse ferunt, filium *Agenoris* Regis Phœniçiæ. Excogitatum, ad perpetuationem memoriæ temporis præteriti, & ad conjunctionem generis humani in tot & tam distantibus orbis terrarum regionibus, utilissimum, idemque simul difficillimum, utpote profectum ab observatione diligentissima motuum Linguae, Palati, Labrorum, aliorumque loquendi organorum, ita ut totidem essent characterum differentia, quibus distinguerentur. Nobilissima autem & omnium utilissima fuit inventio *Sermonis*, ex *Nominibus* sive *Appellationibus* & eorum Connexione consistentis, quibus cogitata hominum conscribi, revocari in memoriam, & ab uno ad alium patefieri possunt, ad eorum conversationem & utilitatem mutuam. Nam absque eo si fuisset, inter homines, neque Respublica, neque Societas, neque Pactum, neque Pax magis quam inter Leones, Ursos, & Lupos vigerent. *Sermonis* author primus fuit Adam, qui creaturas, quas ad conspectum ejus adduxit Deus, *Nominavit*. Haecenus de ea re Scriptura Sacra; sed sufficebat hoc pro illo tempore. Nam eodem modo rebus aliis alia nomina imponere, prout experientia & creaturarum usus postularet, potuit, eaque paulatim ita connectere, ut intelligeretur; atque hoc modo succedente tempore tanta *Sermonis* copia acquiri potuit, quanta indigeret; quāquam non tanta, quanta Oratori vel Philosopho opus esset. Non enim invenio in Scripturis Sacris, ex quo directè, vel per consequentiam colligi possit, imposuisse

Sermonis
origo.

Adamum varietati omni Figurarum, Numerorum, Mensurarum, Colorum, Sonorum, Cogitationum, Relationum nomina, multo minus imposuisse illum nomina Nominibus & Orationibus, qualia sunt *Generale, Speciale, Affirmativum, Negativum, Interrogativum, Optativum, Infinitivum*, quæ omnia sunt utilia; minime autem omnium *Entitatem, Intentionalitatem, Quidditatem*, aliaque posuit verba Scholastica insignificantia.

Verumtamen copia hæc omnis sive acquisita, sive aucta ab Adamo & posteris ejus, interiit penitus ad Turrem Babel, quo tempore Deus omnem hominem Sermonis sui, propter rebellionem, oblivione percussit. Itaque dispergere se coactis in diversas mundi partes, necessarium fuit; ut Linguarum varietas, quæ nunc est, gradatim ab illis processerit, prout necessitas (Inventionum omnium mater) illos docuit; itaque tractu temporis Lingua unaquæque in majorem copiam verborum aucta est.

Sermonis
usus.

Sermonis usus generalissimus, est conversio Discursus Mentalis in Verbaalem, sive Seriem Cogitationum nostrarum in Seriem Verborum, idque ad duos fines, quorum alter est conscriptio cogitationum; quæ cum è memoria elabi possint, per verba illa quibus conscribuntur, revocari apta sint. Primus ergo usus nominum est, ut sint pro *Notis* ad memoriam. Alter est (postquam multi eundem calluerint Sermonem) ut (ordine & connexionem suam) possint alter alteri quid concipiunt & de unaquaque re cogitant; quidque etiam cupiunt, metuant, &c. significare. Propter hunc usum vocantur *Signa*. Usus Sermonis Speciales sunt hi: primò quas cogitando rerum præteritarum vel præsentium causas esse reperimus, vel quæ à rebus præsentibus vel præteritis produci possunt, conscribere; namque hinc oriuntur Artes. Secundò, ut ostendamus aliis scientiam à nobis acquisitam, consulendo & docendo. Tertiò ut patefaciamus alii aliis consilia & voluntates nostras, quo mutuo possimus alius alii auxiliari. Quartò, Sermone aliquando uti possumus ad delectationem vel ornamentum innocenter.

Sermonis
abusus.

His Vsiibus respondent totidem Abusūs. Primus est quando homines cogitationes suas, propter inconstantiam significationis verborum suorum, perperam conscribant; ut quando pro cogitato ponunt id, quod non cogitant; atque ita seipsos fallunt. Secundus est, quando verbis utuntur metaphoricis, id est, alio sensu quam ad quem ordinata sunt; atque ita decipiunt alios. Tertius, quando voluntatem suam eam esse declarant verbis, quæ revera non est. Quartus, quando Sermone utuntur ad lædendum proximum. Cætera animalia

malia armavit natura alia dentibus, alia cornibus, hominem autem manibus, ut quando opus est lædant hostem. Sed lingua lædere Sermonis abusus est, nisi quando aliquem regere obligamur. Id vero *lædere* non est, seu corrigere & emendare.

Modus quo Sermo inservit memoriæ consequentiarum consistit in nominum impositione & connexione.

Nominum alia sunt *Propria*, significantia rem unam singularem; ut *Petrus, Iohannes, hic homo, hæc arbor*. Alia autem multis rebus sunt *Communia*; ut *Homo, Equus, Arbor*; nam unumquodque eorum, etsi unicum sit, multarum tamen rerum particularium nomen est. Respectu autem omnium illorum particularium, vocatur *universale*. Nihil enim in rerum natura universale est præter rerum vocabula; nam res nominatæ sunt omnes Individuæ & Singulares.

Nomina
Propria,
Communia,
Universalia

Pluribus rebus nomen *Vniversale* impositum unicum est, propter alicujus Qualitatis vel Accidentis similitudinem. Itaque ut nomen *Proprium* revocat ad animum rem unam certam, nomen *Vniversale* revocat rem ex multis unam quamcumque.

Nominum autem *Vniversalium*, alia amplioris, alia strictioris significationis sunt, ita ut nomen *Amplius*, nomen *Strictius* contineat. Alia rursus sunt amplitudinis æqualis, & comprehendunt se mutuo. Exempli causa, nomen *Corpus* comprehendit nomen *Hominem*, & præterea aliquid; nomina autem *Homo* & *Rationale* æqualia sunt, comprehenduntia se mutuo. Sed notandum hic est, quod per Nomen non semper intelligimus vocabulum unicum, ut Grammatici, sed aliquando per circumlocutionem multis vocabulis nomen unum; ut verba hæc, *Qui consulta parum, qui Leges Inique servat* unicum nomen est, & nomini *Iusto* æquivalens.

Per impositionem hanc nominum amplioris & strictioris significationis, computationem consequentiarum in cogitationibus, convertimus in computationem consequentiarum in nominibus. Exempli causa, qui omni Sermonis usu caret (qualis est qui mutus & surdus natus est) si positum ante oculos triangulum viderit, & juxta triangulum duos angulos rectos (quales sunt anguli figuræ quadratæ) potest meditatione, contemplando comparandoque invenire tres illius trianguli angulos, æquales esse duobus illis angulis rectis juxta positis. Ille autem, qui sermone præditus est, cum animadverterit æqualitatem illam consequentem esse, non longitudini laterum, neque cuiquam rei speciali in triangulo, sed ob hoc tantum, quod latera sunt recta, & anguli tres, propter quod etiam figuræ nomen inditum est trianguli, *Vniversaliter* audacterque pronuntiabit, *Trianguli angulos*

tres equales esse duobus rectis. Atque hoc modo consequentia inventa in re singulari conscribitur ad memoriam, ut regula universalis; computationemque mentalem omnis loci & temporis consideratione exonerat; atque animum omni labore liberat præter primum; facitque ut quod verum inventum est *hic & nunc*, pro vero omni alio tempore & loco agnoscatur.

Verborum autem usus in cogitationibus conscribendis nusquam ita manifestus est, ut in numeris. Stultus enim naturalis qui ordinem verborum numeralium, *unum, duo, tria*, &c. memoriter pronuntiare non potest, observare tamen potest singulos ordine ictus horologii, & annuens dicere, *unum, unum, unum*, sed quota hora sonuit scire non potest. Videtur autem fuisse aliquando tempus in quo nomina numeralia pauca extabant, cogeabanturque homines, quando numerarent, numerata digitis, primo unius manus, deinde ambarum applicare; atque inde natum esse, ut verba numeralia in omni ferè gente non excederent denarium; & in aliquibus plura non esse quam quinque, & à quinto eadem repeterent. Etiam is qui decem verba habet numeralia, nisi ordine ea recitet numerare usque ad decem non potest. Multo minus *Addere*, *Subtrahere*, & cæteras perficere Operationes Arithmeticas. Itaque absque verborum usu Numerorum computatio est impossibilis, multo magis Magnitudinum, graduum velocitatis, virium, aliarumque rerum, quarum computationes ad generis humani necessitatem vel adjumentum requiruntur.

Quando duo nomina conjunguntur, ut fiat Affirmatio, vel Consequentia, ut cum dicimus, *Homo est Animal*, vel sic *Si est Homo tum est Animal*; & nomen posterius *Animal* significet omnia quæ significat prius nomen *Homo*, Affirmatio illa sive consequentia *Vera* est, alioqui *Falsa*. Nam *Verum* & *Falsum* attributa sunt non rerum sed Orationis. Vbi autem Oratio non est, ibi neque *Verum* est neque *Falsum*, quanquam Error possit, ut quando expectamus id quod non erit, vel suspicamur quod non fuit; sed falsi accusari non potest.

Definitio
usui.

Quoniam ergo in ordinatione recta nominum quando aliquid affirmamus consistit *Veritas*, is qui Veritatem accuratam querit, meminisse debet, quid in quoque loco unumquodque Nomen valet, & nomina, quibus utitur, rectè collocare. Alioqui enim impeditum se inveniet verborum tricis, sicut avicula inviscata, quæ quanto magis liberare se certat, tanto magis inviscatur. Itaque in Geometria, quæ sola fere est Scientia accurata, incipere Magistri solent à constitutione significationum Nominum quibus usuri sunt, id est à Definitionibus, & in principio operis illas collocare.

Atque

Atque hinc apparet, quam sit illi opus qui ad Scientiam veram tendit, Authorum Antiquiorum *Definitiones* examinare, negligentiusque scriptas corrigere, vel sibi ipsi novas constituere. Prout enim in unaquaque Scientia procedit computatio, multiplicantur etiam, qui in Definitionibus sunt Errores; unde paulatim ducuntur lectores in conclusiones absurdas; quas etsi tandem videant, extricare tamen se non possunt, nisi de novo ab initio computare incipiant, in quo initio eorum errores fundati erant. Illi ergo qui Authoribus aliis nimium credunt, idem faciunt, quod qui multas summas minores in maiorem colligunt, summulis illis non antè rectè examinatis; & perspecto tandem errore, nec suspectis Magistrorum Principiis, expedire se non possunt; sed tempus consumunt librorum folia motitantes, quemadmodum faciunt aviculæ, quæ postquam in cubiculum aliquod intraverint per caminum, inclusasque se viderint, ad fenestræ vitreæ lumen falsum, motitando alas, obliti qua via ingressæ sint, laborant frustra. Primus ergo Sermonis usus, quæ acquisitio est Scientiarum, consistit in recta nominum Definitione, primusque abusus in Definitione falsa vel nulla; atque inde procedunt falsæ & absurdæ Philosophorum Opiniones, quæ illos qui instructionem non à propria meditatione, sed ab Autoritate librorum accipiunt, tanto ignorantes hominum conditione inferiores reddunt, quanto homines vera Scientia præditi, eadem conditione superiores sunt. Nam inter veram Scientiam, & doctrinam erroneam, ignorantia in medio est. Sensus & Imaginatio naturales absurditatibus obnoxie non sunt. Natura ipsa errare non potest. Quanto autem quis Sermonis copia abundat magis, tanto aut sapientior vel stultior est quam vulgus. Neque sine literis fieri solent homines insigniter sapientes, neque (nisi cui forte morbo vel prava constitutione Organorum animus læsus sit) insigniter stulti. Vocabula enim sapientium quidem calculi sunt quibus computant; stultorum autem Nummi, æstimati impressione alicujus nomine celebri ut *Aristotelis*, vel *Ciceronis*, vel *Aquinatis*, aliussve Doctoris cujuscunque humani.

Res Nominata est, quæcunque cogitari vel in rationeinatione considerari potest, sive alteri addi ad conficiendam summam, vel alteri subtrahi. Latini *Rationes* vocant libellos pecuniæ computatæ, & Computationem ipsam *rationeinationem*, & id quod nos in rationibus appellamus *Item*, illi *Nomen* vocant. Atque inde vox *Ratio* extensa est ad facultatem Computandi in rebus cæteris. Græcis vocabulum unum λόγος significat & Sermonem & Rationem; non eò, quod putarent, nullum esse Sermonem sine Ratione, sed nullam Rationem sine

Res nominata
12.

ne Sermone. Actum autem Ratiocinandi dixerunt Syllogismum, quæ vox significat consequentiæ Dicti unius ad alterum conjunctionem. Sed quia eadem res in Rationes inferuntur propter diversa accidentia, earum Nomina (ad diversitatem illam significandam) diversimodè variari & torqueri solent. Diversitas autem Nominum ad quatuor capita generalia reduci potest.

Primò, res aliqua in Rationes ingredi potest ut Materia, sive Corpus, sub nomine *viventis*, *sensibilis*, *rationalis*, *calidi*, *frigidi*, *moti*, *quiescentis*, quæ Nomina significant Materiam, sive Corpus.

Secundò, res aliqua intrare in Rationes potest propter accidens vel qualitatem, quam illi rei inesse cogitamus; ut quia *moveatur*, vel *quantitatem habet*, vel quia *calet*, &c. tum vero nomen ipsius rei mutamus aliquantulum, & loco *viventis* ponimus *vitam*; loco *moti corporis* ponimus *motum*; loco *calidi*, *calorem*; loco *longi*, *longitudinem*, & similiter in cæteris. Quo facto nomina illa non sunt nomina Materiæ sive Corporis, sed Accidentium & Proprietatum quibus Corpus à corpore distinguitur. Appellantur autem huiusmodi nomina *Abstracta*, non quod abstrahantur à Materia, sed à Materiæ Computatione.

Tertiò, in Rationes inferimus proprietates illas quibus ipsis res distinguimus: sicut quando *videmus* aliquid, non Computamus semper rem *visam*, sed *visionem*, *colorem* sive *Ideam*, reique visæ *Phantasma*: similiter quando *audimus*, pro re ipsa quæ sonum facit, *sonum* sive *auditionem* tantum consideramus. Et sic de cæteris Phantasmatibus.

Quartò, in Rationes inferimus quandoque nomina ipsorum nominum & Sermorum, dicentes, *generale*, *universale*, *speciale*, *univocum*, *equivocum*, quæ sunt Nomina Nominum. Item *affirmationem*, *interrogationem*, *præceptum*, *narrationem*, *syllogismum*, *orationem*, aliaque ejusmodi multa, quæ sunt nomina *Orationum*. Atque hæc varietas omnis est nominum *Positivorum* significantium aliquid eorum quæ sunt in natura rerum, vel eorum quæ animo possunt fingi: ut, corpora quæ sunt vel esse videri possunt, vel proprietates corporum quæ sunt vel esse videri possunt, vel Verba & Sermones.

Nomina Positiva.

Nomina Negativa.

Nomina Insignificativa.

Sunt & alia Nomina, *Negativa*, quæ significant, nomen aliquod, nomen rei propositæ non esse, qualia sunt *Nihil*, *Nemo*, *Infinisum*, *Indocile*, *tria minus quatuor*, & similia quæ tamen in Rationibus usum suum habent, vel in corrigendo vel revocando: quia faciunt ut nomina non rectè imposita vel usurpata reculemus.

Cætera Nomina omnia soni sunt sine significatione: & duorum gene-

generum. Alterum, quæ nova sunt nec tamen Definitione explicata : qualia à laborantibus Philosophis & Scholasticis excogitata sunt.

Alterum est quando Nomen aliquod à duobus nominibus componitur, quorum significationes sunt inconsistentes : ut nomen hoc, *corpus incorporeum*, (vel quod idem est) *substantia incorporea* : aliaque similia. Quandocunque enim affirmatio aliqua falsa est, ex duobus nominibus quibus constat si fiat nomen unum, illud erit insignificans : exempli causa si falsum sit dicere *quadratum est rotundum*, nomen illud *quadratum rotundum* sonus merus est, nihil significans. Similiter si falsum sit dicere virtutem *fundi* vel *flari* posse, verba hæc *infusa virtus*, *inflata virtus*, nomina sunt insignificancia. Itaque in verbum absurdum & insignificans non facile inciditur quod non compositum sit ex nominibus quæ intelligi à vulgo hominum non possunt.

Quando cogitatio alicujus rei oritur à sermone audito, & ut oportuit ordinato, tunc qui audit, verba illa dicitur *Intelligere* : Intellectus enim aliud non est præter conceptum natum à Sermone. Itaque si sermo homini peculiaris sit (ut videtur esse) etiam homini soli proprius Intellectus est. Vnde sequitur Affirmationes falsas, easdemque *universales* intelligi non posse : quanquam nonnulli sunt qui putant se intelligere tunc quando verba audita tacite apud se animo recitant.

Quæ orationum genera significant Appetitum, Aversionem, cæterasque animi humani Passiones : quisque sit eorum usus & abusus tunc dicam, quando dicam de Passionibus.

Nomina rerum quæ placent, quia non omnibus similiter placent res eadem, neque eidem homini idem omni tempore, inconstantis sunt significationis.

Cum enim nomina omnia ad conceptus significandos imposita sint, necesse est cum eisdem res non similiter sentiamus, ut easdem etiam sæpenumero dissimiliter nominemus. Et si verò rei conceptæ naturæ non mutetur, diversitas tamen receptionis (ortæ à diversitate naturarum individuarum, & à præjudiciis Opinionum) facit ut unusquisque nomina illis imponat propria sua affectione aliquatenus tincta. Quamobrem in omni ratiocinatione cautela opus est, ne præter significationem ipsius rei, admittamus etiam aliquid de natura, ingenio & affectibus hominis qui loquitur. Nomina autem hujusmodi plerumque sunt Virtutum & Vitiiorum nomina. Nam quam alius *Prudentiam*, alius vocat *Metum* : quam alius *Crudelitatem*, alius vocat *Injustitiam* : quam hic *Proluviem*, ille *Magnificentiam* appellat : quæ huic *Gravitas* alteri videtur *Sinpor*, &c. Itaque ex hujusmodi nomi-

nibus Principia ratiocinandi constitui non possunt. Neque ex Metaphoribus, aliisque orationis tropis. Sed minus sunt hæc periculosa, quia inconstantiam suam prostentur.

C A P V T V.

De Ratione & Scientia.

Rati.

Qui *ratiocinatur*, vel Totum quærit Additione partium; vel Residuum, *Subtractione* partis à patre: id quod (si verbis fiat) nihil aliud est, præter Conceptionem consequentiæ Nominis partis ad Nomen totius, vel nominum totius & partis ad Nomen partis reliquæ. Quamquam autem in rebus quibusdam (ut in numeris) aliæ sint operationes, præter Additionem & Subtractionem, ut Multiplicatio & Divisio, in idem tamen recidunt; nam Multiplicatio est æqualium inter se Additio; & Divisio aliud non est, quam ejusdem rei quoties possumus, Subtractio. Neque Numeris solis operationes illæ conveniunt, sed omni rerum generi, quarum una alteri addi vel auferri potest. Sicut enim Arithmetici Addere & Subtrahere solent in Numeris; ita Geometriæ facere idem docent in *Lineis, Figuris, Angulis, Proportionibus, Temporibus, Gradibus velocitatis, Virium, Potentiæ*, & cæteris. Idem etiam Logici faciunt in *consequentiis verborum*, Addentes *duo nomina* ad faciendam *propositionem*, & *duas propositiones* ad faciendum *Syllogismum*, & plures *Syllogismos* ad faciendam *Demonstrationem*; & à summa sive conclusione *Syllogismi* subtrahunt unam *propositionem*, ad inveniendam alteram. Etiam Scriptores Politici addunt simul plura pacta, ad inveniendum hominis *Officium*; & Iuris Consulti addunt simul *Leges & Facta* ad inveniendum, quid sit in actionibus hominum privatorum Ius & Injuria. Vbicumque locus est *Additioni*, & *Subtractioni*, ibi etiam locus est *Rationi*: & ubi illi locus non est, ibi neque rationi locus est.

Rati. 2a. qna.

Ex iis quæ dicta sunt Rationem Definire, id est vocis ejus quatenus sumitur pro Facultate animi, significationem determinare possumus. Ratio enim, hoc sensu, nihil aliud est, præter *Computationem* sive *Additionem* & *Subtractionem* Nominum generalium, quæ ad notationem sive significationem cogitationum nostrarum recipiuntur. *Notationem*, inquam, quando computamus soli; *significationem*, quando aliis computationem nostram *Demonstramus*.

Sicut autem in Arithmetica imperiti sæpe Professores aliquando falsè computant; ita etiam in Rationibus aliarum rerum, peritissimi, versa-

versatissimi, attentissimique falli possunt, & falsas inferre *Conclusiones*; non quod Ratio non sit ipsa semper Recta Ratio, æquæ, ut Arithmetica certa est *Arx*, sed quod nullius *Ratio*, neque verò plurium, faciat certitudinem magis, quam Computatio aliqua recta numerorum rectè facta est ideo, quia consensu multorum est approbata. Quoties igitur in computatione sive Ratiocinatione oritur controversia, illi quibus controversia est, pro recta Ratione, Arbitri alicujus vel Iudicis Rationem constituere debent voluntariè; qua uterque obligandus sit; alioqui controversia eorum aut non omnino, aut armis dijudicanda est, defectu rectæ Rationis à natura constitutæ. Idem contingit in omni genere certaminis. Quando enim homines arrogantes sapientiores se cæteris omnibus esse credunt, clamantesque pro Iudice rectam Rationem postulant, nihil aliud querunt, quam ut res suâ ipsorum Ratione judicetur; id quod in Societate humana inollerabile æquè est, ac si quis ludens chartis pro charta dominante uti vellet ejus sortis, cujus ipse haberet maximum numerum. Quid enim aliud faciunt, qui suas quasque dominantes passiones pro recta Ratione valere certant, etiam in suis ipsorum litibus, defectum rectæ Rationis ipsa postulatione ostendentes.

Uſus Scopuſque Rationis non est unius vel paucarum consequentiarum, à primis nominum definitionibus remotarum, inventio. Ratio à primis incipit Definitionibus, inde ad plurium Definitionum consequentiam aliquam procedit, & inde ad aliam. Nam conclusionis ultimæ certitudo nulla est sine certitudine Affirmationum & Negationum à quibus composita & illata est. Sicut enim si Pater familias Villici sui Rationes inspiciens, summularum singulorum generum summas in unam totalem colligat, nec an illæ summulæ rectè confectæ ab eo sint, qui Rationem reddit, examinet, nihilo plus proficit, quam si peritiæ probitatique villici sui fidens, Rationes omnino non requireret: eodem modo in Rationibus quorumcumque rerum qui illas admittit authorum aliorum fide, nec à nominibus singulis ipse deducit, ille operam ludit, nil sciens, sed tantum credens.

Quando aliquis Ratiocinatur sine usu verborum, quod fieri potest in nominibus Individuis (ut quando rem aliquam videntes conjicimus, quid præcessisse vel sequiturum esse verisimile sit,) si id quod verisimile est neque præcessit neque sequitur, id in Ratiocinante appellatur *Error*. Errori autem obnoxii sunt homines etiam prudentissimi. Sed quando in verbis ratiocinatur Universalibus, si incidamus in conclusionem universalem eamque falsam, etsi vulgo *Error* appellatur, revera tamen est *absurditas*, id est oratio significans. Est

*Rationis
usus.*

*Error &
Absurdum.*

enim Error deceptio præsumptio tantum de Præterito vel Futuro, quæ etsi vera non erat, non tamen visâ est impossibilis. Verum quando Conclusio universalis est, nisi & vera sit, conceptibilis non est. Verba autem quibus nihil concipimus præter sonum, insignificancia dici solent & *absurda*; qualia sunt, *quadratum est rotundum*; *substantia sunt immateriales*; *subditus est liber*. quod si quem ita loquentem sentirem, non illum Errasse, sed *Absurde* locutum esse dicerem.

Hominem cæteris animalibus præstare dixi ante, eo quod cum de re quacunque cogitaverit, in ejus rei consequentias & quomodo ea re uti possit, inquirere aptus natus sit; ejusdem præstantiæ gradum alium hic addo, quod per consequentias verborum reperire potest Regulas Generales, quæ *Theoremata*, & *Aphorismi* vocari solent, id est computare potest non solum in Numeris, sed etiam in Rebus aliis omnibus, quarum una alteri Addi, vel Ausferri potest.

Sed privilegium hoc ab alio quodam temperatur. Solius enim Hominis privilegium est *absurditas*, cui alia creatura nulla est obnoxia. Hominum autem maximè obnoxii sunt illi qui vocari solent Philosophi. Id enim dictum est à Cicerone verissimè, nihil tam esse posse absurdum, quin inveniri possit in Libris Philosophorum. Cujus rei Ratio manifesta est. Eorum enim nemo est, qui Ratiocinationes suas à Definitionibus ordiatur, sive Explicationibus nominum, quibus usuri sunt. Methodus hæc Geometrarum peculiaris est.

Conclusionum Absurditas in cæteris scientiis defectui Methodi imputanda est; propterea quod Ratiocinationes suas non incipiunt à Definitionibus Nominum. Quasi numerare vellent antequam numeralium Nominum valorem intelligerent. Atque hæc causa generalis est. Quoniam autem *Corpora* in Rationes propter varias considerationes (sicut in præcedente capite dictum est) inferuntur; multæ Absurditates procedunt à defectu distinctionis inter considerationes illas; unde fit ut nomina in propositiones perperam connectantur.

1. Vt primo, cum nomina *Corporum* induunt *Accidentibus*, vel nomina Accidentium *Corporibus*; quemadmodum faciunt qui dicunt, *Fidem esse infusam*, vel *Inspiratam*; cum nihil neque *fusile* sit, neque *spirabile* præter corpus; & quemadmodum faciunt illi qui *extensionem* dicunt esse *Corpus*, & *Phantasma* esse *Spirium*, &c.

2. Secundo, quando nomina *Accidentium* quæ sunt in *corporibus extraneis*, *Accidentibus* tribuunt *corporum nostrorum*. Quod faciunt qui dicunt *colorem esse in Objecto*; *sonum esse in Aëre*, &c.

Tertio, cum *Corporum* nomina *nominibus* tribuunt vel *orationibus*; ut, qui dicunt esse *res universales*, vel *animal esse genus*.

Quarto,

Quartò, cum nomina *Accidentium* imponunt nominibus; & orationibus; ut qui dicunt *Definitionem esse rei naturam*, vel *mandatum cuiuspiam ipsius esse voluntatem*.

Quinto, quando utuntur loco verborum propriorum, metaphoris, aliisque Tropis orationis, Quamquam enim liceat (exempli causa) cum vulgo dicere, *via huc vel illuc tendis vel ducis*; *Proverbium hoc vel illud dicit*, inter ratiocinandum tamen huiusmodi orationes; ab iis qui veritati student, admitteendæ non sunt.

Sexto, quando nominibus temerè receptis, nec quicquam significantibus utuntur, quales sunt *Transsubstantiatio*, *Consubstantiatio*, *Nuncians*. similesque voces Scholasticorum. Qui scopulos vitare hos potest, haud facile incidet in absurdum, nisi forte in Ratiocinatione longa. Oblivisci enim potest alicujus propositionis quam præmiserat. Naturaliter enim homines bene & similiter ratiocinantur, si à veris & perspicuis Principiis ordiantur. Vix enim invenies hominem adeo stupidum, quin, si in Geometria erret, erroremque ipsi ostenderit alius, errorem suum illico agnoveri.

Apparet hinc Rationem non esse; sicut Sensus & Memoria, nobiscum natam; neque sola (ut prudentia) Experientia acquisitam, sed Industria; scilicet apta in primis impositione Nominum; deinde methodo recta procedendo à Nominibus ad Propositiones, & à Propositionibus ad Syllogismos, donec veniatur ad cognitionem Consequentiarum Nominum omnium quæ ad Scientiam pertinent. Sensus & Memoria, *Facti* tantum Cognitio est; *Scientia* autem Cognitio est Consequentiarum unius Facti ad alterum. Per eam autem aliquis ex eo quod nunc facere potest, docetur aliquid aliud simile facere, si velit, alio tempore. Quia quoties videmus effectuum ortum & causas & quomodo generantur, docemur (quoties in nostra potestate sunt) causas similes, similes producere effectus.

Infantes igitur actum Rationis, antequam Sermonis usum acquisierint non habent; vocantur autem animalia Rationalia propter potestatem tantum. Plerique autem homines etsi aliquousque ratiocinari possunt, ut forte in Numeris; non tamen multum inde adjumenti accipiunt ad vitam communem; in qua seipsos regunt alii melius, alii pejus, prout Experientia, Memoria vel appetitu inter se differunt; maxime autem fortuna bona vel adversa, & unus alterius erroribus gubernantur. Quod enim ad *Scientiam* attinet & actionum suarum Regulas certas, ita ab his longè absunt, ut quid sit, præter suas ipsorum cupiditates vitæ Regula non intelligant. Geometriam aliqui pro Arte Magica habuerunt. Quod autem attinet ad Scientias alias, illi

illi qui non didicerunt Principia ejus, nec tantum in illis progressum fecerunt, ut viderint quomodo generata & acquisita fuerint, ita ad eas se habent ut pueri ad Cognitionem generationis; qui fratres suos & sorores non natos, sed in horto repertos esse, credunt mulieribus.

Veruntamen qui sine omni sunt Scientia, sola Prudentia naturali, nobiliore conditione sunt, quam illi qui ratiocinando male, vel male ratiocinantibus credendo, incidunt in Regulas generales falsas & absurdas. Causarum enim & Regularum ignoratio non tantos errores generat, quantos Regulæ & Causæ falsæ.

Animi humani Lux est oratio perspicua justis definitionibus antè emunda, ambiguitatibusque purgata. Ratio est *gressus*; Methodus, ad *Scientiam* via est; Scientiæ autem finis, *Bonum humanum*; Metaphoræ autem & verba nihil significantia aut ambigua, sunt *ignes fatui*, in quibus qui versatur, inter absurditates innumerabiles vagatur quæ terminatur tandem in contentione, vel seditione, vel contemptu.

Prudentia
& Sapientia.

Sicut Experientia multa, fit *Prudentia*; ita Scientia multa, *Sapientia* est. Verum ut differentia quæ inter illas est, manifestius appareat, supponamus Hominem aliquem qui habeat dexteritatem armia tractandi naturaliter excellentem; alterum autem qui dexteritatem quidem æqualem, sed habeat præterea armorum Scientiam acquisitam, qua quo modo & qua parte corporis, in quacunque positione, hostem offendere vel ab eo offendi possit, perfectè didicit. Horum duorum facultates ita se invicem habent, sicut Prudentia & Sapientia; utraque utilis, posterior autem infallibilis. Ille autem qui confidet soli Librorum authoritati, cæcos cæcè sequitur, similis illi est, qui fidens Lanistæ alicujus Regulis falsis, hostem peritum aggressus, vel interficitur, vel armis exiit.

Scientia
signa.

Scientiæ signa sunt alia *certa* & infallibilia; alia *incerta*. *Certa* sunt, quando qui *Scire* se dicit, idem alterum docere, & veritatem perspicuè demonstrare potest. *Incertain*, quando in quibusdam tantum rebus, id quod dicit verum est, sed in multis aliis non item. Itaque signa Prudentiæ Incerta omnia sunt. Nemo enim rerum omnium quas expertus est circumstantias eventui essentielles vidisse potest, aut visarum meminisse. Cæterum in omni negotio cujus nulla est Scientia infallibilis, proprio judicio diffidere, Sententiisque Librorum ducendum se permittere, Imprudentia est. Etiam illorum hominum pauci qui in Conciliis Rerum publicarum, quid & quantum in Politicis, ac Historiis profecerint ostentare amant, ubi suæ ipsorum res dome-

domesticæ aguntur, id faciunt; cum in sua ipsius re unusquisque satis Prudens sit: in publico autem negotio magis proprii ingenii existimationi student quam negotio publico.

CAPUT VI.

*De Principiis internis Motus Voluntarii, quæ vulgò
Passiones appellantur. Et de Orationibus
quibus declarantur.*

DUO sunt Motuum in Animalibus genera ipsis propria. Quorum unus est *Vitalis*, in generatione inceptus, & sine interruptione per totam vitam continuatus; qualis est *Motus Sanguinis*, *Pulsus*, *Spirationis*, *Concoctionis*, *Nutritionis*, *Excretionis*, qui Imaginationis Auxilio non indigent. Alter dicitur *Animalis*, & *Voluntarius*; qualis est *incessus*, *locutio*, & *arctum Motus*, qualem prius animo cogitaveramus. Sensus, Motum esse in Organis, & Partibus internis corporis humani, factum ab Objectis *Visis*, *Auditis*, &c. Phantasiam autem esse ejusdem Motus post Sensationem *reliquas*, dictum antè est in Cap. primo & secundo. Quoniam autem *incessus*, *loquela*, & similes Motus Voluntarii, semper dependent ab aliqua præcedente cogitatione, *Quo, qua via*, & *Quid*, manifestum est Phantasiam Motuum omnium voluntariorum Principium internum primum esse. Etsi autem sint qui Motum omnino ullum esse negant, ubi res mota invisibilis, aut spatium in quo movetur, propter brevitatem, insensibile est, illud tamen non impedit, quo minus hujusmodi Motus sint. Quantumcunque enim spatium sit, id quod Movetur per spatium majus, cujus parvum illud spatium pars est, per illud etiam necessariò movebitur. Principia hæc Motus parva, intra humanum corpus sita, antequam *incedendo*, *loquendo*, *percutiendo*, cæterisque actionibus visibilibus appareant, vocantur *Conatus*.

Motus Vitalis & Animalis.

Conatus hic, quando fit versùs causam suam vocatur *Appetitus*, vel *Cupido*; quarum vox prima generalis est; altera sæpe restringitur ad significandum Appetitum aliquem particularem, ut Famem vel Simum; quando autem *Conatus* est recedendi à re aliqua, tunc vocatur *Aversio*. Has duas voces *Appetitum* & *Aversionem*, Græci significant per *ὀρεξις*, & *ἀπορεξις*. Natura enim homines ad veritatem aliquando ipsa urget, in quam offendunt sæpe illi qui ultra Naturam docti esse cupiunt. Scholæ namque in Appetitu Motum nullum omnino esse censent,

Conatus.

Appetitus, Fames & Similis. Aversio.

sunt, & quia Motus aliquis necessariò admittendus est, Appetitum Motum esse dicunt Metaphoricum; id quod est Absurdum, cum (etsi verba possint) Corpora, Motusque Metaphorica esse non possint.

Quæ Cupiunt homines, eadem & *Amare* dicuntur; *Odi*oque habere ea quæ Fugiunt. Itaque *Cupere*; & *Amare* idem sunt, nisi quod in *Cupidine* objectum semper abesse intelligitur; in *Amore* plerumque & proprie adesse dicitur. Similiter per *Aversionem*, *abstinentiam*; per *Odi*um præsentiam objecti significamus.

Appetitum, & *Aversionem*, alia nobiscum natæ sunt; ut Appetitus edendi, excernendi, & exonerandi; quæ *Aversiones* etiam alio respectu dici possunt, quia *Fugæ* sunt alicujus mali in corpore pleno & onerato. Appetitus cæteri rerum particularium oriuntur ab experientia effectuum quos in nobis vel aliis hominibus produxerunt. Rerum enim quas non omnino cognoscimus, vel quas non credimus existere, appetitum alium habere præterquam experiendi impossibile est. *Aversionem* autem habemus etiam ab iis rebus, non solum quæ cognovimus nos læsisse; sed etiam ab iis rebus quas an læsuræ sint necne, nescimus.

Contemptus.

Quæ neque Cupimus neque Odimus, ea dicimur *Contemere*. *Contemptus* enim nihil aliud est quam Cordis, actionibus quarundam rerum resistentis, immobilitas quædam sive Contumacia, orta ab eo quod Cor ab aliis objectis fortioribus occupatum est; vel ab eo quod qualia sint ea quæ contemnimus, experti non sumus.

Et quoniam in perpetua mutatione versatur humani corporis consistentia, impossibile est, ut eadem res producant eosdem semper Appetitus, & *Aversiones*; multo minùs poterunt omnes homines consentire in Appetitu unius & ejusdem Objecti.

Bonum.
Malum.

Quicquid autem Appetitus in homine quocunque Objectum est, eidem illud est quod ab ipso appellatur *Bonum*. Similiter id quod *Aversionis* in ipso & *Odi*i causa est, ab ipso nominatur *Malum*; atque id *Vile* appellat, quod ipse contemnit. Voces enim *Bonum*, *Malum*, *Vile*, intelliguntur semper cum relatione ad personam quæ illis utitur; cum nihil sit simpliciter ita; neque ulla *Boni*, *Mali*, & *Vilis*, communis regula, ab ipsorum objectorum naturis derivata, sed à natura (ubi Civitas non est) personæ loquentis, vel (si est) personæ Civitatem representantis; vel ab Arbitro vel Iudice constituto.

Pulchrum.
Turpe.

Pulchrum, & *Turpe* prope quidem idem significant, quod *Bonum*, & *Malum*, sed non adæquate. *Pulchrum* enim id significat quod signis apparentibus *Bonum promittit*, sicut & *Turpe* id quod *Malum promittit*.

tit. Utriusque autem sunt diversæ Species, ut *Formosum*, *Honestum*, *Decorum*, *Iucundum*, sunt species *Pulchri*; *Deforme*, *Inhonestum*, *Molestum*, species *Turpis*. Quæ omnia vocabula nihil aliud significant præter promissionem quandam vel Boni, vel Mali. Itaque Boni tres sunt species, altera in promissione quæ Pulchritudo, Altera in re, & dicitur Bonitas, Tertia in Fine, quæ est Iucunditas. Præterea *Bonum* quod in Fine *Iucundum* dicitur, in Medio vocatur *Vile*. Similiter *Malum* ut promissum, *Turpe*; ut in Fine *Molestum* appellatur.

Ut in Sensione, solus (intra corpus sentiens) Motus est, ortus ab actione Objectorum, qui tamen quoad Visum, *Lux* & *color*; quoad Auditum, *Sonus*; quoad *Olfactum*, *Odor*, &c. est. ita objecti actio continuata ad Oculos, Aures, alique Sensuum organa nihil aliud est præter *Motum*, vel *Conatum*, consistentem in Appetitu vel Fuga objecti. Apparitio tamen illius Motus, illa est quæ vocatur *voluptas*, aut *molestia animi*.

Quoniam autem Motus hic (propter voluptatem) videtur esse Motus Vitalis adjutor; ea quæ Motum hunc efficiunt vocari solent, nec improprie (nimirum à juvando), *jucunda*; & eorum contraria *Molesta*.

Jucundum ergo, est *apparens Bonum*; & *Molestum* *apparens Malum*. Itaque Appetitus omnis amorque conjunctus est cum voluptate aliqua; & Odium & Fuga, cum Molestia aliqua.

Voluptatum aliæ ab Objecti præsentis Sensione oriuntur, quæ vocari possunt *voluptates Sensuales*; quæ quidem, antequam lege condemnentur, nihil culpabile significant. Hujus generis sunt Operationes & Exonerationes corporis; quicquid item ad *Visum*, *Auditum*, *Olfactum*, *Gustum*, vel *Tactum* jucundum est; aliæ ab Expectatione oriuntur, id est à Prævisione Finium, vel Consequentiarum rerum, siue illæ ad Sensum jucundæ, siue injucundæ sint. Atque hæ animi voluptates sunt illorum, qui consequentias illas prævident; vocanturque uno nomine *Gaudium*; similiter Molestiarum aliæ in Sensu sunt, vocanturque *Dolores corporis*; aliæ in Expectatione, & appellantur *Dolores animi*.

Voluptates
Sensuales,
& Voluptates
Animi.

Gaudium.

Passiones autem istæ simplices *Appetitus*, *Cupido*, *Amer*, *Aversio*, *Odium*, *Gaudium*, & *Dolor* à diversis considerationibus quandoque variantur etiam nominibus. Ut primò, prout videntur aliæ aliis succedere. Secundo, prout objectum appetimus, aut fugimus. Tertio, prout multæ simul considerantur. Postremo, pro modo successione unius ad alteram.

Appetitus enim si conjunctus sit cum opinione obtinendi, *Spes* dicitur.

Spes.

- Desperatio.* Idem sine opinione obtinendi, *Desperatio*.
- Metus.* *Aversio* cum opinione damni secuturi, *Metus*.
- Fortitudo.* Eadem cum Spe damni per resistantiam superandi, *Fortitudo*.
- Ira.* Subita Fortitudo, est *Ira*.
- Fiducia.* Spes in propria virtute, si constans sit, *Fiducia*; desperatio continuata *Animi Abjectio*.
- Animi Abjectio.* Ira ex læsione alterius injusta, *Indignatio*.
- Indignatio.* Alii bonum Cupere, *Benevolentia* vel *Charitas*.
- Charitas.* Cupido divitiarum, *Avaritia*. Quæ vox, quia de divitiis certare homines inter se solent, accipitur semper ferè in malo sensu, et si Cupido ipsa, aut calpanda aut probanda sit, prout Media sunt quibus quæruntur Divitiæ, bona vel mala. Cupido Dignitatum publicarum, *Ambitio*. Vox hæc quoque propter contentionem hominum, in deterius sæpissimè accipitur.
- Avaritia.* Cupido rerum parum ad institutum nostrum conducentium; item Metus rerum institutum nostrum parum impediendum, *Pusillanimitas*.
- Pusillanimitas.* Adjumentorum, & Impedimentorum Exiguorum Contemptus, *Magnanimitas*.
- Magnanimitas.* Magnanimitas in periculo mortis violentæ, aut vulnere, *Virtus bellica*.
- Virtus bellica.* Magnanimitas in divitiarum usu, *Liberalitas*.
- Liberalitas.* Pusillanimitas in usu earundem, *Tenacitas*.
- Tenacitas.* Cupido lædendi aliquem, eo sine, ut factum aliquod suum condemnnet, *Vindicta*.
- Vindicta.* Cupido sciendi quid & quomodo, *Curiositas*; quæ Passio soli inest Homini. Distinguitur ergo à cæteris animalibus *Homo*, non solum *Ratione*, sed etiam Passione hac, quam voco *Curiositatem*. Cætera enim animalia, in quibus Appetitus cibi, aliæque *voluptates Sensuales* prædominantur, causarum cognoscendarum cura carent; quæ Animi concupiscentia quædam est, conjuncta cum voluptate perpetua, & infatigabili, generationis scientiarum, vehementiam voluptatum sensualium brevem longè superans.
- Curiositas.* Metus Potentiarum invisibilium, sive Fictæ illæ sint, sive ab Historicis acceptæ sint publicè, *Religio* est; si publicè acceptæ non sint, *Superstitio*. Quando autem Potentiæ illæ revera tales sunt, quales accepimus, *Vera Religio*.
- Religio.* Metus sine conceptione periculi unde & quale sit, *Terror Panicus*; ita vocatus à Pane, quem talium metuum authorem faciunt Fabulæ. Revera tamen, qui primus metuit, metuendi causam vidit aliquam; cæteri

ceteri autem illius primi exemplo fugiunt, credentes causam fugiendi fugientibus, ceteris satis esse cognitam. Nam passio hæc, nisi in coacta multitudine nunquam accidit.

Gaudium à cognitione nova, *Admiratio*; & homini propria est, quia excitat Appetitum sciendi causam.

Gaudium quod in homine oritur ab Imaginatione Potentiæ aut Virtutis propriæ, animi exultatio quædam est, quam vocant *Gloriam*; quæ si fundetur in experientia actionum suarum, eadem est cum Fiducia. Sin fundata sit in adulatione hominum; vel à seipso ficta propter voluptatem quæ magnas actiones solet consequi, *Gloria inanis* vel *vana* dicitur. *Fiducia* enim gignit Aggessum; id quod *inanis Gloria* producere non potest.

Dolor natus à propriæ impotentia opinionem, *Demissio animi* dicitur.

Inanis Gloria, quæ consistit in ficta suppositione virtutum, quas nobis scimus non inesse, propria fere est iuvenum, aliturque à rerum magnarum Historiis, vel à narrationibus fictis; corrigitur autem magna ex parte *Ætate* & *Negotiis*.

Gloriatio subita Passio illa est, quæ producit *Risum*; habet autem pro causa, vel subitam aliquam actionem propriam, in qua, qui eam fecit, sibi placet, vel conceptum Turpitudinis vel facti alieni indecori, comparatione cuius subito sibi ipse commendatur. Contingit autem hoc illis maxime, qui cum virtutum paucissimarum consilium sibi sint, bonam de seipso opinionem conservare non possunt, nisi infirmitates aliorum hominum observando. Itaque multus *Risus* signum est *Puullanimitatis*. Animi enim magni opus proprium est auxiliari, & à contemptu alios liberare; seipsum autem cum maximis hominibus solis comparare.

Contra; *Demissio animi* subita passio est, quæ producit *Fletum*; cujus causa sunt accidentia illa, quæ magnam spem aliquam, vel potentiæ suæ statumen aliquod subito destruit.

Fletus autem subjecti sunt illi qui auxiliis externis maxime indigent, quales sunt foeminae & pueri. Alii itaque iacturam descedere amicorum; alii ingratitude; alii etiam fletu quando cum illis conciliantur, propterea quod inde oritur vindictæ speratæ obstructio subita. Semper autem tam *Risus*, tum *Fletus* motus sunt subiti; & consuetudine minuantur. Nemo enim aut veteres jocos ridet, aut calamitates deslet veteres.

Dolor ille qui oritur ab eo, quod indecorum aliquod nostrum admissum putamus, *Pudor* dicitur, ostenditurque per Erubescentiam.

Passio hæc in Adolescentibus laudatur, ut signam capientis nihil facere, nisi quod sit laudabile. In senibus non laudatur, propterea quod minus Venia digni sunt senes.

Impudentia.

Misericordia.

Contemptus bonæ existimationis appellatur *Impudentia*.

Dolor ob calamitatem alienam, dicitur *Misericordia*, oriturque à consideratione, quod sibi met ipsi contingere potest calamitas similis; & ob eam rem, vocari etiam solet *Compassio*. Calamitas itaque aliena, si à magno oriatur ipsius cui contingit scelere, tanto minus producit *Misericordiam*. Item in eadem calamitate minus *Misericordes* sunt illi, qui calamitati simili minime obnoxios se esse judicant.

Crudelitas.

Alienæ calamitatis contemptus, nominatur *Crudelitas*, proceditque à propriæ securitatis opinione. Nam ut aliquis sibi placeat in malis alienis, sine alio fine, videtur mihi impossibile.

Emulatio.

Invidia.

Dolor ob successum Competitoris alicujus circa honorem, aut divitias, aut aliud bonum, si conjunctus sit cum conatu diligentiam propriam augendi, *Emulatio* dicitur; sin conjungatur cum conatu Competitorem fallendi vel impediendi, *Invidia* est.

Deliberatio.

Quando in animo humano Appetitus, Aversio, Spes, Metus, circa rem eandem oriuntur alternatim, veniuntque in animum Faciendi, Omittendique bonæ malæve, consequentiæ successivæ; adeo ut interdum appetamus; interdum fugiamus; interdum speremus, interdum metuamus; tunc totum illud passionum aggregatum; tandiu durans quousque res effecta sit, vel rejecta, vocatur *Deliberatio*.

Itaque de rebus præteritis *Deliberatio* nulla est, quia præteritum immutabile est; neque rerum quas scimus vel putamus esse impossibiles, quia talium *Deliberatio* vana est. Impossibilium autem quæ possibilia esse arbitramur, *Deliberatio* datur, ut quam vanam esse nescimus. *Deliberatio* autem ideo dicitur, quia libertatis quam habemus faciendi, omittendive finis est. Altera hæc successio Appetitus, Aversionis, &c. communis est homini cum animalibus cæteris. Nam Deliberant etiam bestię.

Voluntas.

Deliberatio finiri tunc dicitur, quando id, de quo *Deliberatum* est, factum est vel redditum impossibile; propterea quod eatenus libertatem faciendi vel non faciendi pro arbitrio retinemus. In *Deliberatione*, Appetitus ultimus vel Aversio, actioni de qua *Deliberatum* est immediate adherens, est *Voluntas*; Actus, inquam, non potentia *Volendi*. Vnde sequitur bestias, quia *Deliberant*, etiam *Voluntate* præditas esse. Definitio *Voluntatis* Scholastica, nempe *Voluntatem Appetitum esse rationalem* legitima non est. Nam si esset, nulla omnino esse posset actio Voluntaria contra Rationem. Actio enim Voluntaria

luntaria est ea, quæ à Voluntate proficiscitur, nec ulla alia. Quod si pro Appetitu Rationali dicamus Appetitum, qui oritur à Deliberatione antecedente, tunc Definitio eadem est quam dixi, nempe ultimus in Deliberando Appetitus. Quanquam autem vulgo sæpius dicamus habuisse aliquem Voluntatem faciendi id, quod tacere postea noluit; id tamen non Voluntas propriè est, sed Inclinatio, quæ actionem non facit, ut sit Voluntaria, quæ dependere debet non ab omni, sed ab ultimo Appetitu. Intervinentes enim Appetitus sive Inclinationes non sunt Voluntates; si enim essent, omnes actiones simul essent & Voluntariæ & Involuntariæ.

Manifestum hinc est Voluntarias actiones esse non modò eas, quæ incipiunt ab Appetitu alicujus rei, sed etiam illas, quæ proficiscuntur ab Aversione, vel à Metu eventuum qui consequuntur Facti alicujus omissionem.

Formulæ Sermonis quibus Passiones declarantur, partim eadem sunt quibus alias significamus Cogitationes. Et primo generatim Passiones omnes proferri possunt *Indicativè*; ut Amo, Metuo, Gaudio, Delibero, Volo, &c. Sunt autem aliquæ quæ suas habent prolationes sibi proprias; quæ tamen Affirmationes non sunt, nisi quando intersunt Illationibus. *Deliberatio* profertur *Subjunctivè*, qui modus proprius est *Suppositionum* à quibus ducimus Consequentias; ut, *si hoc fiat, tunc sequetur illud*; nec differt à Sermone ratiocinandi, nisi quod in ratiocinatione nominibus utimur *Universalibus*; in Deliberatione plerumque *Singularibus*. Sermo Cupiditatis & Aversionis est *Imperativus*; ut, *hoc fac, ab hoc abstine*; quæ verba ad illum qui ad faciendum vel abstinendum obligatur, mandatum dicitur; aliqui *Preceptio*; vel *Consilium*. Sermo vanæ Gloriæ, item Indignationis, & Misericordiæ, aliarumque multarum cupiditatum sermo est *Opiativus*. Cupiditatis autem *cognoscendi* sermo peculiaris est *Interrogativus*; ut *Quid est*; *Quando erit*; *Quomodo factum est*; *Quid ita*. Passionum sermones alios non reperio. Iurationes enim maledictionesque & convitia Passiones non significant ut Verba, sed ut Actiones male moratæ linguæ.

Formulæ hæ significationes quidem sunt Passionum Voluntariæ; signa autem certa non sunt; idque, quia Voluntaria sunt. Passionis Præsentis certissima signa sunt illa, quæ à Vultu, Gestu, Actionibus, Finibus, Negotiisque hominum capiuntur.

Quoniam in Deliberatione, Appetitus & Aversiones à prospectu Bonorum & Malorum, consequentium actionem de qua deliberamus, alternæ sunt, & catenam longam faciunt consequentiarum, cu-

Formula lo-
quendi in
Passionibus.

Bonum &
Malum ap-
parens.

ius finem sæpenumero non videmus ; si in catena illa visa sint consequentia plura Bona quam Mala , totum aggregatum *Bonum est apparen-* ; si plura Mala quam Bona , tunc totum *Malum apparen-* est. Is igitur qui Ratiocinatione vel Experientia longissimum sibi consequentiarum prospectum acquisivit , is optimè deliberat , & optimus aliis Consiliarius esse potest.

Perpetuus in rebus Cupitis bonus successus , illud ipsum est quod vocari solet *Felicitas* ; Felicitatem intelligo præsentis vitæ. Nulla enim est animi dum vivimus perpetua Tranquillitas ; quia vita ipsa *Morus* est, neque sine cupiditate, metuque, aliisque passionibus vivere homo potest, magis quam sine sensu.

Formula sermonis , qua quis opinionem suam significat de alicujus rei *Bonitate* , *Laus* est. Formula qua significat *potentiam & magnitudinem* rei, est *Magnificatio*. Forma qua significat opinionem quam habet de alicujus *Felicitate* , à Græcis vocatur *μᾶλλον*. Atque hæc de *Passionibus*, quatenus ad Institutum præsens, dicta sufficiant.

C A P V T V I I

De Discursuum Determinationibus.

Judicium.

Omnis Discursus , si à Cupiditate Cognitionis gubernetur, vel in Adeptione terminatur , vel in Rejectione. Quod si Cogitationum series pro tempore tantum interruptatur , non ideo Determinata dicenda est.

Dubitatio.

Si discursus in solis fiat Cogitationibus, tunc consistit in cogitationibus *Quod fiet*, vel *Quod non fiet*; vel *Quod fuit*, vel *Quod non fuit*, alternis. Itaque ubicunque Discursus desinit, relinquitur Præsumtio quod *erit*, vel *non erit* ; vel *fuit*, vel *non fuit*. Quæ Determinatio appellatur *Opinio*. Atque id quod in Deliberando de Bono & Malo, Appetitus est alternus, in inquisitione veritatis facti Præteriti vel Futuri, est alterna *Opinio*. Sicut autem in Deliberatione, Appetitus ultimus est *Voluntas* ; ita in quæstione Præteriti vel Futuri, *Opinio* ultima est *Judicium*, sive *Sententia finalis*. Et sicut tota series Appetituum alternorum in quæstione Boni vel Mali *Deliberatio* dicitur ; ita in quæstione Veri vel Falsi series tota Opinionum alternarum dicitur *Dubitatio*.

Discursus nullus in Cognitione perfecta Præteriti vel Futuri terminari potest. Nam Cognitio Facti originaliter Sensus est, & deinde Memoria. Et Cognitio Consequentiarum, quæ ut ante dixi, Scien-

Scientia appellatur, Scientia Absoluta non est, sed tantum Conditionalis. Nemo per Discursum scire potest *hoc vel illud esse, fuisse, vel futurum esse*; id quod est perfecte scire; sed tantum, *si hoc sit, tum illud est; si hoc fuit, tum fuit illud; si hoc erit, tum illud erit*; id quod est scire conditionaliter; & scire non *rei ad rem*, sed *nominis ad nomen* consequentiam. Si Discursus ergo sit in verbis, incipiens à Definitionibus Verborum, procedatque per Connexionem eorum in Propositiones, & rursus Propositionum in Syllogismos, determinabitur in aliqua Conclusionem, quæ summa est omnium antecedentium Propositionum. Atque hæc *Scientia* est, sive Cognitio Consequentiarum unius verbi ad aliud. Verum si Discursus non incipiat à Definitionibus, vel si Definitiones illæ non recte connectantur in Syllogismos, tunc rursus Discursus terminatur in *Opinione* tantum, veritatis conclusionis, utcumque absurdæ & insignificantis. Quando duo vel plures idem simul sciunt, *Conscii* dicuntur; & quia illi factorum suorum mutuo testes maxime idonei sunt, maxima semper fuit & erit existimata improbitas, testimonium contra conscientiam dicere, vel alium ut dicat inducere. Viurpatur autem vox *Conscientia* sæpiissime pro sua cuiusque facti vel cogitati secreta cognitione. Sunt etiam qui proprias Opiniones suas privatas novæque, propter amorem ingenii proprii (etli aliquando absurdissimas) obstinate sustinent, sub nomine illo Conscientiæ favorabili; tamquam illas mutare peccatum maximum esset. Itaque veritatem illarum *scire* se videri volunt, quando nihil sciunt nisi quod ipsi ita opinantur.

Scientia.

Conscientia.

Quando Discursus non incipit à Definitione, terminatur semper in *Opinione*. Quod si incipit ab alicujus alterius hominis Affirmatione, de cujus hominis neque Cognitione neque Veracitate dubitamus, quia quæstio est non tam de *Re*, quam de *Persona*; tunc determinatur in *Creditione*, & *Fide*; Fide, inquam, Homini habitæ; *creditione* Rei. *Credere in hominem*, & *credere homini*, idem plerumque significant; nempe opinionem de veracitate ejus; sed credere aliquod dictum, significat opinionem tantum veritatis ipsius dicti. Notandum autem est dictionem hanc *credo in*, ut & Græcam *πιστεύω eis*, rarissime usurpari præterquam in libris Theologicis. Scriptores cæteri dicunt *credo illi*; *confido illi*; *fidem illi habeo*.

Credere.

Fidei.

Sed *credere in*, in Symbolo Fidei Christianæ, non propriè significat Fidem quæ habetur Personæ, sed doctrinæ pluribus articulis propositæ agnitionem sive Confessionem. Etenim non Christiani soli, sed etiam homines omnes ita in Deum credunt, ut quicquid dixerit vel dicturus sit pro vero agnoscant; idque sive intelligant, sive non

intelligent. Quia Fide major esse nulla potest. Doctrinam autem Symboli non omnes credunt, sed soli Christiani.

Manifestum hinc est, quod qui verum aliquid esse putant, non propter argumenta sumpta ex ipsa re, aut ex principiis Rationis naturalis, sed ab autoritate & ab estimatione bona personæ loquentis, Fidei ejus objectum principaliter & proprie esse personam loquentem. Itaque quando credimus Scripturas Sacras esse Verbum Dei, Fides nostra, nisi specialem aliquam habeamus Revelationem, terminatur in Ecclesia, in ejus autoritate acquievimus. Etiam illi, qui credunt id, quod narratur Dei nomine à Propheta, Fidem Prophetæ habere, illiusque honorare, illi credere & fidere dicendi sunt, siue veros, siue falsos sit Propheta. Etiam circa cæteras Historias eodem modo se res habet. Nam si omnia ea quæ de virtutibus dicta sunt *Alexandri* aut *Cæsaris* credere recusarem, non puto illos merito mihi successuros esse, aut aliam quemlibet præter Historiæ consecratorum. Si *Lion* non credamus locutam esse bovem, non Deo sed *Lion* diffidamus. Perspicuum ergo est, si quid credamus, nullo alio argumento, quam quod ducitur ab autoritate humana, Fidem nostram non Deo, sed in Homine tantum determinari.

C A P V T V I I I.

De Virtutibus Intellectualibus; Defectibusque Opposis.

Virtus in omni re aliquid est propter eminentiam spectabile, constituitque in comparatione. Nam si omnia omnibus æqualiter adessent, nihil esset, quod haberetur pro eximio. Per Virtutes intellectuales intelliguntur Facultates animi illæ, quas laudare, magnificere, & sibi met ipsis inesse cupere homines solent, & vulgè nomine *Boni Ingenii* comprehenduntur; quæquam *Inimium* significet aliquando etiam Facultatem certam à cæteris distinctam.

Virtutes autem hæ duorum sunt generum; *Naturales*, & *Acquisitæ*. Per Ingenium naturale non intelligo illud tantum quod cum homine nascitur, quod aliud non est quam sensus, in quo unus homo alii non multo magis præstat quam bestia; sed intelligo Ingenium, quod usu solo & experientia, sine Methodo, Cultu vel Doctrina accedit hominibus ætate. Consistit autem in duobus rebus, *Ceteris in imaginandi* (id est unius cogitationis ad aliam successione facili) & *profectione con-*
fiam Finis alicujus propostæ. Contra, *imaginatio* nuda Defectum ani-

Ingenium
naturale.

mi illum facit; qui *Tardus* vocari solet vel *Stuper*, aliisve nominibus quibus significari solet Motus *Tardus*.

Differentia autem Celeritatis à differentibus oritur hominum Passionibus, quorum alii aliud amant & fugiunt; unde cogitationes diversorum hominum diversæ procedunt, & diversimodè rebus applicantur. Cum autem in successione cogitationum nihil observari soleat, nisi *similitudo* vel *dissimilitudo*; vel cui rei inservire, & quomodo possint; illi qui *similitudini* maxime animadvertunt, aliis raro animadvertas, *bonum* dicuntur habere *Ingenium*; id est *bonam Phantasiam*. Illi vero qui rerum cogitarum differentias, dissimilitudinesque maxime observant; id est qui inter rem & rem bene *Distingunt*, *Discernunt*, & *Dijudicant*, nisi Dijudicatio illa facilis sit, habere dicuntur *bonum Iudicium*. Speciatim autem in conversatione civili, negotiisque agendis (ubi tempora, loca, & personæ discernenda sunt,) virtus hæc communiter *Discretio* appellatur. Phantasia sine *Iudicio* laudari raro solet; sed *Iudicium*, sive *Discretio* laudatur per se sine ope Phantasie. Præter Discretionem temporum, locorum, & personarum, quæ commendant Phantasiam, requiritur etiam cogitationum ad finem *suum* frequens applicatio; ita enim occurrent similitudines, non solum illustraturæ, sed etiam novis & aptis Metaphoris ornatuæ sermonem, atque insuper raritate inventionis placituræ. Cæterum nisi constans addit cogitationum ad aliquem finem regulatio, Phantasia magna species quædam est Infantiæ, qualis est illosum, qui cum dicere inceperint, ab unaquaque fere cogitatione aliena, à proposito sine in tot & tantas digressiones & Parentheses abripiuntur, ut reverti non possint. Cujus rei causa aliquando est, quod experientia careant, ita ut videatur ipsis novum & dignum dictu, id quod aliis vilescit; vel magnum iis, quod aliis non item. Nam quicquid novum, magnum & dictu dignum est, seducere homines ab instituta sermonis serie sæpe solet.

In Poëtis in unoquoque genere operis tum Iudicium tum Phantasia requiritur; eminere tamen debet Phantasia, quia placent Poëmata præcipuè propter novitatem; displicere autem non debent per Indiscretionem.

In Historiæ legitima eminere Iudicium debet; quia Virtus Historiæ in Methodo, in Veritate, in electione Narrandorum consistit, neque locus hic est Phantasie præterquam in ornanda narratione.

In Laudationibus, & in Invectivis prædominari debet Phantasia; quia pro fine habent non Veritatem, sed laudem vel vituperium; quæ perficiuntur comparationibus illustribus vel vilibus vel ridiculis.

Iudicium circumstantias tantum suggerit quibus actio laudabilis vel illaudabilis efficitur.

In Hortativis & Censurarum dictionibus, prout veritas vel simulatio maxime inservit rei quæ agitur; ita Iudicium, vel Phantasia maxime postulatur.

In Demonstratione, in Consilio, & in omni veritatis investigatione severa, solum requiritur Iudicium; nisi forte aliquando similitudine aliqua apta opus sit; ut ii qui audiunt, vel legunt, dociliores fiant. Quod autem ad Metaphoras attinet, excludendæ prorsus sunt. Fallaciam enim aperte profitentur. Illas ergo in Consilio vel Ratiocinatione severa admittere, stultitia est manifesta. In Discursu quocunque, si Discretionis defectus manifeste appareat, quantumcunque placere possit Phantasia, desiderabitur Ingenium. Quod si Iudicium manifestum sit, etsi vulgaris sit Phantasia, laudabitur tamen Ingenium.

Cogitatio hominis secreta per omnia discurrit, sacra, prophana, munda, immunda, gravia, levia, sine pudore, & sine culpa; id quod sermoni non ulterius licet quam à Iudicio circa Tempora, Loca, & Personas permixtum sit. Medico Anatomistæ de rebus obscænis dicere vel scribere quicquid videbitur licet, ut cui Finis est non placere, sed prodesse; aliis autem non licet, quia non est opus. Item in remissione animi & conversatione familiari, si quis ex verborum sonis & significationibus ludum faciat, (id quod aliquando non injucunde fieri solet) indecorum non est. Sed in Concione, vel coram personis incognitis vel alioqui reverendis, omnis verborum lusus stultitia videbitur. Id quod differentiam facit, Discretio sive Iudicium est. Itaque ubi Ingenium deest, non Phantasia, sed Iudicium deest. Itaque Iudicium sine Phantasia Ingenium est; Phantasia autem sine Iudicio non item.

Quando quis cogitatione multitudinem rerum percurrens, cum Fine aliquo sibi proposito, quomodo eæ res ad Finem suum conducant, vel cui fini inservire possint celeriter animadvertit, Ingenium ejus Bonum dicitur; dependetque ab Experientia & Memoria rerum multarum similium, cum similibus Consequentibus. In hoc autem homines inter se non tantum differunt, quantum Iudicio & Phantasia; quia hominum ætate æqualium, experientia non est valde inæqualis quoad quantitatem, sed rerum in quibus versantur specie variantur, cum cuique sua sint negotia propria. Familiam, an Regnum quis recte gubernet, nihil interest quatenus ad Prudentiæ gradum, multum tamen quod attinet ad negotii speciem; quemadmodum in parva aut magna

magna tabula bene pingere non distinguit Artis gradum, sed speciem, & Agricola rudis in re sua Prudentior est plerumque, quam Philosophus in aliena.

Ad Prudentiam si addatur Mediorum injustorum, vel inhonestorum usus, qualia sæpe suggerit Metus, vel Inopia, fit Prudentia illa sinistra, quæ appellatur *Astutia*; quæ signum plerumque est Pusillanimitatis. Auxilia enim injusta & inhonesta animus magnus aspernatur. Est etiam alia quasi Astutiæ species, quæ vocatur *Versutia*; quæ est periculi vel incommodi incurrendo in pejus, ad parvum tempus dilatio; videturque dici à *Versura*, quæ significat mutui summptionem, ad mutui solutionem.

Ingenium acquisitum, nempe Methodo & Doctrina, nullum est præter Rationem; quæ orta à recto Sermonis usu producit Scientias. Sed de Ratione, & Scientia dictum est supra Cap. 5 & 6.

Ingeniorum differentia oritur à Passionibus; differentia autem Passionum partim à diversa corporum constitutione, partim à diversitate consuetudinum & educationis.

Passiones illæ, quæ Ingeniorum differentias maximas faciunt, sunt plerumque major vel minor Cupiditas Potentiæ, Divitiarum, Scientiæ, Dignitatis; quæ omnes reduci possunt ad Potentiam; nam Divitiæ, Scientia, Dignitas, sunt Potentiæ species.

Itaque si quis ea non magnificat, etsi vir bonus esse possit, nunquam tamen videbitur bonum habere Ingenium. Cogitationes enim cupiditatum sunt tanquam Exploratores, emissi ad explorandas vias, quibus ad Cupita ferimur, quæ motibus animi, tum regulam; tum celeritatem tribuunt. Sicut nihil desiderare, Mortui est; ita parum vehementer Desiderare, Tardi est; & multa simul cupere Levitatis est; habere autem Passiones multò fortiores, vehementioresque quam in cæteris hominibus videri solent, illud est quod nominatur *Insania*.

Insaniæ autem tot fere sunt quot Passionum ipsarum species; procedit tamen aliquando ab Organorum prava constitutione, vel læsione. Aliquando etiam à Passionis vehementia, vel duratione longa læduntur Organa. Vtrobique tamen ejusdem generis est Insania.

Passio cujus violentia, vel duratio facit Insaniam, aut *Gloria vana* est, quæ & *superbia* dicitur; aut animi *demissio* magna.

Superbia facit Iracundum. Iræ autem Excessus *Insaniæ* species est, quæ appellatur *furor*. Itaque vindictæ cupido ingens, si diuturna sit, organa corporis lædit, & fit Furor. Idem facit *Amar*

vehemens præsertim si comitetur zelotypia. Magna item sui ipsius æstimatio propter Sapientiam, Bruditionem, Formam & similia, etiam propter falsò præsumptam Inspirationem, tendit ad Insaniam.

Demissio animæ obnoxium facit Metui, ubi Metus causa nulla est; quæ insania est, appellari solita *Melancholia*, apparens diversimodè, ut in iis qui frequentant solitudines; in superstitiosis & in timentibus quæ cæteri non timent. Passiones denique omnes, quæ actiones insolitas exorbitantesque produciunt, nomine insigniuntur Insaniæ. Siquidem autem Passionum Excessus Insania sunt, dubitari non potest quin Passiones ipsæ, saltèm si ad malum tendant, sint ejusdem gradus.

Exempli causa, quando aliqui falsò putant *inspiratos* se esse, Insaniæ illius effectus non est in uno homine per actionem aliquam, quæ ab illa opinione procedit, exorbitantem visibilis, quando tamen multi eorum conspirant, furor totius multitudinis satis manifestus est. Quodnam enim Insaniæ argumentum majus esse potest quam clamare, ferire, & lapides in amicos jacere? Minus tamen est aliquando hoc, quam quod hujusmodi multitudines aliquando faciunt. Nam occulant, oppugnant, & interficiunt illos, per quos omni antè-actæ vitæ tempore protecti, & defensi ab injuriis fuerant. Iam si Insania hæc sit in multitudine, Insania quoque est in hominibus singulis. Quemadmodum enim in medio mari, quanquam sonum ab aqua sibi proxima nemo percipiat, scit tamen partem illam aquæ proximæ fremitui maris non minus contribuere, quam alia pars quæcunque ejusdem magnitudinis: ita etiam quanquam in uno vel paucis hominibus, non magnam videamus inquietudinem; certi tamen esse possumus Passiones illius unius vel paucorum, partes esse fremitus seditiosi commotæ Civitatis. Et si nihil esset aliud, quod Insaniam hujus generis indicaret, mihi tamen ipsa inspirationis divinæ arrogatio, Insaniæ ipsorum magnum indicium est. Quis enim in Morocomio dicentem Deum se esse, vel Christum, cur illic conclusus sit nesciat? Quod autem privatum *Spiritu* suum tanti faciant aliqui, ut se divinitus inspirari putent, sæpenumero oritur ab erroris alicujus in Theologia vulgò recepti foelici detectione; nescientes enim vel oblitii, quo ductu rationis in tam singularem veritatem (etsi interdum veritas non sit) inciderint, semetipsos, ut quibus Deus ipse speciali gratia doctrinam illam supernaturaliter Spiritu Sancto revelaverit, admirantur.

Quod Insania nihil aliud sit præter ingentem enormemque Passionem, intelligi potest ab effectibus nimii Vini, quod similem producit Orga-

Organorum intemperiem. Varietas enim hominum, qui nimium bi-
berunt eadem est in moribus, quæ cernitur in infans; quorum aliqui
furunt, alii amant, alii ridet, omnes modo insolito; sed suæ cujus-
que Passioni congruo. Nam etiam homines sobrios puto quando abs-
que omni animi cura & occupatione soli incedunt, non libenter velle
cogitationum suarum vanitatem atque exorbitantiam eo tempore
publicè apparere; id quod confessio manifesta est, Passiones meras
irregulares plerumque Insaniam esse.

Opiniones hominum circa Insaniæ causam, tum Veterum tum Re-
centiorum duæ sunt. Alii enim eam à Passionibus; alii à Dæmonibus,
sive Spiritibus derivant, bonis vel malis, quos intrare in hominem
posse, eosque possidere putaverunt, atque corporis ejus organa insoli-
to ciere motu, qualem animadvertimus in Infans. Alii ergo Insā-
nos appellaverunt, quos alii Energumenos. Hodieque eosdem homi-
nes Itali vocant *Pazzi & Spiritati*.

Magnus erat quondam in Vrbe Abderensium confluxus populi ad
Theatrum, cum ageretur Fabula Andromedæ, æstivo & fervente
die; unde Spectatorum magna multitudo partim à calore, partim
ab ipsa Tragedia in Febrem incidentes, aliud nihil dicere potuerunt
præter lambos, quos ab Actoribus in Tragedia audierant recita-
tos; ab hac autem Insania, superveniente Hyeme liberati sunt; &
proinde visa est processisse ab illa Passione quam animis Spectatorum
impresserat Tragedia. Etiam in Civitate alia Græca Insaniæ species
alia quædam orta est, quæ in Adolescentulas incidens fecit ut earum
multæ se suspenderint. Hoc autem à plurimis à Diabolo profectum
esse existimabatur; unus autem erat qui ipsarum contemptum hunc
vitæ oriri ab animi aliqua Passione suspicatus est; putansque illas non
ut vitam, sic honorem etiam contempsisse, Magistratibus consilium
dedit, ut quæ se suspenderint nudæ penderent. Quod cum factum
esset, Insania illa desit. Idem autem Græci Insaniam plerumque
Eumenidum sive Furiarum operationibus, vel *Cereris* vel *Phæbi* alio-
rumque Deorum attribuerunt. Tantum enim Phantasmatibus attri-
buebatur realitatis, ut animalia aërea putarentur, vocarenturque.
Romani etiam, & Iudæorum multi, de hac re cum Græcis consen-
serunt. Iudæi enim Insanos, aut Prophetas esse, aut (prout Spiritus
illos vel bonos vel malos esse putaverunt) Dæmoniacos. Aliqui
etiam eorum eundem hominem & Dæmoniacum & Prophetam. Hoc
tamen in Gentibus mirandum non est; quia Morbi & Sanitas,
vitia & Virtutes, atque accidentia naturalia ab illis & vocabantur,
& colebantur ut Dæmones. Adeo ut per *Dæmonem* intelligenda esset
eorum

eorum sermone non minus aliquando Febris, quam Diabolus. Vt autem ita sentirent Iudæi, magis mirandum est. Neque enim Moses neque Abrahamus Prophetiis suis prætendebant Spiritum, sed Vocem Dei, vel Visionem, vel Somnium. Neque in Lege Mosaica Morali, vel Ceremoniali quicquam extat faciens ad Enthufiasmum. Quando (Num. 11. 25.) à Spiritu, qui in Mose erat sustulisse dicitur Deus, & dedisse septuaginta Senioribus, per Spiritum Dei non intelligitur eo loco substantia Dei; nam ea indivisibilis est. Per Spiritum Dei Scripturæ sæpenumero significant Spiritum hominis Deo servientis. Vbi enim dicitur Exod. 28: 3. *Quem implevi Spiritu Sapientia, ad faciendum Vestimenta Aaroni.* Non intelligendus est peritus faciendi Vestimenta Spiritus Infusus, sed Sapientia ipsorum hominum in eo genere operis. Similiter Spiritus hominis, si producat actiones immundas, appellatur in Scripturis Spiritus immundus. Etiam in aliis locis virtus vel vitium si egregium sit & eminens, appellatur Spiritus. Neque post Mosem Prophetæ Veteris Testamenti Enthufiasmum prætenderunt; neque in, sed ad se locutum esse Deum, nempe, per Visionem vel Somnium. Neque illud *onus Domini Possessio* erat, sed *Infusio*. Quomodo ergo in opinionem hanc Enthufiasmi incidere potuerunt Iudæi? Nescio, nisi quod plerisque hominibus commune est, non nimium inquirere in causas naturales; felicitatemque collocare in voluptatibus sensuum, & rebus illis quæ maxime istuc tendunt. Qui enim insolitam virtutem vel defectum insolitum vident, nisi simul videant unde probabiliter procedere potuit, non facile putant esse naturalem. Quod si non naturalem, necessarid supernaturalem esse putant. Quænam autem esse potest res illa præter Deum aut Dæmonem qui in hominem intraverit. Itaque cum Servator noster (Marc. 3. 21.) à multitudine cingeretur, illi qui in domo erant, furere eum existimaverunt, exieruntque domo ut cohiberent. Scribæ autem dixerunt, quod haberet Dæmonem, nempe Belzebug, per quem ejecisse illum Dæmonia dixerant. Hinc etiam erat quod quidam (Iohan. 10. 20.) dixerunt *Dæmonium habet & Insanus est.* Quando alii qui illum pro Propheta habuerunt, dixerunt, *Non sum hæc verba ejus qui habet Dæmonium.* Item in Testamento Veteri, is qui missus fuit (2 Reg. 9. 11.) ad ungendum Regem *Iehu*, Propheta erat; eorum tamen qui cum *Iehu* erant aliqui ipsum interrogarunt, *Quamobrem ille venis Insanus?* Manifestum ergo est, illum qui insolito modo, & ab aliorum more multum differente se gerat videri Iudæis possessum esse à bono aliquo vel malo Spiritu. Excipio tamen Sadducæos, qui ex altera parte à veritate tantum abierunt, ut Spiritus

ritus omnino esse non crediderint (id quod prope accedit ad Atheismum.) Fortasse autem tanto magis Dæmoniacos vocabant Pharisæi Insanos , quanto à Sadducæis circa opinionem de Spiritibus discrepabant.

Si hoc ita sit , cur sanat illos Servator noster , non ut Insanos , sed ut Dæmoniacos ? Respondeo. Argumenta quæ à formula dictionis sumuntur , firma non esse. Quoties enim loquitur Scriptura Sacra de Terra , ut immobili , quam tamen Philosophi hodie ferè omnes moveri censent signis evidentissimis ? Scriptura scripta est à Prophetis & Apostolis , ad docendam non Philosophiam (quam ad exercitium Rationis naturalis , contemplationibus disputationibusque hominum reliquit Deus) sed Pietatem , & Salutis æternæ viam. Sive enim Terræ , sive Solis motus Diem & Noctem faciat ; sive humanarum actionum Exorbitatio à Passionibus , sive à Diabolo-orietur , ad Pietatem & Salutem nihil refert. Eorum qui per Verba sola morbos curant , ut fecit Christus (& facere se falsò jactitant Incantatores) Dictio propria est , *Exi. & Insiones* similes. Nonne Christus (Matth. 8. vs. 26.) Objurgavit Ventos , & (Luc. 4. 39.) Objurgavit Febrem ? Non tamen argui hinc potest Febrem esse Diabolum. Præterea eadem Phrasis non ubique Scripturarum idem significat. *In principio erat Verbum* , significat Verbi æternitatem. *In principio creavit Deus Cælum & Terram* non significat fuisse Cælum & Terram ab æterno. Vbi Servator noster (Matth. 12. 43.) loquitur de Spiritu immundo , qui cum exisset ex hominè vagatusque esset per loca arida , quærens requiem nec inveniens , in eundem hominem postea reversus est , cum aliis septem Spiritibus se pejoribus , Parabolica locutio est , alludens ad hominem , qui post conatum cupiditates suas relinquendi debilem victus , septies pejor quam antè erat. Non sunt ergo Scripturæ in sensu verborum rigido semper accipiendæ ; neque ex illis necessarid evinci potest *Dæmoniacos* alios fuisse quam *Insanos* , *Euriosos* vel modo aliquo mente læsos.

Inter Insaniæ signa numerari etiam possunt quorundam hominum Sermones Absurdi , sive Insignificantes ; de quibus dictum est Capite quinto. Atque hoc genus Insaniæ illorum hominum ferè proprium est , qui loqui , vel scribere de iis rebus audent , quæ sunt incomprehensibiles ; id quod soli faciunt Scholastici & Philosophi. Nam vulgus hominum raro , ita loquuntur , ut non possint intelligi ; & ob eam rem ab istis egregiis hominibus spernuntur , habenturque pro idiotis. Ut sciamus autem qualis sit Scholasticorum , & Philosophorum de rebus difficilibus oratio , interpretetur nobis verba ali-

quis, quæ titulum faciunt Capitis 6, Libri 1, Suaris, de *Concursu, Motu, & Auxilio Dei*. Verba autem hæc sunt, *Prima causa non influit necessario aliquid in secundam. Virtute Subordinationis essentialis causarum secundarum, quo illam adjuvet operari*. Qui simili oratione tota implent volumina, nonne insanunt, vel alios insanire volunt? In *Quæstione de Transubstantiatione*, ubi dicunt (post certâ quædam prolata verba) Albedinem, Rotunditatem, Magnitudinem, Qualitatem, &c. quæ omnia sunt incorporea, migrare è Pane, & intrare in corpus Servatoris nostri Iesu Christi, nonne faciunt ex illis Accidentibus totidem Spiritus (nam & Spiritus iidem incorporeos esse putant, etiam si eos à loco ad locum moveri confiteantur.) Itaque genus hoc Locutionis absurdæ numerari inter Insaniæ species multas rectè potest. Tempora autem quibus cogitationes eorundem Insanorum gubernatæ à cupiditatibus mundanis perspicuè explicantur, alia non sunt quam *lucida intervalla*. Atque hæc de Virtutibus & Vitiis Intellectualibus dicta sufficiant.

C A P V T I X.

De Scientiarum Distributione.

Cognitionis duæ sunt Species. Altera Facti: & est Cognitio propria Testium, cujus conscriptio est *Historia*. Dividitur autem in *Naturalem & Civilem*, quarum neutra pertinet ad Institutum nostrum. Altera est consequentiarum, vocaturque Scientia; Conscriptio autem ejus appellari solet *Philosophia*. Quoniam autem subiecta Scientiarum sunt Corpora, distribuenda est in Species, eodem modo quo distribuuntur in suas Species Corpora ipsa, id est, ita ut Vniversaliora minus Vniversalibus antecedant. Vniversalia enim Specialibus essentialia sunt, & proinde universalium Scientia essentialis est Scientiæ Specierum, aded ut hæc, nisi per illorum lucem, percipi non possint. Generalissimum autem Subjectorum Scientiæ est Corpus, cujus Accidentia duo sunt *Magnitudo & Motus*. Illud ergo quod quæritur primò à Philosopho circa hoc subiectum est, quid sit *Motus*, & quid *Magnitudo*. Et Philosophiæ pars hæc appellari solet *Philosophia prima*.

Rursus Magnitudo definita, quæ & *Quantitas* dicitur, vel *Figura* vel *Numero* definitur. Itaque Corpus figura definitum subiectum est partis illius Philosophiæ, quæ *Geometria* dicitur. Partis autem Corporis numero determinatæ Scientia est dicta *Arithmetica*.

Motus.

Motus autem vel *Visibiles* sunt, vel *Invisibiles*, nimirum in Corporum minutissimis partibus. Motuum Visibilium Scientia, eorum est, qui Machinarum, Ædificiorum secreta contemplati sunt.

Motus autem Invisibiles internarum Corporis partium qui propter effectus in Sensus nostros dicuntur *Qualitates*, subiectum est *Physicæ*, sive *Philosophiæ Naturalis*; cuius quot sunt homini Sensus, tot possunt esse Scientiæ Speciales, quarum una est quæ vocatur *Optica*, alia *Musica*.

Deinde si Corpus universi consideretur per partes ejus, ut *Astra* & *Sublunaria*; ex contemplatione Astrorum motorum quatenus motorum, orietur Scientia quæ dicitur *Astronomia*.

Et quoniam partes universi quædam non permanent, sed in interitiis magnorum Corporum modo apparent, modo evanescent, contemplatio Motus illorum gignit Scientiam *Meteorologicam*.

Item à contemplatione partium Telluris, qualia sunt *Mineralia*, *Vegetabilia*, & *Animalia*, totidem oriuntur Scientiæ particulares.

Ex contemplatione denique Hominis & Facultatum ejus oriuntur Scientiæ *Ethica*, *Logica*, *Rhetorica*, & tandem *Politica* sive *Philosophia Civilis*.

Sed ex subdivisione singulorum subsectorum innumeræ aliæ Scientiæ nasci possunt, quas enumerare, neque facile, neque necessarium est.

C A P V T X.

De Potentia, Dignitate, & Honore.

Potentia cujusque (universaliter sumpta) est Mediorum omnium, quæ habet ad Bonum aliquod futurum apparens adipiscendum, aggregatum. Est autem vel *Naturalis*, vel *Instrumentalis*.

Potentia Naturalis, est Excellentia Facultatum Corporis, vel Animi: ut Robur, Forma, Prudentia, Ars, Eloquentia, Liberalitas, Nobilitas. *Instrumentales* sunt quæ per *Naturales* vel fortunam acquisite, Media & Instrumenta sunt ad Potentiam augendam: ut Divitiæ, Existimatio, Amici, & Operatio impercepta Dei, quam homines plerumque appellant Fortunam. Potentiæ enim natura hac in re Famæ similis est, eundo crescens; vel corporum gravium descensui qui procedendo acceleratur.

Humanarum Potentiarum maxima est illa, quæ ex unitorum plurimorum hominum in unam personam consensu est composita,

fit, five illa Persona Naturalis fit, ut Homo, five Artificialis, ut Civitas, à cujus voluntate dependent Potentiæ omnium. Proxima huic Potentia est, quæ dependet à voluntate multitudinis non unitæ; qualis est Potentia Factionis, vel Factionum fœderatarum.

Itaque multos habere Servos, Potentia est; item multos habere Amicos. Sunt enim vires unitæ.

Etiā Divitiæ conjunctæ cum Liberalitate, Potentia est; quia Servos & Amicos parant: absque Liberalitate, non item; quia non defendunt, sed Invidiæ exponunt.

Potentia Existimatio, Potentia est; quia adhærere sibi facit eos qui Defensione indigent.

Etiā Existimatio boni Civis & Patriam amantis (quæ vocatur Popularitas) Potentia est; propter causam proximè supra dictam.

Vniversim, Qualitas quæcunque, si gignat vel Amorem vel Metum multorum hominum, & hujusmodi Qualitatis opinio, Potentia est; quia Medium est ad auxilia & Officia multorum.

Successus felix, potentia est; quia gignit Prudentiæ, vel bonæ Fortunæ Opinionem; nam facit ut illum metuant, aut in illum confidant multi.

Affabilitas Potentium, est Potentiæ majoris acquisitio; quia gignit Amicitiam.

Existimatio Prudentiæ in rebus gerendis, five Pacis, five Belli, Potentia est: quia prudentibus regendos nos permittimus libentius quam aliis.

Nobilitas est Potentia, non ubique, sed in Civitatibus, ubi Nobilibus indulgentur privilegia; quia in his illorum consistit Potentia.

Eloquentia Potentia est, quia Prudentia Apparens.

Forma Potentia est, est enim Boni promissio; ideoque commendat hominem hominibus ignotis.

Scientia, Potentia est; sed parva, quia Scientia egregia rara est, nec proinde apparens nisi paucissimis; & in paucis rebus. Scientiæ enim ea natura est ut esse intelligi non possit, nisi ab illis qui sunt Scientia præditi.

Artes quæ conducunt multum ad utilitatem publicam, Potentia sunt; ut Artes Muniendi, Machinas aliaque instrumenta Belli fabricandi; quia ad Defensionem, & Victoriā plurimum conferunt.

Dignitas significat interdum Valorem five pretium hominis, nempe tantum, quanti Potentiæ ejus usum aliquis emere veller. Major ergo vel minor est, prout ab aliis æstimatur. Dux militum egregius,

gius, præsentē vel imminente Bello magni Pretii est; in Pace non tanti. Iudex peritus & integer Pretii in Pace magni est; non item in Bello. Nam ut in rebus cæteris, ita etiam in hominibus, non ex vendentis, sed ex ementis arbitrio constituitur Pretium. Quancunque quis seipsum æstimet, tanti tamen est, quanti æstimatur ab aliis.

Manifestum facere quanti aliquem æstimemus, id ipsum est, quod *Honorare*, & *Inhonorare*; nempe magni æstimare, est *Honorare*; parvi, *Inhonorare*.

Dignitas autem plerumque significat, non æstimationem qua Homo, sed qua Civitas aliquem magni æstimat, quando in illum vel imperium vel magistratum, vel negotium publicum quodcunque, vel etiam Nomen vel Titulum honoris causa confert.

Opem poscere, *Honorare* est; quia Potentiam agnoscimus.

Honor.

Obedire est *Honorare*; quia non paremus nisi illis qui possunt prodesse vel officere. Dona alicui dare Magna, est *Honorare*; quia Potentiæ agnitio est, & defensionis quædam emptio. Sed Parva dare, *Inhonorare* est; quia similis Eleemosynæ est. Significatque, eum qui dat, illum existimare, cui datur, etiam parvis indigere. In promovendo Bono alieno sedulum esse, etiam adulari, *Honorare* est; quia signum est quod protectione vel auxilio indigemus.

Loco cedere in re quacunque cupita, *Honorare* est; quia confessio Potentiæ majoris.

Amoris vel Metus indicia patefacere, *Honorare* est. In utroque enim est confessio Potentiæ.

Laudare, Magnificare, Beatum dicere, est *Honorare*; quia Bonitas, Potentia, & Felicitas maximè æstimantur. Contra, Convitiari, Irridere, Misericordere. *Inhonorare* est.

Quem alloquimur consideratè, quem adimus decorè, humiliterque, *Honoramus*; nam signa hæc sunt nolentis displicere. Contra temerè alloqui, etiam impudenter vel turpiter coram agere, *Inhonorare* est.

Crederè, Fiderè, *Honorantis* est; signum enim est Potentiam attribuentis.

Consilium alicujus, vel sermonem quemcunque auscultare, *Honorantis* est; signum enim est prudentiam, vel Ingenium vel Eloquentiam attribuentis. Interea dormire, exire, interloqui Contrarium.

Ea facere alicui quæ pro signis honoris ipse accipit, vel ea quæ Lex aut Consuetudo Honoris signa statuit, *Honorantis* est; quia Honorem ab aliis illi habitum confirmat,

In Opinionibus consentire, *Honorantis* est; ut Iudicium & Sapientiam ejus comprobantis. Dissentire, Contrarium est; utpote erroris (vel si dissensio sit in multis rebus) Stultitiæ exprobratio.

Imitari, *Honorantis* est; ut quæ est approbatio vehemens.

Honorare quos quis honorat, *Honorare* ipsum est; nempe Iudicii ejus approbatio.

Operâ alicujus uti, in capiendo consilio, vel in rebus arduis, *Honorantis* est; ut Sapientiæ, vel Potentiæ ejus agnitio.

Atque hæc *Honoris* signa, tum in Civitatibus, tum extra, *Naturalia* sunt. In Civitatibus autem; ubi is vel ii qui habent Authoritatem signa *Honoris* constituendi quæcunque volunt, alii sunt *Honorandi* modi.

Civitas Civem *Honorat* impertiendo Titulum, vel Provinciam, vel Negotium quodcunque, si illud *Honoris* signum esse constituerit. *Mardochæum* Rex *Persie* tunc Honoravit quando per Urbem Regio habitu circumduci illum jussit à viro Principe proclamante, *sic fiet illi, quem Rex Honore afficiet*. Contrà, quod fieri jubet Civitas contumeliæ causa, *Contumelia* est; ut quando idem Rex *Persie* cuidam qui rei alicujus bene gestæ præmium petiit, veste Regia amictum incedere, quod rogavit concessit, addendo quod vestem illam gereret ut Regis Scurra. Fons enim *Honoris Civilis* est Persona Civitatis, dependetque à voluntate ejus qui summam habet in Civitate Potestatem. Itaque Honor Civilis temporarius est, ut Magistratus, Ministerium publicum, Titulus; & aliquibus in locis *Tunica* & *Scuta picta*: qui autem his ornantur, *Honorabiles* sunt, utpote habentes Gratia Publicæ toridem signa. Gratia autem publica Potentia est.

Honorabile est, Possessio, Actio, vel Qualitas quæcunque, si argumentum sit Potentiæ.

Itaque Honorari, Amari, vel Metui à multis Honorabile est; ut signum sit Potentiæ.

Res prosperæ (dum durat) *Honorabile* est; ut signum favoris divini. Contrà Adversitas, contemptibilis. Divitiæ sunt *Honorabiles*; sunt enim signum Potentiæ. Magnanimitas, Liberalitas, Spes, Fortitudo, Fiducia, *Honorabiles* sunt; oriuntur enim à Potentiæ Conscientia.

Id quod faciendum est, oportune (id est nec nimis cito, nec sero) determinare, *Honorabile* est; quia natum à contemptu difficultatum & periculorum non magnorum.

Actiones omnes Sermonesque qui nascuntur vel videntur nasci à multa Experientia, Scientia, Iudicio, vel Ingenio, *Honorabiles* sunt. Sunt enim Potentiæ.

Gravi-

Gravitas, quatenus oritur vel videtur orta ab animo negotiis occupato *Honorabilis* est; quia res gerere Potentia est. Sin procedat ab ipsius Gravitatis affectatione, Turpis est. Gravitas enim illa prior similis est tarditati Navis, quæ bonarum mercium onere tardè procedit. Sed gravitas illa posterior similis est motui Navis sola onusta saburra, ne evertatur.

Clarum esse, id est multis cognitum esse, propter Opes, Actiones, vel Bonum quodcunque, *Honorabile* est; ut signum Potentiæ propter quam cognoscitur.

Claris parentibus ortum esse, *Honorabile* est; quia huiusmodi homines auxilia, & amicos majorum suorum ad se facile transferunt. Actiones quæ oriuntur ab *Æquitate*, si cum damno fiant, *Honorabiles* sunt; ut signa Animi Magni.

Cupiditates Divitiarum ingentium, & Honorum magnorum, *Honorabiles* sunt; ut quæ signa sunt potentiæ, quam is videtur sibi ea adipiscendi possidere. Cupiditas contra rerum exiguarum, Turpis est.

Quod ad Actionis *Honorem* attinet, modo actio magna & ardua sit, & proinde magnæ Potentiæ argumentum, utrum iusta, an iniusta sit, parum refert. Consistit enim Honor in solius Potentiæ existimatione. Itaque Ethnici antiqui, qui Deos quos in versibus suis Adulteria*, Cædes, aliasque magnas quidem sed iniustas vel immundas actiones commisisse faciunt, non illos (ut existimavere) dehonestabant, sed valde honorabant; & propterea nihil in *Iove* magis celebrabant quam ejus Adulteria, neque in *Mercurio* quam furta & fraudes; in cuius laudibus ab *Homero* ponitur hoc,

Natus mane, die medio factus Citharædus,

Armentum Phæbi fur vespertinus abegit.

Antequam magnæ extitere Civitates, ignominia non erat, sed potius Honorificum, & negotii genus legitimum, si quis terra vel mari prædo erat, ut ex historiis antiquis manifestum est, præsertim Græcis. Etiam hodie in hac nostra parte orbis terrarum, pugna singularis privatorum, quanquam illicita, Honorifica tamen est, & erit, donec excogitata fuerint leges, quarum virtute fieri possit, ut qui ad pugnam provocat, vilis, qui provocationi non respondet Honorandus videatur. Quod an effici queat non video. Nam promptitudo ad pugnam Fortitudinis signum semper est, quæ in statu hominum naturali Virtus maxima, si non unica est; pugnam autem recusare non natura sed Legibus Virtus fit, & Legibus Natura Fortior est.

Tunicæ & Scuta picta hæreditaria, ubi adjuncta habent Privilegia,

gia, Honorabilia sunt, absque illis non item. Potentiæ enim Insignia talia consistunt in Privilegiis, vel in Divitiis, aliæ re quæ in cæteris hominibus æquè Honoratur. Genus hoc Honoris vulgò dicta *Nobilitas gentis*, ab antiquis Germanis videtur derivata. Res enim omnibus incognita est, nisi quibus cogniti sunt mores Germanorum. Neque usquam hodie in consuetudine sunt, ubi illi non aliquando habitaverunt. Græcorum veterum Duces ad bellum exeuntes scuta quidem picta, sed suo quisque arbitrio gestare consueverunt; pauperis, & gregarii militis erat scutum purum. Sed ad filios non transierunt scuta ut pars hæreditatis. Romanorum familiis Insignia quidem erant sua, quæ ad posteros suos descenderunt; nec tamen scuta, sed Imagines Majorum suorum. In *Asia*, *Africa*, & *America* tale nihil est. Proprium erat hoc Germanorum; à quibus in *Angliam*, *Galliam*, *Hispaniam*, & *Italiam* manavit, quo tempore, magno numero, aut Romanis aut sibi met ipsis in his partibus mundi Occidentalibus militaverunt.

Germania enim cum esset antiquitùs (sicut cæteræ gentes) divisa inter plurimos exiguos Regulos, five potius Patres Magnarum Familiarum, perpetuò inter se bellantes, Reguli illi maxime, ut cooperti Armis à militibus suis dignoscerentur, partim etiam ornamenti causa, Arma sua, aut Scuta, aut Tunicam Imagine ornabant alicujus Bestiæ, vel alius rei; etiam visibilem notam aliquam cassidi imposuerunt, quæ ornamenta five Insignia Armorum ad filios suos descendebant; & quidem ad natu maximum, sicut erant à patre gestata, ad cæteros autem cum nota aliqua distinctionis, qualem Princeps familiæ (id est Germanicè *Herald*) constituerebat. Sed quando hujusmodi familiæ conjunctæ fuerunt, ita ut magna jam Monarchia facta esset, officium hoc Principis familiæ, Scuta five Insignia constituendi, alii demandatum est, quem nunc appellant *Heraldum*. Atque ex illorum Regulorum sobole orta est maxima & antiquissima, quæ nunc est, in hac parte orbis Nobilitas. Gestant autem aut animalia, rapina & fortitudine nota, aut Castra, Valla, Tela, & ejusmodi notas belli. Nihil enim illis temporibus in pretio tanto erat quantum Virtus Bellica. Postea autem non solum Reges, sed etiam Civitates populares exeuntibus in bellum vel à bello redeuntibus, provocandæ vel remunerandæ virtutis causa, Scuta diversimodè picta concesserunt. Quæ omnia in Historiis antiquis, tum Græcis tum Latinis, ubi de Germanorum gente & moribus verba faciunt, inveniri possunt.

Honoris Tituli, quales sunt *Dux*, *Comes*, *Marchio*, *Baro*, Honorabiles sunt, ut qui significant quantum eos æstimet is, vel illi, qui Civitatis

tatis summam habent Potestatem. Tituli autem illi fuerunt olim Ministerii publici, & derivati partim à Romanis, partim à Germanis, & Gallis. *Duces* enim erant, qui Romanorum exercitus duxerunt; *Comites*, qui comitabantur *Duces*; quibus etiam loca capta & pacata, à redeuntibus *Ducibus* regenda & tutanda relinquebantur. *Marchiones Comites* erant, qui regebant Imperii limites. Atque Tituli *Dux*, *Comes*, *Marchio*, in Imperium Romanum introducti sunt, à consuetudine Militiæ Germanicæ, circa tempora *Constantini Magni*. At *Baro*, Gallorum Titulus videtur esse, significatque magnum hominem, vel Magnatem, quorum in negotiis bellicis opera maxime utebantur Reges. Deducta autem videtur vox à Latina *Vir*, unde facilis est lapsus ad *Ber*, & *Bar*, quæ Linguâ Gallorum idem significabat quod Latine *Vir*; inde facilis erat transitus ad *Bero* & *Baro*; hincque facta Ciceroni vox Latina *Berones*, & postea Gallica *Barones*, & Hispanica *Varones*. Hæc & alia multa de his scripta invenies à *Iohanne Seldeno* in libro de *Titu's Honoris*. Progrediente tempore propter quorundam hominum Potentiam in Regno Angliæ Reipublicæ incommodam, cessantibus aut ablatis Titulorum horum Potentiis, Tituli tandem in Divites, vel bene meritos ad nullam aliam rem collati sunt, quam ad distinguendos Civium ordines; factique sunt *Duces*, *Comites*, *Marchiones*, & *Barones* locorum, ubi nec imperium ullum, neque agros habuere.

Dignitas etiam accipitur aliquando pro Apritudine; ut Dignus sit is Imperio vel Magistratu qui *Idoneus* est, id est qui qualitatibus illis maxime præditus est, quæ ad Imperium & Magistratum administrandum sunt necessariae. Item Dignus divitiis, qui scit illis bene uti.

Dignus etiam dicitur unusquisque ejus rei quam meretur. Meritum autem Dignitas nunquam dicitur; nam distinguuntur eo quod Meritum præsupponit jus ex promisso; Dignitas non præsupponit jus.

C A P V T X I.

De Varietate Morum.

PER *Mores* intelligo hoc loco non comendi, vestiendi, salutandi ritus, aliaque Moralia Parva quæ docentur pueri; sed humani generis qualitates illas, quibus Pax conservatur, & Civitatis status confirmatur.

Sciendum autem est, vitæ præsentis Felicitatem non consistere in

tranquillitate sive requie animi. *Finis* enim *ultimus & Summum Bonum*, de quibus loquuntur Ethici Veteres, locum in præsente vita nullum habent. Neque is, cujus Cupiditates ad finem pervenerunt, vivere potest, magis quam is cujus Sensus & Memoria perierunt. *Felicitas* progressus perpetuus est ab unâ Cupiditate ad alteram; & adeptio prioris Cupiti, ad adeptionem posterioris Via est. Causa hujus rei est; Quod Objectum Cupiditatis humanæ, non est ut eo semel, & quasi ad momentum temporis fruatur homo, sed ut fruitionem suam securam in futurum reddat. Itaque Actiones voluntariæ non solum eo tendunt, ut bonum procurent, sed etiam ut certum sibi in perpetuum faciant. Sed non eadem via omnium procedunt Actiones, propter diversorum hominum diversas passionēs; partim etiam propter differentiam opinionum, quas habent diversi homines circa causas, à quibus res cupita sit producenda.

Primo ergo loco pono, Morem omnium hominum esse, ut perpetuo atque indelinerenter potentiam unam post aliam per omnem vitam persequantur; non quod quis majorem sive intensiorem semper speret, quam qua jam fruitur, neque quod modica Potentia contentus esse non possit; sed quod Potentiam, & bene vivendi facultates præsentes conservare non possit, nisi acquirendo plura. Atque hinc est, quod Reges, quorum Potentia est maxima, ad eam, tum domi Legibus, tum Foris Armis tutandam se convertant. Etiam quando hoc quoque rectè successit, Cupiditas oritur alia nova, aut Famæ aut Voluptatum novarum.

Divitiarum, Honorum, Imperii, vel Potentiæ cujusunque Cupiditas disponit hominem ad Contentionem, Inimicitias, & Bellum; competitorum enim interficere, vincere, & quomodocunque repellere, competitori alteri ad obtinendum quod cupit, Via est.

Laudis competitio venerationem producit antiquitatis. Nam qui vivunt cum viventibus non cum mortuis contendunt, & his plus iusto tribuunt, ut ab illis demant.

Cupiditas Otii & Voluptatis disponit homines ad parendum Potentiæ alicui communi; quia propter Cupiditates illas, homines Potentiam quam à sua ipsorum Industria sperare poterant, derelinquunt. Metus mortis violentæ & vulnere disponit ad idem, & propter causam eandem. Homines indigi iidemque fortes, nec forte sua contenti; etiam in Honoribus militaribus Ambitiosi disponuntur ad bella & seditiones excitandas, & ad causas eorum alendas; quia sine his militaris gloria nulla est.

Cupiditas Scientiarum, pacisque Artium, disponit ad parendum Poten-

Potentia communi; continet enim Cupiditatem Otii, quod sine Potentia alienae protectione haberi non potest.

Amor Laudis disponit ad Actiones laudabiles, quales placiturae illis sunt, quorum iudicium magnificimus; quorum autem personas eorum etiam Laudes spernimus. Cupido Famae post mortem; idem facit, Quamquam enim post mortem Laudes hominum non sentimus, ut quae gaudia sunt ab ineffabilibus gaudiis absorpta, vel ab indicibilibus doloribus extincta; vana tamen non est, quia Fama praevisa per se placet, atque etiam insuper propter bonum ad posteritatem inde redundaturum. Nam etsi hoc nesciant, imaginantur tamen; quod autem in sentiendo placet, placet etiam in imaginatione.

Majora à Paribus bona accepisse, quam speramus posse retribuere, disponit ad odium secretum, simulque amorem fictum; facitque hominem similem Debitoris, qui non est solvendo; nam talis praesentiam creditoris odit, optatque illum tacitus ibi esse, ubi videri amplius non possit. Beneficia enim obligant; obligatio autem servitus est; & obligatio insolubilis servitudo perpetua. Servire autem pari odiosum est. Beneficia autem accepta ab eo, quem agnoscimus superiorem, disponit ad amorem; quia obligatio haec, depressio nova non est: etiam acceptatio grata, quae obligantem semper obligat, habetur ubique pro retributione. Beneficia accepisse ab aequali vel etiam ab inferiore, dum spes est retribuendi, disponit ad amorem. Obligatio enim est boni mutui; unde oritur aliquando in Benefaciendo *Emulatio*, & certamen omnium utilissimum & nobilissimum, cum quis alterum benefaciendo superat, ubi victori sua placet victoria, & victo ipsum certasse ultio est.

Læsis major quam is qui læsi potest aut vult reparare, disponit hunc ad odium læsi. Nam aut ultionem expectat aut Veniam, quarum utraque est odiosa.

Damni ab alio metus disponit ad anticipationem, vel ad parandos socios. Nam ut quis vitae & libertatis securus sit, via alia nulla est.

Qui ingeniis propriis diffidunt, melius disponuntur in seditionibus ad victoriam, quam illi qui se sapientes vel astutos esse putant. Nam hi consulere, illi (metuentes decipi) ferire priores amant. Quia autem in seditionibus homines quasi in procinctu praelii semper sunt, bene inter se consentire, & viribus quotiescunque possunt uti, strata-gema melius est, quam quod facile à subtilitate ingenii nasci possit.

Inanis Gloria, quae nullo innixa fundamento, Virtutum alienarum, quasi suarum Fictio mera est, quos possidet, ad Ostentationem, non

ad Aggressionem urget; quia, cum ad vera pericula ventum est, nihil expectant, præterquam ut vanitas ipsorum detegatur.

Inanis Gloria, quæ pro fundamento habet, vel adulationem aliorum, vel Actionem aliquam præcedentem prosperam licet, at fortuitam, eos quos possidet, ad inceptum quidem acuit, in mediis autem periculis deserit. Itaque pallent, tremunt, fugiuntque; vitæ, quæ reparari non potest, prospicientes potius, quam honori, quem rescirci aliquo modo, mendacio forte, posse sperant.

Qui valde sibi videntur periti rerum politicarum, dispositi ad Ambitionem sunt. Quia huiusmodi peritiæ, nisi in negotiis publicis, honor perit. Itaque Oratores eloquentes facile ambitiosi fiunt; nam Eloquentia, tum ipsis Eloquentibus, tum aliis habetur pro Sapientia.

Puillanimitas cunctatorem facit, qui rerum gerendarum tempora plerumque perdit; quando enim deliberatum est, quantum permittit gerendæ rei necessitas, si quid factu optimum est, non appareat, certum est, non multum interesse, utrum hoc, an illo modo feceris; & per consequens rerum magnarum occasiones, pensitando nugas, amittuntur.

Frugalitas (quanquam in homine privato Virtus) illis quibus ea gerenda sunt quæ multorum hominum vires simul postulant, aptitudinem adimis. Conatum enim debilitat, qui nutriri & conservari Præmio debet.

Eloquentia, cum Blandiloquentia amicos acquirit quibus confidatur; quia illa, ut Sapientia apparet, hæc, ut Amor. Illis si adjungatur existimatio militaris obedientiam acquirit. Nam qualitates illæ duæ priores contra periculum ab ipso, posterior contra periculum ab aliis Cautio est.

Ignoratio causarum disponit, vel potius cogit ad consilium sequendum, & Authoritatem aliorum. Omnes enim, quorum interest veritatem scire, si propriis consiliis non acquiescant, aliorum, quos se Sapientiores esse putant, nec cur fallerent, vident, consilia sequuntur necessariò.

Ignorare quid verba propriè *significant*, sive quod idem est non posse rectè Intelligere, facit, ut veritatem & falsitatem, atque etiam verba nihil significantia ab aliena sumamus autoritate. Neque enim error, neque contradictio verborum sine perfecto Intellectu potest detegi.

Ab eadem causa profiscitur, ut sine studio & intellectu, claro, distingui non possit inter unam actionem multorum hominum, & plures actiones unius multitudinis. Exempli causa, differentia magna est.

est inter actionem Senatorum Romanorum omnium unam, cum interficerent *Casilinam*, & plures actiones Senatorum illorum, qui interfecerunt *Cæsarem*. Itaque qui parum intelligunt verba, pro Actione populi, sæpenumero accipiunt Actiones quæ sunt ab hominum multitudine, quanquam ab unius forte instigatione natas.

Ignoratio causarum & constitutionis primæ Juris, *Æquitatis*, *Legis*, & *Justitiæ* facit, ut homines pro suarum actionum regula sequantur consuetudinem, & *Exempla* temporis præteriti; putantque *Injustum* nihil aliud esse, quam quod puniri consuevit; *justum*que esse quod aliquando impune fuit, quasi pueri, qui boni & mali moris aliam regulam nullam habent, præter Parentum & Magistrorum correctiones. Pueri tamen sua regula constanter semper usi sunt; homines autem adulti à consuetudine ad rationem, & rursus à ratione ad consuetudinem, quoties volunt per contumaciam provocant, rationemque oppugnant, quoties ipsorum commoda oppugnat ratio. Doctrina ergo *Justi* & *Injusti* perpetuò disputatur tum *Scriptis* tum *Armis*; doctrina autem *Linearum*, & *Figurarum* non disputatur; quare? Quia in doctrina hac, quænam sit veritas (quia nullius ambitionem, lucrum, aut cupidinem impedit) pauci curant. Nam si *Propositio* hæc *Euclidis*, *Tres Anguli Trianguli æquales sunt duobus rectis*, utilitati eorum, qui dominantur contraria esset, non dubito quin dudum, si non disputata, suppressa fuisset.

Ab Ignoracione Causarum remotarum, fit ut eventus omnes imputent homines Causis immediatis & instrumentalibus; causas enim alias nullas vident. Itaque quandoque onerantur ære Publico, iras exonerant in Publicanos, id est Conductores, Exactores, aliosque redditum publicorum Ministros; idemque reprehensoribus publici regiminis sese aggregant; cumque crimini se immerferint; una cum illis Authoritatem ipsam Supremam oppugnant, vel metu supplicii, vel quia ignosci pudet.

Ignoratio Causarum Physicarum Credulitatem gignit, eo usque aliquando, ut ea credantur, quæ sunt impossibilia. Nam quæ sunt, & quæ non sunt impossibilia, non omnes norunt. Credulitas autem, quia maxima pars hominum in congressibus auscultari sibi amat, Credulum mendacem plerumque facit: Itaque Ignorantia ipsa sine alia pravitate hominem non solum ad mendacia credenda, sed etiam ad narranda, & quandoque etiam ad cogitanda aptum reddit.

Futuri temporis Sollicitudo ad causarum investigationem homines adigit; quia causarum cognitio rerum præteritarum, rebus præsentibus lucem præferre solet.

Causas cognoscendi Amor, hominem ab effectus consideratione ad quærendam causam acuit, & rursus causam causæ, & sic deinceps, donec ad cogitationem hanc veniatur, Causam aliquam esse æternam, sive qua prior nulla esse potuit. Adeo ut, qui profundè in rerum naturalium contemplationem se immerferit, impossibile sit quin inde disponatur ad credendum unum esse Deum & Æternum, quamquam ideam naturæ divinæ animo concipere non possit. Sicut enim homo, qui cæcus natus est, etsi audierit dicentes alios, se ad ignem calefieri, ducaturque ad eundem ignem, ut & ipse calefiat; facile cognoscet, esse aliquid eo loco, a quo ipse celest, quemque homines Ignem vocant; cui autem rei similis sit, imaginari, aut Ideam ignis, qualem videntes habent, habere non potest: ita homo, à contemplatione ordinis rerum visibilium, earundem causam aliquam esse, quem Deum appellant certus est, nec tamen Imaginem, aut Phantasma ejus inde aliquod animo concipere potest.

Etiā illis, qui de rerum naturalium causis parum aut nihil solliciti sunt, metus quidam inest, ortus ab eo ipso, quod an sit potentia aliqua necne, qua juvari aut lædi possint, ignorant; atque ab eo metu proclives sunt ad Suppositionem & Fictionem variarum Potentiarum invisibilium, metuentes sua ipsorum Phantasmata, quæ invocant in rebus adversis, laudant in prosperis, & faciunt denique Deos. Atque inde factum est, ut homines à Phantasmatibus suis innumerabilibus, innumerabiles creaverint sibi Deos. Metus autem hic invisibilium, Semen est ejus quam quisque in seipso Religionem vocat, in illis autem qui diversè metuunt colunt, Superstitionem.

Religionis Semen hoc, cum à pluribus animadversum esset, à quibusdam cultum, & in leges formatum est, opinionemque de causis rerum futurarum variæ adinventæ sunt, quibus putabant optime fieri posse, ut alii ad serviendum sibi inducerentur.

C A P V T XII.

De Religione.

CUm neque signum neque fructus Religionis nisi in solo homine animadversus sit, non est dubitandum quia Religionis Semen in homine solo obtineat, consistatque in aliqua qualitate (aut saltem in aliquo ejus gradu) homini propria.

Primo autem, naturæ humanæ proprium est, Causas investigare even-

eventuum quos vident, alii magis, alii minus; sed omnes quatenus possunt causas investigant propriæ fortunæ sive bonæ sive malæ.

Secundo, homines omnes, si alicujus rei Principium viderint, concludunt statim, eandem rem Causam habuisse, quæ effecit, ut inciperet eo tempore potius quam alio.

Tertio, quia brutorum animantium felicitas in fruitione consistit voluptatum sensualium, ut quæ propter tarditatem ingenii consequentiarum dependentiarumque ordinem non observant, Homo autem, quæ causa, quem effectum producit animadvertit, & quæ res antecessit, & quæ consecuta est, memoria tenet; etiam quando causarum verarum inscius est; causas supponet, quas ipse imaginatur, vel suggerunt alii, quos seipso Sapientiores esse arbitratur.

Ab his Naturæ humanæ proprietatibus nascitur Anxietas. Rerum enim omnium quæ hætenus contigerunt, aut postea contingent, causas esse Homines certò sciunt; conantibus verò mala quæ metuunt arceri, & bona quæ cupiunt procurare, temporis futuri sollicitudinem perpetuam evitare impossibile est. Vnusquisque ergo, cum primis is qui in futurum tempus maximè prospicit, similem Prometheo vitam agit. Nam ut Prometheus (id est, Providentiâ excellens) monti Caucaso (unde satis longè prospicere erat) affixus, quotidie cor devorandum Aquilæ præbuit, ita ut quantum noctibus reficiebatur, tantundem interdiu consumeretur: ita Cor hominis in longitudinem nimiam prospicientis, à metu Mortis, vel egestatis, vel calamitatum, vel curis aliis mordacibus sine intermissione, præterquam in somno, roditur.

Metus hic perpetuus, qui genus humanum in causarum ignorantia, quasi in tenebris comitatur, Objectum habet necessariò aliquod. Quia ergo fortunarum suarum causam aliam homines non vident, nihil est quod accusare possunt, præter *Potentiam* aliquam, & *Agentem invisibilem*. Atque hinc fortassè fuit, quod veterum Poëtarum aliquis, *Deos primos à Timore factos esse* dixerit. Id quod de Diis (id est, de multis Ethnicorum Diis) verum est. Agnitio verò *Unici, Æterni, Infiniti, Omnipotentis Dei*, ab investigatione causarum, Virtutum operationumque corporum naturalium, quam à Sollicitudine futuri temporis, facilius derivari potuit. Nam si quis ab Effectu quocunque quem videt, ad Causam ejus proximam ratiocinaretur, & inde ad illius Causæ Causam proximam procederet, & in Causarum deinceps ordinem profunde se immergeret, inveniret tandem (cum veterum Philosophorum sanioribus) unicum esse primum Motorem, id est, unicam

unicam & æternam Rerum omnium Causam, quam appellant omnes *Deum*; atque hoc sine omni fortunarum suarum cogitatione, quarum cura & Metum gignit, & ab inquisitione Causarum naturalium Animum avertit, simulque tot Deorum fingendorum occasionem præbet, quot sunt fere, qui eos fingunt.

Quod ad Deorum materiam sive substantiam attinet, cogitare aliam vix potuere quam qualem putaverunt esse substantiam Animæ humanæ. Animæ autem humanæ substantiam talem esse arbitrati sunt, qualis est Hominis, vel aliorum Corporum, in somnio vel speculo apparentium species; quam nihil esse aliud præter Phantasma nescientes, substantiam realem esse crediderunt, sed tenuem, & propterea eam *Spirium* vocabant. Sunt autem *Spiritus* Corpora tenuissima. Tales fuere Ethnicorum *Agentes invisibiles*, nimirum Dii & Dæmones; sed quia modò apparere, modò evanescere solebant more Phantasmatum, spectra & Vmbras, quàm Spiritus & substantias nominare maluerunt. Corpora tamen esse putabant. Quod autem res eadem & *Spiritus* sit & *Incorporea*, intelligi non potest. Spiritus enim loco & figura, id est Terminis & magnitudine suâ aliquâ determinatur; & proinde Corpus est, utcunque tenue & insensile. Illi igitur qui meditatione propria in cognitionem venerunt unius Infiniti, Omnipotentis & Æterni Dei, maluerunt illum supra intellectum nostrum, Incomprehensibilemque esse confiteri, quam Naturam ejus per *Spirium Incorporeum* (præter Scripturæ autoritatem) definire, & deinde confiteri Definitionem illam non esse intelligibilem: Sed Deum esse Spiritum incorporeum dixerunt fortasse non Dogmaticè, ut Naturam Divinam per ea verba comprehenderent, sed ex intentione piâ Deum Attributo aliquo honorandi, quod Corporum visibilibus crassitudinem omnem à Deo removerent.

Deinde, quâ viâ Invisibilia illa Agentia effectus suos prodixerunt, id est, quibus causis secundis utebantur, ii qui quid sit *Causam esse* nesciunt (id est, maxima pars Hominum) penitus ignorabant; neque aliter conjicere potuerunt, quam ex observatione & memoria ordinis, quo tempore præterito una res aliam antecessit vel consequuta est; quanquam nullum inter Antecedentia & subsequencia connexionem viderint. Itaque à similibus præteritis similia expectabant futura, sperabantque bonam, aut malam fortunam ab illis rebus quæ nihil omnino speratis contribuebant. Sic Athenienses propter res ad Naupactum à Phormione contra Lacedæmonios bene gestas, illo mortuo, alium elegerunt Phormionem. Item Romani propter res in Africâ contra Annibalem foeliciter gestas à Scipione, in eadem Africâ

Africâ Imperatorem elegerunt contra Cæsarem alium Scipionem, ambo infeliciter. Idem aliis locis & temporibus factitatum est. Fortunam suam alii (post duos vel tres casus similes) personæ alicui astanti, vel fortunato vel infortunato loco tribuerunt. Alii verbis quibusdam prolatis, quas Incantationes vocant, tantam virtutem ascribunt, ut Panem in Hominem, Quidlibet in Quodlibet mutari posse putent:

Tertiò, Cultus qui Potentiis invisibilibus, dictante solâ Naturâ, exhiberi potest, alius non est quàm quo homines superiores suos colere consueverunt; nempe signa Honoris & Reverentiæ, ut Dona, Preces, Gratiæ, Submissio, Alloquia & Gestus decori, & huiusmodi alia. Nam Sacrificia cruenta dictamen Naturæ non sunt, ut quæ ab initio ad Sacrificatores alendos à Civitatibus instituta erant. Neque Cultus naturalis videtur esse *Insurandum*, quia extra statum Civilem Iuramento non est locus. Ratio naturalis Cultus alios quàm quos dixi non suggerit, sed quicquid, ultrâ est, Legibus relinquit singularum Civitatum.

Postremò, Quod ad modum attinet, quo Agentia hæc invisibilia hominibus præterita, futura, prospera & adversa indicant Natura nihil dictat. Itaque futura ex præteritis conjicientes, simile ejus quod Effectum aliquem aliquoties antevertit, pro prognostico habent, Effectus similis sequuturi.

In his autem quatuor rebus, Metu Spirituum, Ignorantiâ Causarum secundarum, Cultu eorum quæ timent, & sumptione fortuitarum pro prognosticis, consistit Religionis semen naturale, quod per hominum Phantasias, Iudicia, Passiones & Consilia diversa, adeo diversas produxit ceremonias, ut quæ Lege in una Civitate comprobantur, in aliâ derideantur.

Semina autem hæc à duobus Hominum generibus culturam nacta sunt. Primum genus est eorum, qui secundum suas ipsorum phantasias, Religionum authores extiterunt. Alterum, eorum, quibus ab ipso Deo, præcepta & præscripta Religio fuit. Vtrorumque autem consilium erat initiatos suos sibi reddere obediētiore. Illorum Religio pars Politicæ, Horum Politica pars Religionis est, & Præcepta continet, qualia illis conveniunt qui in Civitatem Dei admittuntur. Illorum Religionem à Legislatoribus Gentium, Horum Religio ab *Abrahamo, Mose, & Iesu Christo*, qui Regni Cælorum Leges nos docuerunt, instituta est.

Quod ad Agentium invisibilium nomina attinet, nihil est, si modo nomen habeat quod ab Ethnicis aliquibus pro Deo aut Dæmone ha-

bitum non sit; neque res aut locus quem non ab aliquo Spiritu animatum, habitatum, sive occupatum finxerint aliqui.

Mundi materia informis Deus habebatur, dictus Chaos. Coelum, Terra, Oceanus, Planetae, Ignis, Venti totidem Dii.

Viri, Fæminæ, Aves, Crocodilus, Vitulus, Canis, Anguis, Porcum, Capre, deificata. Omnia ferè loca Dæmonibus plena erant; Campestria Panibus & Paniscis; Silvæ Faunis & Nymphis. Omnis Fluvius & Fons Dæmonem habebat cognomine; Vnaquæque Domus suum Larem; Vnusquisque Homo suum Genium. Plenum erat Dæmonibus Infernum; Larvæ, Lemures, Vmbra mortuorum omnibus fere locis. Etiam Accidentibus divinitatem attribuerunt, templa ædificaverunt, ut Tempori, Diei, Nocti, Paci, Concordiæ, Amori, Contentioni, Victoriæ, Virtuti, Honori, Sanitati, Rubigini, Febri; quæ cum optarent aut metuerent, invocabant, quasi impendentes capitibus Deos. Etiam Ingenia propria invocabant nomine Musarum; Ignorantiam propriam nomine Fortunæ, Luxuriam propriam nomine Cupidinis; Iram propriam nomine Furiarum; Pudenda propria nomine Priapi; proprias denique Pollutiones Incubis & Succubis imputaverunt. Adeo ut nihil esset de quo ut de persona Poëta loqui potuit, quod non ab illis aut Deus aut Dæmon crederetur.

Iidem Religionis Gentium authores, cum Religionis fundamentum animadvertissent esse Causarum ignorance, & inde innatum hominibus morem fortunas suas Causis adscribendi, nihil ad Effectum attinentibus, obtrudere ignorantibus ausi sunt pro Causis secundis secundos quosdam & ministrantes Deos, Fœcunditatem Veneri, Artes Apollini, Ingenium Mercurio, Ventos Æolo, aliosque Effectus Diis aliis ascribentes. Adeo ut quot sunt rerum agendarum genera, tot ferè veteres Ethnici habuere Deos.

Etiam ad Cultum divinum quem Natura dicit, nempe Oblationes, Preces, Gratiarum actiones, cæterasque antedictas, iidem authores Imaginum tum pictarum & sculptarum, tum fularum adorationes addidere, eo fine ut Populus, id est Ignorantium multitudo Deos ipsos in istis Imaginibus habitare existimaret, & Agris, Templis, Reditibus & Sacerdotibus donaret; quæ omnia Sacra habebantur, id est, solius Sacerdotis commodo destinata, ut Cavernæ, Luci, Sylvæ, Montes, Insulæ integræ quæ illis consecrata erant. Dii autem istis non modò varias formas ut Hominum, bestiarum, Monstrorum, sed etiam omne genus Passionum & Facultatum carnalium, ut Sexum, Sermōnem, Cupidinem, Generationem (generationem

tionem non modò mixtione inter se Deorum, unde Dii, sed etiam mixtione Deorum cum Hominibus, unde Hybridæ orti, ut Hercules & Bacchus) attribuerunt. Etiam eosdem Deos Adulteros, Fraudulentos, Fures, Omnibusque aliis vitiis conspurcatis faciebant, natis à Potentiâ, & quæ Leges humanas, potius quàm honorem videntur violare.

Postremò, ad Prognostica Futuri, quæ præter experientiam Præteriti naturaliter nulla sunt, neque supernaturaliter, præter revelationem divinam, iidem authores Religionum Ethnicarum fabulas excogitantes, & colloquia cum Diis simulantes, innumera addiderunt genera Divinationum, hominibusque persuaserunt, præcognituros se fortunas suas ex Responsis absurdis, vel ambiguis Sacerdotum in Delphis, Delo, aliisque locis, propter Oracula celebribus, Responsis quæ ad eventus contrarios accommodari possent propter ambiguitatem, vel propter mentem Vatis à Vaporibus perturbatam (id quod in locis cavernosis mirabile non est) absurdis; vel ex foliis Sibyllarum, quarum libri aliquot à Civitate Romanâ (quanquam libri qui eo nomine nunc extant videntur subsequentiæ temporum figmentum esse) pro Vaticiniis habiti sunt; vel ex hominum mente captorum deliriis, qui dicebatur Enthusiasmus. Hæc omnia Theomantia dici possunt. Deinde, futura prædicebant ex aspectibus stellarum, quæ Horoscopia erat; vel ex suo cujusque Metu vel Spe, quod Præfagium & Thumomantia appellabatur; vel ex prædictionibus Sagarum, quam (propter ficta cum mortuis colloquia) Necromantiam dicebant; vel ex Volatu aut Pastu Avium, quod erat Augurium; vel ex Animalium cæcorum Extis, quæ Aruspicina erat; Etiam ex quolibet Somnio, ex Crocitate Corvorum, ex lineamentis Vultus & Manuum, ex qualibet Voce fortuitâ, ex quolibet insolito Accidente. Adeo facile est, cujus ignorantiam molliter tractare didiceris, quocunque velis ducere.

Fundatores ergo Civitatum, & Legislatores gentium primi, quibus Populum in obedientia continere consilium erat, sedulò providerunt, Primò, ut præcepta Religionis non ab ipsorum ingenio, sed ab alicujus Dei vel Dæmonis dictamine Populus profecta esse crederet, vel seipsos melioris naturæ homines esse quàm cæteros, eo fine ut Leges suas libentiùs acciperent. Sic Numa Pompilius Religionis Romanæ Ceremonias Nymphæ Egeriæ, Mahometes Religionem suam Spiritui Saucto (apparenti in formâ Columbæ) imputavit. Sic Peruvix Rex primus, se & Vxorem suam à Sole genitos esse jactavit. Secundò, ut crederent, quæ Legibus verita erant, eadem omnia

Diis suis displicitura esse. Tertio, ut Ceremoniis ritè accurateque peractis placari Deos, neglectis irritari crederent, adeoque Bello- rum casus adversos, Pestes, Terræmotus, singulariumque calamita- tes Cultui neglecto, aut Ceremoniæ alicui prætermisæ imputarent. Quamquam autem apud Romanos veteres ea negare, quæ de Gau- diis & Pœnis post hanc vitam à Poëtis scripta erant, non prohibere- tur, & multi magni gravissimique viri ea publice deriderent, Fides tamen illa magis quàm contraria semper alebatur.

Per has, similesque Institutiones, ad finem suum, nempe Pacem Civitatis, hoc saltem obtinuerunt, ut Populus calamitates suas errori alicui, vel neglectui in agendis Sacris, vel propriis Legum trans- gressionibus attribuens, minùs contra Rectores suos incitaretur, Lu- dis, Pompisque Dierum Festorum contentus. Itaque ne statum con- turbaret, nulla re præter Dies Festos & Panem indigebant. Omnem igitur Religionem Romani, Terrarum ferè omnium Domini, quæ non habebat aliquid in se Regimini Civili contrarium, facile tolera- bant; neque ullius Gentis Religionem Romæ veritam esse legimus præterquam Iudæorum, qui (cum essent jamdudum sub Regno Dei) mortali Regi obedire illicitum esse crediderunt. Pater ergò, Religionem apud Ethnicos Politicæ suæ partem fuisse.

Vbi verò per revelationem supernaturalem plantavit Religionem Deus, ibi etiam Regnum sibi condidit peculiare; subditisque suis Leges dedit, non modò circa Officia eorum erga seipsum, sed etiam erga se invicem. Manifestum ergo est, in Regno Dei Politiam & Leges Civiles omnes, Religionis partem esse; ideoque distinctionem Dominii Temporalis & Spiritualis in Regno Dei nullam fuisse. Deus Terrarum quidem omnium Rex est; Nil tamen prohibet quin Gen- tis alicujus peculiari modo Rex esse possit; nulla enim istic incon- gruitas est. Torius Exercitus Imperator, peculiarem tamen sibi ha- bere potest Cohortem aut Centuriam. Sed de Regno Dei tum per Pactum, tum per Naturam fusiùs dicetur infra.

A Constitutione Religionum apparet etiam modus, quo rursus in Principia sua prima resolvuntur, nempe in agnitionem Divinitatis, sive Potentiæ supernaturalis simpliciter; quæ agnitio nunquam ita aboleri potest, quin inde novæ Religiones (si Cultores accesserint idonei) germinaturæ sint.

Cum enim Religio omnis formata, ab initio fundata sit in fide quam habet uni alicui Personæ multitudo hominum, quam Personam non modo virum *Sapientem* esse, & *Benevolum* credit, sed etiam *San- ctum*, & cui Deus voluntatem suam supernaturali modo dignatus sit

Revelare; necessario sequitur, ut tunc, quando Antistitum Religionis aut *Sapientia*, aut *Benevolentia*, aut *Sanctitas* suspecta est, aut *Revelationis* indicium omne deest, Religio quam sustentatam vellent, nisi Gladius Civilis prohibeat, rejiciatur.

Existimatio *Sapientia* in Doctoribus tollitur quoties credi jubent Contradictoria. Sciunt enim omnes, etiam indocti, qui quid sit Contradictione nesciunt, in Contradictorii alterum esse falsum. Itaque utrumque credi velle indicium est Ignorantiae, omnemque eorum Doctrinam suspectam reddit. Quanquam enim vera esse possunt quae sunt supra Rationem Naturalem, verum tamen contra Rationem nihil est.

Existimatio *Sanctitatis* tollitur faciendo dicendove ea, quae Doctorem, quae docet ipsum, non credere indicant. Atque facta & dicta talia, quia procedentes in via Religionis procidere aut titubare cogunt, *Scandala* dicuntur, qualia sunt Injustitia, Crudelitas, Hypocrisis, Avaritia, Luxuria, &c. Si quis enim ea quoridie faciat, quae ab his exurgunt radicibus, quis Potentias Invisibiles illas metuendas esse crediderit, quibus illi alios terrere vellent.

Existimatio *Benevolentiae* tollitur, quando non Gregis, sed sua bona quaerunt, id est, quando Credenda praedicant quae credi sibi solis, vel maxime, utilia sunt ad Potestatem vel Divitias comparandas. A quibus enim rebus cuique bonum nascitur, eas res agere censebitur non aliorum, sed sui ipsius causa.

Postremo, quia unicum est Revelationis Divinae testimonium Operatio Miraculorum, si quis praeter Religionis receptae Articulos, Articulos novos introducere conabitur sine miraculo edito, fides illi praeter eam, quam faciunt Civitatis Leges & Consuetudines, vel Sanctitas ferè miraculosa, nulla habebitur. Sicut enim in rebus naturalibus vir prudens argumenta naturalia, ita in supernaturalibus signa supernaturalia postulat.

Deficientis fidei causae modò dictae in sequentibus exemplis perspicue apparebunt. Moses qui Populum Israeliticum eduxerat ex Aegypto, dies tantum quadraginta aberat, cum Populus ille per seditionem, relicto vero Deo qui paulò ante ipsos à servitute exemerat, fabricatoque Vitulo aureo, in Idololatriam Aegyptiorum relaberentur. Rursus, postquam Moses, Aaron & generatio illa quae magnalia Dei viderat in Deserto mortui essent (Iud. 2. 11.) surrexit generatio nova, quae servivit Baal. Itaque miraculis deficientibus, defecit Fides.

Samuelis filii à Patre Iudices in Bersabe constituti (1 Sam. 1. & 9.)

quia injuste judicaverunt & dona acceperunt, Populus Israëliticus, rejecto Regno Dei, Regem more Gentium poposcerunt. Itaque deficiente Rectorum Sanctitate, unâ defecit fides Populi. Etiam, quod ad Evangelii prædicationem primam Oracula per Imperium Romanum omnia filuerint, numerusque Christianorum quotidie & mirabiliter augeretur, magna ex parte tribui potest Sacerdotum Avaritiæ, Spurcitiei, fictisque vaticiniis, vel ad promerendos Reges, vel ne nihil prædicere viderentur, ambiguis. Nec multum dissimili de causâ Ecclesiæ Romanæ apud Anglos nonnullosque alios Populos enormis potestas tandem suppressa est; cessante scilicet Pastorum Sanctitate, Populi cessavit Fides.

Eadem in Ecclesia, introductâ in Religionem Philosophiâ Aristotelis, innumeras inde contexuerunt Scholastici Doctrinas sibi invicem repugnantes & contradictorias, Clericorum non modò ignorantiam, sed etiam fraudulentiam detegentes. Quæ causa altera erat; quare Populus illorum jugum excuteret, Principibus partim volentibus, ut in Angliâ, partim prohibere non valentibus, ut in Galliâ.

Postremò, inter Articulos Fidei quos ad salutem necessarios declaravit Ecclesiâ Romanâ, adeo multi ad Papæ, & suorum in Dominiis aliorum Principum habitantium subditorum Spiritualium emolumentum manifestè tendunt, ut nisi illorum mutua obstaret æmulatio, non minus facile esset Principibus quibuscunque Potestatem illam, etiam sine Bello, ejicere, quam ex Angliâ ejecta fuit. Quis enim, cujus bono creditur Regis auctoritatem nullam, nec à Christo esse, nisi ab Episcopo coronatus sit, causam Ceremoniæ illius in coronandis Regibus, non animadvertit? Regi, si Sacerdos fiat, uxorem ducere non licere; utrum Rex in legitimo Matrimonio natus sit, judicandum esse à Curia Romanâ; subditos Regis Christiani ab Obedientiâ Civili absolvi posse, si Hæreticus sit Rex; Regem (ut Chilpericus Rex Galliæ) Regni privari posse; Clericos & Regulares in causâ Criminis à cognitione Civili exemptos esse; Indulgentias, Missas privatas, aliaque multa Populo ad salutem non necessaria; quò tendunt, & quantam ad extinguendam Fidem, etiam vivacissimam, vim habeant, nisi à Potestate Civili & Consuetudine foveretur, nemo est qui non intelligit. Itaque mutationum in Religionibus unam video mihi causam assignare posse, ingratos Sacerdotes.

CAP. V. T. XIII.

De Conditione generis Humani quantum attinet ad felicitatem præsentis vite.

TUM Corporis, tum Animæ facultatibus adeo æquales inter se produxit Natura homines, ut quamvis alii aliis viribus aut ingenio præstent, si tamen omnia simul considerentur, differentia tanta non est, ut promittere sibi commodi quicquam possit unus, quod alius sperare æque non possit. Quod attinet ad vim corpoream rard invenias hominem ita imbecillum, ut fortissimum non possit interficere, vel dolo, vel conjunctione cum aliis quibus periculum est commune. Quod autem attinet ad facultates Animi (verborum artibus, id est scientiarum Regulis generalibus exceptis, quas pauci & in rebus paucissimis possident, ut quæ nec nobiscum natæ sunt, nec à Prudentia sine studio acquiruntur) majorem adhuc invenio æqualitatem. Prudentia enim omnis ab Experienciâ est, & omnibus æquali tempore in iis rebus quibus animum æqualiter applicant, æqualiter tribuitur à Naturâ. Id verò quod æqualitatem hujusmodi dubiam videri facit, Opinio tantum est eorum qui plus iusto se æstiment. Nam ferè unusquisque sapienterem se esse credit multò quam est quilibet è vulgo, id est, quàm est alius quicumque, præter paucos quos propter famam, vel propter consensum cum ipsis solet admirari. Ea enim est natura Hominis, ut quamquam alium aliquem seipso eloquentiorem vel eruditorem esse confiteatur, prudentiorem tamen esse quemquam, non concedet. Ingenium enim proprium à propinquo, alienum à longinquo quisque spectat. Ingeniorum autem æqualitatis argumentum quantum ad præsens Institutum attinet maximum est, quod unusquisque suo contentus est.

Ab æqualitate Naturæ, oritur unicuique ea quæ cupit acquirendi spes. Quoties ergo duo idem cupiunt, quo frui ambo non possunt, alter alterius hostis fit, & ad finem sibi propositum (quæ est conservatio propria) alter alterum conatur subjugare vel interficere. Itaque cui animus est vicinum aggrediendi, si nihil sit, quo deterreatur præter vim unius hominis, quoties unus aliquis agrum paulò commodiorem possederit, conseverit, plantaverit, inædificaverit, expectandi sunt alii viribus conjunctis parati, non modo laboris ejus omnem fructum, sed etiam vitam, vel libertatem sublaturi, idem rursus passuri ipsi à se fortioribus.

In tanto, & mutuo hominum metu, securitatis viam meliorem habet nemo Anticipatione (nempe ut unusquisque vi & dolo ceteros omnes tam diu subicere sibi conetur, quam diu alios esse, à quibus sibi cavendum esse viderit. Neque hoc majus est, quam & conservatio sua postulat, & ab omnibus concedi solet. Quoniam enim sunt, qui animi & gloriæ causâ universum terrarum orbem superare velent, nisi alii (alioqui modicis contenti finibus) potentiam suam alios invadendo augerent, nec se tantummodo & sua defendere conarentur, subsistere diu non possent. Itaque Dominii acquisitio per vim unicuique, ut ad conservationem propriam necessaria, concedi debet.

Præterea, in Congressibus, ubi potentia nulla est, quæ omnes coercere possit, voluptas nulla, sed contra Molestia per Naturam esset. Unusquisque enim tanti à cæteris fieri vellet, quanti ipse sese æstimat, & ad signum omne neglectiois conaretur quantum audet (id est ubi nulla extat potentia communis, quantum ad mutuas cædes sufficit) ulcisci; scilicet, ut alteri ab alteris majorem sui æstimationem à spectantibus exemplo ultionis extorquerent.

Itaque in Naturâ humanâ simultatum inveniuntur tres præcipuæ causæ, *Competitio*, *Defensio*, *Gloria*; quarum prima ad Dominium, secunda ad Securitatem, tertia ad Famam spectat. A primâ est, quod de Lucro; à secundâ, quod de Salute; à tertiâ, quod de Nugis pugnetur; nimirum de Verbo, de Risu, de Opinione, de omni signo, Parvipendii, sive Ipsorum, sive Cognatorum, Amicorum, Patriæ, Professionis vel Nominis.

Manifestum igitur est, quamdiu nulla est Potentia coercitiva, tamdiu conditionem Hominum eam esse quam dixi Bellum esse uniuscujusque contra unumquemque. Consistit enim natura *Belli*, non in Pugna, sed in tractu aliquo temporis, quo durante, Voluntas Armis decertandi est manifesta. Itaque in naturâ *Belli*, sicut in naturâ *Tempestatum* considerandum est Tempus. Nam ut unus Imber non denominat *Tempestatem* humidam; ita neque Pugna quælibet denominat Bellum. Tempus autem *Bello* vacuum, *Pax* est.

Quicquid ergo *Bello* omnium contra omnes naturaliter adhæret, idem conditionem hominum sine aliâ securitate quam quæ à cuiusque robore & ingenio expectari potest, necessariò comitatur. In conditione autem tali locus *Industriæ* nullus est, quia nullus fructus. Nullus ergo *Terræ cultus*, nulla *Navigatio*, *Edificia* commoda nulla, *Instrumenta* quibus quæ majoribus indigent viribus moveantur, nulla faciei telluris cognitio nulla, *Temporum computatio*

tatio nulla, nullæ Artes, neque Societas; sed quod gravissimum est, mortis violentæ metus, & periculum perpetuum, vitæque hominum solitaria, indiga, bruta & brevis.

Illis qui hæc non pensitaverunt mirum fortasse videbitur, Naturam homines dissociavisse, & ad mutuam cadem aptos produxisse; & tamen hoc perspicuè illatum est ex natura Passionum, & præterea Experientiæ consentaneum. Cogita enim, quando Iter ingrederis, cur Comites quæris, Arma gestas; quando dormitum is, fores claudis, Arcas obleras, idque legibus & ministris armatis ad omnem violentiam ulciscendam paratis, qualem habeas opinionem de concivibus, de vicinis & de domesticis. Nonne cautela ista tuâ genus humanum æque accusas atque Ego? Neutri Naturam accusamus. Passiones hominum peccata non sunt, neque quæ inde oriuntur actiones, quamdiu, quæ illas prohibeat, potestatem nullam, qui faciunt vident; neque enim Lex cognosci potest quæ non sit lata; neque ferri, quamdiu in legislatorem consensum non sit. Sed quid hominibus doctis conamur demonstrare id quod ne Canes quidem ignorant, qui accedentibus oblatrant, interdiu quidem ignotis, noctu autem omnibus.

Sed omnium in omnes (inquit aliquis) Bellum nunquam erat. Quid, nonne fratrem suum Abelem invidia interfecit Cain, tantum facinus non ausurus, si communis potentia quæ vindicare potuisset tunc extitisset? Nonne hodie, multis in locis ita vivitur? *Americani*, excepto quod per familias parvas legibus paternis subditi sunt, quarum familiarum concordia similitudine sola Cupiditatum sustinetur, ita vivunt. Qualis etiam vita hominum esset nulli potentia communi subditorum, ex vitâ eorum cognosci potest, quibus Bellum est Civile.

Quamquam autem tempus nunquam fuerit, in quo unusquisque uniuscujusque hostis erat, Reges tamen & Personæ summam habentes potestatem, omni tempore hostes inter se sunt. Semper enim alii aliis suspecti sunt, more stantes gladiatorio, armis oculisque intentis, id est castellis & præditiis ad confinia collocatis, & exploratoribus in hostico latitantibus, quæ est conditio Belli. Sed quia subditorum salutem provideri aliter non potest, non sequitur inde miseria illa, quæ privatorum hominum libertatem plenam sequutura esset.

Præterea Bello omnium contra omnes consequens est, ut nihil dicendum sit injustum. Nomina Iusti & Injusti locum in hac conditione non habent. Vis & Dolus in Bello Virtutes Cardinales sunt. Neque sunt Iustitia & Injustitia Corporis aut Animæ facultates; nam si essent, homini inesse possent qui in mundo solitarius foret & unicus.

Qualitates quidem Hominis sunt, non autem quatenus Hominis, sed quatenus Civis. Eadem conditioni hominum consequens est, ut nulum sit Dominium, nulla Proprietas, nullum Meum aut Tuum, sed ut illud uniuscujusque sit, quod acquisivit, & quamdiu conservare potest. Atque hæc sufficiant dicta de conditione Humanâ merè Naturali; à qua tamen partim à Ratione, partim etiam à Passionibus liberari potuit.

Passiones quibus homines ad Pacem perducì possunt, sunt Metus, præsertim verò Metus Mortis violentiæ, & Cupiditas rerum ad bene vivendum necessariarum, & spes per industriam illa obtinendi. Pacis autem articulos quosdam suggerit Ratio, quæ Leges sunt Naturales; de quibus fufius dicemus in duobus Capitibus proxime sequentibus.

C A P V T XIV.

De duabus primis Legibus Naturalibus, & de Contractibus.

IUS Naturale est Libertas, quam habet unusquisque potentia suâ ad Naturæ suæ conservationem suo arbitrio utendi, & (per consequens) illa omnia quæ eò videbuntur tendere, faciendi.

Per Libertatem intelligo (id quod ea vox propriè significat) externorum impedimentorum absentiam.

At Lex Naturalis Præceptum est, sive Regula generalis Ratione excogitata, quâ unusquisque id quod ad damnum suum sibi tendere videbitur facere prohibetur. Etsi autem vocabulis Ius & Lex promiscuè sæpenumerò utantur scriptores, distingui tamen debent. Consistit enim Ius in faciendi vel non faciendi Libertate; sed Lex ad faciendum obligat vel ad non faciendum. Itaque Ius & Lex differunt ut Libertas & Obligatio, quæ circa eandem rem sunt inconsistentes.

Quoniam autem conditio hominum (ut præcedere Capite ostensum est) est conditio Belli omnium contra omnes, & propterea unusquisque suâ ipsius ratione gubernatur; & quia nihil est, quod in vita contra hostem defendendâ utile ei aliquando esse non possit, sequitur in conditione hominum Naturali omnium in omnia Ius esse, ipsis hominum corporibus non exceptis. Quamdiu ergo Ius illud retinebitur, nulla cuiquam, etsi fortissimus sit, securitas esse poterit. Rationis ergo Præceptum sive Regula generalis est, *Pacem quidem, dum ejus obtinendæ spes est, querendam esse; quando autem haberi non potest, auxilia undecunque querere; & illis uti licitum esse.* Regulæ hujus pars prima conti-

continet legem Naturæ primam, Pacem quære & persequere; secunda est Iuris Naturalis summa, Omnibus viis & modis seipsum defendendi Ius unicuique esse.

A lege Naturæ primâ oritur secunda, Oportere unumquemque quoties Paci & defensionis propriæ provisum erit, à Iure suo in Omnia, (cæteris idem facere paratis) decedere, consenti umque esse eadem libertate quam cæteris concedi vellet. Quamdiu enim faciendi omnia, quæ vult, Ius retinet, tandem Bellum manet. Verùm si cæteri Iura sua in omnia deponere recusent, neque ille suum deponere obligatur. Alioqui cæteris in prædam potius se exponere, quod Natura non postulat, quam Pacem persequi putaretur. Atque hæc Lex eadem est cum illâ Evangelii, *Quicquid vobis fieri vultis id facite aliis*; & cum illâ omnium Gentium, *Quod tibi fieri non vis, alteri ne feceris*.

In rem aliquam Ius suum deponit, qui libertate illa se privas quam habet cæteros impediendi quò minus quilibet eorum Iure suo utatur in rem eandem. Nam qui Iuri suo renuntiat, vel Ius suum transfert, Ius novum quod per Naturam ante non habuit nemini tribuit, quia omnibus in omnia Ius erat; sed cedit ei tantum, eo fine ut Iure quod ante habuit sine impedimento à se orto liberè fruatur, à se inquam orto, non ab alio. Itaque quod alteri accedit ex Iure alieno in se translato, nihil aliud est quàm sublatio impedimentorum à parte solius transferentis.

Deponitur Ius vel simplici Renuntiatione, vel Translatione ad alium. Simpliciter Renuntiat, qui in medium abjicit, nemini tribuens. Transfert, qui certo alicui concedit. Utrovis autem modo faciat, Ius habentem, quin re utatur, impedire non debet; esset enim hoc suum ipsius actum irritum facere. Injustitia enim Injuria etiam dicitur ex eo, quod (deposito ante Iure) absque Iure impedimentum fit. Est enim in controversiis hominum Injustitia similis ejus, quam in Scholis Absurditatem vocant. Sicut enim iis quæ initio supposita erant contradicere Absurdum; ita quod faciendum voluntariè susceperis, irritum facere, Injustum appellatur. Modus autem, quo quis Iuri suo Renuntiat vel Ius suum Transfert, talis est; signo, vel signis idoneis voluntariè declarat, tali Iuri se Renuntiare, vel Renuntiasse; vel ad hunc Ius suum se Transferre, vel Translulisse. Sunt autem Signa illa vel Verba, vel Facta, vel (ut plerumque fit) atraque. Atque hæc sunt Vincula illa quæ non à suâ Naturâ, sed à Metu damni; à Promissi violatione robur habent.

Quotiescunque Ius suum derelinquit quis, vel transfert, eâ causâ id facere intelligitur, ut reciproce ab eo, cui translatum est, Ius aliquod vel aliud bonum accipiat. Nam qui prior translulit, voluntariè

tariè id fecit; Voluntatis autem objectum semper Bonum est aliquod Volenti. Sunt autem res aliquæ, quæ neque Verbis, neque aliis signis transferri aut relinqui possunt, quia cui bono id fecerit, intelligi non potest. (* Primò, de morte intèntata---) Idem de Vulneribus & Incarceratione dicendum est. Secundò, Ius contra vim se defendendi necessariò retinetur; Nam qui se defendit, quousque vis progressura est, ignorat. Tertio, finis propter quem Relictio vel Translatio Iuris introducta est, alius non est, quàm vitæ & mediòrum ad vitam conservatio. Si quis ergo Verbis, signisve aliis spoliare se sine, propter quem illis usus esse intelligitur, reperiatur, id fecisse voluntariè existimandus non est, sed (per ignorantiam) verborum & signorum illorum vim non intelligens.

Translatio Iuris mutua *Contractus* dicitur. Differunt autem inter se *Ius transferre* & *Rem transferre*, sive *tradere*. Traditur Res eodem tempore aliquando quò Transfertur Ius, ut fit in Emptione & Venditione, quando alter Pecuniam alter Mercem simul cum Iure Transfert; aliquando etiam Transfertur Ius, antequam Tradatur Res.

Præterea, alter Contrahentium ad tradendam Rem, vel ad Contractum exequendum altero prior esse potest; tunc posteriori *Credi* sive *Fides haberi* dicitur; & Promissio ejus *Pactum* dicitur; & non præstitisse, *Violatio Fidei*.

Quando Translatio Iuris mutua est, Contrahentium autem alter Ius vel Rem transfert, spe Amicitiaë vel Officii ab eo cui transfert, vel existimationis causâ apud alios, vel ex Charitate, talis Translatio *Donatio* & *Gratia* appellatur.

Contractuum Signa expressa, sunt Verba; debent autem prolata esse de Tempore Præsente, vel Præterito, ut *Do*, *Dedi*, *Concedo*, *Concessi*. Nam si de Futuro sunt, ut *Dabo*, *Concedam*, continent quidem transferendi Iuris promissionem, sed nondum quicquam transferunt.

Contractus Signa per Consequens, interdum sunt Consequentiaë Verborum; interdum consequentiaë Silentii, interdum consequentiaë Actionum, interdum etiam consequentiaë Omissionum. In universum autem Signum Contractus per Consequens, est quicquid Contrahentis Voluntatem Contrahendi satis indicat.

Verba sola, si de Futuro sunt, Donationis Signum idoneum non est. Nam Verba hæc *Cras dabo*, significant nondum Dedisse, & proinde Ius nondum Translatum esse; sed Manere. Sin de Præsenti, vel Præterito sint, ut *Do*, vel *Dedi habendum Cras*, tunc Ius Crastinum recte Transfertur, idque *Vi Verborum*, etsi Voluntatis Signum aliud nullum sit. Magna enim differentia est inter *Volo hoc tuum esse Cras*, & *Cras tibi hoc Dabo*. Nam illic *Volo*, Præsensem & certam Volun-

Voluntatem; hic Futuram, id est incertam, id est, nullam indicat; quia Voluntatis suæ Crastinæ dominus nemo est. Illic ergo Ius de Præsente debet intelligi.

Athlotheta in certamine Cursus pervenienti ad metam primo, præmium promittit Verbis de Futuro; debitum tamen illi præmium est, quamquam gratis datum, quia nisi id voluisset Athlotheta, illos ad certamen non invitasset.

In Contractibus etiam Ius transit per Verba de Futuro, nempe ubi Translatio Juris mutua est. Nam qui promissit, ideo Transferre Ius suum velle intelligitur, quia Bonum propter quod promissit jam accepit. Alioqui is qui promissit præstiturus non esset. In Emptione ergo & Venditione, aliisque Contractibus, Promissio tantum valet, quantum Pactum.

Qui in Contractu prior præstat, præstationem alterius facit debitam. Sic in certamine, vel quando projiciuntur Nummi præripienti habendi, præmium illud victori, vel præripienti Iure proprium est. Nam in ipsâ certaminis indictione Ius Transfertur.

Verum, si Contractus fiat, quo neuter Contrahentium statim præstare obligantur, sed ad diem certum Futurum, Pactum illud in merâ conditione Naturæ, id est in Bello, si quæcunque interveniat suspicio de non præstando, invalidum est. In Civitate non item. Nam qui prior præstat, in casu priore incertus est; an præstiturus sit alter; in Civitate certus est, quia est qui cogat. Itaque nisi Potentia communis aliqua sit coerciva, is qui prior præstat seipsum hosti prodit, præter Ius Naturale se & sua defendendi.

Suspicionis autem, quæ Pactum invalidum reddere possit causa debet esse aliquid quod Pactum sequitur, signumque sit Voluntatis non præstandi; alioqui Pactum irritum facere non potest. Quod enim impedire non potuit quin promiseris, impedire non debet quin promissum præstes.

Qui Ius aliquod transfert, etiam usum rei, quantum in se est, unâ transfert. Ut qui agrum vendit, herbam & quodcunque agro innascitur vel inædificatur simul vendit; Et qui Molendinum vendit, aquam, quâ agebatur, avertere non debet. Et qui Regendi summam Potestatem alicui transferunt, intelliguntur iidem Ius dedisse exigendi Pecunias ad Milites alendos, & creandi Magistratus & Ministros publicos.

Pacisci cum Brutis, quia Sermone carent, quo Voluntates significare possint, impossibile est.

Pacisci cum Deo, nisi mediante aliquo, quem Deus alloquatur,

vel locum Dei teneat, impossibile est; aliter enim, an Deus etiam pactus sit, nec ne ignoramus. Itaque qui voveret Deo aliquid, quod contra Legem Naturalem sit, frustra voveret, quia illicitum est; Sin Lege Naturali mandatum sit frustra est, quia Vovens, non Voto suo, sed Naturæ Lege obligatur.

Materia, sive objectum Pactorum semper aliquid est, de quo deliberari potest, propterea quod Deliberatio, quæ est actus Voluntatis, intelligitur semper de futuro, & de eo, quod à Pacifcente fieri possibile existimatur.

Itaque Promittere ea, quæ Impossibilia esse scimus, Pacisci non est. At si contingat, post Impossibile esse, quod credebatur Possibile, Pactum validum est, obligatque ad præstandum (non rem Promissam) sed tantundem; sin hoc quoque sit Impossibile; ad conatum præstandi quantum potest.

Pactis liberamur duobus modis, si præstiterimus, vel si condonatum sit. Est enim Præstatio omnis Pacti terminus naturalis; Condonatio autem est Libertatis restitutio, sive remissio Iuris obligationem constituentis.

Pactum etiam si Metu extortum sit, in conditione tamen hominum naturali validum est; ut si paciscar cum hoste, servandæ vitæ causâ, pecuniam dare, præstare teneor. Contractus enim est, in quo alter Ius in Vitam, alter in Pecuniam transfert. Itaque ubi nulla Lex alia sit (ut in conditione naturali) quæ Præstationem prohibeat, Pactum validum est. Sic bello captus, si libertatem eâ conditione acceperit, ut pretium redemptionis post solvat,olvere obligatur. Etiam Princeps cum Principe fortiore, si Pacem incommodam Metu fecerit, observare debet, nisi (ut supradictum est) causa aliqua nova & iusta orietur, quæ excuset. Item in Civitate, si à Latrone vitam redimere promissâ pecuniâ coactus fuero, præstanda pecunia est, nisi Lex Civilis prohibeat. Quicquid enim facere licitum est non obligato, idem licitè pacisci possum propter Metum. Quod autem licitum est pacisci, illicitum est non præstare.

Pactum prius posterius invalidum reddit. Jure enim quod quis transulit hodie, cras carebit.

Si quis seipsam non defensurum esse contra vim paciscatur, Pactum invalidum est. Nam (ut ante ostensum est) Jus se defendendi contra Mortem intentatam, vulnera, incarcerationem (quorum fugiendorum causâ Ius in omnia naturale depositum est) deponere nemo potest. Nam etsi aliquis recte pacisci possit sic, *Nisi hoc vel illud fecero accide*, pacisci tamen non potest sic, *Nisi hoc vel illud fecero*, *accidit*

sive non resistam. Eligit enim homo naturaliter minus malum, id est periculum à resistentiâ, potiùs quàm malum majus, nempe Mortem certam. Atque hæc norunt omnes qui condemnatos sive ad carcerem, sive ad Mortem armari ducunt.

Si quis paciscatur seipsum accusare, nisi certus veniæ fiat, Pactum invalidum est. Nam in conditione Naturæ ubi non sunt Judicia, nullus est accusationibus locus. In statu autem Civili, accusationem sequitur supplicium; cui, cum sit vis, nemo obligatur non resistere. Idem verum est de accusatione eorum quorum condemnatione con-jicimur in Miseriam, quales sunt Pater, Vxor, aliique Necessarii; testimonium enim eorum, utpote invitè dictum à Naturâ ipsâ cor-rumpi præsumendum est, neque ergo recipiendum. Neque accu-sationes expressæ per tormenta pro testimoniis habendæ sunt: Tor-menta enim explorationi tantùm inserviunt, & quicquid tortus con-fitetur, ad relaxationem cruciatuum spectat, non ad torquentium instructionem. Sive enim verâ sive falsâ confessione se expediat, Iure id facit, Iure inquam vitam propriam conservandi.

Verba per se (ut ante dixi) homines ad Pactorum præstationem confringendi vim non habent. Duo autem ei rei auxilia tantum sunt, nimirum vel Metus Damni à violatione Pacti, vel quia fallere (ut si-gnum Impotentia) dedignentur. Posterior hæc causa Generositas adeo rara est, ut in rationes venire non debeat. Solus Metus considerandus est, isque duorum generum, quorum alter est Metus Potentiarum invisibilium, alter Metus Potentiæ humanæ; & prior quidem Me-tus est majoris Potentiæ; posterior autem major Metus. Metus prior à suâ cujusque Religione est, ineratque hominibus ante omnem Societatem Civilem. Posterior Metus cum Civitatibus natus est; sed (*extra Civitatem) ad cogendos homines ad Pactorum præstationem non sufficit. In conditione enim Naturæ differentia Potentiarum non discernitur, nisi per eventum Belli. Itaque ante Societatem Civilem, & quoties Societas Civilis per Bellum intertumpitur, nihil est, quo Pacta confirmari contra Cupiditates hominum melius possint, quàm Metu Agentis invisibilis, quem vocant omnes Deum, diversis Riti-bus adorantes. Ad firmanda ergo Pacta Paciscentibus necessarium visum est, ut per Deum quem metuebant Pacta sua se præstituros esse jurarent. Iuramentum autem est *Promissioni adjuncta formula Orationis, quâ qui promittit, nisi promissum præstiterit, Deum Vtorem invocat.* For-mula apud Romanos hujusmodi erat, *Mactet me Iupiter, sicut ego macto hanc bestiam*; & apud nos, *Hoc faciam ita me juvet Deus.* Atque hæc facie-

faciebat cum Ceremoniis Ritibusque unusquisque Religionis propriæ, ut tantò magis à Iuramenti violatione deterreretur. Constat hinc, Iuramentum aliâ formâ juratum; quàm quæ est secundum Religionem Iurantis, infirmum esse. Constat item Iuramentum non esse, nisi per Deum Iurantis. Quamquam enim Ethnicorum aliqui per Reges suos Iurare soliti sunt, simul tamen intelligi Divinum illis honorem à se tribui voluerunt. Iuramenta autem illa non requisita, sed voluntaria, frequenter jurata, Iuramenta propriè dicta non sunt, sed Nominis Divini abusus, nata ex pravâ consuetudine omnia nimium vehementer asserentium.

Constat denique, quod Obligationi, à Iuramento nihil additur. Pactum enim, si licitum sit, obligat per vim Legis Naturalis sine Iurejurando; sin illicitum sit, ne addito quidem Iurejurando obligare potest.

C A P V T XV.

De Legibus Natura aliis.

A Lege Naturæ, quæ impediencia Pacem humanam Iura relinqui jubet, sequitur Lex Naturæ tertia, *Præstanda esse pacta*. Nam absque eo Ius in omnia frustra deponitur, manetque omnium contra omnes Bellum.

Atque in hac Lege consistit natura Iustitiæ. Vbi enim non præcessit Pactum, ibi jus nullum est translatum, sed omnia omnium sunt. Nihil ergo est Injustum. Manifesta hinc est Injustitiæ Definitio, *Injustitia est Pactorum non Præstatio*, sive (quod idem est) *Fidei data Violatio*. Iustum autem est, quod Injustum non est.

Quoniam autem Pacta Fidei mutuz (ut ante ostensum est) propter Metum unius, ne alter fallat, invalida sunt, etsi origo Iustitiæ sit Pactum, Pactum tamen non præstare, ubi causa Metus sublata non est, non est Injustitia. Sublata autem non est, manente Iure omnium in omnia. Vocabula ergo *Iustum* & *Injustum* ante Potentiam Civilem, quæ Violationem Pactorum ulcisci posset, & cuique Proprietatem suam Pactis acquisitam stabilire, usurpata non fuerunt. Idem intelligitur ex receptâ in Scholis Iustitiæ Definitione, *Iustitia est Voluntas constans suum cuique tribuendi*. Nam ubi *Suum* non est, id est, ubi *Proprium* non est, ibi *Injustum* nihil est; & ubi *Civitas* non est, nihil est *Proprium*. Iustitiæ autem essentia consistit in præstatione Pacto-

Pactorum, quæ tunc valida esse incipiunt, quando constituta est Civitas; Itaque Civitas, Proprietas Bonorum, & Iustitia simul nata sunt.

Dixit Insipiens, Non est Iustitia. Conservationis suæ singuli & soli curam gerunt. Rationis ergo est, ut faciant singuli, quicquid eò conducere sibi met ipsis videbitur, id est, Pacta facere vel non facere, custodire vel non custodire arbitrio suo. Pacta facere licitum esse non negat, nec observationem eorum Iustitiam vocari, Violationem Injustitiam. Sed Injustitiam (sublato timore Dei) consistere aliquando posse dicit cum rectâ Ratione. Regnum (inquit) Dei acquiritur Violentia; quid si ab homine acquiri possit per Violentiam injustam, anne contra rectam Rationem esset, non acquirere per violentiam talem, cum impossibile esset ut inde ullum sibi malum, sed summum bonum sequeretur? Si contra Rationem non est, quomodo contra Iustitiam est? Ab huiusmodi ratiocinatione ortum est, ut ab aliquibus Scelera prospera Virtutes existimatae sint; utque Fides, regnandi saltem causâ violanda esset. Crediderunt Ethnici, Saturnum cœlo expulsum à Iove esse, qui Iovem tamen Injustitiæ ultorem existimaverunt. Etiam, Iurisprudentium nostrorum aliqui hæredem Regni, etsi Proditor sit, statim ac moritur Rex, in Regnum succedere debere. Huiusmodi facinora quocunque nomine appellata contra Rationem (inquit), non sunt; quia omnes omnium Actiones voluntariæ tendunt naturaliter ad bonum sibi met ipsis, & maxime rationales sunt, quæ eò maxime tendunt. Verumtamen ratiocinatio hæc, utcunque speciosa, falsa est.

Quæstio enim non est de Promissis mutuis in conditione hominum naturali, ubi nulla est Potentia cogens; nam sic Promissa illa Pacta non essent; Sed existente Potentiâ, quæ cogat, & alter promissum præstiterit, ibi quæstio est, an is, qui fallit cum Ratione, & ad bonum proprium congruenter fallat. Ego verò contra Rationem, & imprudenter facere dico. Primò enim in Civitate, si quis id faciat, quod (quantùm Prospici, & Ratione intelligi potest) ad suam ipsius tendit destructionem, quanquam improvisum aliquod accidar, quod eventum felicem efficiat, factum nihilominus fuisse imprudenter, quia improvisum. In conditione autem naturali, ubi unusquisque uniuscujusque hostis est, sine ope Sociorum securè vivere nemo potest. Hominem autem, qui Pacta fallere Rationis esse putat, in Societatem (quæ mutuis Pactis ad singulorum defensionem initur,) quis (nisi per inscitiam) admittet, aut admissum retinebit? Quare, aut ejectus peribit, aut quod ejectus non sit, alienæ debebit inscitiae, quod est contra rectam Rationem. Etiam ipsa Regni Cœlestis

per Injustitiam acquisiti Supposito ridicula est; per solam enim Iustitiam acquiri potest.

Præterea, Supposito quod Regnum acquisitum sit per Rebellionem, eriam sic contra rectam Rationem acquisitum erit; tum quia successus tales ab initio incerti sunt, tum quia exemplo suo docentur alii tantumdem audere contra ipsos. Pactorum ergo observatio, Rationis præceptum est, id est, Lex Naturalis.

Sunt alii, qui Præcepta, quæ ad conservandam vitam præsentem conducunt, Leges Naturæ esse negant, sed illa quæ ducant ad felicitatem Vitæ æternæ; ad quam conducere aliquando dicunt Pactorum violationem, quæ violatio propterea iusta est. Atque hi sunt, qui Pietatis opus esse dicunt, Reges suos prætextu Religionis Bello persequi, deponere & interficere. Sed quoniam status humani post mortem Scientia nulla est, sed tantummodo Fides, hominibus certis habitis, dicentibus se id Scire supernaturaliter, vel accepisse ab aliis supernaturaliter scientibus, & sic alii ab aliis ascendendo, Violatio Pactorum juxta illorum sententiam non Legis Naturalis, sed supernaturalis violatio est. Legem autem supernaturalem habemus nullam præter Scripturam Sacram. Ea autem Obedientiam Regibus præstare, & Pacta observare passim præcipit.

Alii rursus, Pacta observanda esse concedunt, præterquam cum Hæreticis. Sed hoc quoque iniquum est. Nam si vitium Personæ satis causæ sit Pacti violandi, satis eriam causæ debebat esse non Paciscendi.

Iustum & Injustum vocabula, aliud *Hominibus*, aliud *Actionibus* attributa significant. Hominibus attributa Morem vel Habitum significant, ut Virtutem aut Vitium. Sic Homo cui constans est voluntas Ius suum unicuique tribuendi, etsi Actiones ejus aliquando Injustæ fuerint, ipse tamen Iustus est, modo Iustitiam amet, vel quod Injuste fecerat, etiam si clam sit, ipse damnet, factum nolle, damnum, si quod factum sit, resarciat quantum potest. Injustus contra est, qui Iustitiam negligit, etsi Metu, vel alia causâ sinistra nemini unquam Injuriam fecerit. Id quod Iustitiam veram & facere, & condire solet, est Animi generositas quædam quicquam fraudi & perfidiæ debere dedignantis. Iustitiæ autem Actiones denominant hominem (non Iustum sed) *Insontem*; ut contra Injustitiæ Actiones, id est Injuriæ, non *Injustum*, sed *Sontem*.

Præterea, Injustitia Hominis est Animi ad Injuriam faciendam Habitus, Injustum faciens etiam ante quàm facta sit Injuria, propter voluntatem faciendi. Sed Injustitia Actionis Personam aliquam affe-

ctam

nam Injuria supponit, sempe illum, qui cum pactum est. Itaque contingit aliquando Injuria alii, Damnum quod ab Injuria est alius facit; ut, quando Dominus debitam alicui solvere pecuniam servum jussit, si Servus non fecerit, Injuria quæ Creditori fit à Domino est, quæ Domino fit, à Servo est; non enim Servus, sed Dominus cum Creditore pactus est. Similiter, in statu Civili, debita sibi remittere homines privati possunt; sed Latrocinia non item, quia sunt quasi debita publica, ita ut Injuriae factæ sint Civitati.

Quod Volenti fit, Injuria non est. Nam nisi Pactum sit, ut non faceret, Injuria esse non potest; si Pactum sit, tollitur Obligatio per Voluntatem Obligantis, ejus quicum pactum est.

Iustitia Actionum dividitur à Scriptoribus in Commutativam & Distributivam; quarum priorem dicunt in proportionem Arithmeticam, posteriorem in Geometricam consistere; ita ut Commutativam in rerum commutandarum Aequalitate quoad pretium, Distributivam in Beneficiorum aequaliter merentibus aequali Distributione consistere dicant; quasi pluris vendere quam emimus injustum esset. Pretium omnium rerum Contrahentium appetitu aestimatur, pretiumque Iustum est in quod ambo Emptor & Venditor consentiunt. Meritum autem (præterquam quod in Contractibus qui prior præstat, ut alter quoque præster post, Mereri dici possit) non ex Jure, sed ex Gratia est. Distinctio ergo illa, illo quo exponi solet sensu, bona non est. Iustitia Commutativa, propriè est Iustitia Contrahentium, id est, Conservatio pactorum de Venditione & Emptione, de mutuo Datione & Acceptione; de Conductione; de Commutationibus, aliisque Actibus Contrahentium.

Iustitia autem Distributiva est Iustitia Arbitri, qui (quia Fides ei adhibetur) si Fidem servat, utrique parti quod suum est Distribuit; & alia non est quam Aequitas.

Vt ab antecedente Pacto Iustitia, ita ab antecedente Gratia dependet Gratitude, quæ est Lex Naturalis quarta, & comprehenditur hac Formulâ: *Qui Beneficium gratis datum accipit, conari debet, ne damni iusta causa sit Beneficii dati penitendi.* Nemo enim dat nisi respiciens ad Bonum sibi, propterea quod omnis Actionis Voluntariæ finis Bonum volenti est; quod Bonum si frustra expectandum esse homines scirent, nullum esset Beneficiendi initium, neque Confidentiae mutuae, neque mutui Auxilii, neque Reconciliationis inter inimicos ratio. Manerent ergo in conditione Belli. Quod est contra Legem Naturæ primam, quæ Pacem querendam esse dicat.

Lex Naturæ quinta est, ut *Unusquisque se commodum cæteris præstet.*

Quod ut intelligatur, considerandum est, esse in hominum ad Societatem aptitudine Ingeniorum diversitatem, à diversitate Passionum ortam, non dissimilem ejus, quam videmus in congestis ad Domum ædificandam lapidibus. Sicut enim Lapis, qui propter asperitatem & figuræ irregularitatem plus loci proximis adimit quàm ipse implet, neque propter duritiem complanari potest, ab ædificantibus ut inutilis & molestus abjicitur: Ita etiam homo, qui propter asperitatem Ingenii de rebus contendit, sibi quidem superfluis, vicino autem necessariis, nec (propter Affectuum contumaciam) corrigi potest, è Societate ejiciendus est. Cum enim unusquisque, Naturæ non modò Legè, sed etiam necessitate, Conservationem propriam, & quæ ad eam necessaria sunt conari intelligitur; is qui ob superflua repugnat, Belli sequuturi reus est, facitque contra Legem Naturæ primam.

Lex Naturæ sexta est, *Vt Unusquisque accepta temporis futuri Cautione, præteritis Injuriis pœnitentibus & petentibus condonet.* Nam condonare alicui Injuriam, nihil aliud est, quàm Pacem petentibus Pax concessa; Quæ tamen perseverantibus in Inimicitia, non est Pax, sed Metus. Pœnitentibus autem non concessa, signum est Animi à Pace alieni, & proinde contra Legem Naturæ.

Septima est, *In Visionibus non respiciendum esse ad magnitudinem Mali præteriti, sed ad magnitudinem Boni nascituri.* Lege hac vetitum est pœnam alio consilio infligere, quàm ut qui peccavit emendetur, vel moneantur qui vident ut caveant. Sequitur enim Lex hæc ex præcedente, quæ, quando cautum est de futuro, præteriti veniam dare jubet. Vlcisci enim, nisi ad futurum Bonum dirigatur, *ἐμψυχησεν* est; id est, de Malo alieno vanus & inutilis triumphus; & proinde contra Rationem, & Legem Naturæ, quæ de Vanis & Superfluis contendere prohibet. Violatio Legis hujus *Crudelitas* appellatur.

Quoniam autem Odii & Contemptus signa omnia ad Pugnam accendunt, octavo loco pro Lege Naturali ponimus, *Ne quis alium Facto, Verbo, Vultu aut Gestu Odisse vel Despicere se significet.* Lege hac prohibetur Contumelia.

Quæstio de Ordine inter homines in Conditione Naturali nulla est. Distinctio illa introducta est à Lege Civili. Scio Aristotelem lib. 1. Politicorum quasi Principio uti, Esse alios à Naturâ factos ad Imperium, nimirum, Sapientes (id est, ut innuere voluit Philosophos, qualis ipse erat) alios ad Serviendum (nempe homines corporibus & ingenio duris) quasi Dominium & Servitus non à consensu hominum, sed à differentiâ Ingeniorum originem habuerint; id quod

quod non modo contra Rationem, sed etiam contra Experientiam est. Quis enim ita stultus est, ut sibi ab aliis imperari mallet, quàm à seipso? Etiam quando vi contenditur inter illos qui habentur Sapientes, & illos qui sunt Robusti, priores illi, rarè aut nunquam victoriâ potiuntur. Si ergo homines Natura æquales fecit, agnoscenda est æqualitas. Sed si inæquales fecit, quia tamen unusquisque unicuique æqualem se esse putat, Pax nisi æqualibus conditionibus non habebitur. Admittenda ergo est Æqualitas, & Lex Naturæ nona est *Homines omnes inter se Naturâ æquales esse*. Hujus Legis violationis *Superbia* est.

Ex hac Lege sequitur decima, *ut in Pace ineundâ nemo reservari sibi possit Ius aliquod, quod cuiquam cæterorum reservatum nolit*. Cum enim vitæ conservandæ causa, sicut deponi lura quædam Naturalia, ita retineri quædam necessarium esset, nempe Ius proprii corporis curandi, Igne, Aquâ, Aëre fruendi, cæterisque line quibus Homo vivere non potest; si jam plus retinere Iuris postulat aliquis, quàm aliis libenter concessum vellet, facit ille contra Legem præcedentem. Hujus Legis violationem Græci *ἀνελευθρία*, Latini *Arrogantiam* dicunt.

Si in controversiâ Iuris Sententia alicujus Arbitri fidei permittatur, Lex Naturæ est undecima, *ut in utramque partem æquus sit*. Nam absque eo finiri Lites non possunt. Qui ergo Æquus non est Liti-gantibus, quantum in eo est Arbitria & Iudicia, & per consequens Pacem ipsam tollit, contra Legem Naturæ primam.

Ex hac lege sequitur duodecima, *Quæ Dividi non possunt, eorum usum communem esse; idque, si fieri potest, & quantitas rei patiatur, sine restrictione; alioqui numero utentium proportionaliter*. Distributio enim æqualis aliter esse non potest.

Sunt autem quædam res, quarum neque Divisio, neque Vsus communis esse potest. De his Lex Naturæ statuit decimatertia, *ut Ius integrum, vel (si usus alternus placet) possessio prima Sorte determinetur*. Sortium duo sunt genera, *Arbitrarium* & *Naturale*. Arbitrarium in quod consentiunt Partes. Naturale est, aut Primogenitura, aut prima Occupatio.

Itaque quarum rerum neque Divisio est, neque usus communis, eæ res vel primi occupantis, vel Primogeniti sunt, Sorte acquisitæ: Quæ est Lex Naturæ decima quarta.

Lex Naturæ decima quinta est, *Ut Pacis Mediatoribus ire & redire tutò liceat*. Lex enim quæ dicat Pacem quærendam esse, ut finem, dicat quoque Mediatorum protectionem, ut Viam.

Quoniam autem inter eos qui Leges Naturales observant, quaestiones nasci possunt, primo an factum sit; secundo (si factum est) utrum Jure an Injuriâ; quartum prima dicitur controversia Facti, secunda controversia Juris; nisi Litigantes in sententiâ alicujus tertii acquiescere mutuo paciscantur, Bellum manet. Tertius autem *Arbiter* dicitur. Itaque Lex Naturæ decima sexta est in *Sententiâ Arbitri acquiescere*.

Quoniam autem Vnusquisque in omni Actione suâ respicere solet ad Bonum sibi, *Arbiter idoneus in causâ propria nemo est*. Quæ est Lex Naturæ decima septima.

Propter eandem causam, pro Arbitro recipiendus nemo est in controversiâ quacunque, cui *Lucrum, Dignitas vel Voluptas à Victoriâ partis alterius manifeste oriunda est*. Corruptitur enim talis Arbiter à Natura humanâ. Quæ est Lex Naturæ decima octava.

Decimanona Lex Naturæ est, in quaestione Facti judicandum esse secundum Testes. Litigantium enim uni credere potius, quàm alteri contra Æquitatem est, nempe Legem Naturæ undecimam.

Atque hæc Naturæ Leges sunt, quæ conducunt ad multitudinem hominum in Pace conservandam. Aliæ autem res sunt, quæ ad singulorum destructionem tendunt, ut omne genus Intemperantiæ. Sed quia Naturam individuum spectant, nec ad institutam doctrinam pertinent, omittantur.

Est hæc, dicit aliquis, Legum Naturalium deductio subtilior, quàm ut intelligi ab omnibus possit, quorum maxima pars alimentis studet, aut voluptatibus. Ne tamen etiam tardissimis excusationi locus relinquatur, contraxit eas Scriptura Sacra in unam eamque brevem & perspicuam sententiam, *Quæcunque vultis facere vobis homines, id facite illis; & Philosophi, Quod tibi non vis fieri, alteri ne feceris*. Quare ad totam Legem Naturalem perdiscendam, aliâ re opus non est, quàm ut Actiones alienas cum nostris pensitantes, in alteram lancem transferamus, ne Passiones propriæ ponderi fortè aliquid addant.

Leges Naturales obligant in *Foro interno*, id est, earum transgressio, non Crimen propriè, sed Vitium dicendum est. Sed in *Foro externo* non semper obligant, Nam qui illas observaret tunc, quando à cæteris contemnuntur, cæteris præda esset, contra fundamentum omnium Legum Naturalium, nempe Naturæ conservationem. Attamen, quando de earundem observatione à cæteris cautum est, tunc is, qui eas non observat, Bellum, non Pacem querit.

Legem omnem, in Foro interno obligantem, Factum violat non modò

modò Legi contrarium, sed etiam congruum, si contrarium putet is qui facit. Quamvis enim Actio ipsa fuerit secundam Legem, Voluntas contra erat: Nam in Foro interno solus Animus Reus fit.

Eadem Leges, quia ad Velle tantum obligant, Velle inquam constanter, & sincere, faciles observati sunt; solus Conatus sufficit. Qui illas observare quantum potest conatus est, observavit, & Iustus est.

Legum Naturalium Scientia vera & sola, Ethica est. Ethica autem alia non est, præter Scientiam earum rerum quæ in Congressibus & Societate hominum, bonæ vel malæ sunt. Bonæ autem & Malæ dicuntur eadem res à diversis hominibus, propter hominum Appetitus, Aversiones, Consuetudines & doctrinas diversas diversæ; & quandoque ab eodem homine, propter mutationem Voluntatis eadem res modò bona modò mala appellatur.

Inde autem oriuntur Disputationes, Controversiæ, & tandem Bellum. Quamdiu ergo homines privati Boni & Mali mensuram faciunt, tamdiu homines sunt in conditione Belli omnium contra omnes. Pacem ergo bonam esse consentitur, quæruntque omnes. Itaque Media ad Pacem necessaria bona esse negari non potest. Sunt autem illa, Iustitia, Gratitude, Modestia, Æquitas, & cætera Leges Naturæ. Bona igitur Moralia sunt, id est, Virtutes; & his contraria Mala, id est, Vitia. Scientia autem Virtutum & Vitiatorum est Philosophia Moralis. Doctrina ergo de Legibus Naturæ Vera est Ethica. Scriptores Ethici, etsi easdem agnoscant Virtutes, atque eadem Vitia; in quo tamen consistat Bonitas Virtutis, & quare laudabilis sit non videntes, Virtutes alias non agnoverunt quàm Passiones, easque Mediocres; quasi Fortitudo, non causa, sed gradus Audendi; & Liberalitas, non causa, sed quantitas dati esset.

Dictamina hæc Rationis nomen quidem obtinuerunt Legum; sed improprie dictarum. Sunt enim de iis rebus quæ ad Conservationem hominum conducunt tantum Theoremata. Lex autem propriè dicta, est Vox Imperantis, vel prolata, vel scripta, ita ut omnes qui obedire tenentur, sciant vocem ejus esse.

C A P V T X V I.

De Personis & Authoribus.

Persona est is qui suo vel alieno nomine Res agit. Si suo, Persona Propria, sive Naturalis est; si alieno, Persona est ejus, cujus Nomine agit Representativa. Personam Græci vocant *πρόσωπον*, quod significat:

cat faciem hominis Naturalem. Sed à Latinis Persona frequentissime sumitur pro Facie Fictitiâ, quæ & *Larva* dicitur, quali utebantur in theatris Histriones. A Theatro autem in Forum translata est, etiam sine Larvâ; adeo ut Persona tum in Theatro, tum in Foro idem significaret quod Actor; & Personam alicujus gerere aut sustinere diceretur ille, qui Nomine cujuscunque (etsi sine Larvâ) Partes ageret. Atque eo sensu utitur vocabulo *Persona* Cicero ad Atticum ubi dicit, *Vnus sustineo tres Personas, Mei, Iudicis, & Adversarii.* Itaque Deputati, Procuratores, Proreges, alique qui aliorum negotia faciunt, eorum Personæ sunt Repræsentativæ.

Verba & Facta Repræsentantium, ab iis quos Repræsentant aliquando pro suis agnoscuntur; tunc autem Repræsentans Actor, Repræsentatus Author dicitur, ut cujus autoritate Actor agit. Qui autem in quæstione de Bonis & Possessionibus, Dominus; in quæstione de Verbis & Actionibus, Author appellatur. Et ut Ius habendi, Dominium, ita Ius agendi, Autoritas dicitur.

Si ergo Actor Paciscatur per Autoritatem sibi datam, Authorem obligat, & Pacti consequentiis omnibus subicit, tanquam si in Personâ suâ propriâ Pactus esset. Omnia ergo quæ de naturâ Pactorum Capp. 14. & 15. dicta sunt, vera etiam sunt, ubi Pacta fiunt per Personas Repræsentativas, sed secundum Autoritates sibi concessas.

Itaque qui cum Actore Paciscitur, cujus Autoritatem nescit, proprio id facit periculo. Nemo enim Pacto obligatur, cujus ipse non sit Author. Quando ergo aliquis Actor contra Legem Naturæ Autoritate alienâ facit, non Actor, sed Author Legem violat. Actio quidem contra Legem est, sed non Actoris, sed Authoris Actio est; quia Legem violasset Actor si non fecisset, cum facere Pactus esset.

Qui cum Actore, Autoritatis illi concessæ inscius, verbo ejus credens Paciscitur, nisi Autoritatem Actor rogatus ostendat, non est ulterius obligatus. Pactum enim sine Autoritate invalidum est. Sin qui Pactus sit aliam cautionem non expectabat præter Auctoris Verbum tum cum Paciscebatur, Pactum contra Actorem valet, quia se Authorem fecit. Et sic, ubi Autoritas manifesta est, Author; ubi ficta est, Actor obligatur.

Paucæ res sunt, quarum non possunt esse Personæ. Quamquam enim Persona sit per Naturam aliquid quod intelligit, id tamen cujus Persona geritur non semper necessariò ita est. Itaque rei Inanimatæ, ut Ecclesiæ, Nosocomii, Pontis Persona geri potest à Rectore vel Curatore aliquo. Authores autem res Inanimatæ esse non possunt; verum

verum Rectores & Curatores qui gerunt Personam rerum Inanimatarum, agent per Authoritatem eorum, quorum est Dominium illarum. Persona ergo ejusmodi extra Statum Civilem non existunt.

Infantis, & ejus qui mentis compos non est, Persona geri potest per Tutorem; qui tamen dum Infans mentis impos est, Author non est, nisi per concessionem Civitatis. Autoritas enim Tutoribus & Curatoribus dari non potest nisi Jure Civili.

Idoli, id est meri figmenti, quales erant Dii Gentium; Personæ fuere constitutæ, quæ Bona Mobilia & Immobilia, & Iura tenebant Idolis consecrata. Idolum autem, cum sit nihil, nullius rei Author esse potuit. Autoritatem dederunt Civitates.

Etiā Dei veri Persona geritur, & gesta est. Mundum enim in propriā Personā creavit. In redimendo genere Humano Personam Dei gessit Iesus Christus. In Electis sanctificandis ejusdem Dei Personam gessit Spiritus Sanctus; Id quod docemur in Catechismo publico, nempe, *Credere in Deum Patrem qui creavit Me & totum Mundum; & in Deum Filium qui redemit Me & totum genus Humanum, & in Spiritum Sanctum qui sanctificavit Me & omnem Electum Populum Dei.*

Etiā plurium hominum fit una Persona, quando repræsentatur ab uno, qui habet à Singulis Authoritatem. Non enim Repræsentati, sed Repræsentantis Unitas est, quæ Personam facit esse Unam; neque Unitas alio modo in Multitudine intelligi potest.

Quoniam autem Multitudo Naturaliter non Unum aliquod, sed Multi sunt; non Unus, sed Multi, nempe Singuli, Authores sunt eorum quæ dicit vel facit Actor, qui est Persona ipsos Repræsentans. Unusquisque enim eorum communi Actori suo Authoritatem tribuit suam. Sin Authoritas finita sit quæ tribuitur, Author quisque est illarum solummodo Actionum quæ in Mandatis continentur.

Si Actor, seu Persona non sit Unus homo, sed Cætus hominum, tunc Vox partis Majoris accipienda est pro Voce Personæ. Nam si Pars Minor pronuntiet (exempli causâ) Affirmativè, Major Negativè, Voces Negativæ abundantes, ut quibus non contradicatur, Personæ, id est, Omnium Vox est; Nam alioqui (contra Naturam) Persona Muta esset.

Si Persona Repræsentans ex pluribus constet numero paribus, præsertim parvo, continget sæpe numero (Negationibus & Affirmationibus se mutuo extinguentibus) Personam fieri Mutam & proinde inutilem, & Agendi incapacem. Potest tamen fieri ut Voces contradictoriæ, eædemque æquales numero, quæstionem determinent; ut

in Accusationibus, eo ipso Reum absolvunt quod condemnare eum propter voces æquales non possunt: at contra non absolvere, non est condemnare. Idem contingeret deliberantibus utrum aliquid statim faciendum sit, an in aliud tempus differendum. Eo enim quod præsentem executionem non decernunt, decernunt dilationem.

Porro, si numerus impar sit, ut tres, vel plures: siquidem vox unius tolleretur voces reliquorum contradictorias; numerus ille Persona non esset, propter diversitatem opinionum & appetituum in rebus multis & maximi momenti. Muta enim esset & ad Agendum inepta.

Authorum duo sunt genera. Sunt enim alii simpliciter Authores: de quibus modò dictum est. Alii conditionaliter tantum: ut qui Pactum præstare in se recipit, si is qui Pactus est, ante constitutum diem non præstiterit. Atque hi, quamquam Fidei habendæ Authores sunt, aliis tamen nominibus pro variis Actionum generibus vocitantur, ut Fidejussores, Sponsores, Prædes, Vades.



D E C I V I T A T E

S I V E

R E P V B L I C A.

C A P V T X V I I.

De Causa, Generatione, & Definitione Civitatis.

Quod homines Libertatis & Dominii per naturam amatores, ex præscripto (ut fit in statu Civili) vivere voluerunt, Finis & Causa fuit cura conservationis suæ Vitæque commodioris, id est, ut è conditione misera Belli omnium contra omnes exirent, quæ conditio Libertati naturali (propter passionibus humanas) necessario tunc adhæret, quando nulla extat potentia visibilis quæ passionibus illas terrore poenarum temperare possit, legesque naturales, & pacta observari faciat. Leges enim naturæ (ut Iustitia, Æquitas &c.) & uno verbo, *Facere aliis quod fieri vellemus nobis*, absque metu Potentiæ coactivæ, passionibus naturalibus (quales sunt *Ira, Superbia, Cupiditasque*, omnis) contrariæ sunt.

Exitum autem è conditione Belli omnium contra omnes, Leges & Pacta per se præstare non possunt. Verba enim sunt, dumque verba tantum sunt, non timentur, ideoque ad securitatem hominum per se sine armis inutilia sunt. Itaque Leges (quas qui observare conatus est, aliis observantibus observavit) quoties potentia cogentis metus absit non obligant, neque impediunt, quin securitatem suam à viribus & artibus propriis petere unicuique licitum sit. Item etiam docent historiæ veteris Græciæ, ubi cum nulla essent (præter paterna) Imperia, latrocinium mari terraque quæstus non modo licitus, sed etiam à crudelitate, & ab agri colendi instrumentis abstinentibus) honorificus erat. Quod autem fecerunt Familiæ parvæ, id nunc faciunt Civitates, id est Familiæ magnæ, dominia sua securitatis causa, ad omnem periculi vel invasionis hostilis suspicionem augentes; tum hostes, tum eos qui hostibus auxiliaturi videntur, quantum possunt vi & astu debellant aut debilitant; idque, quia aliter securi esse non possunt, iustè.

Neque securitatem quam quærunt præstare potest paucorum hominum inter se conspiratio, quia in parvis numeris parva Sociorum accessio incertam reddit victoriam; animosque addit aggressoribus. Multitudo autem quæ securitatis suæ spem præstare potest, numero non certo, sed cum viribus hostium comparato determinatur, quod maior sit quam ut excessu aliquo conspicui momenti ad Bellum finendum, hostis ad aggrediendum provocetur.

Sit autem multitudo quantacunque, si tamen actiones eorum iudiciis & Arbitriis multorum gubernentur, nullam inde expectare possunt securitatem, neque contra communem hostem, neque contra injurias alter alterius. Dissidentes enim inter se de Virium usu non sibi mutuo auxiliaturi sunt, sed oppositis consiliis vires ad nihilum redacturi. Vnde non modo à communi hoste facile superandi, sed etiam de commodis propriis inter se Bello certaturi sunt. Si enim hominum numerus magnus sine Potentia communi quæ posset omnes cogere, in Æquitatem cæterasque Leges Naturæ observandas consentire supponeretur, idem etiam de toto genere humano supponendum esset, itaque Regimine Civili omnino opus non esset, victuris scilicet hominibus in Pace, & sine Dominis.

Neque ad securitatem (quam perpetuam esse voluit) sufficit, ut gubernentur pro certo tantum & determinato tempore, ut in uno prælio; vel Bello uno. Etsi enim (per conatum unanimum) hostem vincant, postea tamen, si communem hostem non habeant, vel si alii hostem, alii amicum, eundem putent, Societas necessariò dissolvetur, & propter voluntatum differentias, inter seipsos Bellum renovabitur.

Sed sunt, inquiet aliquis, Animalia quædam bruta, ut Apes, & Formicæ quæ pacificè in eodem Alveari, & in eadem Formicaria inter se vivunt, habenturque ab Aristotele pro Animalibus Politicis, regunturque suo unumquodque Iudicio & Appetitu, idque sine usu Sermonis quo significare alius alii possit, quid ad utilitatem communem conducere, vel non conducere existimet. Quid ergo impedit quo minùs homines idem faciant? Ad hoc respondeo.

Primò, Quod homines inter se de Honoribus & Dignitate perpetuò contendunt; sed Animalia illa non item. Itaque inter homines Invidia, Odium, Bellum, propter eam (inter alias) causam sæpe nascitur; inter illa rarissimè.

Secundò, Inter Animalia illa bonum Publicum & Privatum idem est. Ergo ad bonum Privatum dum naturaliter ferunt, simul procurant Bonum Commune. Homini autem in bonis propriis nihil tam jucundum est, quam quod alienis sunt majora.

Tertiò,

Tertio, Animalia illa, quia careat Ratione, in rerum suarum communium administratione nihil vident, aut videre sibi videntur, quod culpent; inter homines autem permulti sunt, qui se ceteris sapientiores, & regendæ Civitatis capaciores esse putant, quique dum suo quisque modo reformare volunt, dissident inter se, & Belli causa sunt.

Quarto, Animalia illa, etsi ad cupiditates suas significandas inter se vocis usum habeant, quanto egent, verborum tamen arte illa carent, qua Homines alii aliis videri faciunt Bonum Malum, & Malum Bonum; Magnum Parvum; & Parvum Magnum; & alter alterius actiones ita reprehendit, ut inde turba oriantur.

Quinto, Animalia bruta inter *Inimicos* & *Domum* non distinguunt. Itaque quamdiu bene sibi est, curia non invident. Homo autem tunc maxime molestus est, quando odio, opibusque maxime abundat. Tunc enim sapientiam suam in Regendum actionibus reprehendendis ostentare amat.

Postremo, Animalium illorum consensio à Natura est; consensio autem hominum à pactis est, & Artificiale. Mirum ergo non est, si ad firmitatem & durationem ejus, aliud præter pactum requiratur; nempe Potentia communis quam legem mutare, & quæ omnium actiones ad bonum commune ordinet.

Communem autem Potentiam constituendi, quæ homines tum ab invasione exterorum, tum ab injuriis mutuis tueri possit, ita ut propriæ industrie & telluris fructu contenti vivant & alantur, unica via hæc est, ut Potentiam & Vim suam omnem in hominem vel hominum Coetum unum unusquisque transferat, unde voluntates omnium ad unam redeantur, id est, ut unus homo vel coetis unus Persona gerat uniuscujusque hominis singularis; utque unusquisque authorem se esse fateatur actionum omnium quas gerit Persona illa, ejusque voluntati & judicio voluntatem suam submittat. Est autem hoc aliquid amplius quam consensio aut concordia. Est enim in Personam unam vera omnium Unio; quod fit per pactum uniuscujusque cum unoquoque, tamquam si unicuique unusquisque dicerat, *Ego huic homini (vel huic civi) Autoritatem & vim meam regendi meipsum concedo, ea conditione, ut tu quoque tuam Autoritatem & vim tuam mihi regendi in eundem transferas.* Quo facto Multitudo illi una Persona est, & vocatur *Civitas* & *Respublica*. Atque hæc est Generatitio magni illius Leviathan, vel (ut dignius loquar) *Nempe Dei*; qui Pacem & Protectionem sub Deo Immortali debemus omnino. *(An)* thoritas enim tanta ab omnibus & singulis collata, tantam Potentiam

& tantarum Virium alium habet, ut terrore earum voluntates omnium ad Pacem inter se, & ad conjunctionem contra hostes conformare possit. In quo consistit essentia Civitatis, quæ sic Definitur: *Civitas Persona una est, cuius Aliorum, homines magno numero, per Pacta mutua uniuscuiusque cum unoquoque fecerunt se Authores; eo fine, ut Potentia omnium arbitrio suo ad Pacem & Communem Defensionem uteretur.* Is autem qui Civitatis Personam gerit, *Summam* habere dicitur *Potestatem*. Ceteri omnes *Subditi* & *Cives* appellantur. Potestas autem summa duobus modis habetur, quarum est Vis, ut cum Pater Filios suos sibi obedire cogit; vitam enim illis, non alendo, auferre potest. Vel ut, qui victis hostibus ea conditione vitam condonat, ut imperata faciant. Alio modo est, quando homines sponte summam Potestatem in unum hominem vel coetum, spe Protectionis conferunt. Atque hæc Civitatis Institutio; illa Civitatis Acquisitio est. Dicam autem primo de Civitate Instituta.

CAP. XVII.

De Jure habentium Potestatem Summam in Civitate per Institutionem.

Instituatur Civitas, quando homines sponte sua convenientes singuli cum singulis paciscuntur, ut cuicumque homini vel coetui pars major suffragiis suis Personam omnium gerendi ius contribuit, illi omnes obedirent. Obligatur ergo unusquisque eorum, siue suffragium suum in illum contulerit, siue non contulerit, illi quem major pars elegerit obedire, & pro Authore actionum illius omnium habendus est. Nam nisi in parte suffragiorum majore intelligantur comprehensa suffragia omnium, frustra conventum est, & contra finem ab unoquoque sibi propositum, nempe Pacem & Protectionem omnium.

A forma Institutionis, tum Potestas omnis, & Iura omnia summam habentis Potestatem, tum Civium omnium officia derivantur.

Primo ex eo quod Pacti sunt, intelligitur, Quod nullis Pactis prioribus obligati erant ad id quod Pacto presenti contrarium est. Itaque qui Civitatis alicujus jam Cives sunt, Pactum novum inire non possunt quo Personam suam in alium transferre, vel cuiquam alii (non permittente qui Summam habet Potestatem) in re quacumque obedire obligentur; &, per consequens, qui sub Monarcha Cives sunt,

sunt, neque Monarchiam rejicere, neque ad Libertatem naturæ relabi, si noluerit qui habet Summam Potestatem, vel quilibet alius Civium, iure possunt. Violarent enim Pactum initum cum singulis; & Potestatem Summam Iure jam habenti datam, contra Ius eriperent. Præterea si quis eam eripere conaretur, is interfectus aut quocunque supplicio affectus, supplicii proprii Author esset; & quia Injustum est, quod facientis ipsius Autoritate puniri potest, eo quoque nomine Injustum. Quod autem Cives quidam contumaciæ Pactum prætenderunt novum, non cum hominibus, sed cum Deo initum, id quoque Injustum fuit. Pactum enim cum Deo iniri non potest, nisi mediante aliquo, qui Deum representet; id quod solus facit is, qui Summam sub Deo habet Potestatem. Sed prætenso illa Pacti cum Deo, manifestum mendacium erat, neque Injustum tantum, sed vilissimum factum esse, cognoverunt ipsi prætendentes.

Secundò, Summa Potestas propter malam Republicæ administrationem, habenti tolli non potest; primò quia cum totius Civitatis Personam gerat, quæ ut Actor facit ille, ut Author facit Civitas. Quis autem est, qui Civitatem ream faciet? Deinde is in quem confertur Potestas Summa, cum nemine paciscitur conferentium; & proinde nemini eorum Injuriam potest facere propter quam Potestate sua privaretur. Aut enim Pactus est cum tota multitudine quasi cum una Persona, quod non potuit fieri antequam eligeretur, quia multitudo illa una Persona nondum erat; aut cum singulis seorsim, & sic simul atque electus est, unusquisque malæ administrationis, cujus reum faciunt illum Author ipse est, & accusat seipsum. Velle ergo Pactis illum obligare qui Summam habet Potestatem; est ipsam Civitatem obligare velle. Verùm si concedamus, illum qui Summam habet Potestatem, Pacta cum Civitate & inire & violare posse, is autem cum violaverit violasse negaverit, quis litem hanc determinabit? Nisi enim determinetur, reditur ad Anarchiam, nec Civitas amplius est. Si determinetur à Civitate, ab ipso determinatur, qui Personam Civitatis gerit, id est à Potestate Summam jam habente. Quem qui Pactis obligari existimant, eo videntur decepti esse, quod non distinguant inter obligationes quæ fiunt per Verba, & ligationes quæ fiunt per capistra; nec cogitant verba per se infirma esse. Postquam autem Summa Potestas constituta & armata est, tum demum vi tantæ Potestatis etiam verba capistra fiunt. Partim etiam eo decepti sunt, quod multitudinem hominum in unum locum convenientium, etiam antequam de Summa Potestate consenserint, non modo Personas, sed Personam esse, & seorsim à singularibus Loqui &

Agere

Agere imaginari sint. Quando vero in Coetu Popolari Potestas Summa collocata est, Pactum esse intervenisse nemo dicis. Quis enim adeo hebes est, ut Populum (exempli causa) Romanum, qui Imperium Romæ Summum habuit quondam, Summam illam Potestatem tenuisse per Pactum cum Romanis, & proinde Populum Romanum à Romanis (nisi bene regnasset) deponi potuisse dicat? Quod autem in Monarchia, & Statu Popolari quæstionem hanc eandem esse non omnes videant, causa est ipsorum Ambitio, Coetui potius quam uni homini faventium; quia sub uno homine Vulgus sunt, sed sub coetu Regnantis pars sunt.

Tertio, Si consensu partis majoris Summa Potestas semel constituta sit, nemini eorum cui factum displicet, suffragii sui in contrarium testes poscere, vel memoriam rei extare, postulare licitum est. Postulatio enim raris factum mutare volentis est, & per consequens; paci factæ renuntians, & Bellum contra cæteros denuntians, & in conditionem Naturæ, quam fugiebat (contra finem, quem habuit quando cum cæteris in conventum venit) redeuntis.

Quarto, Quoniam per Institutionem ipsam, omnium Actionum illius in quem Summam contulerunt Potestatem, Author est conferentium unusquisque; manifestum est, Quod ab habente Summam Potestatem nemini conferentium fieri possit Injuria. Nam factum Authoris, id est unuscujusque est quicquid ille fecerit. Sibi ipsi autem Injuriam facere nemo potest. Quia is qui Summam habet Potestatem facere inique possit, non negaverim. Iniquum enim quod contra Legem Naturæ, Injustum quod contra Legem Civilem factum est, appellatur. Nam Iustum aut Injustum ante Civitatem constitutam nihil erat.

Quinto, non potest qui Summam habet Potestatem à Civibus occidi, aut quomodocunque lute puniri. Nam qui injuriam facere non potest, ne Reus quidem fieri, multo minus condemnari potest. Quicquid enim fecit, facti Author est Civium unusquisque.

Sexto, Quia Civitatis instituendæ finis Pax est & Defensio; & quicunque in finem Ius habet, Ius etiam in media habet, sequitur; ut cuicunque sive Homini, sive Coetui tribuitur Potestas Summa eadem etiam de mediis ad Pacem & Defensionem Judicatio tributa sit, & ut tum in ipso periculo, tum (præventionis causa) ante periculum, judicet, quid factu necessarium sit, tum ad Pacem Civium inter se, & securitatem contra hostes conservandam, tum ad damna Civitatis resarcienda.

Septimo, Summæ Potestati ad hærent, quæ ad conservationem vel

viola-

violationem Pacis tendunt decernere, & quando, quatenus, quibus apud multitudinem concionari permittendum sit, & qui libri publicandi, & à quibus examinandi sint. Actiones enim ab Opinionibus ortum habent: In harum ergo regulatione consistit regulatio Civium, unde oritur Pax & Concordia. Quanquam autem Doctrinarum, veritas sola scopus sit, Paci tamen, si verò sunt, non repugnant. Doctrinæ enim Paci contrariæ veræ esse non possunt, nisi etiam Pax & Concordia contrariæ dicantur Legibus naturalibus. In Civitatibus quidem, Rectorum Doctorumque negligentia aut imperitia, errores progressu temporis universaliter pro veris recipi, & veritates displicere possunt; veritatis tamen novæ utcumque subita apparitio, etsi sopitum Bellum aliquando excitare possit, Pacem tamen nunquam violat. Qui enim adeo remissè regnatur ut Opinionis novæ introductionis causa, capere arma audeat, etiam tunc animum rebellandi habuit. Quod autem non aggressus sit, à metu est, viventis nempe quasi in procinctu prælii. Ad Summam ergo Potestatem attinet Opinionum & Doctrinarum omnium Judicatio, ut quæ discordiarum Bellicæ Civilis sæpissime causa & origo esse solet.

Octavo, ejusdem Summæ Potestatis Ius est, Regulas præscribere, quibus, quid sit summi unusquisque sciat, & fruatur sine molestia à concivibus; & quid Agere licitè possit, & quid licitè non possit; id est regulas præscribere circa rerum Proprietatem. Nam ante Summam Potestatem constitutam Ius erat omnibus in omnia, quod erat causa Belli. Regulæ ergo quibus definiuntur *Meum*, & *Tuum*; & in Actionibus *Bonum*, *Malum*, *Licitum*, *Illicitum*, à quibus dependet Pax Civium, ab habente Potestatem Summam præscribendæ sunt. Vocantur autem Regulæ illæ *Leges Civiles*, sive Civitatis illius Leges cujus Civibus præscribuntur, quamquam nomen illud *Lex Civilis* restringatur hodie ad significandum Leges Romanas antiquas, quia Civitatis Romanæ propter Imperium Romanum late expansum nos etiam olim pars fuimus.

Nondò, Summæ Potestatis etiam est, Ius *Judicandi*, id est causas omnes, rum Iuris tum Facti cognoscendi, & controversias omnes decidendi. Nam alioqui Civibus ab Injuriis mutuis protectio nulla esset, & Leges de *Meo* & *Tuo* frustra essent, manerentque homines in conditione Belli omnium contra omnes.

Decimo, Ejusdem Summæ Potestatis est cum aliis Civitatibus Bellum & Pacem facere suo arbitrio, id est Judicare utrum Bono an Malo Civitatis Bellum futurum sit necne, quantæque copię comparandæ, & quomodo à Civibus alendæ sint. Civium enim tutela ab

exercitibus dependet, exercituum robur à Civitatis Unitate, Civitatis Unitas ab unica Summam habentis Potestate Persona. Militiæ Ius (etiam solum) Summa est Potestas; quia Ius in milites, est Ius in Potentiam totius Civitatis.

Vndecimò, Eiusdem potestatis est *Consilarios*, *Magistratus*, Ministrosque omnes tam Pacis quam Belli eligendi Ius. Cui enim Pacis & Defensionis procurandæ imponitur onus, eidem Ius conceditur Mediis quibus se exoneret pro arbitrio suo utendi.

Duodecimò, Eiusdem Potestatis Ius est Præmia, ut Divitias Honoresque bene merentibus tribuendi, & transgressoribus Poenas Legibus præfinitas infligendi. Vel si poena Lege statuta non sit, faciendi Leges poenales quæ sibi ad terrendos improbos videbuntur commodissimæ.

Postremò, si cogitemus quanti unusquisque se æstimet, quantumque ab aliis sibi honoris deferri cupit, quibus ipse tantundem tribuere indignum putat, unde Simulacra, Factiones, & Bellum denique nasci solet, fatebimur ad Civitatis dissolutionem tendere etiam controversias de Honore & Ordine Civium, & Potestatis Summæ coërtitione indigere. Necessariæ ergo sunt Leges quibus quis cuique Honor tribuendus sit, in congressibus & alloquiis definiatur. Itaque conferendi Titulos, Ordinesque Civium distinguendi, ejusdem Summæ Potestatis Ius est. Atque hæc sunt Iura Summam habentis Potestatem principalia, ut amplius hic demonstratum est, & brevius demonstrari potuit unico hoc argumento. Iura enim hæc omnia quin Civitatis sint negabit nemo; Civitas autem nisi per Personam suam (nempe eum qui Summam habet Potestatem) neque Loqui neque Agere potest. Sunt ergo Iura hæc omnia illius, qui in Civitate Summam habet Potestatem, sive is Homo sit, sive Cæterus hominum. Sunt autem & alia Iura ejusdem, sed minora, & in diversis Civitatibus diversa, quibus tamen amissis Cives protegendi potentia non amittitur, & quæ transferri possunt ad Cives privatos. Sed illa quæ enumeravimus Iura majora transferri non possunt. Iure enim Militiæ amisso, Ius iudicandi propter defectum Potentiæ frustra erit. Iure exigendi pecuniam amisso, milites nulli erunt. Iure Regulandi doctrinas amisso, animabuntur Cives superstitiosi ad rebellionem à suis ipsorum Phantasiis. Summatim, si Iurium dictorum quodlibet unum desit, cætera cessabunt omnia, fietque divisio de qua Christus ipse loquens dixit, *Regnum divisum in seipso stare non potest*. Nisi enim Iurium horum divisio antecedit, divisio populi in exercitus oppositos nulla erit. Opinio docentium Iura Regni Anglicani divisa esse inter Regem,

Regem, Proceres, & Coetum Communeum, causa fuit Belli quod sequutum est Civilis; etiam disputationes de quaestionibus Politicis & Theologicis, quibus tamen populus ita nunc de Iure Regio eruditus est, ut in Anglia pauci (puto) nunc sint qui Iura praedicta inseparabilia esse non videant; & publice agniti sunt simul atque redierit Pax, & quamdiu calamitarum praeteritarum meminerint; sed non diutius, nisi melius erudiatur populus.

Quoniam autem Iura haec Summae potestati essentialia & inseparabilia sunt; sequitur, ut quibuscunque Verbis separari & aliis concedi videantur, nisi Potestati Summae simul & expressis verbis renunciatum sit, concessionem nullam esse, sed concessa omnia, Summa Potestate, id est Personam Civitatis retenta, inseparabiliter remanere.

Cum ergo Autoritas haec ingens indivisibilis sit, & habenti Summam Potestatem inseparabiliter adhæreat, quis color inveniri potest opinioni, qui dicunt de Regibus Civitatis Personam gerentibus, *quod etsi Singulis majores, Universis tamen minores sunt*? Nam si per *universos* intelligunt Civitatis Personam, ipsum intelligunt Regem. Itaque Rex seipso minor erit; quod est Absurdum. Sin per *universos* Multitudinem intelligunt solutam, singulos intelligunt. Itaque Rex, qui major singulis est, major quoque erit universis; quod iterum est absurdum. In Civitate autem ubi Summa Potestas est in Coetu Populari, absurda haec esse satis vident; in Monarchia non vident, quanquam Potestas Summa ubicunque collocatur eadem est.

Sicut autem Potestas Summa, Civis cujuscunque Potestate major est, ita & Honor ipsi debitus Honore, qui debetur cuicunque & quocunque Civibus major est. Qui Potestatem habet Summam, Honorum & Dignitatum omnium fons est; & sicut coram Domino familiae servi filique omnes inter se aequales, & sine Honore sunt; ita & Cives coram eo qui gerit Personam Civitatis omnes inter se aequales sunt, quanquam extra praesentiam illius alii aliis magis splendeant; nam coram illo non amplius splendent quam stellae praesente Sole.

Dicit fortasse aliquis conditionem Civium esse miseram, ut qui libidini & passionibus Regentium sunt obnoxii. Id autem qui sub Monarchia vivunt, Monarchiae; qui sub Coetu plurium vivunt, illi regiminis Formae imputare solent; quanquam in omni Forma quae protegere eos possit, potestas aequalis sit. Non enim cogitant quod res humanae sine incommodo esse non possunt; nec quod incommoda quae in qualibet Civitatis Forma accidere possunt maxima, praeter Belli calamitatus, & quae in conditione hominum naturali, sine Domino, sine Lege, ex raptu viventium contingunt, vix sensibilia sunt; nec

denique quod gravissima onera, non ideo ab habente Potestatem Summam imponuntur, ut illos aut pauperes, aut debiles fieri cupiat, cui divites & validos esse cives quam maxime expedit, sed ob ipsorum Civium tenacitatem, ea in tempore contribuere quæ ad Pacem & Defensionem suam necessaria sunt, recusantium. Inde enim Regentibus plerumque nascitur, dum Pax est Pecuniam exigendi quantam possunt, necessitas, ut quæ opus sent ad Bellum, parata habeant. Civibus autem data sunt à Natura quasi vitra, quæ Objecta majora, quam sunt, videri faciunt, per quæ si Tributum videant quantulumcunque, magnam purant esse oppressionem. Telescopiis carent, nempe Scientiis, quibus à longinquo prospicere possent miseras illas impendentes, quæ sine pecuniarum contributionibus sunt inevitabiles.

C A P V T X I X.

De Generibus Civitatum per Institutionem, & de Successione ad Summam Potestatem.

Distinctio Civitatum à Distinctione oritur Personæ Summam habentis Potestatem. Quoniam ergo Summa Potestas Vnius hominis est vel plurium, & siquidem plurium, aut omnium (ita, ut in Curiam conveniendi unicuique Ius sit) aut certorum hominum à cæteris distinctorum. Triâ tantum esse possunt Civitatum genera, nempe Monarchia, ubi Summa Potestas in uno homine est; Democratia, ubi Summa Potestas in Cœtu hominum est (in quæm Cœtum quilibet Civis admittitur) & Aristocratia, ubi Summa Potestas in Cœtu Civium est, qui Optimates dicuntur. Alia Civitatis species nulla est, cum necessarium sit ut Summam Potestatem habeat vel unus homo, vel plures, vel omnes.

Alia quidem Civitatum in Historiis librisque Politicorum occurrunt nomina, ut Tyrannis, & Oligarchia, sed non sunt propria; significant enim Affectum, non Conceptum ejus, qui illis utitur. Nam qui Monarchæ irati sunt Tyrannum appellant; qui Optimates oderunt, statum eorum Oligarchiam dicunt, & qui Demagogos non amant statum Democraticum Anarchiam vocant; nec tamen inde sequitur speciem aliquam Regiminis esse Anarchiam.

Quod multitudo, antequam in Vnam Civitatem coaluere, potuit, si voluisset, Potestatem Summam in Vnum hominem, non minore

nore Iure quam in Coetum contulisse, id est Monarchæ se subiecisse non minus absolute quam Coetui, manifestum est. Vbi ergo Monarchia semel Instituta est, alia Persona ad multitudinem repræsentandam Iure eligi non potest, nisi ad certa & à Monarcha definita Negotia, neque hoc Monarchæ Injussu. Alioqui enim Summam Potestatem haberent duæ simul aut plures Personæ in eadem Civitate, quæ inde in conditionem Belli omnium contra omnes reduceretur, contra finem Institutionis. Sicut autem in Coetu populi Summam habentem Potestatem, qui Cives sibi subditos, per homines deputatos convenire juberet, ad negotia à Coetu definita, puta ad consilium in rebus arduis impertiendum, vel ad nocumenta tollenda, Insanus haberetur, qui homines ita convocatos Summam Potestatem habere, & totius Civitatis multitudinem repræsentare & Personam Civitatis gerere arbitraretur: ita etiam insanus haberi debet si de iisdem negotiis in Monarchia, Monarchæ jussu convenerint, convenientes putaret gerere Personam Civitatis. Atque hoc ita manifestum est, ut mirum sit non animadversum esse ab iis, qui Regem suum post sexcentorum annorum successionem, sine contradictione legitimum, quem & Regem agnoverunt & cui Majestatem attribuerunt, non tamen ut Civitatis Personam consideraverunt, sibi met ipsis totius Civitatis Anglicanæ Repræsentationem assumentes. Moneantur hinc qui Summam habent in quocunque Civitatis genere Potestatem, Cives suos Officii tanti Iura edocere, sed eadem Iura ipsi prius doceri, si Potestatem Summam retinere cupiant.

Differentia inter tria hæc Civitatum genera non consistit in diversitate Potestatis, sed in diversitate aptitudinis Civium ad finem suum nempe Pacem & Defensionem. In comparatione autem Monarchiæ cum duabus reliquis, notandum est, eum qui Personam Civitatis gerit, vel, si Coetus sit, quemlibet ex Coetu Personam naturalem esse; & quanquam in Persona sua Politica, Civitati studeat, non tamen ideo ad rem familiarem suam, cognatorumque, & amicorum minus respicere; ac sæpius si contingat Bonum Publicum cum Privato non congruere, Privatum Publico anteferre. Nam Passiones hominum Ratione plerumque fortiores sunt. Quando ergo Bonum Publicum & Privatum arctissime uniantur, tunc maxime procuratur Bonum Publicum. In Monarchia autem Bonum Publicum & Privatum idem est. Regis enim Divitiæ, Potentia, & Honor à viribus & existimatione Civium profiscuntur. Nam Rex cujus Subditi Pauperes, debiles aut viles sunt, neque Dives, neque Magnus, neque securus esse potest. In Democratia autem Bonum Publicum minus aliquando

hominis improbi, avari, vel ambitiosi Bono Privato expedit, Consilio perfido, actione proditoria, Bello Civili.

Secundò, Monarcha quem, quando, ubi vult consulit. Itaque eorum qui in re de qua deliberat versatissimi sunt, qualiscunque sunt ordinis, sine fūco oratorio; ante exequendi tempus, quantum vult, & secretò consilia audire potest. Coetus autem ubi consilio opus est, consiliarios nullos extra corpus suum habere potest, quorum maxima pars rerum civilium imperiti sunt; cæteri cum Oratores sint orationibus aut fucosis aut ineptè doctis sententias dicentes, Civitatem aut turbant, aut nihil juvant. Neque omnino Coetui hominum Consilii quod tacitum esse expedit capiendi, propter multitudinem tempus aut locus est.

Tertiò, Monarcharum decreta inconstantiam nullam habent præteream, quæ naturam sequitur humanam; sed in Coetibus accedit inconstantia alia ab ipso numero hominum. Nam paucis eorum, qui decretum fecerant absentibus, quod decretum est hodie, cras rescinditur.

Quartò, Monarcha à seipso (invidia aut avaritia) dissentire nequit. Coetus autem diffensionem in seipso habere potest, eamque tantam, ut producat Bellum Civile.

Quinto, In Monarchia Incommodum quidem est, ut possit Monarcha ad ditandum amicum aliquem, fortunis omnibus Bonum Civem (quod tamen nunquam factum legimus) spoliare. Sed idem contingit non rarò ubi Summa Potestas in Coetu est. Eadem enim est utrobique Potentia, utrique errare possunt; nec minus facile decipi potest Coetus à Rhetoribus & Oratoribus blandis quam Monarcha à blanditiis Aulicorum, & facilius; nam in Coetu alter alterius Avaritiæ & Ambitioni vicissim inservit. Sunt autem Monarchæ, ut unius hominis cognati & amici quos ditare velit, pauci. Qui vero gratia apud Coetum valent, propter necessitudinem Factionis cognati & amici multi sunt. Is cui Monarcha favet amicis æquè prodesse, & inimicis obesse potest; at Oratores, id est quibus favet Coetus, Potestatis nocendi plusquam satis, juvandi parum habent. Accusatio enim (ut est natura hominum) minore Eloquentia indiget quam Defensio, majoremque habet cum Iustitia similitudinem. Condemnatio quam Absolutio.

In Monarchia incommodum est, quod Summa Potestas descendere ad Infantem potest, vel ad virum qui inter Bonum & Malum discernere nesciat, unde Potestatis usus in alio erit, puta Curatore aut Prorectore. Sed incommodum in eo consistit, quod propter tantam

tam dignitatem, & Officium tam lucrosum, nascetur inter Potentiores Cives Competitio, & ex Competitione Bellum. Verum quod incommodum hoc non à forma Regiminis Monarchici oritur, argumento est, quod Monarcha præcedens tutelam successuri Infantis quis habiturus sit declaravit, idque vel expressè per Testamentum; vel tacitè, nempe consuetudini circa quæstiones similes non contradicendo; tunc autem si competitio, vel bellum subsequatur, formæ regiminis Monarchici culpa non est, sed Injustorum & Ambitiosorum Civium. Etsi autem Monarcha præcedens Tutelam nemini commiserit, incommodo tamen huic satis provisum est à Iure naturali, Nimirum ut Tutela illi committatur cujus per naturam maximè interest, Infantis Iura & personam conservari, & cui minimum à morte vel à diminutione ejus accessurum est emolumentum. Cum enim omnes Bonum sibi quærant, si Tutela Infantis homini committetur qui se per illius mortem promovere possit, Tutela non esset, sed Proditio, tamquam si quis Tutelam agni committeret impranso lupo. Itaque cum provisum sit ne contentionis de Infantis Tutela causa Iusta esse possit, non est, si Pax turbetur, formæ regiminis Monarchici, sed Ambitiosis & Injustis Civibus officia sua ignorantibus attribuendum. Contra autem, Civitas magna in qua Summam Potestatem habet Coetus, vix ulla est quæ curatore tamquam Infans aliquando non indigeat, nam ut infans à consilio curatoris dissentire propter inscitiam non potest; ita Coetui à sententia majoris partis dissentire non est liberum. Et ut Infantibus dantur Tutores; ita Coetibus in rebus arduis *Dictatores*, *Custodes Libertatis*, Protectores dari insolitum non est; quorum regimen pro tempore est Monarchicum; & à quibus sæpius Coetibus sublata est Potestas Summa quàm Monarchis Infantibus à Curatoribus suis.

Quamquam Civitatum genera (ut dixi) tria tantum sint, Monarchia, Democratia, & Aristocratia; considerantibus tamen Civitates singulares quæ nunc sunt, & quæ per terrarum orbem olim fuere, plura fortasse videbuntur. Exempli causa, Regnum quod vocatur Electivum, ubi Summam Potestatem pro certo aliquo tempore habet Rex. Vel qui Potestatem Summam hæreditariam quidem habet, à Civibus autem limitatam; Quæ formæ regiminis à plerisque Monarchiæ appellantur. Item Civitas Democraticè vel Aristocraticè gubernata, si Civitatem aliam Bello victam sibi obedire cogat, & per Præfectum aliumvè Ministrum regat, videri forte potest (propter Coetum Regentem (regimen Democraticum vel Aristocraticum esse. Sed non est ita. Neque enim Reges temporarii, neque Reges quibus Potestas

Potestas circumscripta est, Summi sunt, sed Summorum Ministri. Neque Provincia quæ Demo aut Optimatibus subiecta est, regitur à Civitate dominante, Democraticè aut Aristocraticè, sed Monarchicè.

Primò autem Rex cujus Potestas cum vitâ terminatur, quales nonnulli hodie sunt in orbe Christiano; aut is qui Summam quidem habet Potestatem, sed post tempus certum, vel ad alicujus alterius voluntatem deponendam, qualis erat quondam Romæ Dictator, si Successoris eligendi Potestatem habeat, non est amplius Monarcha temporarius, sed imperium habet sibi & hæredibus suis. Sin Potestate illa careat, alter habet vel Homo vel Cœtus, qui post illius obitum Regem novum eligere potest. Sed is qui hoc potest Summam Potestatem antè habuit. Dare enim alteri quod ipse non habet nemo potest. Quod si Successionem dare potest alius nemo, is qui Potestatem ante habuit retinere, & Successorem suum eligere potest, immò debet, ne contra Legem naturæ Cives fidei suæ commissos deserta Potestate Summa in conditionem naturæ relabentes perire patiatur.

Secundò, Rex Electus ad Potestatem præscriptam, præscribente (sive is Homo sit sive Cœtus) minor est, & proinde non est Summus. Potestatem ergo Summam habenti Ius Successoris eligendi semper hæret. Regiminis autem ejus forma non propriè Monarchia, sed vel Democratia vel Aristocratia est.

Populus Romanus victam Pompejo duce Judæam rexit. Regiminis ergo Judæorum forma sub populo Romano quo nomine appellabitur? Democratia non erat, neque Aristocratia, quia non regebatur à Cœtu hominum Judæorum. Quid ergo, an Monarchia erat cum Summa Potestas non in homine uno, sed in Cœtu Romano resideret? Quidni? Populi Romani quamquam Summa Potestas in Cives Romanos Aristocratia erat vel Democratia, in Judæos tamen Monarchia erat. Tam enim Civitatis unius in Civitates plures, quam unius hominis in plures homines imperium Monarchia est.

Quæcunque Civitatis Forma est, Materia (id est homines) Mortalis est. Nam homines tum singuli tum Cœtus integri morti subiecti sunt. Itaque quemadmodum ad Civitatis constitutionem necessarius erat *Artificialis homo*, ita etiam ad conservationem Civitatis necessaria erat *Artificialis vita*, sine qua post ætatem unam, moriente Monarcha, Civitas omnis interiret. Vita autem hæc Artificialis ea est, quam vocant Ius Successionis.

Perfecta Civitatis Forma esse non potest, ubi Successorem eligendi Ius

Ius non sit in Antecessore. Nam si in illo non est, in subdito est; ideoque à Summam habente Potestatem Subdito extorqueri potest. Illius ergo, aut nullius est; si hoc, Civitas dissolvitur contra institutionem intentionem.

In Democratia Cœtus totus deficere nisi deficientibus Civibus non potest. Quæstiones igitur de Iure Successionis ad Democratiam non pertinent.

In Aristocratia autem si quis ex Cœta Summo moriatur, alterum in illius locum à Cœtu ipso, vel ipsius Authoritate, substituendum esse (propter eam quam habet Potestatem Summam) manifestum est.

Difficultas de Iure Successionis maxima in Monarchiis est. Circa quam duæ quæstiones esse possunt, altera an Monarchæ præsentis ius sit quem vult eligendi; altera quis sit quem vult. Ad primam autem considerandum est, aut ius illud Monarchæ præsentis esse, aut multitudinis solutæ. Si Monarchæ sit præsentis, moriente illo Civitas dissolvitur, quia nullus est qui ius illud postulare sibi potest homo singularis: multitudo autem neque agere quicquam aut loqui potest, ut quæ Persona amplius non est. Rediunt ergo omnia ad conditionem belli, & per consequens Successoris constitutionem ad Monarcham præsentem pertinere ex ipsa Civitatis Institutione manifestum est. Quæstio autem quis ille sit, quem Monarcha Successorem, sive Hæredem sibi esse voluit, aut per ipsius Testamentum, aut per alia signa idonea iudicandum est.

Per Testamentum, si viva voce Successorem declaraverit, ut fecerunt Imperatores Romanorum primi Hæredibus nominatis. Vox enim *Hæres* non semper filium aut cognatum significat, sed quemcunque quisque potestatis suæ Successorem esse velit. Si ergo Monarcha Successorem suum diserte nominaverit, Summa Potestas simul atque mortuus est Antecessor, in nominato est.

Vbi vero Testamentum & verba aperta desunt, ibi voluntatis ejus alia signa naturalia observanda sunt. Quorum signorum unum est Consuetudo loci. Vbi ego succedere consuevit is, qui genere est proximus, illius est Potestas Summa, Antecessore mortuo: quia si alium succedere sibi voluisset, facile illum vivens nominare potuisset. Eadem autem regula est, si proximitas illa Maris fuerit siue Feminae. Consuetudo enim quæ Principis verbo tolli facile potest, nec tollitur, signum est sublatam esse Volentis.

Vbi vero neque Testamentum neque Consuetudo anteivit, ibi intelligendum est, Primum, Regimen manere Monarchicum, quia for-

nam illam regnando commendaverat, neque verbo improbaverat. Secundò, liberos suos, potius quam alios ad tantam dignitatem promoveri voluisse; & ex liberis Marem quam Fœminam, ut per naturam ad sustinenda pericula aptiorem. Tertiò, si prole careat, fratrem quam alium; atque ita semper propinquiorem quam remotiorem. Præsumitur enim sanguine propinquiorem, amore quoque, cæteris paribus, potius esse.

Verum si Monarchæ per Testamentum aut Contractum, Successorem constituere quem velit liceat, magnum inde videtur oriri posse Civitati incommodum. Nam Potestatem Summam in hominem alienigenam transferre poterit; id quod (quia alienigenæ neque eidem sorte regiminis formæ assueti sunt, neque eodem utentes sermone, se mutuo contemptui aut odio habent) in Civitatis oppressionem tendere verisimile est. Sed incommodum hoc non ab eo nascitur, quod Summam Potestatem habeat alienigena, sed vel ab imperitia regentis, vel à contumacia Civium quorum alteri alterorum mores, ut æquum est, ferre nolunt. Quod incommodum Romani olim ex Civitatibus, quas sibi subjecerant, impertiendo alienigenis multis, & interdum totis Civitatibus Ius Civium Romanorum sustulerunt. Idem etiam conatus est, sed frustra per Regnorum Angliæ & Scotiæ Unionem, Rex noster sapientissimus Iacobus. Quod si perfecisset, Bellum Civile quod utramque gentem miseram facit, nasci potuisset non videtur. Civibus ergo, si Monarcha Successorem alienigenam constituar, Injuriam nullam facit, quanquam culpa Regentium, vel ipsorum Civium, incommodum inde aliquando oriatur. Idem etiam ex eo manifestum est, quod Regna in alienigenas per cognationem descendantia, (quanquam eadem sequutura sint incommoda) pro licetè acquisitis sine contradictione haberi solent.

C A P V T XX.

De Dominio Paterno & Despotico.

Civitatem per Acquisitionem voco, ubi Summa Potestas acquisita est per vim, ita, ut mortis vel vinculorum metu, imperata facere unius personæ, sive singuli, sive pluralitate suffragiorum cuncti se obligaverunt.

Atque hoc Domini (sive Summæ Potestatis) genus ab eo, quod fit per Institutionem, in hoc tantum differt, quod hic metu mutuo, ibi metu unius Cives imperium in se admittunt. Vtrique tamen id faciunt

ciunt Metu. Id quod ab iis qui Pacta propter metum inita irrita esse universaliter pronuntiare solent, notandum est.

Id enim si verum esset, Civitatis forma nulla esset, in qua obedientiam Civium Civitas exigere jure posset. In Civitate quidem, ubi vis prohibetur, & latrocinia indicare jubent leges, Promissa terrore extorta irrita sunt, non autem ex natura Pactorum irrita sunt. Etiam ubi Promissa metu facta invalida sunt, Promissorem absolvit non Pacti invaliditas, sed sententia Summæ Potestatis. Alioqui universaliter verum est Promissum licitum illicitè violari.

Iura autem Summæ Potestatis sive Institutæ, sive Vi Acquisitæ eadem sunt, neque sine habentis consensu auferri, vel transferri possunt. Itaque qui ea possidet neque puniri, neque Reus fieri jure potest. De Pace & Bello, & de Doctrinis publicè docendis & de controversiis omnibus judicat. Magistratum, Consiliarium in Pace, Ducum in Bello, Ministrorumque Publicorum constitutor solus est. Præmiorum, Pœnarum, Honoris, & Ordinis Arbitrer, Legum denique omnium Author Latorque est propter rationes capite præcedente allegatas.

Est etiam Domini Acquisiti genus aliud per generationem, quod Paternum dicitur. Cujus jus Patris est, non quia filium genuit, sed quia consensit filius, vel propter alia aliqua argumenta. In uniuscujusque enim filii vel filię Generatione, duo concurrunt Generantes. Si ergo Domini Ius sola Generatione definiretur, duo essent Domini, quibus ambobus obedire impossibile est. Quod autem scripserunt aliqui Dominium Patris esse propter præstantiam sexus, non rectè dicitur. Neque enim Mas Fœminæ tantum aut viribus aut prudentia semper præstat, ut Dominium determinare possit sine Bello. In Civitatibus obtinet Ius Civile. Itaque ubi Mas regnat, ibi Mari, ubi Fœmina, ibi Fœminæ Dominium tribuitur in filios regios. Sed quæstio nunc est de Iure Domini in Conditione naturali, ubi Leges Matrimoniales nullæ sunt præter sexuum amorem mutuum & prolis curam naturaliter insitam, ubi Pater & Mater de Dominio in Infantem aut Pacto disponunt, aut omnino non disponunt. Si ergo disponunt, per Pactum id faciunt, & Dominium cuius sit à Pacto indicatur. Sic Amazones cum Maribus vicinorum Pacti sunt, ut geniti pueri ad illos remitterentur, puellæ apud matres remanerent.

Sin Pactum nullum interveniat, Dominium Matris est. In conditione enim naturali, ubi Leges Matrimoniales nullæ extant, quis Pater est ignoratur, nisi indicante Matre. A Matris ergo arbitrio

dependet Dominium. Ipsius ergo est. Rursus Infans in Potestate Matris nascitur, ita ut pater illum sit aut educare aut exponere vel interficere. Si ergo alar, Matri vitam debet Infans, & propterea illi prae omnibus aliis obedire obligatur. Dominium ergo Matris est. Sin exponat illum Mater, alius autem repertum servet alarque, alentis Dominium est. Servati enim semper Dominus est Servator: quia finis propter quem alteri alteris se subiciunt Conservatio est.

Si Pater Matris Dominus sit, etiam Infantis Dominus est. Sin Mater Patris sit Domina, ut sit quando Regina Summam habens Potestatem subdito suo nubit, Dominus Infantis Mater est, ut quae Domina est mariti sui.

Si Vir & Vxor Potestatem in diversis Civitatibus Summam habentes Filium habeant, & de Dominio in illum contrahant, Dominum dependet à Contractu. Si non contrahant, Dominus vel Domina est cui Dominium Regni est, in quo nascitur Filius: quia is, qui Civitatis Dominium habet, Civium omnium in ea natorum Dominus est.

Qui Dominus Filii est, Dominus quoque est Filiorum filii; quia qui Jus in personam habet, Jus quoque habet in ea, quae sunt personae.

Jus Successionis ad Dominium Paternum, eodem modo procedit, quo in Monarchia per Institutionem, de qua dictum est in Capite precedente.

Dominium per Victoriam in Bello acquisitum, ab aliquibus Scrip-
toribus Despoticum appellatur, quod est Dominium Herile in Ser-
vos. Per Victoriam autem Acquisitum tunc est, quando victi vitan-
di mortis imminuentis causa, facturos se paciscuntur; pro Vita & Li-
bertate Corporis concessa, quicquid à Victore imperabitur. Post
Pactum illud Victus Victoris Servus est. Quod nomen utrum an à
Servare an à Servire, derivetur disputent Grammatici. Significat au-
tem non captum illum qui carcere concluditur, aut catenis constri-
gitur, sed captum illum qui Pacto servire obligatur. Vinculus enim
vel incarcerationis, ut qui cum Victore nihil Pactus est, nullo iure
teneri potest quin carcerem, si potest, effringere, vincula dirum-
pere, victorem interficere, aut in servitutem vicissim adducere
iure possit. Captus autem qui pro Libertate corporea fideliter ser-
vire Pactus est, idem facere sine Pacti violatione, id est sine Injuria
non potest.

Non ergo à Victoris jus Domini, sed à Victi Pacto nascitur; ne-
que eo obligatur quod Captus est, sed quod voluntati capientis se
submitit.

submisit. Neque ob submissionem ejus, obligatur Victor vitam ei condonare, nisi antè id promiserit.

Quod soleant homines vitam ab instante hoste petere, ideo faciunt, ut declinata morte quæ ab irato hoste statim expectatur, possint postea ut pecunia aut servitute vitam redimere; non quod Victor redemptionis pretium accipere teneatur. Tunc dampn servus vitæ securus est quando corpus suum sibi creditur. Sia opus faciat aut quomodocunque sine Pacto serviat, non id vi juris, sed metû mortis facit.

Dominus Servi omnium bonorum quæ habet Servus Dominus est, & Domino acquiritur quicquid acquirit Servus. Continetur enim hoc in natura Servitutis.

Jura denique omnia Domini Paterni, tam Despotici sive Herilis eadem sunt quæ Summæ Potestatis in Civitate per Institutionem; & propter rationes easdem, quæ rationes in capite præcedente satis explicatæ sunt. Itaque Monarcha qui duarum aut plurium Civitatum summam habet Potestatem, in una per Institutionem, in altera per acquisitionem, si prætextu Victoriæ, uni quam alteri duriciem se præbeat, aut per iniquitatem, aut per Juris naturalis ignorantiam id facit. Constat hinc Familiam magnam, nisi Civitatis alicujus pars sit, quantum ad Jura attinet, Civitatem esse parvam, sive illa Familia ex Patre & Filiis, sive ex Domino & Servis, vel ex Patre & Filiis & Servis constet; & in ea Familia Monarcham Dominum Patremque esse. Familia tamen propriè Civitas non est, nisi tantæ sit Potentiæ vel per numerum suum, vel per alias opportunitates, ut subijci sine Bello non possit. Vbi enim homines manifestè debiliores sunt quam ut tueri se possint uniti, unusquisque eorum, periculo imminente, ad vitæ suæ conservationem, sive fuga sive deditione potest pro suo arbitrio jure uti; quemadmodum faciunt milites magno exercitu circumventi, si ipsi pauci sint, arma deponere, vitam petere, vel fugere potius solent quam ab hostibus occidi. Atque hæc de juribus eorum qui Summam habent Potestatem sufficiant ex rei natura deducta.

Videamus jam de eadem re quid docent Scripturæ Sacræ. Ad Moysen populus Israeliticus sic loquitur: *Loquere tu nobiscum, & audiamus; sed nobiscum ne loquatur Deus: ne miriamur.* Debebat ergo Moyses populo Israelitico plenissima, & absoluta obedientia. De Jure Regum Deus ipse (1 Sam. 8. vers. 11. &c.) per Samuelen dicit: *Hæc erit ratio ipsa Regis qui regnabit super vos; filios vestros accipiet, ne sibi disponat in carribus suis, & in equis suis, & in currum ante cur-*

rum suum; & ad disponendum sibi Chiliarchos, & præfello quinquagenis; & ad arandum arva sua, & ad metendum messiam suam; & ad faciendum instrumenta bellica sua, & instrumenta currum suorum. Similiter filias vestras accipiet in unguentarias, in coquas, & in pistrices; etiam agros vestros, & vineas vestras, ac oliveta vestra optima accipiet, & dabit servis suis; servosque vestros, & ancillas vestras, ac juvenes præstantissimos; & asinos vestros accipiet, adhibebitque ad opus suum. Greges vestros decimabit; denique vos eritis ei servi. Potentia hæc absoluta est, nempe Cives omnes Regis servi sunt. Rursus, audita ratione Regis sui populus assensit tamen dicens, sed Rex præerit nobis, ut simus nos quoque sicut omnes istæ gentes; & vindicet nos Rex noster, & procedens ante nos gerat Bella nostra. Confirmata hic sunt iis, ut habent Summam Potestatem jura omnia tum Militie tum Iudiciorum, quæ adeo absoluta est Potentia, ut homo ad hominem Potentiam majorem transferre non possit. Præterea Potentiam quam à Deo petivit Salomon, hæc erat: *Des servo tuo animum intelligentem ad judicandam populum tuum discernendo inter bonum & malum.* Quamobrem jus Iudiciorum & jus præscribendi regulas Boni & Mali id est jus Legum ferendam pertinent ad illum qui Summam habet Potestatem Civilem. Quæsitum videtur Davidem Saulum ut eum occideret; eum tamen Saulum occidere potuit David, & ut faceret hortati sunt eum servi ejus; vetuit eos David dicens, *absit ut facerem rem hanc Domino meo, uncto Iehove, extendendo manum meam contra eum; nam unctus Iehove est.* Confirmatur hic Regum impunitas. De servorum obedientia dicit Sanctus Paulus, *Servi obedite Dominis vestris in omnibus.* De obedientia Filiorum dicit, *Filii obedite Parentibus in omnibus.* Debita ergo à Filiis & Servis Patribus suis & Dominis est obedientia simplex. Porro (Matth. 23. 2, 3.) dicit Christus, *In Cathedra Moysi sedent Scribe & Pharisei omnia ergo quæ dixerim vobis ut servetis, servate & facite.* Ecce rursus obedientiam simplicem. Etiam Sanctus Paulus Tit. 3. 1. *Ipsis suggere ut sese subjiciant Principibus, ac Potestatibus obtemperent.* Obedientia hæc simplex est. Postremo Servator noster ipse docet tributa imposita à Summa Potestate Civili solvenda esse, ipse solvens, & dante (inquiens) *Cæsari ea quæ Cæsaris sunt.* Item quod quicquid is qui Summam habet Potestatem exegerit à subdito suo rectè exigitur, quando opus erit, & quod utrum opus sit necne ipse judicabit, ostendit potest ex verbis Christi Discipulis suis mandantis: *Ite in vicum qui vobis est ex adverso, & statim invenietis asinam ligatam & pullum cum ea; solventes eos adducite ad me. Et si quis vobis aliquid dixerit, dicite, Domino his opus est; statim autem misceat eos.* Non interrogabunt utrum necessitas

neccitas illa sive opus jus eos capiendi Domino tribuat, neque utrum Dominus neccitatis illius Iudex sit, sed in voluntate Dei acquiescent.

His locis addi etiam potest quod dicitur Gen. 3. 5. *Erius sicut Dei, scientes boni & mali*; & vers. 11. *quis indicavit tibi nudum esse te? An de fructu illius arboris, de quo interdixeram tibi ne comederes ex eo, comedisti?* Cognitio, id est Iudicatio boni & mali, ~~verabatur~~ sub nomine fructus arboris scientiæ boni & mali, in experimentum obedientiæ Adami. Diabolus autem ut ambitionem foeminæ, cui fructus ille pulcher jam visus erat, incenderet, dixit illi, fore illos quasi Deos scientes boni & mali. Cum igitur comedissent ambo, arrogarunt quidem officium quod Dei solius erat, nempe Iudicationem boni & mali sibi met ipsi; quanquam facultatem novam discernendi inter bonum & malum nullam acquisierant. Quod autem dicitur, cum comedissent viderunt se nudos esse, nemo locum illum ita interpretatus est, quasi cæci autem fuerint neque suas ipsorum cures viderint. Sensus autem manifestus est, quod eo primum tempore nuditatem suam (in qua Deo visum est illos creare) indecoram esse iudicarunt; & pudore suo Dei opus tacite condemnarunt. Interrogat ergo Adamum Deus, *Comedisti &c.* tanquam si dixisset, Tu qui obedientiam mihi debes, arrogasti tibi Potestatem de actionibus meis Iudicandi? Vnde perspicue (quanquam Allegoricè) significatur, facta eorum quibus Summa est Potestas, à subditis suis non esse reprehendenda, nec disputanda.

Itaque manifestè (quantum ego intelligo) non modo ex Ratione, sed etiam ex Scriptura Sacra Summam Potestatem, sive ea in uno homine, ut in Monarchiis, sive in uno Coetu, ut in Democratiis & Aristocratiis, collocata sit, tantam esse apparet quantam facere eam possunt homines. Quanquam autem de Potestate indefinita multa incommoda homines imaginari sibi possunt, incommoda tamen quæ Potestatem limitatam comitantur (nempe bellum uniuscuiusque contra vicinum suum) multo sunt maiora. Conditio hominum in hac vita sine incommodis nunquam erit. Neque est in Civitate quacunque incommodum magnum, nisi quod plerumque à Civium ipsorum contumacia & à violatione Pactorum illorum in quibus essentia Civitatis consistit ortum sit. Quicunque autem Potestatem Summam maiorem esse putans, diminuer eam conabitur, subijciat se Potestati majori quæ Summam limitare posse videbitur.

Maxima contra Potestatem absolutam objectio desumitur ab eo quod fieri solet, & eorum est qui interrogant *ubi & quando* Potestas absoluta à subditis agnita fuerit? Sed vicissim ego illos interrogo *ubi,*
&c.

& quando libera à Seditione & Bello Civili existit Civitas, ubi Potestas absoluta non fuerit. In gentibus illis ubi Civitates diu duraverunt, nec nisi Bello externo perierunt, subditi de Potentia Summa suorum principum nunquam disputaverunt. Argumentum autem à consuetudine hominum sumptum, qui in causas, & naturam rerum Civilem nunquam profunde inspexerunt, invalidum est. Etsi enim homines fundamenta domorum suarum super arenam collocarent, non tamen inde inferri posset, ita fieri debere. Scientia constituendi conservandique Civitates, regulas certas habet & infallibiles non minus quam Arithmetica & Geometria; neque ab usu tantum dependet. Quas regulas excogitandi otium neque habuerunt pauperes, neque qui otium & voluntatem habuere, qua methodo id faciendum erat intellexerunt.

C A P V T XXI.

De Libertate Civium.

Libertas significat propriè absentiam impedimentorum motus externorum; & dicitur non minus de rebus irrationalibus & inanimatis quam rationalibus. Quicquid enim ita ligatur vel concluditur, ut nili in spatio ab externis Corporibus determinato moveri nequeat, id ulterius progrediendi *Libertate* carere dicimus. Itaque animalia domi muris includuntur, vel catenis ad locum certum alligantur, eundi quò utroque itura essent *Libertate* carent. Quando vero impedimentum in ipsa est natura rei, non *Libertate*, sed *Potentia* carere dicitur; sic Homo qui morbo affixus lecto est, eundi *potentia* non *Libertate* privari dicitur.

Iuxta hanc propriam & receptam vocis significationem *Liber* dicitur is, qui ex his quæ viribus & arte propria facere potest, quin faciat quicquid vult non impeditur. Sed voces *Liber* & *Libertas* qui ad alias res præter corpora applicans, abutantur. Quod enim motui subiectum non est, non est obnoxium impedimento. Quories ergo dicunt (exempli causa) Via *Libera* est, non significatur *Libertas* Viæ, sed Viatoris. Item quando dicimus Donum *liberum* est, non rei *datis* sed *Datoris Libertatem* intelligimus. Etiam quando quis *libere* loqui dicitur, non Sermonis, sed loquentis *Libertas* est. *Libertum* denique *arbitrium*, non Voluntatis *Libertas* sed Volentis est.

Metus & *Libertas* simul consistere in eadem actione possunt, ut quando aliquis Metu Naufragii bona sua in mare projicit; nam libenter

res id facit; potuitque (si noluisse) non facere. *Libri* ergo fecit. Sic ille qui Metu carceris debitum solvit, *Libere* solvit, quia *Libertum* illi erat vel solvere, vel non solvere. Similiter Actiones Civium omnes quas Metu Legum faciunt, si non facere potuerunt, *Libere* erant.

Etiam *Libertas* & *Necessitas* consistere simul possunt. Nam aqua per fluminis alveum, tum *Libere*, tum *Necessitate* naturæ versus declivia movetur. Item actiones omnes voluntariæ quæ sua natura *Libere* sunt, quia tamen causas habent, & causa illæ alias causas, & sic perpetuo usque ad causarum omnium Causam primam, nempe divinam voluntatem, necessariæ sunt; adeo ut si qui causarum omnium omnium actionum connexionem viderent, etiam voluntarias esse manifestè deprehenderent. Deus ergo qui videt & disponit omnia, necessitatem videt omnium actionum à sua ipsius voluntate proficiscentem, Homines enim quamquam multa faciant contra Leges divinas, id est multa quorum Deus non est Auctor, nullam tamen Passionem, Voluntatem aut Appetitum habent cujus causa prima & plena non sit à voluntate Dei. Nisi enim Voluntas Dei Necessitatem Voluntati humanæ imponeret, & per consequens actionibus omnibus ab ea dependentibus; *Libertas* voluntatis humanæ omnipotentiam, & omniscientiam & libertatem Dei tolleretur. Atque hæc (quatenus ad institutum præsens) de naturali & propriè dicta *Libertate* disputata sufficiant.

Quemadmodum autem homines Pacis & Conservationis suæ causâ Hominem fecerunt *Artificialem* (quem vocant Civitatem) ita etiam Vincula excogitarunt *Artificialia* (quæ vocantur Leges Civiles) quæ Vincula ipsi mutuis inter se Pactis ab una parte ad illius cui Summam dederunt Potestatem Labra, ab altera parte ad suas ipsorum Aures alligarunt. Vincula autem hæc etsi natura sua fragilia, satis tamen tenacia sunt, non à difficultate sed à periculo quo frangantur.

Vincula hæc *Artificialia* ea sunt, quæ opponi intelligo Libertati Civium. Cum enim actionibus Leges præscribere omnibus, impossibile sit; *Libertatem* habere Civis dicitur ad illas actiones de quibus in Legibus nihil definitur, & ad eas solas. In his ergo unicuique id quod sibi maxime videbitur expedire, facere *Libertum* est. Sin de Libertate corporis à carcere & catenis *Libertas* Civilis intelligeretur, absurdissime conquererentur *Libertatem*que flagitarent hodie rebelles nostri qui ea manifestissimè fruente: rebellaverunt. *Libertas* igitur Civium in iis tantum rebus consistit, quas in Legibus ferendis Legislator prætermisit.

Libertas tamen hæc Civilis, quin is qui Summam habet Potestatem, vitæ & necis Civium arbiter sit, impedimento non est. Osten-

sum enim est, Civibus ab eo qui Summam habet Potestatem (id est à Civitate) Injuriam fieri non posse, etsi per Iniquitatem Injurius esse in Deum possit. Contingere ergo potest, & contingit sæpe in Civitatibus Iussu Summam habentis Potestatem, Innocentem etiam sine Injuria interfici; ut quando filiam suam occidi iussit *Sephtha*. Etiam in occisione *Vrie*, etsi Rex David iniquè fecit, & contra Deum graviter peccavit, contra Vriam tamen non peccavit, qui facti illius Authorem se fecerat. *Tibi soli peccavi* sunt verba ipsius ad Deum Davidis. Deo enim solo obligari potuit Rex. Etiam Populus Atheniensis cum Civem per Ostracismum in exilium mitteret, non illum criminis accusabat, sed quemcunque exulare vellet numerus concivium maximus, is exulabat; non quia violator legum erat, sed quia (propter nimiam potentiam) violare Leges impunè posse videbatur. Itaque Aristidem, cui cognomen Iusti ipsi ante dederant, Civitate expulerunt. Expulerunt item Hyperbolum imi ordinis hominem scurram, quem nemo metuebat; quia voluerunt; joculariter forte, non autem injustè, cum id jure fecerint Civitatis.

Libertas illa, de qua in Græcorum Romanorumque veterum Libris Historicis & Politicis; hodieque in Sermonè & Scriptis eorum, qui Græcam & Romanam Politicam suam faciunt, tam magnifica fit mentio, non Civium singularium, sed Civitatis Libertas est, eademque quæ hominum singularium fuisset, nisi constitutæ Civitatis & Leges fuissent. Sicut enim inter homines, sine Lege, sine Imperio, Bellum unicuique contra vicinum est, nulla autem hæreditas filijs transmittenda, nulla Proprietas bonorum, nulla securitas, sed Libertas unicuique plena & absoluta; ita inter Civitates, quarum una alteri non subjicitur, unicuique Civitati Libertas faciendi quicquid sibi commodum videbitur absoluta est. Sed tamen ita vivunt perpetuè ac si Bellum esset, parati ad pugnam; tormentis Bellicis contra vicinos undequaque collocatis. Itaque neque Atheniensis, neque Romanus quisquam *Libër* (à *Legibus*) erat, sed Civitates eorum. In portis murisque Urbis *Lucie* etiam inscribatur magnis characteribus LIBERTAS, Lucensis tamen nemo majore Libertate fruitur quam Constantinopolitanus, utrobique enim Legibus Civilibus vincuntur.

Dulci autem nomine Libertatis, facile decipiuntur homines, qui distinguere nescientes, id quod Civitatis solius ius est, pro sua cuiusque hæreditate privata sibi arrogant. Qui error, quoties Autoritate eorum, qui propter ea, quæ scripserunt Politica, celebres sunt confirmatur, mirandum non est si Seditionem & Status mutationem patriat. In partibus Orbis terrarum occiduis opiniones nostras de Institutione

tutione & Iuribus Civitatum accepimus ab *Aristotele*, *Cicerone*, aliisque Græcis & Romanis, qui cum degerent in Civitatibus Democraticis & Aristocraticis, jura illa mox à Principiis naturæ deduxerunt, sed usum & consuetudinem Civitatum suarum, in Libros suos Politicos transcripserunt, non aliter, quam Regulas loquendi ex usu temporis sui describere solent Grammatici. Quoniam ergo Athenienses ne Statum mutare cuperent, liberos solos esse eos, qui in Civitate viverent populari, servosque esse, qui sub Monarcha essent, docebantur; ideo Aristoteles in Politicis (Lib. 6, cap. 2.) Libertatem supponi in Democratia scripsit, neminemque in alia Civitatis forma esse liberum. Sicut autem Aristoteles; ita quoque Cicero, alique Scriptores. Politicam doctrinam suam super Romanorum consuetudine fundaverunt; qui Romani Monarchiam odisse didicerant, ab aliis primis, qui cum Summum Imperantem, nempe Regem suum, deposuissent, Summam *Romæ* Potestatem inter se diviserant. Lectione autem Librorum horum à Græcis & Latinis Scriptorum, factum est, ut homines nostri ab Infantia opinionibus illis innutriti, sub *Libertatis* falsa specie habitum tandem contraxerint tumultibus favendi, actiones eorum, qui Summam habent Potestatem reprehendendi, & rursus reprehendendi reprehensores illos; idque cum tanti sanguinis effusione, ut verè possim (puto) affirmare nunquam quicquam tam carè emptum esse, quam Græcorum Latinorumque linguas emerunt partes hæ mundi Occidentales.

Ut veniamus jam ad ea in quibus Libertas Civium vera consistit, id est, ut dicamus, quænam illæ actiones sint, quæ jussæ ab eo qui Summam habet Potestatem, possunt tamen sine Injustitia prætermitti; considerandum est, quænam jura illa sint, quæ in Civitate instituenda deponimus, sive (quod idem est) quas Libertates nobismetipsis *denegemus* tunc, quando omnium Actionum simpliciter Hominis vel Cætus quem Summum facimus, Authores nos facimus singuli. In ipsa submissione consistit tum *Obligatio*, tum *Libertas*. Itaque ex eadem submissione, Obligationis & Libertatis argumenta sumi debent. Nulla enim tenetur Obligatione quisquam, quæ à sui ipsius actione non procedit; cum per naturam homines Libertatem æqualem omnes habent. Quoniam autem argumenta illa vel ab ipsis verbis, nempe *Actionum omnium ejus hominis cui Summam tribuimus Potestatem Authorem me facio*, vel ab intentione ejus, qui Potestati Summæ se submittit, (quæ intentio intelligitur à Fine propter quem se submittit) sumenda sunt; Obligatio & Libertas Civium Singulorum ab illis Verbis, vel ab illâ Intentione demonstrandæ sunt. Finis au-

tem Institutionis Civitatis est Pax Civium inter se, & defensio contra hostem Publicum.

Primo ergo, quia Institutio Civitatis fit per Pacta uniuscujusque cum unoquoque, manifestum est, Libertatem Civi manere circa res illas omnes, quarum jus per Pactum transferri vel abjici non potest. Sed ostensum est Cap. 14. Pacta de seipso contra vim non defendendo invalida esse. Ergo.

Si Summam habens Potestatem, Civem (quanquam jure morti condemnatum) seipsum interficere, mutilare vel vulnerare; aut vi personam ejus invadenti non resistere; aut ab alimentis, medicina, aëre vel alia re sine qua vivere non potest se abstinere jusserit; habet Civis ille recusandi Libertatem.

Si quis Civis interrogetur à Summam habente Potestatem, vel per Authoritatem ejus de crimine quod ipse Civis commisit, fateri Crimen (nisi facti venia data) non obligatur; quia nemo (ut ostensum est supra) obligari Pacto potest, seipsum accusare. Præterea submissio Civis continetur his verbis, *Antior sum omnium Actionum ejus cui Summam tribuimus Potestatem.* Sed in his verbis Libertatis naturalis restrictio nulla est. Etsi enim ut me occidat concedam, non obligor ut Iussu ejus occidam meipsum. Aliud enim est dicere occide me, vel concivem meum, si vis; aliud autem dicere occidam me aut concivem meum. Sequitur ergo neminem aut ad occidendum seipsum, aut concivem ex ipsis verbis obligari. Itaque obligatio quam quis habere interdum possit, jussu Summæ Potestatis faciendi actionem aliquam periculofam aut indignam, non à verbis dependet expressis quibus se submisit, sed ab intentione; quæ intelligitur ex fine quo Civitas instituitur. Quando ergo negatio obedientiæ Finem Institutionis Civitatis frustaneam facit, Libertas recusandi nulla est: alioqui Libertate sua naturali uti potest.

Itaque si quis jubeatur contra hostem Publicum pugnare (quanquam si recuset, Potestati Summæ puniendi eum non desit Ius) potest tamen aliquando sine Injustitia recusare, ut quando alium militem non minus idoneum substituit. Tunc enim Civitatem non deserit. Præterea à Summo Iure detrahendum est aliquid propter quorundam hominum timiditatem naturalem, non solum foeminarum (à quibus officia tanti periculi nunquam expectantur) sed etiam virorum quibus animis foemininus est. Quando prælium committitur, fuga tandem fit ab una vel altera parte; si tamen non à perfidia, sed à metu fuga oritur, non *injuste* fugere dicuntur, sed turpiter, vel inhonestè. Propter eandem rationem, si quis prælium conetur

conetur evitare Injustitia non est, sed Ignavia. Veruntamen qui militem se conscribi jubet timiditatis naturalis excusationem perdit, obligaturque non modo prælium intrare, sed etiam invito ductore suo non fugere. Quando autem defensio Civitatis Civium simul omnium uno & eodem tempore auxilium postulat, unusquisque qui vel arma gestare potest, vel ad victoriam aliquid quantulumcunque contribuere, ad Militiam obligatur; quia aliqui Institutio Civitatis quam conservare Cives nolunt, vel non audent, vana esset.

Contra arma Civitatis, defendendi alterius causâ, sive nocentis sive innocentis arma sumere, Liberum nemini est; quia Libertas talis Summam habenti Potestatem media ad defensionem Civium affert, ipsamque Civitatis essentiam destruit. Quid autem si multi simul, contra Civitatis Potestatem Summam crimen aliquod commiserint capitale, propter quod, nisi se defendant, expendant mortem, quaerit aliquis utrum Libertatem illi conjunctis viribus se minus defendendi habeant? Habent certè. Nam vitas suas defendunt tantum, id quod & Innocenti & Nocenti æquè licet. Injustitia quidem erat officii violatio prima; sed quod arma postea ad se defendendos sumperint, crimen novum non est. Excusatio autem sui defensionis oblata veniâ tollitur; facitque ut si assistere cæteris perseverent Injusti sint.

Reliqua Civium Libertas dependet à Legum Silentio. Vbi enim non definit Lex, unicuique faciendi vel non faciendi Libertas est: eaque pro arbitrio Summæ Potestatis aliquando maior, aliquando minor est. Si inter Civem & eum qui Summam habet Potestatem controversia sit de Iure agros vel bona possidendi, vel de debita pecuniâ, vel opera, vel de poena corpora, vel pecuniaria quæ in Lege aliquâ præcedente fundata sit, Libertas Civi Lege agendi est contra eum qui Summam habet Potestatem eadem quam haberet contra Convicem: controversiæ autem illius Iudex erit is qui Summam habet Potestatem. Quoniam enim qui Summam habet Potestatem virtute petit Legis præcedentis, non virtute Potestatis Summæ, non amplius petere velle intelligitur quam quod Lege illa debitum esse apparebit. Nihil ergo facit Civis petens contra voluntatem ejus qui habet Summam Potestatem. Sed si qui habet Summam Potestatem virtute Potestatis peteret, agere contra illum Lege Civis non potest. Quicquid enim virtute Potestatis Summæ petit, Autoritate petit ipsius Civis, & proinde qui agit contra Summam Potestatem, contra seipsum agit.

Si Monarcha vel Summam habens Potestatem Cœtus, uni vel plu-

ribus Civibus Privilegium, id est Ius five Libertatem privatam concedat, qua concessa salutem populi procurare non potest. Concessio illa invalida est, nisi simul apertis verbis Summæ Potestati renunciet, vel in alterum eam transferat. Eo enim quod potuit (si voluisset) Summæ Potestati verbis perspicuis renunciassse, vel eam in alium transulisse, nec fecit, intelligendum est neque renuntiare neque transferre voluisse; & proinde concessionem illam ab ignorantia profectam esse repugnantiam inter concessum privilegium, & Potestatem Summam. Retinetur ergo Potestas Summa, & per consequens Iura omnia retinentur quæ ad exercitium ejus sunt necessaria; qualia sunt Potestas Belli & Pacis, Iudiciorum, Magistratuum & Ministrorum constitutio, & cætera quæ Cap. 18. enumerantur.

Obligatio quam Cives habent erga eum qui Summam habet Potestatem, tam diu nec diutius permanere intelligitur, quam manet Potentia Cives protegendæ. Ius enim hominum seipsos protegendæ naturale, quando à nemine alio protegi possunt, nullo Pacto extinguere potest. Is enim, qui Summam habet Potestatem, Civitatis Anima est, quæ simul atque à corpore separata est, membra morum ab illa amplius non accipiunt. Obedientiæ finis est Protectio; quam ubicunque quis viderit, five in se, five in alio, ad illam, obedientiam & conatum ad illam conservandum applicat natura. Quanquam autem Potestas Summa ex intentione Instituentium immortalis sit, sua tamen natura, non solum morti violentæ à Bello externo subjecta est, sed etiam propter Ignorantiam & Passiones hominum, habet in se, ab ipsa Institutione, semina multa mortalitatis à discordiis Civium ipsorum.

Si Civis Bello captus sit, vel Personæ aut vitæ ejus necessaria intra præsidia hostium sint, hostes autem vitam & corporis Libertatem illi permittant, ea conditione, ut Victori Subditus sit, Civis ille conditionem accipiendi Libertatem habet; & cum acceptaverit, Victoris subditus est; nam alia ratione conservare se non potuit. Si quis autem ab hoste in carcere aut vinculis detineatur, nec credatur ipsi corpus suum, Pacto victus non intelligitur, ideoque aufugeret vel servare se quocunque modo jure potest.

Si Monarcha Summæ Potestati pro se & hæredibus suis renuntiet, redeunt Cives ad Libertatem Naturæ absolutam. Quanquam enim, quis illi filius sit vel cognatione proximus indicet natura; quis tamen illi hæres sit dependet (ut ostensum est capite præcedente) à sua ipsius voluntate. Itaque si Hæredem habere nolit, Summa Potestas, & Subjectio perit. Idem contingit si moriatur sine cognatis cognitis, & sine

sine Hæredis declaratione. Tunc enim nulla cuiquam debetur obedientia, cum cui præstanda sit ignoretur.

Si Potestatem habens Summam Subditum in exilium mittit; manente exilio Subditus ei non est. Verùm qui in Civitatem alienam mittitur de negotio aliquo, vel is cui peregrinari permittitur, Civis & Subditus manet. Sed hoc per contractum inter Civitates, non jure Gentium fit; aut vi Pacti alicujus. Quicumque enim intra fines alienæ Civitatis intraverit, illius Civitatis Legibus Subjectus est, nisi ius habeat ab amicitia inter se ambarum Civitatum.

Si Monarcha Bello superatus Subditum se victori faciat, priore obligatione Civis liberatur debentque Victori obedientiam. Verùm si captus detineatur, Potestatem quam habebat in Civitate sua Summam, perdidisse non intelligitur. Quare subditi ejus quanquam in captivitate existentis, obligantur obedientiam solitam Magistratibus ab eo ante constitutis & nomine ejus præstare. Manente enim Jure ejus, quæstio de sola Administratione est, id est de Magistratibus & Ministris; quos quia ipse constituere suo Arbitrio non potest, illos quos ipse ante constituerat, probare intelligitur.

C A P V T XXII

De Systematibus Civium.

DE Generatione, Forma & Potestate Civitatis dictum est. Dicendum nunc de partibus ejus. Per *Systema* intelligo *numquam quemcumque hominum in rem ipsorum communem congregantium*. Quorum alia *Regularia*, alia *Irregularia* sunt; *Regularia* quidem ea sunt, in quibus Homo vel Coetus unus Personam gerit omnium. Cætera autem omnia sunt *Irregularia*.

Regularium alia *Absoluta* sunt sive *Independencia*, id est nemini subdita præterquam suæ propriæ Personæ Repræsentativæ; quales sunt Civitates, & quidem solæ. De quibus dictum jam est in quinque proximè superioribus Capitibus. Alia sunt *Subordinata*; nempe Summæ Potestati Civitatis, cui tum singuli tum etiam qui ipsorum Personam gerit, subjiciuntur.

De *Systematibus Subordinatis* alia *Politica* sunt; alia *Privata*. *Politica* (quæ vocari etiam solent *Corpora Politica*) ea sunt, quæ ab Autoritate Summæ Potestatis Civilis constituta sunt. *Privata* ea sunt, quæ constituuntur ab ipsis Civibus, vel Autoritate aliqua extranea; quæ Autoritas quia à Potestate extranea derivatur, *Publica* non est.

Syste-

Systematum Privilegiatorum alia Licitum sunt, alia Illicita. Licitum est sunt quæ probantur à Civitate; cætera *Illicita*.

Systemata Irregularia sunt quæ cum Personam non habeant consistunt in concursu tantum Populi; quæ si Lege Civili non sint vetita & sine mala intentione fiant (qualis est confluxus populi ad Forum, vel Pompam, vel alium finem innocuum) Licitum sunt. Quando autem consilio malo confluant, vel (si multitudo magna sit) incognito, *Illicita* sunt.

In *Systematibus Subordinatis* Potestas personæ eorum semper terminatur à Potestate Civili Summa; alioquin Systema Subordinatum non esset, sed Civitas, cujus Persona Civium eundem Personam est: & proinde pars Civium nulla representari ab alio potest, nisi quatenus Personæ Civitatis visum erit. Permittere enim ut *Systema* Civium Subordinatum partem populi in rebus omnibus representaret, deferere esset Civitatis (quatenus ad partem Civium) regimen, & Dominium dividere contra pacem & salutem populi: id quod is qui Summam habet Potestatem, nulla concessione facere intelligitur, quæ non perspicuis verbis subiectione sua Cives exonerat: Verborum enim consequentiæ, voluntatis signa non sunt, ubi consequentiæ aliæ signo sunt in contrarium: sed erroris potius & falsæ rationationis, quibus humana natura subicitur, signa sunt.

Potestatis quam habet *Systema Subordinatum* limites cognoscuntur duabus rebus, nempe Literis ab eo qui Summam habet Potestatem & Lege Civitatis.

Quoniam enim in Civitatis Institutione vel Acquisitione, Literis scriptis opus non sit, quia Potestas ibi Summa (ut diximus) limites nullos habet præter Naturæ Legem non scriptam: in *Systematibus* tamen Subordinatis, eorum Institutiones circa agenda, tempora, & loca necessariae sunt, ut neque sine literis scriptis memoria retineri, neque nisi Literæ illæ Patentes sint, & Summæ Authoritatis signis signatæ, cognosci possint.

Et quoniam Limitationes non semper facile, aut fortasse omnino describi Literis possunt: determinatio quid Systemati Licitum vel Illicitum factuerit, ad Leges Civiles (ubi Literæ ipsæ silent) necessaria pertinet.

Ubi in *Systemate Subordinato* Persona est unus homo, quicquid ille facit in Persona Systematis, absque Literarum suarum & Legum Civillum Authoritate, suum ipse, non Systematis; neque alicujus ejus membri præterquam sui ipsius, Factum est: propterea quod ultra limites Literis & Legibus præscriptos nemini præterquam suam ipsius

ipſius Perſonam habet. Quicquid autem juxta Leges & Literas facit Factum eſt uniſcujuſque hominis eorum qui Syſtema conſtituunt; quod enim à Summa Potestate fit, ipſum facientem Authorem habet; quia Factum quod à Literis & Legibus Summæ Potestatis non recedit, ipſius Summæ Potestatis Factum eſt; & proinde ſingula Syſtematis membra Authores habet.

At ſi Perſona Syſtematis Cœtus fit, quicquid ille Cœtus præter Legum & Literarum ſuarum Authoritatem fecerit vel decreverit Factum eſt totius Syſtematis, & præterea uniſcujuſque eorum quorum ſuffragiis decretum fuerit; ſed neque hominis contra cujus ſuffragium Factum aut decretum erat, neque hominis abſentis Factum eſt. Cœtus enim ipſius ideo Factum eſt, quia majoris partis eſt; & ſiquidem crimen ſit, puniendus Cœtus eſt; quatenus poenæ capax eſt. Exempli cauſa, per diſſolutionem Syſtematis (quæ quidem ejuſmodi Corporibus Fiſtitiis capitalis eſt) vel (ſi modo ærarium commune habeat Cœtus) per multam pecuniariam. Nam huiusmodi Syſtemata à poenis corporeis ipſa exemit Natura. Qui autem crimini à Syſtemate decreto ſuffragium ſuum non dederunt, innocentes ſunt; & quia Cœtus per Literas ſuas neminem in Illicitis præſentare poteſt, innocentes illi in ſuffragiis nocentium non comprehenduntur.

Si Perſona Syſtematis ſit in homine uno, & is pecuniam mutuam ſumpſerit ab extraneo, id eſt ab eo, qui membrum Syſtematis ejus non eſt; debitor eſt is qui habet Perſonam Syſtematis neque ad ſolutionem tenetur alius quicunque. Alioqui Literarum ſuarum Authoritate facere poſſet, ut quicquid ipſe mutuum ſumeret, alii ſolverent. Syſtematis ergo Subordinati membrum ad ſolutionem pecuniæ quam Perſona Syſtematis (quoties homo eſt) mutuam ſumpſerit teneri non poteſt. Qui pecuniam mutuam dat cum Syſtemati extraneus ſit pro debitoribus habet eos ſolos, qui ſolvere promiſerant, Perſonam enim, mutuam accipientem, nullam præter ipſius hominis naturam cognoviſcit: ſolus ergo debitor is eſt, & ſolvere debet, vel ex communi theſauro, vel ex pecunia propria. Idem dicendum eſt de Multa ſi contingat Perſonam Syſtematis Subordinati, quam gerit homo unus, à perſona Civitatis pecuniâ multari.

Quando autem perſona Syſtematis in Cœtu eſt, debeturque pecunia extraneo, tenentur ad ſolutionem illi omnes, & ſoli, quorum ſuffragiis pecunia mutuo ſumpta eſt. Unuſquiſque enim eorum eo ipſo quod mutuum ſumi ſuffragiis ſuis voluerunt, ad ſolutionem obligantur etiam totius debiti, quod cum unus illorum ſolverit omnes liberantur.

Quod si pecunia uni alicui ex ipso Coetu debeatur, ad solutionem tenetur solus Coetus ipse, id est ipsum Systema. Is enim cui debetur, si pecuniam illam mutuam dari præsens suffragio suo voluit, etiam solvi voluit; sin Suffragio suo mutuam dari noluit, vel si absens fuerit, quia tamen mutuam dando, mutuam dari voluit, solvi voluit, idem ergo mutuam sumit & dat; & proinde debitum suum à nemine pascere præterquam à Systemate ipso Iure potest. Itaque si Systema (ex thesauro communi) solvendo non est, remedium habet nullum, neque potest nisi de seipso conqueri, qui sponte sua imprudenter pecuniam suam mutuam dedit.

Manifestum hinc est, in Systematibus Subordinatis, subditisque Potestati Civitatis, interdum privato homini Systematis membro contra decretum Coetus protestari aliquando dissentire & dissensionis suæ conservari memoriam postulare non modo Licitum esse, sed etiam expedire, ne alioqui debita ab aliis contracta ipse solvere obligetur. Sed in Coetu Summam habente Civitatis Potentiam, Protestationes hujusmodi Licitæ non sunt, propterea quod Potestatis Summæ totidem sunt negationes; etiam quia quicquid fit à Summa Potestate, Authoribus sit Civibus omnibus & Singulis.

Systematum Subordinatorum infinita fere est varietas. Distinguuntur enim non solum ab Agendis propter quæ constituntur, & multorum generum sunt; sed etiam à temporibus, locis & numeris, quæ omnia definiri debent. Constituntur enim aliquando ad regendam Provinciam cum Potestate Literis Civitatis terminata. Sed Provinciarum quæ à Coetibus in ipsa Provincia residentibus gubernantur, pauca sunt exempla. Romani Provincias suas Præsidibus, Prætoribus, vel Procuratoribus administraverunt; non Coetibus sicut administrabatur ipsa Roma. Similiter emisit ad *Virginiam* & *Bermudas* Colonias, quanquam Summa Potestas in illas commissa esset Coeti Londinensium, Coetus tamen ille Colonias illas per Præfectos administravit. Quanquam enim unusquisque regiminis partem exercere cupiat, ubi adesse ipse potest; ubi tamen adesse non potest, scilicet communem Monarchicè quam Aristocraticè, vel Democraticè administrari mavult naturaliter. Quod manifestum etiam est in privatis hominibus, qui multas habent possessiones; qui labores adimplerandi negotia propria levare cupientes Amicum vel Famulum unum potius eligunt, cui possessionum suarum curam committant, quam Amicorum vel Famulorum plurium Systemari. Potest tamen Provinciarum vel Coloniarum cura etiam Coeti committi. Quando autem id fit, quodcumque ab eo Coetu debitum contractum fuerit;

&

& quodcunque decretum ab eo Coetu Illicitum fuerit, factum est illorum tantum qui per Suffragia sua assenserunt, non autem ejus qui dissensit vel abfuit, propter rationes supra adductas. Coetus extra fines Coloniarum quam administrat, Potestatem in personas vel bona Coloniarum non habet, quia bona eorum in loco quocunque extra ipsam Coloniam propter debitam pecuniam exigere jure possit; quia extra Coloniam ipsam Jurisdictionem nullam habet. Idem Coetus quanquam multandi membra singularia jus habeat, si Leges suas frangerint; multam tamen illam exequi extra Coloniam ipsam jure non potest. Quod autem hic dictum est de administratione Provinciae vel Coloniarum, dicendum quoque est de regimine Oppidi, Universitatis, Collegii, vel Ecclesiae.

In omnibus Systematibus Subordinatis, si quis ex Systemate causam habeat contra Systema ipsum, cognitio causae pertinet ad Iudicem Civilem qui à Summa Potestate Civitatis ordinatur, non ad ipsum Systema quod membro suo concivis est. In Coetu Summam habente Potestatem Civitatis, aliter res se habet; ibi enim is, qui Summam habet Potestatem, etiam in sua ipsius causa Iudex erit, aut Iudex erit omnino nullus.

Systematis Subordinati ad Regulanda negotia Mercatorum constituti Persona commodissima Coetus est, Coetus (inquam) eorum omnium quorum negotia regulanda sunt; in quem convenire, Suffragia habere unusquisque eorum, qui pecunias suas conferunt, si velit, possit. Mercator, qui navem emere, & mercibus onerare potest, rarus est. Opus ergo habent, ut in unum Systema plures conjungantur. Finis autem Systematis Mercatorii is est, ut possint & facilius & utilius negotiari, juxta regulas à se quidem excogitatas, sed à Summa Potestate Literis confirmatas. Quibus Literis si concessum sit, ut possint ea quae à Dominio Civitatis exportari expedit, soli emere, & quae in Civitatis Dominium importari soli vendere juxta Systematis sui regulas; duplum habebunt Monopolium. Quorum utrumque ipsis Mercatoribus lucrosum est, sed Civibus ceteris ex parte noxium. Quoniam enim soli bona Civium domi emunt, vilius emunt; id quod sibi metipsis lucro, reliquis autem Civibus damno est. Similiter quia in Dominii externis soli vendunt, carius vendunt; id quod sibi metipsis rursus lucro, exteris damno est. Tertiò quia Merces externas soli emunt, vilius emunt, id quod sibi quidem utile, externis autem noxium est. Quartò quia Merces externas soli vendunt domi, carius vendunt; id quod sibi adhuc lucrosum, sed concivibus suis damnosum est. Bono ergo Civitatis esset, si Literis

concessum esset, ut soli foris Civitatis suæ Merces venderent, & Merces externas soli emerent; sed ut domi arbitrio suo, quo velint pretio importata venderent, civibus malum esset. Expedit autem singulis hujusmodi Systematis membris, ut qui pecunias suas contulerunt, & expectant lucrum singuli pecuniæ suæ collatæ proportionale, consultationibus Systematis adesse, librosque Rationum suarum inspicere, id est ut persona Systematis sit in ipso Cœtu seu Curiâ, ad formam Democratiæ.

Si Systema Mercatorum homini, qui Systematis membrum non sit, sed extraneus, pecuniam debeat, unumquodque membrorum seorsum obligatur ad solutionem totius debiti. Is enim, qui Systematis membrum non est Personæ artificialis notitiam nullam habet, sed Personas naturales eorum omnes obligari sibi supponit. Verum si Creditor sit Systematis membrum, Debitor quoque idem est, neque debitum suum nisi à Systemate ipso, id est à communi pecunia, si quam habet, postulare Iure potest. Si Civitas à Systemate virtute Potestatis Summæ pecuniam exigit, solvenda à membris est, collatis à singulis ad Mercatûram pecuniis proportionaliter. Nam communem pecuniam nullam habet Systema Mercatorium, nisi quæ à singulis ad Mercatûram collata est.

Eidem Systemati si imponatur ob crimen aliquod multa pecuniaria, illi soli ad solutionem tenentur, quorum Suffragiis fieri crimen decretum erat, vel quorum auxilio commissum erat. In cæteris enim crimen non erat, nisi crimen sit, quod membra essent Systematis peccantis. Id autem crimen non est, quia Systema ipsum Civitatis auctoritate constitutum est.

Si unus ex membris pecuniam Systemati debeat nec solvat, Systema contra illum Lege Civili agere debet. Neque enim Bona ejus capi, nec persona ejus in carcerem conjici ipsius Systematis, sed Civitatis solius Auctoritate potest. Concives enim sunt Systema & membrum ejus.

Systemata Subordinata etiam pro tempore præfinito constitui possunt. Exempli causa, si Monarchæ, Dominii sui partibus singulis, ut Provinciis & Oppidis mandare visum fuerit, per Deputatos suos convenire, ut illum de conditione Dominii sui certiores faciant, & ei circa Legum novarum constitutionem consilium suum impertiant, vel propter aliam causam quamcumque, colloquaturque cum illis tanquam cum una Persona Cives omnes repræsentatura; Deputati illi simul ac loco & tempore à Summa Potestate constituto convenierint, ibi & tunc Systema sunt Regulare, & Personam gerit Systema totius

Domi-

Dominii Civium, quantum attinet ad ea quæ à Monarcha Summam habente Potestatem tractanda proponantur; ad alia autem non item. Etiam quando nihil amplius tractandum esse à Monarcha declarabitur, Systema illud dissolvitur. Si enim Civium omnium, & quoad negotia omnia, Personam gereret, Potestas Systematis Summa esset, essentque in eodem populo Summæ Potestates duæ; id quod cum Pace & Salute Populi fieri non potest. Quæ autem tractanda sunt in Systemate tali præfinita sunt in ipsis Literis quibus convocantur. Populus enim Deputatos suos eligere ad alium finem non possunt quam qui in ipsis Monarchæ Literis continetur.

Systema Privatum Regulare, idemque licitum, illud est, quod sine Literis aut mandato Summæ Potestatis, Legibus solum omnium Civium communibus, constituitur. Quod cum una Persona factum sit, Regulare est. Qualis est Familia, in qua Pater Familias (quatenus Leges Civiles non prohibent) Personam gerit totius Familias; & illi Filii servique obedire in omnibus rebus, quæ non sunt contra Leges Civiles, obligantur. Nam ante institutionem Civitatum, Parris erat in Filios & Servos Potestas Summa, neque Potestatis ejus partem ullam amiserant Patres, nisi quam sustulerunt ipso- rum consensu Leges Civiles.

Systemata Regularia quidem; sed Illicita, ea sunt, quæ sunt ab hominibus in unam personam coeuntibus, sine omni Autoritate Publica. Qualia sunt, Systemata Mendicorum & Furum, eo fine ut mendicent furenturque commodius. Etiam Privata & Illicita sunt Systemata ea siue Fraternitates autoritate externâ constitutæ ad propagationem Doctrinarum, vel ad Factionem, contra Civitatis Potestatem Summam.

Systemata Irregularia, quæ sua natura Fœdera tantum sunt, & interdum concursus tantum Populi, sine certo Consilio, & sine obligatione mutua, procedentia à sola voluntatum morumque similitudine Licita aut Illicita sunt, prout Singulorum consilia Licita sunt vel Illicita. Consilium autem cujusque quale sit ab occasione intelligendum est.

Fœdera Civium (quoniam propter mutuam defensionem fieri Fœdera solent) in Civitate (quæ Civium omnium Fœdus commune est) necessaria non sunt, sed suspecta sunt Consilii contra Civitatem initi; & propterea sunt Illicita, vocanturque vulgò Conjuraciones & Factiones, quoties autem Civium vires suas conjungentium incognitum est (* consilium), ut Civitati periculosum, injustum & injustè celatum est.

Si Potestas Summa in Cœtu magno sit, parsque illius, cæteris in-

scius, consilium seorsum capiant quomodo coetum totum ad arbitrium suum gubernent, Factio est & conventus Illicitus, hominum per fraudem ad seditionem, ambitionis propria causa, decipere cupientium.

In Civitatibus omnibus, si quis Civis plures habeat famulos & servos, quam conditio ejus & res agendæ postulant, Factio est illicita. Cum enim protectionem habeat Civitatis, defensionis causâ, vi privatâ non indiget.

Concurfus Populi Systema est, sed Irregulare, quia sine Personæ unitate. Licitum autem vel Illicitum est, prout causa concurrendi Licita vel concurrentium numerus Civitati periculosus est. Si causa justa & cognita sit, concurfus Licitus est; qualis est concurfus hominum ad Pompas, & ad Theatrum numero non insolito. Nam si numerus solito insigniter major sit, is qui causam legitimam, quare multitudini tantæ interfuit reddere non potest, Consilii seditiosi conficius judicabitur. Ut, cum mille homines Magistratui vel Iudici supplicationem offerunt, Lex fortasse civilis nulla prohibet, concurfus tamen ille tumultuosus est seditiosus, quia per unum vel duos homines idem fieri potuit. Multitudo autem quæ concursum illicitum reddit, non numero certo definitur, sed tanta videri debet, quantam, si opus est, publici Ministri consueti superare sine periculo non possunt. Similiter si numerus hominum insolitus ad Tribunal concurrunt, alicujus hominis accusandi causa; concurfus ille Illicitus est, quia paucis vel unico homine accusare illum potuerunt. Talis in *Epheso* erat concurfus contra Discipulos, infidelium clamantium, *Magna est Diama Ephesiorum*. Ubi causa (consideratis Civitatis illius legibus) justa erat; concurfus tamen illegitimus fuit & à Magistratu reprehensus: *Quod si Demetrius & quicum eo sunt artifices, negotium habent cum aliquo, agitur forum, & Proconsules adsumi, alii alios postulant. Si quid autem de rebus aliis requiritis, in legitima concione explicabitur. Nam periculum est, ne postulemur seditionis propter diem hodiernum, quem nulla subest causa, ob quam possimus reddere rationem concurfus istius.* Hactenus de Systematibus dictum est, quæ partibus humani corporis Similariibus comparari possunt; nempe ea, quæ Legitima sunt, musculis; quæ legitima non sunt, Apostematibus, Tuberibus, tumoribusque à confluxu humorum noxiorum generatis.

AB. c. 19.
vers. 39.

CAPUT XXIII.

De Potestatis Summae Ministris Publicis.

Minister Publicus is est qui in rebus, quæ ad Civitatem pertinent per Auctoritatem Summam habeatis Potestatem, Civitatis Personam representat. Quoniam autem, qui Summo loco Imperat, Personas duas gerit, sive (ut loquuntur multi) duas habet Capacitates, aliam Naturalem, aliam Politicam; ille qui Summam habenti Potestatem Minister est ut Personæ Naturali; Minister Publicus non est. Qui vero Minister ejusdem est in Administratione Rei Publicæ, ille Minister Publicus est. Janitores ergo, Nuntii, alique Ministri qui inserviunt Cœtui Summo, propter nihil aliud præter commoditatem ipsorum qui congregati sunt, Ministri Publici non sunt. Idem de Servis & Famulis domesticis Monarchæ, in Persona naturali considerari, dicendum est.

Ministrorum Publicorum aliquibus totius Domini administrandi cura committitur; ut quando Protectori Monarchæ Infanti ab Antecessore ejus, committitur Tutela cum tota Regni administratione. Quando id fit, Civis unusquisque illi obedire obligatur, & Imperata ejus facere, quatenus in Regis Infantis nomine imperabitur, & quatenus imperata ipsa Potestati Summæ Infantis non repugnabunt. Ministris aliquibus Provinciæ tantum committitur administratio; ut quando Monarcha vel Cœtus Summus, Provinciæ alicujus Præfectum, Locum tenentem, vel Pro-regem facit. Quod cum fit unusquisque Provincialium tenetur illi obedire in omnibus quæ Monarchæ vel Summi Cœtus nomine imperabuntur, nec Potestati Summæ contraria sunt. Ejusmodi enim Ministri Ius nullum habent, quod non dependeat à voluntate Summæ Potestatis. Hujusmodi autem Ministri Publici Nervis Tendinibusque, quibus corporis humani moventur artus, comparari possunt.

Administrationem habent alii negotiorum certorum domi, alii foris. Domi Minister Publicus est ad œconomiam Civitatis, *Thesaurarius*, qui Civitatis Reditus recipiendi, servandi, erogandi, Auctoritas est data à Summa Potestate, & cui reddituum Rationes reddendi onus incumbit. Minister autem Publicus eo est, quia Summa Potestati servit, ut Personæ Civitatis.

Secundo, quibus Armorum, Castrorum, Portuum custodia est custodia; quibus Milites Conscribere, Ducere, Salarium solvere Autho-

Authoritas data est, vel necessaria ad Bellum sive Terra sive Mari procurare, Ministri Publici sunt. Miles autem etsi pro Civitate pugnet, Personam Civitatis coram nemine representat. Neque ergo Minister Publicus est. Sed Dux, quia Imperium habet Personam Civitatis representans coram Militibus, quibus imperat, & Minister Publicus est.

Etiā quibus Populum docendi Authoritas concessa est, Ministri Publici sunt; quia negotium publicum est, & Authoritate Publica administrandum. Populum enim docendi Monarchis solis & Cœtibus Summis Authoritas à Deo immediatè concessa est, ut qui soli dicantur simpliciter *Dei gratia* docere & imperare. Minister autem docendi Potestatem immediatè à Summa Potestate, quamquam etiā mediatè à Deo accipit. Itaque Potestatem habet suam, *Dei & Regis gratia*, vel *Providentia Divina & voluntate Regis, vel Civitatis*.

Item illi quibus Iurisdictio à Civitate data est, id est Potestas Causas cognoscendi, Ministri Publici sunt. Personam enim Summam habentis Potestatem in Tribunalibus suis sedentes representant; & sententiæ eorum, sententiæ sunt Civitatis, id est Summam habentis in Civitate Potestatem, cui causas cognoscendi jus adhaerere supra ostensum est. Sunt ergo Ministri Publici. Quoniam autem Iudicia duorum generum sunt, Facti & Iuris; tam Facti quam Iuris, Iudex Minister Publicus est.

Etiā Ministri Publici illi sunt, quibus à Summa Potestate, cura imponitur Iudicia exequendi; iussa Summæ Potestatis publicandi; Tumultus suppressendi, malefactores capiendi, & incarcerandi; aliarumque rerum ad conservationem Pacis pertinentium. Huiusmodi enim actiones Civitatis actiones sunt, ipsique Ministri huiusmodi, corporis humani *Manibus* comparandi sunt.

Foris Ministri Publici sunt illi, qui Personas Monarcharum suorum vel Summorum Cœtuum representant ad Civitates externas; quales sunt Legati, Nuntii, Agentes, & Heraldii, Authoritate publica, de negotio publico missi. Qui autem ad Civitates externas à Civitatis suæ seditione laborantis Factione aliqua legantur, quamquam recepti sunt, neque Ministri publici neque privati sunt; quia à Civitate missi non sunt. Etiā Legatus à Principe ad Principem congratulandi vel condolendi vel in festivitate aliqua assistendi causa missus, etsi Authoritatem habeat publicam; quia tamen negotium privatum est, Minister Publicus non est. Neque Minister Publicus est, qui ad externas Civitates mittitur consilia eorum explorandi causa. Quamquam enim tum Authoritas tum Negotium publicum sit,

fit,

sit, quia tamen Personam Civitatis non gerit; Minister privatus est; & corporis humani Oculo comparari potest. Consiliarius autem, si sine Imperio & Iurisdictione de rebus arduis & publicis habenti Potestatem Summam consilium tantum dandi jus habeat; Minister Publicus non est; neque vero Consiliariorum Coetus ipse. Consilium enim Imperanti Summo coram ipso datur; Personam autem ejus coram ipso representare nemo potest. Neque in Coetu ipso Summam habente Potestatem, ullus homo singularis est Minister Publicus; quia nemo eorum Coetus ipsius Personam in Coetu ipso representare potest.

CAP. V. T. XXIV.

De Civitatis facultate Nutritiva & Generativa.

Civitatis Nutritio à Copia & Distributione rerum ad vitam necessariorum dependet, & ab earum preparatione, & applicatione ad usum publicum.

Quarum rerum copia, nempe Nutritionis Materia, terminata ab ipsa Natura est; constatque ex fructibus, quos, à communis matris nostrae Vberibus Terra & Mari, procedentes, humano generi aut libere donat aut solo labore vendit Deus. Sunt autem Animalia, Vegetabilia, & Mineralia, quæ omnia non longè collocavit Deus à Superficie Telluris; adeo ut ad ea habenda, alia res opus non sit, quam ut accipere velimus. Dependet ergo rerum necessariorum copia à sola (post benevolentiam divinam) industria & labore hominum.

Materia hæc, id est ea quæ proveniunt à Terra, Mari, & eorum Cultura Bona, partim Natura Civitatibus singulis sunt, partim Externa in Civitates singulas importata. Quoniam autem Terra nulla sub unius Civitatis Dominio (nisi valde magna sit) necessaria omnia ad alimenta & motum Civitatis producit; neque rursus, ulla quæ non aliqua producat superflua; bona illa superflua quæ Natura sunt; superflua amplius non sunt, sed Commutatione vel Bello, vel Labore (nam etiam labores hominum, non minùs quam res aliæ cum bonis aliis quibuscunque commutabiles sunt) bonorum Necessarium defectum suppleant.

Bonorum autem distributio, est Mei, Tui, Sui constitutio; vocaturque Proprietas. Proprietas autem in omni genere Civitatis originem habuit à Summa Potestate. Vbi enim Civitas non est, ibi omnia

omnium sunt, & Bellum perpetuum est; & Bonum unumquodque illius est, à quo rapitur & armis conservatur; quod neque *Proprietas* neque *Communitas* est, sed Concertatio. Id quod ita manifestum est, ut etiam ipse *Cicero* (*Libertatis defensor vehementissimus*) *Proprietatem* omnem attribuat *Legibus Civilibus*, quibus sublatis, vel negligerenter custoditis nihil esse dicit, quod quis aut à Majoribus accipere aut filiis relinquere pro certo possit. Et rursus *tolle* inquit *Leges Civiles, quid suum, quid alienum sit, sciet nemo.* Quoniam ergo constitutio *Proprietatis Civitatis* opus est; illius opus est, qui *Summam* in Civitate habet *Potestatem*. Dependet enim *Proprietas* à *Legibus Civilibus*; & is qui *Summam* habet *Potestatem* in omni Civitate *Legislator* est. Id quod observasse videntur illi *Græci veteres*, qui *Legem* nominaverunt *Νόμος* (id est *Distributionem*) & *Iustitiam* (consequenter) esse cuique *Distributionem Sui* definiverunt.

Itaque si *Civitas* terram vacuum, aut Bello superatam acquisierit, distributio terræ illius inter *Cives* dependet ab eo, qui *Summam* habet in Civitate *Potestatem*; habebuntque portiones suas, non ut cuiquam *Civi*, aut *Numero Civium æquum* esse, vel ad Bonum Publicum conducere videbitur, sed ut videbitur *Summam* habenti *Potestatem*. *Populus Israëliticus* cum in *Deserto* esset, *Civitas* erat, *Promissæ* autem *Terræ Dominus* nondum erat. Postea tamen, cum illam acquisissent, non suo, sed *Elezari* *Sacerdotis*, & *Ducis Iosue* arbitrio distributam possederant. Ex quo intelligi potest, *Proprietatem* terrarum quam habet *Civis*, in eo consistere, ut ab illarum usu concives suos omnes prohibere jure possit; non autem ut eum excludat, qui *Summam* habet *Potestatem*, sive is *Cœtus* sit, sive homo unus. Habet enim is *Potestatem* totius Civitatis, & Terras distribuisse, ut & alia omnia fecisse in ordine ad *Pacem* & Bonum Civitatis intelligendus est. Quin *Monarcha* vel *Cœtus Summus* facere multa possit contra Bonum suum; etiam contra suam ipsius conscientiam, contra fidem datam, & contra *Leges Naturales*, non negaverim; sed ut ob eam causam *Cives* arma contra eum sumere, aut Reum facere, aut quocunque modo male de eo dicere possint, negandum est; propterea quod omnium quæ fecerit, *Authores* singuli fecerunt seipsos.

In distributione Terrarum, partem sibi ipsi quam velit reservare potest & colere qui Summè imperat, sicut unus ex Civibus. Quanta autem cunque portio illa sit, ad onera Civitatis omnia sustinenda, & ad ejusdem defensionem sufficere non debet. Talis enim est natura hominum, ut certorum agrorum vel certorum reddituum possessio

inuti-

inutilis esset, tenderetque ad dissolutionem Civitatis. Simul enim ac Potestas Summa in manus veniret vel Monarchæ, vel Cœtus qui pecuniam Publicam negligentius custodiret; aut qui Civitatem temerè in nimis longum, aut nimis sumptuosum Bellum conjiceret; Civitas periret. Diatam non patiuntur Civitates; cum enim sumptus Publicus non ab ipsorum voluntate, sed ab externis Accidentibus & voluntate vicinorum terminatus sit; ab iisdem etiam definiri debent Divitiæ Publicæ. Itaque Civitati Divitias certas assignare, quas qui Summam habet Potestatem vendere vel dono dare possit; & vendit donatque aliquando, frustra est.

Ad eandem Summam Potestatem pertinet quæ Bona, & in quas terras, Civis vel Civium numerus quicunque exportabit; & quæ importabit definire. Nam si unicuique in hac re suo ipsius arbitrio uti permetteretur, non deessent qui lucri sui causa hostibus ea venderent, quibus Civitati nocere possent, eaque importarent quæ Civibus fortasse grata, sed noxia vel saltem inutilia essent. Ad Summam ergo Potestatem pertinet tum de locis, tum de materia negotiandi constituere.

Præterea cum Civibus satis non sit, proprios sibi habere Agros & certa Bona, nisi & ea habeant quæ per mutuos contractus commutent, prout singulis ad bene vivendum necessarium videbitur; hoc quoque in Summæ Potestatis arbitrio est; quo modo & forma contrahere debeant Cives quando vendunt, emunt; mutant, mutuo accipiunt, & dant; locant & locandum sumunt; ut quæ faciunt valida sint. Atque hæc de Materia & Distributione Alimentorum Publicorum (pro instituti operis modulo) dicta sufficiant.

Per *Concoctionem* intelligo Bonorum omnium quæ non illico consumenda sunt, sed conservanda ad alimentum futurum; reductionem ad aliquid quod cum tanti quidem sit, facilius tamen à loco ad locum transferri possit; ne Civium motus necessariorum rerum pondere impediatur, utque in omni loco alimenta Civis unusquisque habeat de suo. Hoc autem præstare nihil potest, præter ex Auro & Argento Monetam. Contingit enim per totum fere terrarum orbem duo hæc Aurum & Argentum non modo Summè æstimari propter materiam ipsam, sed esse etiam Bonorum cæterorum omnium Mensuram commodissimam. Intra ipsam quidem Civitatem Moneta cujuscunque materiæ, modo Signo Publico signetur, mensuram rerum commutandarum satis idonea est; sed Aurea & Argentea ubique valet; Civitatem permeat; singulis Civibus permeando partem sui; qua alendi sint impertit, & est quasi Civitatis Sanguis. Sanguis enim etiam ex

Terræ fructibus nascitur in homine naturali; & per membra ejus singula circulando pervadit, singula obiter nutriendis.

Pecunia Aurea & Argentea, quia propter ipsam materiam æstimantur, eximium hoc habet, ut penes unam, aut paucas Civitates non sit, pretium ejus aut augere aut minuire. Pecunia autem ex materia viliori facta facile quoad pretium elevatur & deprimitur; neque efficere potest ut Civitatis vires, si opus sit, in externas Civitates extendantur, exercitusque foris alatur, ac armetur, sicut potest Aurea & Argentea; sed domi manet coeli mutationis impatiens, modo cum majore, modo cum minore æstimatione, ad damnum aliquando possidentium.

Publici hujus sanguinis ductus duplex est, alter ad exteriora alter versus interiora, id est Exitus & Reditus. Reditus fit per Collectores, Receptores, ad Thesaurarios; Exitus fit per Thesaurarios, ad Ministros illos, qui pecuniam publicam erogant, & ab illis ad Cives privatos, Atque in hoc quoque hominis Artificialis apparet similitudo cum Naturali; cujus Venæ Sanguinem à partibus corporis exterioribus recipientes ferunt ad Cor; unde rursus per Arterias fertur, membra vivificans, & singulis motum tribuens.

Civitatis denique proles, *Coloniæ* sunt, sive quas vocamus *Plantationes*, nimirum missæ à Civitate Civium numeri sub Conductore vel Rectore, terram externam habitaturi culturique. Hujusmodi autem *Colonia*, aut Civitas est, ut quando à Civitate unde missa est emancipatur. Quod cum sit Civitas unde missa est, Metropolis *Coloniæ* dici solet; neque amplius à *Colonia* postulat, quam à filiis emancipatis postulare solent Patres, nempe Honorem & Amicitiam; aut Civitatis unde mittitur pars est, sive Provincia. *Coloniarum* ergo jus dependet à Literis Publicis earum à quibus sunt conditæ Civitatum.

C A P V T XXV.

De Consilio.

DE Natura rerum ex loquendi consuetudine judicare, quam sit fallax, nusquam magis apparet quam in vocibus *Consilium*, & *Imperatum*; quorum utrumque significatur dicendo *Hoc fac*, quæ vox non modo Imperantis, sed etiam Consulantis & Hortantis est. Pauci tamen sunt qui diversa esse Imperatum, & Consilium non satis sciunt, vel (quoties quis ad quem loquitur cognoscunt) non satis inter ea possint discernere. Sed in Scriptoribus voces illas negligenter

ter prætereuntes, multi Præceptum illius qui Consilium dat, & Præceptum illius qui imperat idem esse putant. Vt ergo rectè intelligatur quid sit *Imperare*, quid sit *Consilium dare*, & quid *Hortari*, voces illas sic definio. *Imperare* dicitur qui dicit *Hoc fac*, vel *non fac*, ad illum qui rationem dicti in voluntate dicentis sitam esse scit. Sequitur hinc eum qui Imperat sui ipsius boni causa id facere, cum voluntatem propriam pro ratione haberi postulat. Objectum autem Voluntatis semper aliquod Volenti Bonum est.

Consilium dare dicitur, quando quis dicit *Hoc fac* vel *non fac*, Consilii rationem ab eo ducens, quod bonum ei sit, cui Consilium datur. Vnde manifestum est Consilium dantem, bonum prætereuntem solius accipientis.

Itaque inter *Consilium* & *Imperium* differentia una magna est, quod hoc ad proprium, illud ad alienum bonum tendere intelligitur. Atque hinc differentia oritur alia, quod is cui imperatur ad obedientiam obligari possit, nempe si obedire pactus fuerit. Sed is cui Consilium datum est, ut juxta Consilium datum agat obligari non potest. Si enim obligaretur Pacto, non amplius Consilium sed Imperium esset. Tertia inter eadem differentia est, quod jus Consilii dandi postulare nemo potest, quia bonum sibi ex Consilio postulare se negat.

Ad naturam Consilii pertinet etiam hoc, quod dantem, is qui petit neque punire, neque accusare jure potest. Nam qui petit, Consilium arbitrio dantis dari voluit. Itaque qui Monarchæ, vel Cœtui Consilium dat petenti, sive placeat, sive displiceat, puniri non potest ut quod volentibus datum est. Cæterum si Civis Civi Consilium det faciendi aliquid, quod lege prohiberetur, sive Consilium illud à prava intentione, sive ab ignorantia tantum procedat, puniri à Civitate potest; quia ignorantia Legis illum, qui Legis notitiam habere debuit, non excusat.

Hortatio & Dehortatio Consilium quidem est, sed ut fiat, quod fieri consulit vehementer cupientis. Nam qui hortatur, severitate ratiocinationis non utitur, sed quibuscunque potest argumentis, ad actionem incitat. Itaque in Hortationibus à Passionibus & opinionibus communibus argumenta ducunt, utunturque persuadendi causâ Similitudinibus, Exemplis, Metaphoris; aliisque artis Oratoriæ utensilibus.

Constat ergo Hortationes & Dehortationes ad Hortantis & Dehortantis bonum nonnihil respicere, cum homines in suis plerumque rebus vehementiores sint, quam in alienis.

Hortationes & Dehortationes in multitudine tantum efficaces sunt.

Vbi enim hominem singularem alloquitur aliquis, sæpenumero interrumpitur; ex Oratione perpetua fit Dialogus; rationes rigidius penfitantur quam in Coetu.

Petenti Consilium, is qui Hortationem offert, Consiliarius bonus non est. Corruptitur enim à cupiditate illa (quæcunque ea fuit) quæ vehementiam & artificium in Orationem intulit; quibus factum est, ut quanquam Consilium bonum fuerit, ipse tamen bonus Consiliarius non sit, nisi etiam qui accepto dono, iuste Iudicaverit, bonus sit Iudex. Illius autem qui jure Imperat, ut in Familia Paterfamilias, in exercitu Dux, Hortationes aliquando non modo laudabiles, sed etiam necessariae sunt; nimirum, si labor imperetur durus, interdum necessitas, humanitas semper requirit, ut consulentium animus leni emolliatur potius quam aspero Imperii stilo durior reddatur.

Differentiæ inter *Imperatum* & *Consilium* exempla è Sacris Scripturis sumi possunt: *Ne habeas alios Deos coram me. Ne facito tibi sculpile, &c. Ne assumas nomen Dei tui in vanum. Sanctifica Sabbatum. Honora Patrem tuum. Ne Occidito. Ne fornicator. Ne furator, &c.* Imperata sunt; quia ratio obedientiæ à voluntate ducitur Dei cui obedire obligamur. Sed verba hæc *Vende omnia quæ habes, da pauperibus; & sequere me*, Consilium est, propterea quod ratio propter quam ita faciendum est, à Bono nostro derivatur, nempe ut *Theſaurum in Cælis* habeamus. Sed verba hæc Christi Matth. 21. 2. *Ite in vicum qui vobis ex adverso est, & invenietis asinam & pullum cum ea, solveite & adducite*, pro Imperio dicuntur, quia Domini sunt; Verba autem hæc, *Respicite & Baptizamini in nomine Iesu*, Consilium est, quia non ad Bonum aliquod, quod ad Deum perveniat (qui quantumcunque contumaces sumus semper regnabit;) sed ad Bonum nostrum, qui peccatam propter peccata nostra alia via effugere non possumus.

Differentia inter Consiliarios idoneos & ineptos, à differentia dependet inter Virtutes & Defectus (de quibus ante loquuti sumus) intellectuales. Illi enim qui Summam habet Potestatem pro *Memoria & Intellectu* sunt. Sed cum similitudine hac inter Civitatem & Hominem, dissimilitudo quædam magni momenti conjuncta est. Memoriam enim & Intellectum habet Homo ab ipsis rebus, quæ Sensuum objecta sunt; quæ objecta illum sine omni Passione, & Boni sui respectu quid agendum sit docent, nec aliter docere possunt; sed qui Civitati Consilium dat, habere potest, & sæpissimè habet scopum proprium, nec semper cum scopo Civitatis congruentem. Itaque pro virtute prima Consiliarii boni habendam censeo; ut Fines ejus & Bonum proprium non sint Finibus & Bono publico repugnantes.

Secundò

Secundò quia quoties de Actione aliqua agenda deliberatur, Consiliarii boni officium est Actionis consequentias, sive ea, quæ Actionem verisimiliter sequutura sunt, ita declarare, ut is cui datur Consilium ea perfectè intelligat; Consilium suum forma Orationis tali explicare debet, qualis veritati & perspicuitati maximè consentanea est, id est perspicuè loqui & firmè ratiocinari. Itaque *Illationes temerariæ* (quales sunt Illationes ab Authoritate Librorum) obscuræ & ambiguae; item dictiones Metaphoricæ, & quæ Passiones hominum excitare solent, cum officio Consiliarii boni consistere non possunt.

Tertio, Quoniam, ut quis Consilium Civitati rectum dare possit, non modo Experientia multa, sed etiam Meditatione longa opus est; nec quæ ad Administrationem publicam necessaria sunt, omnia scire quisquam præsumi debet; *Consiliarium bonum*, nisi circa res in quibus diu versatus fuerit, & de quibus diu cogitaverit, neminem esse, præsumendum est. Ad Administrationem autem publicam scitu necessaria sunt, hominum (id est Materiarum ex qua Civitas constituitur) Ingenium, Iura Summæ Potestatis, Æquum, Iustum, Honestum, & eorum contraria quid sunt; quæ multam postulant, ut rectè cognoscantur, experientiam. Item quæ sint tam suæ, quam vicinarum Civitatum Vires, Opes, Præsidia, Classes, & Opportunitates; etiam qui Socii, qui Aditus, qui Affectus, quæ Factiones, & quæ agitent Consilia. Quorum rerum sine multorum simul hominum observationibus cognitio haberi non potest. Denique cognita hæc omnia, nisi recta adhibeatur ratiocinatio, inutilia sunt. Vtile enim, nescienti rectè uti, nihil est.

Quarto, Ut quis in rebus maximi momenti Civitati consulat, vidisse debet Civitatis Archiva, Fœderum vicinarum Civitatum exemplaria, Ministrorumque ad Civitates vicinas ad earum Consilia exploranda emissorum Literas. Quæ nemini præter eos, quos vult is, qui Summam habet Potestatem, videre permissum est; ita ut, nisi qui ad Consilium vocari consuevit, Consilium rectum ne Sapiens quidem dare possit.

Quintò, Monarchæ cui Consiliarii sunt, audire illos satius est seorsim unumquemque, quam in Coetu cunctos. Nam seorsim singulos audiendo Consilium multorum habet: Coetum autem audiendo unius tantum. Coetus enim persona una est, cujus membra non ex suo ipsorum sensu, sed ex aliorum eloquentia, vel potentia, vel amicitia sententiam dicunt, eam aliquando (ne ingenii tardi esse videantur) quam non intelligunt. Plurimi etiam eorum, commodo suo publi-

publicum postponunt. Quod, si sententiās seorsim sine testibus dicant, minus noxium est. Passiones enim hominum singularium moderatiores sunt per se, quam in Cœtu (non aliter quàm torres igniti disjuncti quam conferti minus ardent) ubi se nonnunquam flatu Rhetorico ad incendium Civitatis mutuò inflammant. Præterea sententiarum quas dicunt seorsim, rationes faciliùs examinantur, quam in Cœtu, ubi multitudo & varietas Orationum auditores stupere potiùs quam intelligere faciunt. Nonnulli etiam sunt, qui cum convocantur ad Consilium, doctrinæ aut eloquentiæ famam captantes, ad ea quæ deliberantur impertinenter dicunt, quod in Consilio unius ad unumferi non potest. In deliberationibus denique tacendorum, (cum in Cœtu sententiæ dicantur palam) periculum est ne hostibus patefiant.

Postremò, nemo est qui in rebus suis privatis Consiliariorum Cœtu libenter uti veller, quanquam id facile posset. Si dubitaret Pater familias cui viro filiam daret, quam uxorem filio sumeret, quibus & quanti locaret agros, quem OEconomum, quem villicum sibi faceret, à Consiliariorum Cœtu nunquam quæreret, præsertim si in Cœtu esse crederet qui ipsi malum optarent. Etsi ergo multorum Consilium Consilio paucorum anteferendum sit, tunc tamen tantùm anteferendum est, quando Consilia singuli sua seorsim explicant. In deliberationibus enim simile aliquid video ejus quod fit in ludo pilæ; ubi optimè facit qui Secundis utitur proprias habentibus stationes. Deinde qui propriæ confidens peritiæ solus sine secundis ludit. Sed is qui in rebus propriis agendis à formato Consiliariorum Cœtu circumfertur, ubi partes dissentientes mutuò se impediunt, pessimè omnium facit; similisque est Lusori, qui in machina aliqua rotulis imposita, gravi quidem ipsa, tardiore autem propter judicia eorum, qui illam huc & illuc movent discrepantia, ad pilam admoveatur.

C A P V T XXVI.

De Legibus Civilibus.

Sicut *Leges Naturæ* illæ sunt, quibus obedire tenemur quatenus Homines; ita *Leges Civiles* ex sunt, quibus tenemur obedire, quatenus Cives. De quibus, non quænam illæ sint, in hac vel illa Civitate, sed *Lex Civilis* quid sit, considerandum est. Scio in Civitatibus, quæ Civitati Romanæ subditæ olim erant, *Leges Civiles* ple-
rumque

rumque dici Civitatis Romanæ Leges Antiquas. De illis disputare hujus instituti non est, sed (quod fecerunt Plato, Aristoteles, Cicero alique multi, qui juris peritiam tamen professi non sunt) generaliter de Lege.

Manifestum autem est Legem Consilium non esse; sed Imperatum, quod (ut in præcedente Capite dictum est) à Consilio differt.

Legem igitur Civilem sic definio: Lex Civilis unicuique Civi est Regula, qua Civitas Verbo vel Scripto, vel alio quocunque Voluntatis signo idoneo, ad distinctionem Boni & Mali, uti imperat.

In qua Definitione ambigui nihil est. Legum autem, alia Civibus statuitur universis; alia certis Provinciis; alia certo hominum generi; alia homini quandoque singulari. Quibus autem Lex ponitur, illis solis Lex est. Neque Injustum facit quisquam, quod non sit contra Legem sibi metipsum positam. Quod autem Signis idoneis declarari ex Legis Natura debeat Lex, manifestum ex eo est, quod injustum nihil est, quod non sit transgressio alicujus Legis. Quicquid ergo à definitione hac inferri potest, negari non debet, quin sit verum. Infero autem primò, Legislatorem in omni Civitate eum esse, sive homo, sive Coetus sit, qui Summam habet Potestatem. Civitatis enim solius est præscribere Civibus Leges. Illa autem neque præscribere, neque dicere aut facere quicquam potest, nisi per Personam ejus, id est per illum, qui Summam habet Potestatem. Is ergo Legislator solus est. Ob eandem rationem solus etiam Legem abrogare potest; quia Lex abrogari non potest, nisi per aliam Legem.

Secundò, is qui habet Summam Potestatem Legibus Civilibus non subjicitur; cum enim arbitrio suo Leges & facit & abrogat, potest quoties visum erit, subjectione illa & molestia se liberare. Legibus ergo ante solutus erat. Liberi enim sunt, qui quando volunt esse, possunt; nec potest quisquam sibi ipsi obligari; quia qui obligare, idem liberare potest.

Tertiò, quando consuetudo longa vim obtinuit Legis, non à longitudine temporis vim Legis habet, sed à voluntate ejus, qui Summam habet Potestatem, per Silentium ejus significata; voluntatis enim signum aliquando etiam est Silentium. Neque diutius vim Legis consuetudo habet, quam silentium illud durat. Itaque si quæstio juris inter Civem & Summam Potestatem oritur, longitudo temporis Summæ Potestati pro Præjudicio non habebitur; sed quæstio secundum Æquitatem terminabitur. Actiones enim & Sententiæ multæ sine animadversione & correctione negliguntur longiori tem-

pore, quam ut homines meminerint; neque rationis est, ut consuetudines male unquam omnino in Leges transeant. Iudicare autem quid rationis sit, quid non sit, ad eum pertinet, qui Summam habet Potestatem.

Quarto, Leges Naturæ & Leges Civiles in eadem Civitate se mutuo continent. Lex enim Naturalis omnis, virtus moralis est, ut Æquitas, Iustitia, Gratitude quæ (ut dictum est in fine Cap. 13.) Leges propriè dictæ non sunt; sed Qualitates. Tum, vero Leges sunt, eademque Civiles, quando à Civitate observari imperantur. Leges ergo Naturales etiam Civiles sunt, quod autem omnis Lex Civilis etiam Lex Naturæ sit, ex eo patet, quod Pactum violare, & per consequens Legem Civilem transgredi Legis Naturæ transgressio est. Itaque ut Legibus Civitatis obediamus, Lex Naturalis est; neque diversa genera Legum sunt Lex Naturæ & Civilis, sed diversæ partes; quarum una scripta est, quam Civilem, altera non scripta, quam Naturalem vocant. Leges itaque Naturales à Lege Civili non mutantur, neque restringuntur; sed *Ius Naturale* tantum. Imò Legum Civilium ferendarum Finis erat restrictio Iuris Naturalis, sive Iuris omnium in omnia, quo stante, pax nulla esse potuit.

Quinto, Si is, qui Summam habet in Civitate Potestatem, armis vel hereditate Civitatem aliam sibi subiectam habeat, nec Leges illius mutet, Legislator tamen ipse est. Non enim is, cujus autoritate Leges ab initio institutæ sunt Legislator est, sed is, cujus autoritate renascuntur. Vbi ergo sub eadem Civitate partes plures sunt, quæ diversas habent Leges, Legum earum autoritas, etsi antiquissimæ sint, vim Legum, non à Consuetudine, sed à voluntate Summæ Potestatis præsentis habent.

Sexto, quoniam Leges omnes tam scriptæ, quam non scriptæ, vim suam à voluntate Civitatis habent, eorum qui illas mutari aut corrigi à quocunque Civium numero, sine consensu Summam habentis Potestatem posse dicunt, Sententia quanquam Iurisperitissimorum rejicienda est.

Septimò, Legem contra Rationem esse non posse, & Legislatoris Intentionem, non Literam scriptam esse Legem, Iurisperitis in confesso est. Manifestum autem est Auctoritatem Legis à privati hominis Ratione non pendere, neque ex Iurisprudentis alicujus in Legibus peritia; nam si verum id esset, non pauciores de autoritate Legum inter Cives contentiones essent, quam circa quæstiones Philosophicas & Theologicas inter Scholasticos. Non ergo Iudicium subordinatorum, sed Civitatis, id est ejus, qui habet in Civitate Summam

nam Potestatem Prudentis, Prudentiam facit Legis; & Iudex subordinatus non suam, sed ejus qui habet Summam Potestatem, pro Tribunali Sententiam dicere intelligendus est.

Octavo, Ab eo, quod Lex Imperatum est; Imperatum autem non est, ubi voluntas Imperantis non sit vel voce, vel scripto, vel alio signo idoneo declarata, inferimus, Civitatis Imperata, id est Leges Civiles illis solis Leges esse, quibus fuerunt declaratae. Itaque infantibus, mente captis, qui Imperata intelligere non possunt, neque quid sit Iustum & Injustum sciunt, neque Pacta intelligunt, Leges Civiles non ponuntur; neque propterea illis, quibus etsi haec omnia intelligant, declaratae sive promulgatae non sint, ita ut eas, si voluissent cognoscere, potuissent. Considerandum ergo est, quae argumenta vel signa ad Legem promulgandam, idonea censenda sint.

Primo, si Lex ea talis sit, ut Cives omnes sine exceptione obliget, nec scripta sit; dubium non est, quin Lex Naturae sit. Quod enim pro Lege habere debemus, non propter Dictamina aliorum hominum, sed propter suam unusquisque Rationem, consentaneum esse debet universaliter Rationi humanae, & per consequens Lex Naturalis est. Leges itaque Naturales Publicatione, Proclamatione, Promulgatione non indigent, ut quae in unico praecepto continentur, *Quaecunque vultis ut faciant vobis homines, id vos facite illis.*

Secundo, Si Lex aliqua non omnes, sed certum genus hominum, vel certum hominem obliget, nec sit scripta, neque promulgata, Lex Naturae est. Etiam Leges omnes non promulgatae, si obligent, Leges Naturales sunt. Iusta enim omnia Homines obligant vel quatenus Homines, vel quatenus Cives, vel non omnino obligant. Itaque si publico Ministro negotium quodcumque imponat faciendum, Civitas, sine scripta regula, erit illi pro regula dictamen Rationis, Legato quidem Civitatis bonum, Iudici autem, id quod sibi aequum videbitur. Civitas enim & Bonum sibi, & Civibus Aequum velle intelligitur.

Legibus Naturae exceptis, de Natura & Essentia Legum aliarum omnium est, ut promulgentur; alioqui enim observari non possunt. Temporibus antiquissimis, Litteris nondum vulgo cognitis, Leges memoriae causa, Carmine conscribebantur. Propter eandem causam Iudaeos, ut Decalogum digitis suis alligarent iussit Salomon. Israelitis ut Leges Deuteronomii filios suos docerent, easque Possibus & Ianuis domorum inscriberent iussit Moyses. Est ergo de Essentia Legum, ita declarari ut transgressionis earum nullam habeant Cives ab ignorantia excusationem.

Neque satis est, ut Lex ipsa à Civibus cognoscatur, sed etiam, ut ab Authoritate processerit illius, qui Summam habet Potestatem. Legislator quidem quis sit, in omni Civitate notum esse supponitur, ex eo quod consensu singulorum Civium otanium constitutus erat; cognoscere autem, quod Lex ab illo, qui Summam habet Potestatem profecta sit, difficilius est; & propterea signis indiget, id est testimoniis, quibus Verificetur, id est verum esse sciatur, Legem à Summa Potestate latam esse; quæ quidem signa plerumque sunt, vel Archiva publica, vel Civitatis sigilla, vel Ministri, quibus Autoritas jus dicendi data est per Literas Sigillo publico signatas.

Quando ergo quæstio est de Injuria in Lege Naturali, Iudex talium causarum Legem Naturæ, quæ sit, explicabit.

Sin in Lege Civili quæstio eadem sit, consulenda sunt Archiva, ubi Leges scriptæ, eo ipso sine conservantur, ut in dubiis consulantur; quas, si quis de Actione quam meditatur, an licita an illicita sit dubitat, consulere potest, imò debet; quia qui dubitat bonumne an malum sit, quod aggreditur, & tamen facit, Legem contempnit.

Si dubitetur, an alicui, ut Ministro Publico præstanda sit obediencia, ex Literis ejus, Civitatis sigillo signatis, vel ministerii sui signo publico id sciet.

Legibus & Legislatore cognitis, restat adhuc (si Leges obligatorie futuræ sint) ut vera intelligatur earum Interpretatio, in qua sola consistit Legis Essentia. Ejusdem autem Personæ est & Imperare & Imperata sua interpretari, sive Iubere & Iussa explicare. Interpretes ergo Legum omnium is solus est, qui Summam habet Potestatem, aut ab illo acceperit Authoritatem.

Leges omnes Scriptæ & Non Scriptæ Interpretatione indigent, Leges Naturæ, quanquam intellectu faciles sint illis quidem, qui causas cognoscunt alienas; difficiles tamen sunt illis, quorum ipsorum causæ cognoscuntur, & fortasse Legum omnium difficillimæ, & maximè opus habent Interpretatione. In Legibus Scriptis, si breves sint, unius tamen aut duarum vocum ambiguitas facere potest, ut sint obscuræ, si longæ sint, obscuriores eas reddit multarum vocum ambiguitas. Itaque Lex Scripta nulla, sive multis sive paucis verbis contineatur, intelligi potest nisi ex Legis ipsius causis Finalibus; quarum causarum cognitio in Legislatore solo est; & illi soli difficultates Legum, nodique aut extricando aut secando solubiles sunt.

In Civitate constituta, Legum Naturæ Interpretatio non à Doctolibus & Scriptoribus Moralis Philosophiæ dependet, sed ab Authoritate

thoritate Civitatis. Doctrinæ quidem veræ esse possunt; sed Authoritas, non Veritas facit Legem.

Legis cujusunque Naturalis Interpretatio recta, Sententia est ejus qui Summam habet Potestatem, vel ejus, qui Authoritatem ab eo habet causas cognoscendi; qui tunc Interpretatur cum Legem Facto applicat. Interpretatio autem illa Authentica est, non quia ejus, sed quia Civitatis Sententia est; & Lex fit illis inter quos Lege agebatur, non autem Civibus universis.

Quoniam autem Iudex nullus est neque Subordinatus neque Supremus, qui interdum non erret & iniquam Sententiam ferat; idem si postea in quæstione simili errorem suum cognoscat, sententiam ferre æquiorē obligatur. Suus enim sibi error Lex non est, neque eum obligat ad persistendum in iniquitate sua. Multo minus Iudices alios obligabit. Quanquam enim Sententia, etiam iniqua, per Authoritatem Summam tacite probata in Legibus quæ mutabiles sunt, instar novæ Legis sit; in Legibus tamen immutabilibus, quales sunt Leges Naturales, transire in Legem non potest, ut obliget ad similem sententiam semper ferendam, eundem aut alium Iudicem. Leges Civiles, & Civilia omnia transeunt & mutantur; sed Leges Naturales, cum sint divinæ, transire aut mutari non possunt. In Iudiciis ergo Præjudicia valere non debent, neque sententiam iniquam excusare possunt. Vnicuique ergo Iudici incumbit, ut sententiam ferat ex sua ipsius Conscientia, & Ratione Naturali, peritiæque propria circa Æquum & Bonum, nec à Præjudiciis Iudicum præcedentium. Exempli causa *puniri innocentem*, contra Legem Naturæ est. Innocens autem est, qui coram Iudice absolutus est. Accusatur quidam Criminis capitalis, qui inimicorum suorum potentia & malitia, Iudicumque iniquitate solita cognitis, metuens, ne condemnaretur auferat; tandem retractus ad Tribunal sistitur reus; causam dicit; absolutus est. Cæterum quoniam obtinuerat in Civitate consuetudo ex multis Præjudiciis præcedentium Iudicum, ut qui fugerit, quanquam postea absolutus fuerit, bonis suis omnibus mulcetur, Bonis suis exutus est. Consuetudinem hanc, quorumcunque & quocunque Præjudiciis fieri Legem potuisse nego. *Puniri enim innocentem* vetat Lex Naturæ æterna & divina. Metu potentium inimicorum fugere Lex nulla prohibuerat. Innocens autem eo erat quod absolutus est. Præsumptionem criminis Absolutio abstulerat. Itaque iniquè & contra Legem Naturæ bonis omnibus spoliatus est. Præjudicia ergo in Iudiciis considerare, aut imperiti, aut iniqui Iudicis est. Etiam Axioma illud Legistarum: *nullam Probationem contra Præ-*

sumptionem Legis admittendam esse, iniquum est; Injusti enim Iudices sunt, qui quod ad sui defensionem producit reus, audire nolunt.

Similiter quando sententia queritur Legis scriptæ, Interpres non erit; qui in Legem Commentarios scribit. Commentarii enim obscuriores plerumque sunt ipso Textu; & proinde opus habent Commentariis; adeo ut interpretandi nullus sit finis. Nisi ergo Autoritate Summæ Potestatis Interpres aliquis constitutus sit, à cujus Interpretatione Iudicibus Subordinatis discedere non liceat, ipsi Iudices Subordinati Interpretes erunt, ut in Legibus Naturalibus; & eorum Sententiæ ad præsentis litis decisionem, pro Legibus habendæ erunt. Sed Iudices alii in similibus quæstionibus non eo obligabuntur casus similes similiter judicare.

Differentiam inter Literam & Sententiam ponere solent Scriptores. Literam, sive verba Legis per se sumpta, sensum literalem vocant; sed Legis Sententiam eam esse dicunt, quam intelligi voluit Legislator. Et rectè quidem distinguunt. Legislator autem, quid per verba Legis intelligi voluit, unde cognoscitur? Ex eo cognoscitur, quod Legislator, (id est Persona Civitatis) semper intelligendus est velle id, quod æquum est. Itaque si Sententiam æquam non suggerant Verba ipsa, Leges Naturales consulendæ sunt; alioqui contra injuriam remedium haberi non posset; id quod esse contra voluntatem Legislatoris, supponendum est. Facultates in bono Legis Interprete, id est in bono Iudice, requisitæ, eædem non sunt, quæ requiruntur in bono Patrono, vel Advocato, nempe ut Legum periti sint. Iudex enim, sicut de facto nisi à Testibus nihil intelligere debet: ita de Jure nihil constituere debet, nisi quod Leges scriptæ & Civitatis Constitutiones ante definiierint; quæ Leges & Constitutiones palam allegantur, explicanturque coram ipso, in ipsa causæ cognitione, unde ita instruitur Iudex, ut quanquam peritiam Legum valde mediocrem habeat, satis tamen instructus esse possit ad Sententiam ferendam Iustitiæ & Equitati consentaneam.

Quæ bonum faciunt Iudicem hæc sunt: Primò ut Legem Naturæ præcipuam, nempe *Æquitatem* in Controversiis omnibus bene intelligat; id quod à multis Librorum lectione non dependet, sed à bonitate facultatis Rationalis, & à cujusque Meditatione propria: quas illis adesse maximè præsumitur qui ad Scientiam Æqui & Boni ingenio suo maximè feruntur, & maximum meditandi habuere otium. Secundò, *ne devotivam nimis cupidi sint.* Tertiò, *ut in causis cognoscendis possint metum, iram, odium, amorem, misericordiam exnere.* Quartò, *ut patienter audire possint, diligenter animum advertere, quæ audierit memoria retinere, disponere & applicare.*

Divi-

Divisio Legum varia est, propter varias Scriptorum methodos. In *Iustiniani* Institutionibus Legum genera enumerantur septem.

1. *Edicta, Constitutiones, & Epistolæ Principum*, id est Imperatorum Romanorum, qui Summam habuere in Civitate Romana Potestatem. Similia his sunt Edicta sive Proclamationes Regum nostrorum.

2. *Decreta Populi Romani* quæ Leges primùm erant virtute residentis in Populo Summæ Potestatis; quarum quæ ab Imperatoribus abrogatæ non fuerunt, Leges propter Authoritatem Imperialem remanserunt. Hæ autem cum Actis Parlamenti comparari possunt.

3. *Decreta Plebis Romana* (Senatu excluso). Horum quoque illæ quæ ab Imperatoribus abrogatæ non sunt, Legum vim retinuerunt.

4. *Senatusconsulta*. Nam cum numerosior jam factus esset Populus Romanus quam ut commodè congregari potuerit, visum Imperatori est, ut pro Populo consuleretur Senatus. Leges ergo erant quales ferè sunt acta Consilii Regis privati.

5. *Edicta Prætorum*. Qui Romæ erant idem ferè quod Iudices Præcipui apud nos.

6. *Responsa Prudentum*. Quæ responsa erant sententiæ Iuris-prudentum eorum, quibus Authoritas de Lege consulentibus respondendi ab Imperatore concessa fuit. Leges ergo erant.

7. *Consuetudines* denique *non-scriptæ* Leges erant. Non tamen naturæ suæ, sed consensu tacito Imperatoris.

Divisio Legum alia est, in *Naturales & Positivæ*. Naturales quænam sunt, dictum jam est, *Æternæ* sunt.

16 *Positivæ* sunt, quæ ab æterno non fuerunt, sed voluntate Summarum Potestatum factæ Leges.

Legum Positivarum aliæ sunt *Humane*, aliæ *Divine*. Humanarum aliæ sunt *Distributive*, aliæ *Pœnales*. Distributive sunt, quibus iura Civium definiuntur; quæque Civibus præscribuntur universis.

Pœnales sunt quæ pœnas violatoribus Legum infligendas definiunt; quæque Ministros quorum officium est pœnas exequi solos alloquuntur, & cum Legibus Distributivis coniunguntur.

Leges Positivæ Divine (Naturales enim omnes Divine sunt) sunt illæ, quæ à Deo ipso positæ sunt, (non ab æterno nec universis hominibus sed populo certo;) & pro Divinis declaratæ, per illos quibus Deus declarandi eas Authoritatem dedit.

• Authoritas autem declarandi Leges Divinas ita ut Obligatorie sint, unde cognosci potest? Modo quidem supernaturali, homini alicui ut Leges Divinas aliis Prædicet Imperare potest Deus. Sed quia de Essentia Legis est, ut neminem obliget qui Prædicantis Authoritatem,

tem; quod à Deo sit, scire non potest; unde oritur obediendi obligatio? Quid Deus aliis dicat scire non possumus naturaliter; neque sine Revelatione Divina nobis concessa, supernaturaliter. Quamquam enim à Deo Revelatum esse alicui aliquid credere inducatur aliquis, vel propter Miracula, quæ ab eo facta esse viderit, vel propter egregiam Sanctitatem, vel egregiam Sapientiam, vel propter egregiam felicitatem, quæ omnia gratiæ divinæ signa sunt satis magna, certitudinem tamen non efficiunt. Miracula enim ex quo tempore nobis Christianis positæ sunt Leges Divinæ, cessaverunt. Miracula narrantibus credere non obligamur. Etiam ipsa Miracula non omnibus Miracula sunt.

Cæterum ut Divina Supernaturalia Prædicantibus obedire aliquando & alicubi debeamus, causa in promptu est; Nempe si ea quæ Prædicant pro Legibus haberi jusserit Civitas. Est enim de Lege Naturali, quæ Divina etiam est, ut in iis omnibus quæ jusserit Civitas, Civitati obediamus, quanquam non, ut credamus. Credere enim animi actus est, non à Deo jussus sed factus, quem quando & quibus vult, Deus dat negatque; & Non credere, Legum Divinarum Positivarum Negatio, non Transgressio est. Pactum, quod modo supernaturali cum Abrahamo Pactus est Deus tale est: *Pædus meum inter me & te & semen tuum post te, quod servabitis hoc est.* Semini Abrahami nondum existenti Pactum hoc revelatum esse non potuit. Quare ergo pro Lege Divina habere obligati fuerunt Israëlita, id quod pro Lege divina ab Abrahamo declaratum est, nisi quia in filios & servos suos summam habuerit Abrahamus Potestatem? Rursus ubi Deus de Abrahamo loquens (Gen. 18. 18.) *In eo, dicit, benedicendo sunt omnes gentes terræ. Nam agnovi enim, ut quum præceperit filiis suis & familie suæ post se, etiam observent viam Iehovæ, &c.* Manifestum est obedientiam Abrahamo à familia sua debitam dependisse ab obedientia ante ipsi debita ut Summam habenti in ipsos filios & servos suos Potestatem. Nulla enim Familiæ facta est Revelatio Divina. In montem Sinai ad Deum ascendit solus Moses; populus ne ascenderet vetitus est ne moreretur. Obligabatur tamen. Cur? quia ipsi Mosi promiserant facere omnia quæ imperaret, dixerantque loquere tu nobiscum & audiemus; sed ne loquantur nobiscum Deus, ut non moriamur. Ex quibus duobus locis satis constat, in omni Civitate, Civem cui non sit facta Divinæ voluntatis Revelatio certa & immediata, debere pro voluntate Divina, Legibus obedire Civitatis. Nam si pro mandatis Dei, sua vel privatorum hominum quorumcunque somnia, & Phantasmata Cives sumerent, vix duo essent, qui de mandatis Dei in-

ter se non dissentirent, imò etiam Mandata Civitatis non contemnerent. Dico ergo, in rebus omnibus Legi Morali, id est Legi Naturæ non contrariis, Cives omnes obligari ut pro Lege Divina habeant, quicquid à Lege Civili pro Lege Divina declaratur. Manifestum enim est, id quod non est contra Legem Naturalem, fieri posse à Summa Potestate Legem Civilem. Neque in ulla parte orbis Terrarum permissum est, aut fuit Civibus Mandata Divina alia factis suis prætere, præter ea, quæ à Civitate approbantur. Et ut Civitates Christianæ, deficientes à Religione Christiana, ita Civitates non Christianæ, à Religione sua deficientes puniri solent.

Distinxerunt Leges alii, in *Fundamentales*, & non *Fundamentales*, *Fundamentalis* in unaquaque Civitate illa est, quæ sublata Civitas dissolvitur. Lex autem unica *Fundamentalis* est, ut singuli Cives Personæ Civitatis, id est Summam habenti Potestatem obedientiam præstent. Nam eâ sublata, Civitas nulla est; ea stante Civitas manet. De Divisione Legum tantum esto.

Invenio voces *Legem Civilem*, & *Ius Civile* à Scriptoribus promiscue usurpatis esse; quod fieri non debet. *Ius* enim *Libertas* est, id est à Legibus Civilibus exemptio. Contrà, *Lex Civilis* *Obligatio* est, Libertatem à Natura datam tollens aut restringens. Per naturam enim unicuique *Ius* erat viribus & facultatibus suis, sui ipsius arbitrio utendi; id quod *Lex Civilis*, nisi quibus Legis Civilis protectionem tutum non erat expectare, sustulit.

C A P V T XXVII

De Criminibus, Excusationibus, & Extenuationibus.

IN Transgressione Legis non modo Peccatum inest, sed etiam Legislatoris contemptio aliqua; quæ Legum ejus simul omnium infar violationis habita est. Peccatum ergo est, non solum quod factum, dictum, aut neglectum est contra Legem, sed etiam ipsa transgrediendi Intentio, sive propositum. Si quis tamen Bona, Servos, Uxorem videns proximi sui, frui illis, cum delectatione imaginatus tantum fuerit absque omni intentione vel consilio per fraudem aut vim ea occupandi, Peccatum non est, neque Præcepti *Non concupisces* violatio. Neque Voluptas quam quis habere potest dum inimici, à quo vivente nihil expectat nisi malum, mortem imaginatur, vel fomniat, modo nihil contra illum molitur, Peccatum est. Nam Iucundi etiam imaginatione delectari ita homini naturale est, ut Lex quæ id

prohiberet, etiam Hominem esse prohiberet. Sententia igitur eorum qui *Mors* animi *primum* peccatum esse ajunt, tum aliis tum sibi met-
ipsis nimium severa mihi videtur. Magnum enim est, si homo existens,
malum facere quo delectatur ne quidem velit. Aliud enim est Imagi-
nantem delectari; aliud velle.

Crimen omne Peccatum quidem est, ut quæ sit Legis alienius vio-
latio. Non autem vicissim omne peccatum Crimen est. Velle occi-
dere vel furari peccatum est; etiam si neque facto neque dicto volun-
tas occidendi vel furandi pateat. Nam à Deo, qui consilia homi-
num intuetur, Reus fiet. Sed ab hominibus consilium hominis ne-
que dicto neque facto cognitum accusari non potest. Neque ergo
Crimen vocari solet. Peccatum ergo & Crimen distinguuntur, eo
quod Peccatum est Legis transgressio quælibet; Crimen autem
transgressio ea sola, quæ coram Iudice hominis judicari potest, sive, cuius Ho-
mo hominem infirmare potest. Quanquam ergo Intentio male agendi
Peccatum sit, si tamen signo nullo innotescat, Crimen non est.

Vbi Lex non est, Peccatum non est. Sed quia Lex Naturæ æterna
est, transgressio ejus Peccatum semper erit. Cessantibus Legibus Ci-
vilibus cessant Crimina. Nulla enim præter Naturales existente Lege,
unusquisque sui ipsius Index est, & sola sui ipsius conscientia judicatur.
Cessante Potestate Civili, cessant Crimina; Inustum & Injustum, pro-
pter Jus omnium in omnia, nihil est. Verum si Civitas per seditionem
dissoluta fuerit, Crimen in dissolventibus permanet; quia ab initio quod
fecerunt Crimen erat; & à Civitate restituta Iudicari & puniri potest.

Crimina à tribus maxime causis oriuntur; vitio intellectus, quæ
est Ignorantia; Imperitia ratiocinandi, id est errore; & vi Passio-
num. Ignorantia autem est vel Legis, vel Legislatoris, vel Pœnæ.
Ignorantia Legum Naturalium excusat neminem; illi enim, qui Ra-
tionis Naturalis usum assequutus est, Leges Naturales quænam sint,
cognitam esse præsumitur; nimirum *aliter faciendum non esse, quod sibi
faciendum esse nollit*. Vbiunque ergo aliquis fuerit, si Legem loci igno-
rans violaverit, sine Crimine non erit. Exempli causa si quis ad nos
ab Iodis adveniens, Religionem suam nostræ contrariam prædicaret,
quæstio de Veritate Doctrinæ nulla fieret; sed quod nostram viola-
verit Legem pro Crimine habebitur, & juxta Statutas Lege pœnas
punietur. Nam & is concivium suorum animos novis Religionibus
solicitari non æquo animo ferret.

Si quis Civitatis suæ Legem, quæ non satis promulgata fuerit vio-
laverit, nec fecerit aliquid contra Legem Naturalem, ab Ignorantia
excusabitur.

Si quis loci in quo versatur imperii ignorans, Civitatis Autoritati resistat, non excusabitur; quia à quo Protectionem aliquamdiu acceperat ignorare non debuit.

Ignorantia Poenæ excusat neminem. Cognita enim Lege, cognitoque quod Crimini Poena aliqua debetur, etsi ignota, qui Crimen committit, poenæ etiam ignotæ obnoxium se facit volens. Rationis enim est, ut qui arbitrio suo injuriato terminat, poenas det terminatas arbitrio Civitatis.

Vbi verò Lege vel Consuetudine poena limitatur, ibi majoris poenæ inflictio iniqua est. Nam poena, quæ major est, quam ut à Crimine deterreat, ad Crimen hortatur. Comparantes enim, quod in Crimine lucundum, cum eo, quod in poena Molestum est, id quod sibi optimum esse putant necessario eligunt. Itaque qui poenas luunt, majores quam quas Lex præscripserat, à Lege ipsa quasi Crimen suadente, decepti sunt.

Quod ante Legem latam factum est, Crimen per Legem illam fieri nequit. Ante Leges Naturæ æternas factum nihil est. Lex autem post Factum lata, quia cognosci non potuit, obligatoria non est. Quod autem contra Legem sit jam latam sine poena definitum, poenæ quæ post definitur, nisi solito major sit, obnoxius fiet propter causam modo supra allegatam.

Ab errore nascuntur Crimina hominum, quibus illudant aut falsa Principia, aut falsa Legum interpretatio, aut à veris Principiis falsa Ratiocinatio. Qui ad consuetudinem hominum animam adverte-
runt, Virtutes & Crimina prosperis vel adversis successibus meren-
tium, videntiumque Leges à potentibus perturbari, quibus vulgus implicatur, ut Leges parvi pendent difficile non est; & propterea plures esse solent qui vitio Legum, quam vitio hominum id fieri arbitrantur. Quorum nonnulli quasi Axiomata quædam pronuntiant, *Institium præter Verbum nullum esse. Summi esse omnes, quod industria aut periculo suo occupas. Et tenet. Consuetudinem in omni gente divinam, iniquam esse non posse. Exempla longi temporis pro Legibus habenda esse.* aliaque his similia, vitam hominum ad feritatem & cædes mutuas reducentium. Eorum qui sic sentiunt, quis nisi metu à quantumvis magno Crimine se abstinebit.

Secundò, qui Leges Divinas tum Positivas, ad commoda sua consequentes, ita interpretantur, ut cum Legibus Civilibus, & populi tranquillitate non consistent, Civibus resistendi Principibus suis colorem prætextumque perpetuo præbeat, vel à Religione, vel à Jure Naturali, vel Civili.

Tertio, à mala ratiocinatione quamquam à veris Principiis, nascuntur Crimina, quando qui in doctrinis Fidei rectè sentiunt, in diversis sentientes, eo nomine sæviunt, quod errant; sævitiam suam zelum Dei nominantes. Quorum hominum aliquem libenter sic compellarem: Errant, esto; quid ad te? Populum corrumpunt; Quid hoc ad te cui salus Populi non committitur, sed Regi? Sed ad me sub Rege. Doce ergo. Doceo sed frustra. Ergo perfunctus officio, docere definens accusa; nam quæcunque ulterius sæviens feceris Crimina sunt.

Passionum quæ Crimina potentissime suadent, sunt *Ira*, *Avaritia*, cæteræque cupiditates vehementiores, sed non sine *Spæ*. Nemo enim cuiuscunque boni causa Crimen committeret, cuius potiundi Spem haberet nullam. Faciunt autem Spem, Divitiæ, Potentia Amicorum, Aura popularis; & Effugia quæcunque. Iudices & Testes corrumpuntur à Divitiis. Poenam, Amici deprecantur; etiam aliquando Reum per vim eripiunt. FAVOR Populi impunitatis Spem à multitudi-
ne ostendit, quam puniri sine multo sanguine difficile est, nec Civitati ut puniantur semper expedit. Amor & Admiratio Sapientiæ propriæ, qui plausum à multitudine huiusmodi homines expectare solent, facit ut temere loquantur de Statu & Regimine Civitatis, & Religionis publicæ, id quod per se Crimen magnum, & magnarum seditionum causa frequentissima est. Quibus autem nec Divitiæ sunt, nec Authoritas, nec Gratia Popularis; Spem impunitatis præterquam in latebris, aut fugæ opportunitatibus, nullam habent. Initium quidem scelerum omnium à cupiditatibus esse manifestum est; sed nisi impunitatis antecedit Spes, nunquam scire ad finem perducuntur.

Passionum autem omnium innocentissimus est Metus, imo solus est qui homines omnes (paucis exceptis qui excelsiore animo sunt, quam ut velint debere aliquid Injustitiæ) à Criminibus committendis prohibet. Aliquando tamen in Crimen inducit etiam *Metus*.

Actionem enim non omnis excusat Metus, sed corpori tantum suometnensis; cuius defendendi Ius unicuique naturale semper manet. Attamen si quis se ab inimico suo nondum aggredientre, interfici aliquando Metuens, Metûsque sui iustissimam causam habens, ipsum occupans interficiat, Crimen erit; nec Metu, sed odio fecisse iudicabitur; propterea quod protegi, si expectasset, potuit à Civitate. Sed si illum aggredientem occidisset, Crimen non fuisset; quia auxilium à Legibus expectari non potuit. Civis à Cive verba audit plena contumeliæ, quæ nulla tamen Lege lata puniuntur; metuentisque, nisi armis vindicet, pro homine haberi timido, ad arma provocat & illum

inter-

interfici; Crimen est; nec Metu ejusmodi excusabitur. Quartum Quia Civitas verba Publica; id est Leges; apud Cives plus valere vult; quam verba hominis singularis; cujus verbis poenam constituere ideo neglexit, quia eos qui ne verba quidem tolerare possunt, pro mollissimis omnium hominum habet Civitas. Crimina ne Metus quidem Dei excusat, multo minus Metus eorum reorum, quæ sub nomine *Spiritus* formidabiles multis sunt, quales habentur Lemures, Animæ mortuorum, aliæque Phantasmata dormientium vel dormitantium hominum Superstitiosorum. Crimen enim omne Injustum est; adeoque non qui Crimen facit, sed qui fugit, Deo placet. Itaque metuendum à Deo hominibus justis nihil est, quicquid illis commineatur quidam sub prætextu Religionis à vi Spirituum. *his manifestum est*

Ab his Criminum fontibus diversis manifestum est, falsum esse quod tenebunt olim Stoici; Peccata omnia esse equalia. Est enim non solum *Excusationis* locus aliquando, ubi quod Crimen videbatur, rectè factum esse ostenditur; sed etiam *Extenuationis*, qua Crimen quod videbatur magnum, apparet minus. Quamquam enim Crimina omnia aequaliter Injusta appellantur, quemadmodum omnis à rectitudine deviatio vocatur curvitas, non tamen sequitur inde omnis Crimina esse aequaliter Injusta, magis quam omnia curva aequaliter esse curva.

Id quod factum aliquod planè Excusat, naturamque Criminis ipsam tollit, nihil esse potest præter id, quod Legis obligationem simul tollit. Quod enim contra Legem semel commissum est, in eo qui ad Legem servandam obligatur, necessariò Crimen est.

Legem cognoscere non potuisse totaliter excusat. Illi enim Lex non datur est.

Qui Bello captus, vel in manibus hostium utrunque existens (in manibus autem hostium esse dico, qui vel ipse, vel cujus bona ad vivendum necessaria ab hoste occupata sunt. Nec sua ipsius culpa in manus hostium venerit) non amplius Lege Civitatis obligatur. Hosti enim obediendum est necessariò, aut moriendum; vitam autem conservare omni modo licitum est.

Si quis ad faciendum aliquid contra Legem, mortis imminencia metu compulsus sit, plenè excusatur; quia vite sue conservationem negligere nemo obligatur. Supposito enim quod obligatus esset, cogitaret tamen, *Nisi faciam statim morior; si faciam post moriar. Faciendo ergo vitam aliquamdiu produco.* Compellet ergo ad faciendum Natura ipsa.

Qui alimentis, aliisve rebus ad vitam necessariis destitutus est, ne-

que sine Legum violatione vitam sustinere potest (quod in magna Fame aliquando accidit) ubi neque venalia sunt, neque alio modo obtineri alimenta possunt) alienum ad sui defensionem aut conservationem si furto vel vi eripiat, totaliter excusatur.

Facta contra Legem autoritate aliena excusantur contra Authorem ipsam; quia Actorem suum Author accusare non debet, sed contra tertium factum lesum non excusantur: neque ergo contra Civitatem, cujus Leges violatae fuerint. Itaque si homo vel Coetus, qui Summam habet Potestatem Legem ante latam violare jussit, violatio Excusatur totaliter. Factum enim, cujus Author est is, qui Summam habet Potestatem, ab ipso condemnari non potest; & Legem, quantum attinet ad factum illud particulare, Summae Potestatis Autoritas abrogare censetur.

Si qui Summam habet Potestatem Homo vel Coetus, Civi Privilegium sive Libertatem concesserit, quae cum Potestate Summa consistere non potest, ut quae Summae Potestatis exercitium impediatur, is qui Libertatem talem exercebit, peccat, & contra officium Civis facit. Scire enim debant Cives omnes, quid iuxta Civitatis congruum sit, & quid incongruum; quia Civitas à singulis Civibus pro sua ipsorum salute, & consensu singulorum instituta erat. Libertatemque illam, quatenus Summae Potestati repugnat, concessam esse per ignorantiam Concedentis, qui consequentia inde Civitati pericula non viderat. Si autem Libertate sua uti pergens Ministro publico resistit, Crimen est.

Criminum gradus varie mensurantur. Primo, per Fontis sive Cause unde oriuntur pravitatem. Secundo, per Exempli contagium. Tertio, per damnum inde natum. Quarto, per circumstantias Temporum, Locorum, & Personarum.

Contra Legem factum idem, si à praesumptione oriatur vitium vel divitiarum, vel amicorum, quibus qui facit fretus Ministris publicis resistit, majus Crimen est, quam si à spe latendi vel fugiendi ortum esset. Impunitatis enim praesumptio nata à fiducia potentiae Radix est, unde omni tempore & opportunitate omnium Legum nascitur contemptio. Quod autem sit, propter spem latendi vel fugiendi, periculi agnitionem arguit, quo Legibus in futurum redditur obsequentior.

Crimen qui esse scit & facit, Crimen augeat, quod si profectum esset ab opinione quod licitum esset, minus fuisset. Nam qui male facit contra suam ipsius Conscientiam, viribus confidit quibus excitatur ad idem sapius faciendum; sed qui errore facit, cognito errore ad Leges conformatur.

In cuius error ab Autoritate Doctoris vel Legum interpretis publice constituti oritur, minorem habet culpam, quam si natus esset à propriorum Principiorum, & rationum prosecutione obstinata. Quod enim docetur per Autoritatem publicam, à Civitate ipsa docetur, & similitudinem aliquam habet (dum non prohibetur) Legis Civilis; & Crimina, quæ negationem non continent Summæ Potestatis, neque repugnant Legi manifesta, totaliter excusant; qui autem proprium Iudicium sequutus peccat, per proprium Iudicium, aut stat aut cadit.

Item factum, si in aliis constanter punitum est, Crimen majus est, quam si multa antecessissent impunitatis exempla. Quæ exempla totidem sunt factæ ab ipsa Summa Potestate impunitatis spes. Cum ergo, qui, spem & præsumptionem peccandi facit, in ipso Crimine partem habet, contra rationem est ut totum in Actorem conferat.

Quod à subita passione Crimen oritur, minus est quam quod à longa meditatione; illic enim locus est Extemporati per humanæ naturæ omnibus communem infirmitatem; sed qui meditatio facit, circumspexit, oculos coniecit in Legem, in Penam, & in damnum Societati humanæ sequenturum; quæ omnia simul contempsit & cupiditati propriæ postposuit. Verumtamen Passio nulla ita subita esse potest, ut totaliter excuset. Nam tempus quod intercedit inter Legis cognitionem, & criminis commissionem, omne censetur pro tempore Deliberandi; quia unusquisque per meditationem Legum, corrigere debuit passionum suarum irregularitatem.

Ubi Lex publicè, & assidue coram populo legitur & explicatur, Crimen quod fit contra Legem majus est, quam ubi absque tali instructione relinquuntur Cives cum difficultate, incertitudine, & occupationum propriarum cessatione, quæ fiat Leges ab hominibus privatis quærituri. Pars enim Criminis infirmitati communi tribuenda est. Sed in casu priore negligentia manifesta est, quæ sine Summæ Potestatis contemptu aliquo esse non potest.

Facta contra Legem disertis verbis verita, si tamen à Legislatore manifestis signis tacite approbentur, minora sunt Crimina, quam si Legislatori viderentur displicere. Cum enim Legislatoris, id est Summi Imperantis voluntas cognita instar Legis sit, quam sæpius observant Cives; quam Legem scriptam; apparent in hoc casu dux Leges contrariæ; itaque qui Legem scriptam violant, totaliter excusarentur, nisi quod voluntas Summi Imperantis aliter, quam ex verbis Legis cognoscenda non sit. Quoniam autem non modo transgressionem Legis, sed etiam neglectam Regis voluntatem, consequitur poena


poena aliqua, (favoris enim Regi iactura poena quaedam est) Crimen totum Delinquenti imputari iniquum est. Exempli causa, singularium Civium digladiationes Lex scripta prohibet, & capite punit; contra, qui huiusmodi certamen vel recusat vel declinat provocatus, contemptui habetur, neque existimationis lesionem Lex ulla scripta reparat; etiam aliquando ab ipso qui Summam habet Potestatem munere omni militari indignus existimatur. Quamobrem si existimationis causa provocationi respondeat, quandoquidem Principibus suis placuisse non modo licitum, sed etiam laudabile plurimis videatur; Crimen (et si non excusetur) extenuatur tamen, quia exoneratur culpa partem in Summum Imperantem, id est in ipsum punientem. Quod tamen non ita accipi velim, quasi vindictae privatae exculationem parem, sed Rectores moneam ne facto oblique faveant; cui directe & apertis verbis interdixerunt. Exempli enim Principum sunt & semper fuere ad actiones Civium regendas; potentiora quam sunt ipsae Leges. Rursus, si Crimina damno comparemus, idem factum, si multos, gravius est quam si paucos laedat. Itaque si factum non modo in praesenti; sed etiam per exemplum in futuro tempore damnum faciat, maius Crimen est, si in praesenti tantum laedat, id est gravius est Crimen secundum quam sterile.

Doctrinas Religionis Civitatis contrarias docere; Crimen majus est in Doctore publice constituto, quam in Cive privato; sicut etiam inhoneste vivere, aut actionem agere impiam quamcunque. Similiter in Professore Legum, doctrinae Civilis articulum aliquem sustinere, aut actionem agere quae ad Summae Potestatis diminutionem tendit, majus Crimen est, quam si idem factum esset a quovis alio. Huiusmodi enim homines non solum Crimina ipsi faciunt, sed aliis ut faciant Authores sunt; & in universum augentur Crimina à scandalo. Indocti enim homines in tenebris existentes, non tam viam qua inceditur, quam lumen quod praefertunt Doctores sui spectant.

Facta hostilia contra statum Civitatis, maiora sunt Crimina, quam quae facta sunt contra hominem privatum. Damnum enim Civitatis ad Cives omnes extenditur; quanta sunt locorum munitorum prodictiones, secretorum Civitatis ad hostem detectio, conatusque omnes contra illum sive Hominem, sive Coetum, qui Personam gerit Civitatis; sive vi, sive dolo ad diminutionem Summae Potestatis committantur; & sunt ea Crimina, quae vocantur *lese Majestatis*.

Item Crimina illa, quae vim tollunt Iudiciorum, maiora sunt, quam injuriae privatae; ut Iudicium vel Testimonium falsum pecunia emere, vel vendere, Crimen gravius est, quam tantundem pecuniae ab homine





homine privato fraude eripere. Non enim, damnum à falsis Iudiciis Civibus singulis tantum fit; sed etiam ipsa Iudicia redduntur inutilia; & privatis ultionibus, & tandem bello præbetur color & opportunitas.

Item Depeculatio thesauri Publici Crimen majus est, quam furtum vel defraudatio privata; nam Civitatem spoliare, multos simul spoliare est.

Ministerii Publici usurpatio falsa, item Sigillorum publicorum vel Monetæ Civitatis Simulatio, majus Crimen est, quam Simulare Sigillum vel Personam hominis privati; damnum enim ab illiusmodi fraudibus pertinet ad multos.

Factorum contra Leges quibus læduntur Cives privati, Crimen illud majus est, cujus damnum magis est sensibile; & proinde

Occidere contra Legem, Crimen gravius est, quam alia injuria (salvâ vitâ) quæcumque.

Et Mutilatio majus Crimen quam bonorum ereptio.

Et bonorum ereptio per Mortis, & Vulnerum intentionem, majus Crimen quam per surreptionem clandestinam.

Et per clandestinam surreptionem quam per consensum fraude acquistum.

Item violatio pudicitiae per vim, majus Crimen quam per blanditias, & majus adhuc si Nupta, quam si Innupta violetur.

Atque hæc ita æstimantur vulgo; quanquam eadem damna aliis magis, aliis minus sensibilia sint. Sed Leges non ad Civium singularem, sed ad humani generis sensum generalem componuntur.

Quanquam autem sunt qui contumeliam in verbis tantum, vel gestu, pro damno & læsione habere solent, læsiones tamen hujusmodi Græci, Romani, aliæque tam veteres quam hodiernæ Civitates in legibus condendis neglexerunt, ut qui doloris à verbis tantum, causam veram non verba contumeliosa (quæ à propriæ virtutis consensu statim ut dicta sunt excutiantur) esse putaverunt, sed Pusillanimitatem hominis verba non ferentis.

Etiā Crimen contra Civem privatum, multum augetur à circumstantiis Personæ, Temporis, & Loci. Nam occidere Parentem suum multo gravius est Crimen, quam occidere hominem privatum quemcunque. Patri enim debetur post Civitatem honor summus, ut cui in filium ante constitutas Civitates Potestas erat Summa. Spoliare pauperem, Crimen majus est, quam tantundem eripere diviti. Nam pauperi damnum idem sensibilius est.

Item Crimen Tempore aut Loco factum divino cultui consecrato,

maius est, quam si alio tempore aut loco factum esset; proficiscitur enim à maiore Legum & cultus Divini contemptione.

Multa alia Aggravationis & Extenuationis exempla adduci possent; sed per ea, quæ adducta sunt, obvium cuique est cujuscumque Criminis propositi altitudinem investigare.

Postremo; quia in omnibus fere Criminibus, injuria inest, non modo homini privato facta, sed etiam Civitati; idem Crimen, quando accusatur à Persona Civitatis, *Crimen publicum* appellatur; & Iudicia publicorum Criminum, *Iudicia publica*, quæ nostri appellant *Placita Coronæ*.

C A P V T XXVIII.

De Pænis & Premiis.

Pœna, Malum est, transgressori Legis Authoritate publica infligendum, eo fine, ut terrore ejus voluntates Civium ad Obedientiam conformemur.

Antequam ab hac definitione quicquam deducam, quæstioni nonnullius momenti respondendum est, nempe, unde Civem puniendi jus, in casu quocunque, ortum sit. Manifestum enim est, Pacto obligari posse neminem, vi illarum non resistere; itaque ut quis cuicumque jus dederit, vim sibi inferendi, intelligi non potest. In Civitate instituenda, unusquisque alium quidem defendendi jus deponit, sed non seipsum defendendi jus relinquit. Seipsum etiam, in puniendo Cive alio quocunque, illi qui Summam habet Potestatem auxiliari obligat; at non in seipso puniendo. Sed auxilium ferre Summo Imperanti non est jus illi dare quemquam puniendi. Manifestum ergo est jus Punienti quod habet Civitas (id est is qui personam gerit Civitatis) fundatum non esse in Concessione five gratia Civium. Sed offensum etiam supra est, quod ante Civitatis constitutionem unicuique quidlibet agendi quod ad conservationem sui videretur ipsi necessarium, jus erat naturale. Atque hoc juris, quod habet Civitas Civem puniendi, fundamentum verum est. Nam ut Cives Civitati tale jus concederent, frustra esset, quia jus illud unicuique ante à natura datum erat. Eo tamen, quod jus suum unusquisque deposuerit; is qui Summam habet Potestatem tantum virum nactus est, ut jure suo naturali ad præservationem Civium omnium; arbitrio suo uti possit. Itaque jus illud illi non datum; sed relictum est; & illi soli, nec minus integrum, quam fuit ante Civitatis institutionem.

A De-

A Definitione Pœnæ deduco. Primò, neque injurias; neque ultiones privatorum hominum propriè vocari posse Pœnas, quia non procedunt ab Authoritate Civitatis.

Secundò, à Summo Imperante negligi, aut non promoveri, Civem Pœnam non esse, quia malum nullum illi inflictum est, sed in statu quem prius obtinuit relinquitur illæsus.

Tertiò, malum inflictum Authoritate publica, nisi Publica antecedit Condemnatio, nomen Pœnæ non habere, sed factum esse hostile. Quia factum quod punitur probari & judicari prius debuit Authoritate publica.

Quartò, malum inflictum ab eo, qui Summam Potestatem injuriâ ulurpat, vel à quocunque, sine Authoritate concessa à Civitate, Pœnam non esse, sed factum hostile; quia actiones ejus, qui injuriâ imperat Authorem non habent personam condemnatam; neque ergo habent Authoritatem publicam.

Quintò, malum inflictum absque consilio Cives reformati, Pœna non est sed factum hostile; quia de essentia Pœnæ est, ut terrore ejus Cives ad obedientiam conformentur.

Sextò, cum actionibus quibusdam consequentia mala sæpissimè adhareant naturaliter; ut cum quis vim alii inferens occidit vel vulneratur, vel quando quis ab actione aliqua illicita in morbum incidit, malum illud, quamquam respectu Authoris Naturæ dici rectè possit Pœna Divina, non continetur tamen nomine Pœnæ respectu hominum; quia non inflictum est Authoritate Civili.

Septimò, si Malum inflictum minus sit, quam bonum, quod Crimen commissum naturaliter sequitur, Malum illud sub definitione Pœnæ non comprehenditur; nam Pretium potius est sive redemptio Criminis, quam Pœna. Cum natura Pœnæ finem ejus contineat nempe reformationem Civium. Sed Pœna quæ minus molestiæ habet, quam habet Crimen jucundi, effectum contrarium operatur.

Octavò, si Pœna Lege ipsa præscripta & terminata sit, post Crimen autem commissum infligatur Pœna major, excessus Pœnæ posterioris supra priorem Pœna non est, sed factum hostile. Cum enim Punitionum finis, ultio non sit, sed terror; terror autem Pœnæ majoris nondum cognitæ, minoris Pœnæ determinatione tollatur, additio illa, Pœna non est. Ubi vero Pœnam nullam Lex præscripsit, ibi quicquid à Civitate infligitur naturam Pœnæ habet. Qui enim Legem, cujus violatio Pœnam meretur, quæ tamen scripto nondum definitur, violat, indefinitam expectat Pœnam, id est arbitriariam.

Nondò, Malum inflictum ob factum nondum Lege vetitum, Pœna

non est, sed factum hostile. Nam ante Legem, transgressio Legis esse non potuit; Poena autem factum supponit probatum & iudicatum, violationem Legis esse.

Decimo, Malum inflictum in Personam Civitatis, Poena non est, sed factum hostile, ut quod Autoritate publica, id est Autoritate ipsius Personæ Civitatis non infligitur.

Postremo, Malum inflictum hosti manifesto, nomine Poenæ non comprehenditur; quia hostes Cives non sunt. Quanquam autem Cives ante fuerint, si se hostes tamen post declaraverint, non ut Cives, sed ut hostes patiuntur. Sequitur hinc si Civis facto aut verbo, sciens & deliberatè Personæ Civitatis Autoritatem negaverit (quæcunque Poena Crimini læsæ Majestatis Lege præscripta fuerit) puniri tamen, cum se iam hostem Civitatis esse declaraverit Poenâ arbitrariâ jure potest tanquam hostis.

Poenæ Divinæ sunt vel *Humane*. De illis dicemus alio loco magis proprio inferiùs.

Humane sunt illæ Poenæ, quæ Autoritate humana infliguntur; suntque vel *Corporales*, vel *Pecuniariæ*, vel *Ignominia*, vel *Incarceratio*, vel *Exilium*, vel ex his mixta.

Pœna Corporalis est quæ infligitur in corpus per voluntatem infligentis; qualia sunt verbera, vulnera, & earum rerum ablatio, quæ corpori jucundæ existentes, prius possidebantur.

Quarum Poenarum aliæ capitales, aliæ minores sunt. Capitalis, est mortis inflictio, sive simplicis, sive cum cruciatu. Minores Poenæ sunt verbera, vulnera, vincula omnisque alia corporis afflictio, quæ sua natura non sunt lethales; etsi enim per accidens aliquod non prævisum mors sequatur, non dicitur Poena Capitalis.

Pœna pecuniaria est ablatio non solum Summæ alicujus Pecuniæ, sed etiam cujuscunque rei Pecunia commutabilis. Quod si Lex Poenam definiat Pecuniariam, eo fine ut à transgressoribus Legis Pecuniam auferat, Poena propriè loquendo non est, sed Privilegii, sive exemptionis à Lege Pretium; quia factum ipsum non absolute vetat Lex talis Civibus omnibus, sed illis tantum qui pecuniam definitam non possunt solvere. Sed in Legibus Naturæ, & Legibus de cultu Divino aliter se res habet. Nam si in eos qui sine causâ juraverint, multa statueretur pecuniaria, pecunia illa pro Legis dispensatione haberi non posset, cum Leges Divinæ & Leges Naturæ sint indispensabiles.

Ignominia inflictio est mali, cui à Civitate nota apponitur turpitudinis, vel deprivatio Boni quod à Civitate pro Honore concessum est.

est. Sunt autem quædam naturaliter honorifica, ut Fortitudo, Magnanimitas, Prudentia, aliæque Corporis & animi facultates. Alia honorifica facta sunt à Civitate, ut Insignia, Tituli, Officia, & quæcunque gratiæ apud illum qui Summam habet Potestatem, signa singularia. Priora illa tolli Lege non possunt. Posteriora à Civitate, propter Crimina, tolli possunt; & Pœnæ propriè sunt.

Per *Incarcerationem* intelligo quamcunque Libertatis Corporalis ablationem, quam duabus de causis Civitas propter Crimen tollit. Quarum altera est, ut custodiatur reus ne aufugiat, altera ut sit pro Pœna condemnati. Prior harum Pœna non est; quia antequam Iudicetur nemo iustè puniri potest, Malum itaque quod quis reus antequam audiat & condemnatur, per custodiam patitur, plus quam custodiæ necessarium est, contra Leges Naturæ infligitur; Posterior, Pœna est; quia à Civitate, & propter Crimen auditum & judicatum infligitur.

Exilium est, quando propter Crimen condemnatur Civis ad exeundum è dominio Civitatis, sive pro tempore, sive in perpetuum; videturque sua natura sine aliis circumstantiis, Pœna non esse, sed potius Aufugium, vel mandatum publicum fugiendi Pœnam. Hujusmodi Pœnam in Civitate Romana negat esse Romanarum Legum scientissimus *Cicero*; Exiliumque periclitantium Civium Refugium vocat. Nam qui exulat, si tamen bonis suis redditibusque frui permittatur, solam coeli mutationem patitur, quæ Pœna non est; neque ad Civitatis tendit utilitatem, quæ Pœnarum finis est, sed potius damnum. Qui enim à Civitate expellitur hostis fit Legitimus. Verum si quis non modo in Exilium missus sit, sed & fortunis suis simul mulctatus fuerit, Pœna ejus inter Pecuniarias numeranda est.

Punitiones Civium innocentium, sive graves, sive leves, sunt omnes contra Leges Naturæ, & actiones hostiles. Punizio enim illorum tantum est, qui Crimen commiserunt.

Cæterum in hominem Innocentem Mali cujuscunque inflictio, si Civis non sit, si sine præcedentis alicujus pacti violatione fiat, si denique eo fine fiat ut juvetur Civitas, Legis Naturalis transgressio non est. Omnes enim homines aut Cives sunt aut hostes, aut pacto inter Civitates amici sunt. Sed contra hostes à Civitate Iudicatos, à quibus damnum Civitati expectatur, Jure Naturæ bellum facere licitum est; in quo bello neque gladius judicat, neque Victor distinguit quatenus ad tempus præteritum inter Nocentes & Innocentes, neque cuiquam parcit, nisi quatenus conducit ad salutem Civium. Hinc enim manifestum est in Cives eos qui Authoritatem Civitatis pernegaverint vin-

dictam extendi licite posse, non solum ad ipsos, sed etiam ad posteros eorum usque ad tertiam & quartam generationem nondum existentes, & per consequens facti à patribus suis commissi insones; quia Criminis hujus natura consistit in eo, quod Civitatis regimini renuntiant, id est se Civitatis hostes esse profitentur. Qui autem sic faciunt, non ut Cives, sed ut Hostes puniri jure possunt.

Præmium dici solet, tum quod gratis, tum quod ex Pacto datur. Quando autem ex Pacto, pro mercede sumitur, & beneficium est pro bono præstito vel promisso debitum. Quando autem gratis datur, beneficium est à dantis gratia profectum, eo fine ut cæteri Cives ad Civitatem Bene serviendum excitentur; & propriè Præmium appellatur, differtque à mercede, quæ debita est. Et si enim Cives omnes, desertis rebus domesticis, servire Civitati etiam sine Mercede, si opus sit, obligentur: id tamen non à Lege Naturæ neque Civitatis institutione est, nisi Civitas defendi aliàs non possit. Supponitur enim, illum qui Supremam habet Potestatem fortunis Civium omnium æquè uti posse, quibus, qui Civitatem defendunt, suis ipsorum rebus relictis remunerari debent: adeo ut militum infimus Militiæ Mercedem ut jure debitam postulare possit.

Beneficium à Summo Imperante in Civem collocatum, metu ne Civitati noceat, Præmium non est: quia metu extorquetur: neque in Imperante *gratia* est, sed potius sacrificium, quo Civem malevolum eundemque potentem placare cupit: nec ad obedientiam, sed contra ad majorem contumaciam Cives alios excitat.

Mercedum autem alia certæ sunt, solvanturque ex Thesauris publicis: alia incertæ, oriunturque ab executione ipsius Ministerii: sunt autem sæpissimè Civitati noxiæ; ut in Ministerio Iudiciorum, ubi duo inde oriri solent Incommoda: Quorum alterum est Incrementum litium. Vbi enim ex multitudine litium oritur Iudicibus Beneficium, solent plerique numerum litium quantum possunt reddere majorem. Alterum est quod diversorum Tribunalium Iudices certaturi sunt inter se quis ad Tribunal suum ab aliis Tribunalibus plurimas lites retrahat. Sed in Ministeriis Executionis incommoda illa locum non habent. Atque hæc dicta sint de Pœnis & Præmiis, quæ sunt quasi Nervi & Tendines, quibus moventur Civitatis artus.

Hactenus de naturâ Hominis, quem superbia aliaque Passiones ad submitendum se regimini alicui compulerunt; & Rectoris ejus Potentia iogeni disserui, comparans illum magno illi Leviathan, de quo cap. 41. Iobi, dicit Deus: *Non est Potestas super Terram, quæ comparetur ei. Factus est, ita ut non metuas. Vides sublimia omnia infra se;*

¶ Rex est omnium filiorum Superbia. Quoniam autem mortalis est, & ut alia terrena omnia corruptioni obnoxius: & quia in caelis (quamquam non in terris) est quod metuat, & ejus Legibus obedire debet: dicam in duobus Capitibus proxime sequentibus de morbis, & causis mortis ejus, & de Legibus Naturalibus quibus obedire obligatur.

C A P V T XXIX.

De iis rebus qua Civitatem labefaciunt, tenduntque ad dissolutionem ejus.

Quamquam immortale nihil sit, quod mortales faciunt, si tamen rationis usum, quem sibi arrogant homines haberent, fieri posset Civitas adeo firma, ut ab internis saltem morbis interire non posset. Nam si Institutionis ejus spectemus finem, videbitur facta ad vitam generis humani, vel Legum Naturalium, vel Iustitiæ ipsius (à quibus vitam accipit) durationi æqualem. Quoties ergo non vi externa sed seditionibus internis Civitas destruitur, culpa est Instituentium, Homines enim, quamquam confligendo, seque mutuo vulnerando defessi, in unum ædificium libenter coalescunt: condendarum tamen Legum ad eum finem conducentium & quibus actiones suas regerent necessarium, imperiti, patientiaque & humilitate carentes quoties amplitudinis suæ rudes & molestas eminentias reserandas esse vident, in Civitatem nisi ab architecto peritissimo compingi non possant, quæ firma futura sit, nec vel ipsos, vel eorum posteros ruina opprimat.

Inter *Infirmities* Civitatis primo loco ponendæ sunt illæ, quæ ab imperfecta nascuntur Institutione, similesque sunt corporis naturalis morbis illis, qui procedunt à Generatione vitiosa.

Quarum una est, quod qui Regnum obtinere conantur, contentus quandoque sit Potestate minore, quam quæ ad Salutem Civitatis necessario requiratur. Contingit inde ut Potestas illa quæ neglecta erat, quando ad publicam salutem resumenda est, resumptio ejus injusta visa, multos simul Cives ad seditionem (data occasione) provocet; eodem plane modo quo corpora puerorum à Parentibus morboſis, aut morti immaturæ subiecta sunt, aut humores noxii à prava generatione oriuntur in scabiem & ulcera. Quod autem hujusmodi jura necessaria Summi Imperantes sibi negent, Non semper ab ignorantia id faciunt, sed aliquando ab eo, quod eadem jura arbitrio suo recipere se posse sperant. Sed rem non rectè supputant. Cives enim, qui

illum

illum impediunt, à Civitatibus aliis, qui ad Civium suorum salutem vicinos debilitandi opportunitates raro prætermittunt, sustinebuntur. Sic Thomas Archiepiscopus Cantuariensis contra Henricum Secundum à Papa sustentatus est, eo nomine quod Guilielmus Rex Libertates Ecclesiæ Romanæ non violaturum se esse juramento promiserat. Eodem modo Baronibus Angliæ (quorum ope Guilielmus Secundus ad Regnum in se à fratre suo majore transferendum usus erat) potestas ab ipso Guilielmo aucta est in tantum, ut non consisteret amplius cum Potestate Regia; unde rebellio contra Regem Iohannem orta est, & adjuta viribus Regis Galliarum.

Neque in solis Monarchiis contingit hoc, nam in Civitate Romana, sub Senatu populoque Romano, (ubi neque Senatus neque Populus Summam habuit Potestatem) seditiones innumeræ indies nascebantur, & bella Civilia à Gracchis, Saturnino, Mario, Sylla, Pompejo, Casare, quibus extincta tandem est Democratia Romana.

Secundo loco Civitatis morbos illos noto, qui oriuntur à veneno doctrinarum seditiosarum; quarum prima est, *bonarum & malorum actionum Iudicem esse Civem privatum quemlibet*. Quæ quidem in conditione naturali, nondum existentibus Legibus Civilibus, atque etiam in Civitatibus quod attinet ad actiones quæ nulla Lege prohibentur vera est. Manifestum alioqui est, Mensuram Boni & Mali in actionibus, esse Legem Civilem; Iudicemque esse, qui Summam habet Potestatem. Ab hac doctrina est, quod Cives mandata Civitatis judicare & disputare discunt; deinde obedire vel repugnare arbitrio proprio; unde Civitas in factiones discinditur & debilitatur.

Doctrina alia quæ obedientiæ Civili repugnat, est, *quicquid faciat Civis quicumque contra Conscientiam suam, Peccatum esse*; quæ doctrina ab eo nascitur, quod Iudices se faciunt homines Boni & Mali. Conscientia enim & Iudicium hominis eadem res est, & erroribus obnoxia. Etsi ergo is, qui nulla Lege Civili obligatur, contra Conscientiam agens peccet, propterea quod actionum suarum regulam aliam non habet, præter suam ipsius Rationem, aliter tamen se res habet in iis, qui Legibus Civilibus sese submiserunt: ubi non privata sed publica Lex unicuique Civi pro Conscientia habenda est. Alioqui in tanta Conscientiarum id est Opinionum privatarum varietate, necessarium Civitas divideretur, nec Summæ Potestati obediret quisquam, nisi quatenus sibi metipso visum erit.

Tertio est, quod docetur vulgo, *Fidem & Sanctitatem acquiri Studio & ratione non posse, sed supernaturaliter Inspiratis, vel infusis esse*. Quæ.

Quæ si concedatur, non video quare Fidei suæ rationem quisquam reddere teneretur; aut cur homines Christiani non essent omnes Prophetæ; vel cur unusquisque Inspirationem propriam legibus Civitatis non præponeret; id quod iterum est Iudicium Boni & Mali sibi arrogare, neglectisque Civitatis Legibus regendos se præbere ab arbitrio proprio, vel aliorum privatorum hominum, qui se supernaturaliter Inspiratos esse mentirentur. Fides ab auditu nascitur; auditus autem uniuscujusque à rebus contingentibus est, quibus in præsentiam eorum, quos audire utile est, conducimur. Quæ res contingentes respectu nostri, à consilio Dei proficiunt, non sunt tamen supernaturales, sed tantum propter multitudinem non facile observabiles. Fides & Sanctitas etsi raræ, non ideo sunt Miracula, sed procedunt ab educatione, disciplina, correctione, aliisque causis naturalibus, quibus Deus utitur in illis quos elegit, quo tempore ipsi visum est, instruendis.

Repugnans obedientiæ Civili doctrina quarta est, *Legibus Civilibus subditum esse illum, qui Summam habet Potestatem*. Subditum esse illum Legibus Naturæ verum est; Leges enim illæ Divinæ sunt, neque possunt ab Homine vel Civitate quacunque abrogari. Sed Legibus quas Civitas, id est quas ipse tulerit subditus non est. Non est enim cui subjiceretur præterquam sibi. Qui autem suis ipsis tantum Legibus obligatur liberrimus est. Non viderunt autem qui Summum Imperantem obligare voluerunt, erigendam sibi esse Potestatem quæ ipsum puniret, & ad hanc puniendam Potestatem aliam, ita ut nulla omnino constaret Civitas.

Eodem tendit doctrina quinta, *Civem unumquemque Bonorum suorum ita absolutum esse Dominum, ut Dominium Civitatis in Bona eadem excludatur*. Civem quidem unumquemque in bona sua Dominium proprium, quod Ius Civium cæterorum omnium excludit, habere non negamus. Sed Dominium illud à Summa Potestate habet, sine cuius protectione quicquid habet non alio jure haberet quam quicumque alius; quia omnia essent omnium. Verum si Ius etiam ejus qui Summam habet Potestatem excluderetur, protegere Cives non posset, neque ab hostibus externis neque ab injuriis mutuis, & proinde non amplius esset Civitas.

Doctrina sexta est quæ contra essentiam Civitatis apertè, pugnat, nempe, *Summam Potestatem posse dividi*. Quid enim aliud est Potestatem Civitatis dividere, nisi dissolvere; Potestates enim divisæ mutuo se destruant.

Quemadmodum autem doctrinæ erroneæ, ita etiam aliquando

exempla Civitatum vicinarum ad mutationes Politicæ præsentis hortari solent. Ita populus Israeliticus ab imitatione Gentium vicinarum à Deo rege suo deficientes, Prophetam Samuelem eligere sibi Regem novum compulerunt. Sic etiam in Græcia antiqua, Civitates minores perpetuò turbabantur à Seditionibus Civium, quorum alii Lacedæmonios imitati Aristocratiâ; alii Athenienses admirantes, Democratiam postulaverunt. Neque dubito quin nostrorum multi bellum, quod nunc geritur in Anglia libenter videant; nihil ad divitias comparandas amplius opus esse arbitrati, quam ut exemplo Batavorum Regem suum exuerent, mutationi regiminis divitias imputantes, quas homines illi sua industria acquisiverunt. Homines enim Natura sua novitatis avidi, turbærum initia amare solent, etsi earundem duratione offendantur; quemadmodum qui à calore sanguinis laborant prurigine, propriis unguibus sese lacerant, ita ut dolorem tolerare amplius non valentes morbum agnoscant.

Scorsum in Monarchiis, inter Rebellionis causas maximas numerari potest Librorum Politicorum & Historicorum quos scripserunt veteres Græci & Romani, lectio; Juvenes enim, alii que quicumque Rationis solidæ Antidoto muniti antè non fuerint, rerum ab illis bello magnificè gestarum, vividam jucundamque impressionem concipientes, cæteras eorum actiones sicut admirantur, Civitatumque illarum magnitudinem imputant, non (ut oportuit) virtuti quorundam Civium, sed regiminis formæ populari. Ab horum Librorum (inquam) lectione est, quod nonnulli homines Regem suum interfecerunt, quia facinora talia apud scriptores illos non flagitia, ut sunt, appellantur, sed maximis laudibus extolluntur, modo antequam interficiant, Tyrannum appellent. A lectione eorundem librorum est, quod qui sub Monarcha vivunt, se quidem servos, illos autem qui Democraticè gubernantur, solos esse liberos dicant. Mihi ergo Monarchiis nihil videtur damnosius esse posse, quam permittere, ut hujusmodi libri publicè doceantur, nisi simul à Magistris sapientibus quibus venenum corrigi possit remedia applicentur. Morbum hunc comparare libet cum Hydrophobia, nempe morbo, qui oritur à morsu canis rabidi. Quemadmodum enim is quem canis rabidus momordit, perpetuò sibi cruciatur, aquam tamen qua sola sanari potest horret: ita is qui opinione de Tyrannicidio infectus est, contra Monarchas latrare non desinit; & quanquam nisi à Monarchæ potentia, sanari non possit, propter tamen Tyrannophobiam quandam, habentes horret.

Sicut extiterunt Doctores quidam, qui tres Animas in eodem Homine

Homine esse docuerunt; ita etiam sunt qui plures Animas (id est plures summè Imperantes) in una & eadem Civitate esse sustinuerunt, *Supremum Summo, Canones, Legibus, & Auctoritatem quandam Spiritualem Civili* apponentes, & sanè multis id persuaserunt orationibus, quibusdam ne à seipsis quidem intellectis, obscuritate tali de- tegentes esse in regnis Regum Christianorum, regnum aliud Spirituum sive Lemurum, ambulantium in tenebris. Itaque in omni Civitate duæ essent Summæ Potestates; quod cum essentia Civitatis stare nullo modo potest. Illa enim *Temporalis & Spiritualis* distinctio inanis, nihil impedit, quin Civitates duæ sint, & unusquisque Civis subditus sit duobus dominis. Cum enim Potestas Spiritualis Ius declarandi quid sit *Peccatum*, sibi vendicat, vendicat per consequentiam Ius declarandi, quæ sint Leges; quia Peccatum nihil aliud est, præter transgressionem Legis. Rursus, Potestas Civilis Ius sibi assumit Legislationis. Omnis ergo Civis duobus Dominis obedire obligatur. Quod est impossibile. Ubi ergo Potestates illæ in eadem Civitate se mutuo opponunt, imminet perpetuò periculum à bello Civili unde tandem dissolvatur. Autoritas enim Civilis cum visibilior & in luce clariore posita sit, magnum ad se numerum hominum adductura est. Potestas contra Spiritualis, quanquam in Distinctionum Scholasticarum & verborum nihil significantium tenebris delitescat, ad se quoque hominum numerum attrahet, qui sufficiat ad turbandam, si non ad destruendam Civitatem, propterea quod magis metuuntur *Spiritus* quam Homines. Atque hunc Civitatis morbum Epilepsiæ, sive morbo caduco (quo qui apud Iudæos laborabant, inter Dæmoniacos numerabantur) comparare licet. Sicut enim in Epilepsia Spiritus sive ventus quidam præternaturalis in capite, Nervorum radices obstruens concutiensque, motumque eorum naturalem tollens, illos, qui hoc morbo laborant, aliquando in aquam aliquando in ignem conjicit; ita etiam in corpore Civitatis, quando membra movet Potestas Spiritualis per terrorem Pœnarum æternarum, & spem Præmiorum, aliter quam à Potestate Civili (quæ Anima Civitatis est) moveri debent, verbisque novis & peregrinis intellectum suffocat, sequuntur (quasi convulsiones) dissidia Civium; unde Civitas aut fluctuantibus legibus diluatur, aut in Belli Civilis incendium conjicitur.

Est etiam in Civitatibus aliquando morbus Febri tertianæ comparandus, nempe quando mali Cives odio Regiminis vel Regentis, vel eo quod utile sit ipsis bellum Civile, Pecuniarum necessariorum ad salutem Civitatis à Civibus conferendarum collationem calumniis

regentium impediunt. Itaque qui Summam habet Potestatem, Pecuniæ ad Thesaurum publicum affluxum impeditum videns, primo se contrahit; deinde quando vim & motum postulant negotia publica, cogitur ad stratagemata politica, quibus supplementa parvi momenti cum multa difficultate, & sæpius exigit, nec ea gerendis rebus sufficientia. Itaque vi tandem obstructio illa tollenda est, & Pecuniis ad publicum Thesaurum via aperienda, aut Civitati pereundum est. Eodem modo in Febri, quando muscoli humore venenato obstruuntur, Venæ quæ sanguinem naturaliter in cor infundunt, non, ut solet fieri, suppleantur ab Arteriis, inde algor sequitur primo, artuumque tremor & contractio; deinde ardor vehemens, & cordis labor, sanguinis per musculos transitum vi aperiens, & exiguis interim contenti refrigeriis; donec aut (vincente Natura) perumpat sanguis, humorque venenatus exsudet; aut (victa Natura) sequatur mors.

Est & alius morbus, præsertim in Civitate populari, qui Pleuritidem refert; nimirum, quando divitiæ publicæ, extra alveum proprium in unum vel paucos Cives confluunt; quemadmodum in Pleuritide extravasatur sanguis in Membranas pectoris.

Etiā Civis anius nimia popularitas morbus Civitati periculosus est. Populus enim qui Civitatis Legibus regendus est, ad obedientiam uni Civi præstandam, blanditiis, ab obedientia Legibus Civitati debita abducuntur. Sed hic Civitatis popularis potius quam Monarchiæ morbus est, cujus exempla habemus in Civitate Romana, Marium, Cæsarem, aliosque; & in Civitate Atheniensi Alcibiadem, Pisistratum, &c.

Morbus alius, præsertim in Monarchiis, est magnitudo immoderata unius alicujus Urbis; nempe quando tanta est, ut possit ex se ipsa exercitum subito & conscribere & alere; item oppidorum incorporatorum multitudo. Sunt enim totidem Civitates minores in majore; quasi in hominis Naturalis intestinis totidem lumbrici. Etiam disputandi libertas de summæ Potestatis Jure, morbus satis molestus est; qui genitus ab iis qui sibi videntur docti Politici, in facie populi, facit ut perpetuo de Legibus fundamentalibus garrientes, Civitatem inquietam faciant; referunturque ad vermiculos quos *Ascariidas* vocant Medici.

His addi possunt *Bulimia* id est appetitus insatiabilis Domini dilatandi, quo perierunt olim Civitates Atheniensis & Carthagenensis; item Civitatum victarum retinendarum, quæ quasi *Tubera* adherent, procuratio; & præterea *Oriti* & *Luxurie* quasi *Lethargia*.

Postre-

Postremo, quando in Bello sive externo, sive interno superatur Civitas, ita ut Cives à Civitate protectionem ulterius expectare non possint, Civitas dissolvitur; & Civi unicuique protectionem sibi arbitrio suo quærere liberum est. Is enim qui in Civitate Summam habet Potestatem, anima publica est, quæ Civitati dat vitam & motum; quæ cum expirata sit, non amplius ab ea reguntur Cives, quam regitur ab anima quam expiravit cadaver mortuum. Quamquam enim Summi Imperantis Ius, nisi à seipso extingui non possit; obligatio tamen Civium per Civitatis dissolutionem omnino tollitur.

C A P I T U L U M XXX.

De Officio Summi Imperantis.

Summi Imperantis Officia (sive is Monarcha sit sive Coetus) manifestè indicat Institutionis Finis nimirum *Salus Populi*: quam *Leges Naturæ* obligatur quantum potest procurare: & cuius rationem Deo, & illi soli tenetur reddere. In *Salute* autem *Populi* comprehendit non solum Civium vitam, sed etiam Commoda vitæ, quæ Cives singuli, sine Civitatis damno vel periculo sibi iuste acquisita tenuerint.

Sed faciendum ita esse intelligitur, studium suum non Individuis applicando: sed Providentia universali, per instructiones publicas tum à Doctrinis, tum ab Exemplis, tum etiam per Leges salubres quibus Cives singuli actiones suas applicare possunt.

Quoniam autem Iuribus Summæ Potestatis Essentialibus de quibus dictum est Cap. 18. sublatis, Civitas dissolvitur, reditque omnium in omnes belli calamitas (id quod Civitati malum maximum est). Summi imperantis Officium est Iura illa retinere integris itaque contra Officium facit, primo, si ea vel aliqua eorum deponit, vel ad alium transfert. Qui enim Media, idem Finem deserit. Et per consequens, Legibus Civilibus se subicere; Potestati Iudicandi; Bellum indicendi, vel Pacem faciendi; Milites alendi, quando & quomodo ipsi visum fuerit; Ministrós tum Pacis, tum Belli eligendi; & quæ Doctrinæ Pacis, & Bono publico conformes sunt, statuendi Potestati renovari contra officium est. Secundo, contra Officium est permittere, ut Iurium horum Essentialium causas & fundamenta populus ignoret, quia per ignorantiam harum rerum Cives seducti ad seditionem facile possunt & solent.

Horum autem Iurium fundamenta eo magis doceri debent quod

Iuris naturalis sunt, non Civilis; & puniendi eorum transgressio, non ut transgressio Legum Civilium, sed vindicanda ut facta hostilia. Continent enim rebellionem, id est Legum Civilium simul omnium transgressionem vel potius repudiationem; & propterea Lege Civili frustra prohibentur.

Sunt qui Iura hæc Essentialia, quibus rectores Civitatum Potestatem absolutam habent, nullis rationibus probari posse didicant. Nam si possent in aliqua saltem Civitate, aliquo tempore, agnita tandem ab aliquibus essent. Sed non rectè arguunt, tempus enim erat, in quo ne ædificare quidem mediocriter potuere homines; atqui qui inde fundamenta & principia artis ædificandi nulla esse concluderet, absurdè faceret. Tempus, & Industria novas indies scientias in lucem proferunt. Etsi ergo homines Civitates suas sine perfectione ultima instituerunt, ita ut aliæ citius, aliæ tardius vitio ab institutione corrumpantur, impossibile tamen non est, ita Civitatem instituere, ut (nisi per vim externam) nunquam peritura esset. An Principia quæ supra posui, hæc præstare possint, nescio; talia tamen sunt, qualia inveniuntur in Scripturis Sacris; ut manifestum erit, cum de Regno Dei (ministrante Mose) in Iudeos, populum suum per pactum vetus pecuniariam, differamus.

Rursus dicunt, etsi Principia aliqua essent, quæ id præstare possent; quoniam tamen huiusmodi Principiorum capax non est vulgus hominum, frustra essent. Utinam non minus doctrinæ Civilis incapaces essent Cives divites & potentes, iique qui habentur Docti quam sunt Plebeji. Constat enim, Doctrinæ Civilis difficultatem non tam oriri ab obscuritate, quam ab eorum, qui docendi sunt Cupiditatibus. Potentes enim Potentiam aliam, quæ cupiditates eorum refrænare possit; & Docti Doctrinas quibus Errores ipsorum possunt de regi, non facile patiuntur; ne Authoritas eorum apud populum inde minuat. Hominum autem ex plebe, animi, nisi à Potentioribus detorqueantur, aut Doctorum opinionibus scribillati sint, instar chartæ puræ impressionem ab Authoritate publica quamlibet accipiunt. Nationes integræ; ut in Religionis mysteriis maximis & difficillimis, & supra rationem positis, acquiescant, docebuntur; prædicando autem & docendo ea, quæ cum ratione naturali exquisitè congruunt, Doctores non se facient intelligi. Constat ergo in Iuribus Summæ Potestatis (quæ sunt Leges naturales) intelligendis nullam esse difficultatem (dum illi, qui Summam habet Potestatem, manet Potentia integra) quam quæ vel ab ipsius, vel ipsorum quorum opera in administratione Civitatis utitur, culpa oritur. Illius ergo est, videre, ut Cives

rectè doceantur: nec officium tantum, sed etiam Beneficium est, quod maxime omnium ad sui ipsius & Civium suorum vitam sapissimè pertinet.

Ut veniam jam ad doctrinas particulares quas populus docendus est, prima erit, ne Formas Regiminis, quas in gentibus vicinis conspiciunt, plusquam formam Civitatis propriæ adament, aut imitari cupiant, quantumcumque Gentium aliarum prosperitatem videant. Non enim ab Aristocratia, vel Democratia, aut Monarchia, sed ab obedientia & concordia Civium in quacunque Civitate res secundæ oriuntur. In omni Civitatis genere, sublata obedientia (& proinde concordia) Civium, non modo non florebut Cives, sed Civitas brevi tempore dissolvetur: iique qui sine Summæ Potestatis Autoritate corrigere tantum Civitatem vellent, eam tandem non corrigerent sed destruerent: quemadmodum (in fabula) *Pelei*, filix decrepiti Patris juventutem renovare cupientes, consilio *Medeæ* illum dissecuerunt, & nescio quibus herbis commistis coquentes, occiderunt, non renovarunt. Hujusmodi reformandæ Civitatis studium, simile ejus quod prohibetur à Deo in Decalogi mandato primo, *Non habebis coram me Deos alienos*.

Secundò, docendi sunt, ne alicujus Civis vel Coetus (præterquam summi) quantumcumque conspicui, aut virtutibus admirandi cultu, ita seducantur, ut illi obedientiam aut honorem Summæ Potestati proprium, deferant, & pro persona Civitatis repræsentativa habeant. Signum enim est, populum suum amantis, Zelotypia: Cives autem blanditiis & Popularium adulatione ut seducantur pati, quasi Civitatis prostitutio quædam est, & transgressio Mandati secundi.

Tertia est, ut doceantur quam grave sit peccatum Summo Imperanti (sive is Monarcha sit, sive Coetus) maledicere, de potentia ejus disputare vel quocunque modo illum nisi honoris causa nominare, quibus rebus contingat ut à Civibus parvi fiat, & obedientia eorum, in qua consistit Civitatis salus remittatur, quæ Mandati tertii transgressio est.

Quarta est, ut, quia populus officia sua doceri non potest, neque quis sit cui obedire debeat scire nisi à propriarum occupationum temporibus, tempora quædam eximantur, quibus ad audiendum Doctores suos convenire debeant, ubi Leges recitentur & explicentur, & cujus Autoritate latæ sint, doceatur: officium Imperantis est in hanc rem loca, tempora, & Doctores constituere. Apud Judæos, septimo quoque die (quod Sabbatum vocabatur) Lex eorum Civilis legebatur in Templo, vel in Synagogis explicabatur: quo die à laboribus

ribus suis omnibus requieverunt: Rex sis quis esset ostendebatur, nempe Deus: Deum adoraverunt: eidem gratias pro redemptione sua à servitute Ægyptiaca, aliisque ejus beneficiis reddiderunt: & tandem quod diei reliquum erat, gaudiis non prohibitis consumpserunt. Itaque potestatis Dei absolutæ, non modo ut Dei, sed etiam ut Pacto Iudæorum Regis Ius in Decalogi Tabula prima continetur.

Et quoniam Puerorum institutio prima dependet à cura Parentum suorum sola: doceri illos voluit quinto loco Deus, ut Parentibus pro illo tempore obedirent, & in perpetuum honorarent. In Principio enim apud omnes gentes Pater in filios Summam habuit Potestatem, vitæque necisque arbitrium. Itaque etsi in constituendis Civitatibus, Potestati tali necessario Patres renunciaverint, honorem tamen propter alimenta & educationem debitum derelinquere, necessarium non erat. Officium ergo Imperantis est, ut mandatum hoc Decalogi quintum imitetur.

Porro, Officium Imperantis est, ut Cives Iustitiam doceantur: id est, ut primò, ne quis Civis Civem alium occidat, aut corpori damnum inferat sine Autoritate publica: quod est Mandatum sextum: violatur autem non modo ab iis, qui dolo aut (ut ajunt) turpiter interficiunt, sed etiam ab iis, qui hoc facere se necessario tuendi honoris causa dicunt: homicidiumque est tota illa vanorum hominum provocantium ad gladios consuetudo: quam Civitates ferè omnes sub gravissimis pœnis hæcenus frustra prohibuerunt. Nec quibus omnino Legibus extingui possit video, nisi forte Legibus jam factis addatur quoque hæc: ut quicumque nobiles sunt aut haberi cupiunt, juramento obstringantur, ne aut concivem ad certamen singulare provocent, neque provocanti respondeant: quo fiet ut laudis illa Hectoreæ (etsi Civem quemquam ab Hectore occisum esse nusquam legimus) aviditas, non modo pœnis aliis, sed etiam infamia perjurii temperetur, & provocatus pugnam declinandi prætextum habeat honestissimum.

Docendi præterea Cives sunt, quam gravia mala sint, in primis honoris conjugalis, & deinde bonorum quorumcunque concivis tum violenta tum fraudulenta ablatio: quantoque damno Iustitiæ publicæ & Pacis communis, in cognoscendis litibus, aut testes, aut judices corrumpuntur. Atque hæc continentur in Decalogi Mandatis septimo, octavo, & nono.

Postremò docendi sunt, non solum Facta Injusta, sed etiam faciendi consilia & proposita Injusta esse, etsi factum ipsum contingat impediri. Atque hoc est quod prohibet Mandatum decimum. Summa denique

denique Tabulæ secundæ ad unum reducitur Præceptum, *Diliges proximum tuum sicut teipsum.*

Vnde autem hæc & alia Civium Officia doceri possint, cognosci potest, si intelligatur à quibus falsis Principiis tot opiniones Paci generis humani contrariæ receptæ & retentæ sint: falsæ inquam, opinioniones, quas præcedente Capite enumeravimus, nempe *Civem unumquemque Indicem esse Boni & Mali. Legem sibi esse cuique Conscientiam suam. In Civitati in Bona Civium nullum esse. Tyrannicidium esse licitum.* Doctrinas has illi, quos necessitas aut studium lucri labori & occupationibus attentos facit: & illi quos aut abundantia, aut ignavia vel luxuria voluptatibus suis tradidit (quæ duo hominum genera, maximam partem faciunt generis humani) cum neque otium, neque voluntatem meditandi habeant, officiorum suorum regulas à Theologis publicè, aut privatim ab iis accipiunt, quos de doctrina Legum & Casibus Conscientiæ concionari & disputare eloquentissimè audiunt. Theologi autem & qui literas profitentur, Doctrinas suas ab Vniversitatibus & Scholis Legum Civilium, & ex Libris à Doctoribus illis editis acceperunt. Manifestum ergo est, populi instructionem dependere omnem à rectitudine opinionum, quas docent Vniversitates. Ante omnia ergo illæ reformandæ sunt. Quid autem, inquit aliquis, docendæne sunt Vniversitates? Et siquidem docendæ sunt, tu ne is es qui illas doceas? Quæstiones molestæ. Sed ad primam respondeo. Ante tempora Regis *Henrici Octavi*, in quæstione de Potestate Pontificia in Reges Christianos, cum Potestatem Papæ in ordine ad Spiritualia, Summam in Anglia esse, docuerunt Vniversitates omnes; rectène docuerunt? Negabis. Doceri ergo potuere Ministri illi qui (magno numero) Concionibus suis contra Regem optimum populum instigaverunt, nec minus unde doctrinas suas seditiosas, in Pulpita attulerunt. Sed unde Doctorum & Magistrorum Titulos (id est Authoritatem apud populum) obtinuerunt, nisi ab Vniversitatibus? Rectène hoc? Negabis. Doceri ergo potuerunt. Ad quæstionem secundam respondere non est meum; nec ut respondeam opus est. Nam qui legit quæ scribo, facile intelligat quæ sentio.

Summam habentis Potestatem Officium præterea providere, ut poenæ, quæ per Leges constitutæ sunt in omnes Cives, qui illas transgressi fuerint, æquè ab omnibus exigantur. Crimina quidem contra Summos Imperantes, ab ipsis sine iniquitate ignosci possunt; ejus enim est ignoscere qui injuriam passus est. Sed injuria facta contra Civem, sine consensu ejus, vel compensatione æqua, à nemine alio condonari potest. Quid enim? qui Patris vel Filii mei interfectori impu-

niratem præstat, nonne ipse quodammodo interfecisse dicitur? Eiusdem est videre, ne vulgus Civium à Magnatibus opprimatur, multo magis ne eorum consilio ipse opprimat, exemplum spectans Rehobohami; Sunt enim Civitatis robur homines plebeji. Curare etiam, ne Cives magni modicos laceffant opprobriis. Civi quidem infami turpitudinem suam obijcere, is qui in Civitate Authoritatem habet, rectè potest, sed loci humilitatem pro convitio dicere, & iniquum, & Civitati periculofum est. Si Cives magni quia magni propter potentiam coli postulant, Quidni & plebs quia multi, & potentior multo coli debeat. Quam autem Civium modicorum vilipendium Civitati periculofum sit, seditio eorum in Batavia quæ *Mendicorum* dicta fuit, mone-re debet. Civium inæqualitas non à re aliqua in seipsis eximia, sed à voluntate Summi Imperantis profecta est, id est à voluntate Civitatis; tantoque minus, facere debent factum incivilem. Irritandum vulgus, ne à Regibus quidem est; multo minus à concivibus quantumcunque sint potentes, ne dum illos ulcisci cupiat vulgus, Civitatem simul, quæ illos non prohibuerit, aggrediantur.

Ad æquitatem Imperantis pertinet etiam exactio æqualis Tributorum. Æqualitas autem illa non à Civium divitiis, sed ab eo quod unusquisque eorum, propter Protectionem suam Civitati debet. Civibus enim ad vitæ necessaria comparanda, non sufficiunt labores sui, nisi etiam ut laborent, & pugnent. Aut faciendum est, quod fecerunt à captivitate redeuntēs Iudæi, quando altera tantum manu lapides composuerunt, altera (propter metum incursionis hostilis) tenuerunt gladium. Tributa enim Civium pro mercede sunt, illi qui tenet gladium Civitatis, quo Civium industria protegatur. Itaque pro vitæ suæ conservatione idem debet pauper & dives, nisi quod qui multorum Civium opera simul utitur, pro multorum simul conservatione solvere debeat. Quod cum manifestum sit, hoc tantum quærendum restat, quomodo illa in Tributis solvendis æqualitas observari possit. Rationis enim non est, ut is qui industria & parsimonia alimenta acquisivit, magis quàm is qui inertia & luxuria quod habuit decoxit (cum à Civitate æqualiter uterque protectus sit,) oneretur. Æqualitas ergo pensionum in Publicum alia esse non potest, nisi ut unusquisque solvat pro ratione eorum quæ consumit, id est, nisi ut Tributa, non personis, sed rebus ipsis quæ consumendæ sunt, imponantur.

Quoniam autem sunt, qui nullo suo vitio, sed accidentibus quæ prævidere non potuerunt, in calamitates incidunt, ita ut alimenta sua nulla industria procurare valeant; ad Summi Imperantis officium etiam

etiam pertinet, ne quæ ad vitam necessaria sunt, illis defint. Cum enim in Summa necessitate existentibus, aliena surripere, aut etiam rapere, jure naturæ permillum sit, ne Civitati aliàs molesti sint, à Civitate alendi sunt, neque singulæ Civium incertæ charitati relinquendi.

Iidem autem si corpora idonea habeant, ad laborem compellendi sunt, & ne se exculent, dicendo, *nemo conduxit*, ferendæ sunt Leges quibus Navigandi, Agriculturæ, Piscaturæ, aliæque artes omnes quæ laborem postulant, foveantur. Si tamen indigorum continuo crescat numerus. in terras nondum satis inhabitatas transferendi sunt; non tamen ut incolas veteres exterminent, sed compellant in habitationem ætatiorem, ne magna ægri spatia percurrentes, à fructibus sponte natis viverent, sed alimenta à singulis agellis cultu sedulo impetrarent. Si quando autem alimentis hominum terra non sufficeret, omnibus ultimum à Bello erit, omnibus vel Victoria, vel Morte suffecturo.

Ad curam etiam Summi Imperantis pertinet, ut bonæ fiant Leges. Sed Lex Bona quænam est? Per Bonam Legem intelligo non Legem Iustam. Injusta enim non potest esse Lex; ut quæ sit uniuscujusque Civis consensu, in seipsum. Lex Bona est illa, quæ ad salutem populi *necessaria* est, & simul *perspicua*.

Finis enim Legum is non est, ut populum ab innoxia Libertate cohibeant, sed ne ab impetu passionum, temeritate, & stultitia in pericula & damna sibimet ipsis & Civitati incurrant; quemadmodum Viæ non ut Viatoribus impedimento sint, sepiuntur, sed ne cum Injuria concivium extravagentur. Lex itaque quæ *necessaria* non est, nec Legis finem spectat, non est Bona. Lex si Summo Imperanti utilis sit, et si necessaria non sit, Bona tamen alicui videri potest. Sed non est ita. Bonum enim Populi, & ejus qui habet Summam Potestatem, separari à se invicem non possunt. Princeps enim, qui subditis miseris imperat; miser est; & Populus debilis est, ad quos regendos arbitrio suo, is, qui Summam habet Potestatem, non habet Potentiam. Leges non necessariæ aliæ plerumque aliud non sunt, quam laquei ad capiendam pecuniam; quæ ubi Imperanti Summo obeditur, superflue sunt; ubi non obeditur, ad defensionem Populi non sufficiunt.

Legis Perspicuitas consistit non tam in ipsis verbis, quam in causarum propter quas Lex lata est narratione perspicua. Inde enim Legislatoris voluntatem cognoscimus, qua cognita facilius intelligitur Lex paucis quam multis verbis. Verba enim omnia ambigua sunt; multi-

plicando ergo verba, multiplicatur ambiguitas. Præterea verborum diligentia nimia, plerisque pro argumento accipitur, quod si verba observant, Legem non transgrediuntur; unde multæ oriuntur lites minimè necessariæ. Dum enim cogito, Leges antiquæ quam brevi oratione scriptæ fuerint; & ut gradatim creverint; videre mihi videor certamen quoddam inter Legum Scriptores, & Advocatos; ubi illi hos circumscribere, hi illos declinare student; & vincunt Advocati. Officium ergo est Legislatorum, id est Summè Imperantium, causas uniuscujusque Legis perspicuè edere, Legesque ipsas breves, sed verbis propriis facere, quantum possunt.

Summi Imperantis etiam est Pœnas & Præmia rectè dispensare. Cum autem Pœnarum Finis non sit Ultio, & exoneratio bilis, sed peccantis ipsius, aut (exemplo ejus) aliorum emendatio, illis Criminibus Pœnæ maximæ constituendæ sunt, quæ Civitati sunt damnosissima, qualia sunt ea, quæ ab odio Regiminis, quæ à contemptu Iustitiæ oriuntur quæ multitudinem irritant, & quæ nisi punita sint, videri possunt à Regente approbari. Indignatio enim populum non in Actores tantum, sed etiam in Authores Injustitiæ manifestè incitat, & in Potentiam omnem, qua videntur posse suffulciri. In criminibus autem quæ à Communi hominum infirmitate proficiscuntur, qualia faciunt homines insigniter lacesciti, & in magno metu, vel magna necessitate existentes, vel qui quod faciunt, utrum Crimen necne sit ignorant, Lenitati locus est, & à Lege naturæ exigitur. In seditionibus, punitio Ductorum, & instigantium, non seducti vulgi, Civitati (per exemplum) utilis est; nam quid faciunt ignorant. ignorantia autem, cum præsertim ipsi Civitati, quod non melius edocti, imputandum sit, condonari vel levius puniri debet.

Ejusdem Summæ Potestatis est, ita semper bonos remunerari, ut Præmia (per exemplum) ad bonum redundent Civitatis. Id quod fieri, si qui de Civitate bene meruerunt, ita promoveantur, ut alii Civitati bene serviendo promoveri sperent. Ab homine ambitioso, ne Civitati nocere velit, pecunia vel promotione emere, nihil habet in se de Natura Præmii, neque de natura Gratiæ, sed timoris; (Civitas autem Rex est filiorum superbia, & facta ita, ut timere non debeas;) neque ad utilitatem, sed ad damnum Civitatis fit; & certamen quoddam est, Summorum Imperantium cum cive ambitioso, simile ejus, quod fuit inter *Herulem* & *Hydrum* multicipitem, cujus uno Capite abscisso, in locum ejus tria subnascebantur. Eodem enim modo, si Ambitiosus unus Præmio victus fuerit, confurgent (exemplo ejus) plures, eadem spe, eadem facturi; nam sicut cætera venialia omnia,

ita

ita etiam flagitia pretio crescunt. Quanquam autem malorum hominum promotione Bellum civile differri aliquando possit, periculum tamen crescit, certiorque redditur ruina publica. Itaque contra Officium Summi Imperantis est, illos qui per turbas publicas ad Potentiam aspirant, Præmiis afficere, & non potius in principiis parvo periculo, quàm postea periculo majore opprimere.

Ad Officium Imperantis etiam pertinet bonos sibi eligere Consiliarios; id quod de Monarchis intelligendum est. Nam in Coetibus Summis, nulli sunt præter ipsos Consiliarii. Boni autem Consiliarii sunt, qui in omni genere negotii publici, maximè versati sunt, quibusque à Consilio pravo minima sit lucri spes. Quis sit qui à malo publico sibi expectet Bonum, scitu difficile est; cavendum tamen est ab iis quibus turbæ possunt esse utiles. Scire autem, qui Civitatis Consiliarii periti, & publicis negotiis pares, etiam difficilior est. In omni enim Arte, qui Artificem peritum ab imperito dijudicare potest, Artifex ipse est.

Quantumcunque autem periti in quocunque negotio publico, Consiliarii sint, Civitati melius consulent, si Consilium, Consiliique causas & rationes seorsim impertiant, quàm omnes simul per longas Orationes; meliusque præmeditatò quàm ex tempore; nam & plus habent singuli temporis ad agendorum consequentias percurrendas, & minus facile per Invidiam, Emulationem aliasque passiones quæ nascuntur à diversitate sententiarum, seducuntur.

In iis rebus, quæ Civitates externas non respiciunt, sed Civium commoda illa, quæ ex Legibus introrsum tantum spectantibus obtineri possunt, Consilium optimum est, quod à desideriis, & querimoniis sumitur singularium Provinciarum incolarum, illis enim maximè cognitum est, quibus rebus ipsi maximè indigeant. Itaque si nihil petant quod cum Jure Summæ Potestatis non consistat (quod, ut sæpius dictum est) integrum servari debet, diligenter audiendi sunt.

Dux Belli nisi Popularis sit, neque amabitur neque timebitur quantum opus est ab exercitu suo, nec proinde munere suo rectè persuegetur. Industrium, Fortem, Affabilem, Benignum, Fœlicem esse oportet, ut & Famam habeat Boni Imperatoris, & ut Milites suos diligere existimetur. Popularitas facit ut milites gratiæ ejus se commendent. Eadem Imperatoris, in militibus, quando opus est, corrigendis severitatem tutam efficit. Verumtamen Imperator, favore militum, nisi fidelitatis ejus cautio adhibeatur, Civitati periculosus fit, & maximè Civitati Democraticæ. Ad officium ergo ejus,

qui Summam habet Potestatem pertinet, ne exercituum suorum imperium, nisi & Ducibus idoneis, iisdemque bonis Civibus mandare velit.

Quando autem qui Summam habet Potestatem Popularis ipse est, à popularitate cuiuscunque Civis periculum nullum est. Ducem enim quantumcunque amatam; contra Regem suum, nisi eum aut factum ejus aliquod oderint, milites sequutos esse nusquam legimus. Imperandi enim Ius manifestum, res adeo popularis est, ut ad conciliandos sibi Cives solum sufficiat.

De officiis Summarum Imperantium versus se invicem nihil dicam, nisi quod contineantur in Legibus Naturæ supra commemoratis. Nam *Ius Gentium* & *Ius Naturæ* idem sunt. Quod potuit fieri ante Civitates constitutas, à quolibet homine, idem fieri potest per Ius Gentium à qualibet Civitate; & Lex quæ homini ante Iura Civilia, quid agendum, & quid fugiendum sit definit, eadem Civitatibus, per Summæ Imperantium Conscientias dictare intelligitur. Curia enim Iustitiæ Naturalis præter Conscientiam nulla est, quam regit solus Deus cujus dictamina respectu Dei, Naturæ Authoris, regnantisque in cordibus hominum, Leges sunt Naturales. De Regno autem Dei dicemus in sequentibus.

C A P V T XXXI.

De Regno Dei Naturali.

Conditionem hominum purè Naturalem, id est Libertatem integram, qualis est eorum, qui neque regnant, neque regnantur, Anarchiam esse & Bellum; Præcepta, quæ quomodo conditio talis fugienda sit docent, Leges esse Naturales; Civitatem sine Summa Potestate unius Hominis vel Coetus, vocabulum Inane esse; Cives habenti Potestatem Summam simplicem debere Obedientiam, præterquam in iis rebus, quæ pugnant cum Legibus Divinis satis ostensum est in Superioribus. Ad Officiorum Civilium doctrinam integram, restat, ut quænam sint Divinæ Leges inquiramus; quibus ignoratis, utrum is qui Summam habet Potestatem, congrua an incongrua Legi Divinæ imperet ignoratur; & proinde Cives, aut nimia obedientia Civili in Deum peccaturi, aut metu peccandi contra Deum, mandata Civitatis transgressuri sunt. Ad scopulum utrumque fugiendum, necessarium est ut Leges Divinæ quæ sint cognoscamus. Quoniam autem cognitio Legis à cognitione

tionem dependet Summæ potestatis, dicendum est in sequentibus de Regno Dei.

Dominus regnavit, exultet terra. Psal. 91. Rursus, Dominus regnavit, irascantur populi. Qui sedet super Cherubim moveatur terra. Psal. 98. Homines Divinæ Potentiæ velint nolint subjiciuntur; & si qui existentiam, vel Providentiam Divinam non agnoscant, non jugum excutient, sed propriam ipsorum tranquillitatem. Potentia hæc Divina, non modo super genus humanum, sed etiam super animalia cætera, atque etiam super res inanimatas, metaphoricè tantum Regnum dicitur. Regnare enim propriè sumpto verbo, est *imperando, minando, promittendo, regere.* Subditi ergo in Regno Dei non sunt res inanimatæ, neque creaturæ irrationales; quia præcepta Divina nulla intelligunt; neque Athei, aut qui actionum humanarum curam Deo esse non existimant; propterea quod nullam agnoscant Præceptum Divinum. Qui ergo credunt Deum esse, & generis humani curam gerere, & Præcepta Dei agnoscunt, in regno Dei soli Civès sunt; reliqui pro hostibus censi solent. Ut quis Verbis regatur, requiritur ut verba intelligat; quia illi, nisi hoc fiat, Leges non sunt; cum ad Essentiam Legis pertineat perspicua Promulgatio, qualis Ignorantiæ excusationem peccantibus tollere sufficiat. Promulgantur autem Leges Divinæ tribus modis; nempe per dictamen *Rationis Naturalis*; per *Revelationem*; vel per *vocem* alicujus hominis cui fidem apud cæteros fecit Deus, per operationem Miraculorum. Triplex ergo quodammodo dici potest esse Verbum Dei; Nimirum *Rationale, Sensibile, & Propheticum*, cui respondet triplex genus audiendi Deum; nempe *Recta Ratio, Sensus Supernaturalis, & Fides.* Sensus autem *supernaturalis*, cum sit nihil aliud, quam *Revelatio* homini singulari facta, illud solum obligat, cui facta est.

A differentia inter reliqua duo verbi Divini genera, *Rationale & Propheticum*, attribui Deo potest Regnum duplex, *Naturale & Propheticum.* *Naturale*, quatenus illos regit, qui Providentiam ejus agnoscunt, per dictamen Rectæ Rationis. *Propheticum* quatenus populum suum Electum, nempe primò Israelitas, & deinde Christianos; quos non solum per dictamina rationis Naturalis regit, sed etiam per Leges Positivas, illis datas per Prophetas suos. De Regno Dei Naturali tractabimus in capite præsentis.

Regni Divini Naturalis ius, quo Deus illos qui Leges Naturales violant, affligit, non ab eo derivatur; quod illos creaverit cum non essent; sed ab eo, quod Divinæ Potentiæ resistere impossibile est. Oñsensum supra est Potestatem Summam apud homines à *Pacto* esse;

ad intelligendum autem quomodo Ius idem oriri à Natura potuit, considerandum est, in quo casu sempiternum esse potuit. Cum enim per Naturam Ius esset omnibus in omnia, & per consequens Ius Regni haberet per Naturam, etsi (propter mutuam resistantiam) inutile unusquisque, si quis eorum tantam habuisset potentiam ut certam inde sibi in Bello victoriam contra omnes homines promittere potuisset; quæ ratio excogitari potest, quare quivis non potius & se, & omnes alios homines suo arbitrio, regnando in omnes, defendere voluisset, quam ad sui ipsius defensionem Iure constituendo Civili, Leges in seipsum accipere? Naturæ ergo omnipotenti, cui resisti non potest, Regnum & Dominium in genus humanum universum adhæret naturaliter. Atque Iuris, quo quem velit affligit, & cui velit ignoscit Deus, Fundamentum hoc est; non autem, ut multi arbitrati sunt, Peccata hominum.

Quæstio enim, *quare malis secundæ, bonis adverse res contingunt*, vultuissima est, & difficultatis tantæ, ut non modo vulgi, sed etiam Philosophorum, & quod majus est, Sanctorum, fidem concusserit. *Quam bonus Israel Deus* (inquit Psalmista Psal. 72. vers. 1, 2, 3) *his qui recto sunt corde. Mei autem pene moti sunt pedes, pene effusi sunt gressus mei. Quia relavi super iniquos, pacem peccatorum videns.* Etiam Iob, cum Deo quam acriter expostulat, quod justus existens, tam graviter afflictus fuerit. Quæstionem autem de querimonia Iob, decidit Deus, non argumentis à peccato ejus, sed omnipotentia sua derivatis. Cum enim amici Iob ab afflictionibus ad peccata argumenta sumerent, ille autem ab Innocentia sua se defenderet, Deus ipse sententiam laturus, afflictiones illas ab omnipotentia sua comprobavit. Dicendo *Ubi eras tu, quando ponebam fundamenta terræ*, aliisque similibus à Potentia ductis utendo; tandemque defensionem quidem Iobi confutavit, innocentiam vero approbavit, doctrinamque Amicorum ejus erroneam condemnavit. Atque cum sententia hac Dei congruit Servatoris nostri sententia de homine nato cæco his verbis, *neque peccavit hic, neque parentes ejus, sed ut opera Dei manifestarentur.* Quanquam autem dictum sit, *intrasse in mundum mortem per peccatum* (id est nisi peccasset Adam, mors non fuisset) non tamen inde sequitur, quod Deus illum justè affligere non potuisset, nisi peccasset, sicut cætera animalia affligit, quæ peccare non possunt.

Proximo loco considerandum venit, quænam sint Leges illæ Divinæ, quæ ad officia hominum spectant mutua, & quæ sint illæ quæ spectant ad cultum Dei naturalem. Prioris illæ sunt, de quibus dictum est capitibus 14, & 15. Considerandum ergo restat, quæ sint Naturalis

Naturalis Rationis (absque alio verbo divino) dictamina circa Majestatis Divinae *Honorem & Cultum*.

Consistit Honor in cogitatione honorantis interna , nempe in opinione quam de Potentia & Bonitate quisque habet illius quem honorare dicitur. Honorantis ergo Deum , est de Potentia & Bonitate Divina , quantum possibile est magnificentissime sentire. *Cultus* autem signa illa sunt ; quibus ita sentire aliis indicatur. *Cultus* enim propriè opera vel labor ille est , quem quisque in rem impendit quameunque ut ab illa sibi bonum aliquod obtineat. Res autem illæ unde Bonum expectamus , vel in nostra potestate sunt , ita ut bonum quod præstant , laborem nostrum sequatur naturaliter ; vel in potestate nostra non sunt , & proinde labori nostro , pro voluntate nostra , non respondent , sed pro natura Rerum. In sensu primo , quem terræ impendimus laborem , *cultus* , & *cultura* dicitur. In sensu secundo , ubi animi hominum ad voluntatem nostram ducendi sunt , non per vim , sed per officia , *Cultus* est omne officii genus , quo ipsis placendi studium indicatur ; qualia sunt ipsos laudare , magnificare , admirari , &c.

Ab Honore interno , nempe opinione magnifica de rei honorandæ Potentia & Bonitate , nascuntur tres Affectus ; *Amor* , qui refertur ad Bonitatem ; & *Spes* , & *Metus* quæ respiciunt ad Potentiam ; item tres partes *Cultus* externi , *Laus* , *Magnificatio* , & *Benedictio* , sive , ut loquuntur Græci , *μακαρισμός* ; quarum una Bonitatem altera Potentiam , tertia felicitatem attribuit.

Signa honoris aliqua sunt (tum in Attributis , tum in Actionibus) quæ ita sunt naturaliter ; ut in Attributis , *Bonus* , *Iustus* , *Liberalis* , & similia ; in actionibus , ut *Preces* , *Gratiarum actio* , & *Obedientia*. Alia signa Honoris fiunt per Voluntatem vel Consuetudinem hominum ; & proinde in temporibus quibusdam , & locis honorifica sunt , in aliis non sunt ; qualia sunt Ceremoniæ , & Gestus , quibus inter precandum homines diversis temporibus & locis , utuntur diversis ; & dici possunt *Cultus Arbitrarius*.

Cultus Arbitrarius alius est *imperatus* , ut qui fit arbitrio imperantis ; alius voluntarius.

Rursus alius est *Publicus* , alius *Privatus*. *Publicus* est *Cultus* Civitatis ; *Privatus* , Hominis Privati , sive Civis. *Publicus* respectu Civitatis liber est. Item *Cultus* privatus secretus quidem liber , in præsentia autem multitudinis nunquam est sine metu aliquo , vel à Legibus vel à reverentia astantium , quorum utrumque Libertatem aliquatenus dimittit.

Finis propter quem coli se velint homines , est Potentia. Quem

enim coli vident Potentem esse intelligunt. Finem autem propter quem coli se velit Deus Omnipotens, nullum video, præterquam ut beneficiat nobis; Cultusque noster debitus est, & illi juxta honorandi regulas, quas ratio Naturalis dicat Potentioribus à minus Potentibus observandas esse, boni adipiscendi, vel damni vitandi causa exhibendus. Inter Attributa, quæ Deo debita esse lumine naturali intelligimus, primum est *Existentia*, id est ut confiteamur *Deum esse*. Honorare enim, quod non putamus *esse*, impossibile est.

Secundum est *Omnipotentia*, & quod omnium rerum Conditor est, & Rector. Qui dicunt ergo Mundum æternum esse, Deum non honorant, quantum possunt. Neque illi, qui Deum rerum humanarum curam habere negant.

Tertium, Deum non honorant quantum possunt, qui Finitum esse dicunt. *Finita* enim addi potest. *Figuram* ergo Deo attribuire, est contra honorem Dei; propterea quod *Figura* omnis Finita est, & propter eandem rationem contra honorem Dei est, dicere quod illum concipimus, imaginamur vel aliquam ejus in animo habeamus *Ideam*. Quicquid enim concipimus Finitum est. Dicere item Deum *totum*; quia *totum* de Finito tantum dicitur. Dicere item quod Deus in loco hoc vel illo est; nam quicquid in loco est, circumscribitur, & Finitum est.

Quartum, contra Dei honorem est dicere plures esse Deos. Plura enim Infinita esse non possunt.

Quintum, contra honorem Dei est (juxta propriam verborum significationem) Deo attribuire Passiones, quæ subinducant Dolorum; ut *Penitentiam*, *Iram*, *Misericordiam*. vel quæ significant Indigentiam; ut Appetitum, Spem, Cupidinem, vel facultatē quamcunque Passivam. *Pati* enim est Potentia ab agente alio terminata. Itaque quando Deo attribuimus *Voluntatem*, non debemus per *Voluntatem* Appetitum Rationalem intelligere qualis in homine est, sed Divinam Potentiam quā omnia quæ sunt efficit. Similiter qui Deum *Videre*, *Sentire*, *Scire*, *Intelligere* dicunt (quæ facultates in hominibus nihil aliud sunt, quam animi ab Agentibus externis per corporis humani partes Organicas excitatus tumultus) nisi per ea verba intelligant Divinam & incomprehensibilem Potentiam, Deum non honorant.

Is qui Deo attribuire nomen nullum veller, nisi quod naturali Rationi conforme sit, Nominibus uti debet vel Negativis, *Infinitus*, *Æternus*, *Incomprehensibilis*; vel Superlativis, ut *Altissimus*, *Maximus*; vel Indefinitis, ut *Bonus*, *Iustus*, *Sanctus*, *Creator*; idque eo sensu, ut non velit declarare *quid sit* Deus, sed quantum ipsum admiramur & veneramur nos. Vnicum enim Naturæ suæ Nomen habet EST.

Actiões

Actiões autem quæ ad Cultum Divinum pertinent; Rationis est, ut signa sint Honoris; quales sunt primo loco *Preces*. Secundo loco, *Gratiarum actiones*; quæ tamen à *Precibus* in Cultu Divino non aliter differunt, nisi quod beneficium præcedant *Preces*, *Gratiarum Actiões* sequantur; cum tam harum, quam illarum finis unicus sit: nempe, ut beneficiorum tam præteritorum, quam futurorum, Deum Authorem esse agnoscamus. Tertio loco, *Dona*, id est *Sacrificia* & *Oblationes* (si in suo genere sunt optima) signa honoris sunt, & Cultus Divini pars Rationalis. Quartò, signum Honoris Deo exhibendi est, *non Jurare nisi per Deum*; illum enim solum esse scrutatorem cordium, jurando confitemur. Quintò, pars Cultus Rationalis est, de Deo non nisi consideratè loqui; signum enim est Timoris, & Timor Potentiæ Divinæ Confessio. Nomen ergo Dei non temerè usurpandum est, neque sine causa necessaria; nempe inter Cives ad certitudinem Iudiciorum, aut inter gentes ad evitanda bella. De Natura autem Divina disputare honori Deo debito contrarium est; supponitur enim, de Regno Dei sciri nihil posse, per Rationem Naturalem, id est per Principia Physica, quæ tantum abest, ut naturam Divinam patefaciant, ut ne nostram quidem aut cujusquam rei minimæ naturam nos docere possint. In Attributis ergo Divinis respiciendum non est, ad Definitiones vocabulorum, sed ad quam significant honoris Intentionem. Sextò, in *Precationibus*, *Gratiarum actionibus*, *Oblationibus*, & *Sacrificiis* dictamen Rationis Naturalis est, ut sint omnia in suo genere optima. In *Precationibus* & *Gratiarum actionibus* Dictiones, Verba, & Oratio tota si subita, levia aut rustica sint, è cultu Divino, ubi omnia pulchra & decenter composita esse debent, ejicienda sunt; nam Deum alioqui non honoramus quantum possumus. Quod Gentes Imagines pro Deo coluerunt, fecerunt absurdè; sed quod Carminibus & Musica, tum Vocali tum Organica id fecerint, laudabile erat. Septimò, dictat ratio Naturalis non solum ut secreto colamus, sed etiam, & præcipuè in publico coram hominibus. Nam absque eo, id quod in Cultu gratissimum est, nempe ut alii ad colendum Deum perducantur, perit. Postremò, Legibus obedire (nempe Legibus Naturæ; nam loquimur hic de Cultu Naturali) optimus omnium Cultus est; sicut enim apud Deum acceptior est *Sacrificiis* omnibus Obedientia; ita etiam mandata Dei parvi facere, maxima est contumeliarum. Atque hæ sunt Divini Cultus Leges Naturales. Quoniam autem Civitas Persona unica est, unicum exhibere Deo cultum potest, id est Cultum Legibus Civilibus imperatum; qui Cultus publicus dicitur, nec potest esse, nisi uniformis.

Cumque Verba omnia (& proinde Attributa Dei) significationem suam habeant à consensu & constitutione hominum, Attributa illa pro signis honorandi habenda sunt, quæ ita haberi volunt homines. Quodcunque autem voluntate hominum fieri potest, ubi nulla alia Lex est præter Rationem; fieri etiam potest, volente Civitate, per Leges Civiles. Quod autem à Civitate fieri potest, idem etiam per illum qui Summam habet in Civitate Potestatem fieri potest. Signa ergo honorandi Deum, quæ constituit is, qui Summam habet Potestatem, pro talibus in cultu Divino publico, à privatis hominibus accipienda sunt. Sed quia non omnes actiones possunt Honorificæ fieri per constitutionem hominum, (cum aliæ Honoris, aliæ Contumeliæ naturaliter signa sint). de iis actionibus solis, an in Cultum Divinum admittendæ sint, constituere potest Civitas, quæ suâ Naturâ nec Honorem nec Contumeliam significant; & quod statuerit Civitas observari debet.

Hactenus de Regno & Cultu Dei Naturali dictum est. Addam de poenis Naturalibus hoc tantum, quod peccata non constitutione consequantur, sed natura. Nulla ferè est humana Actio quæ initium non sit catenæ cujusdam consequentiarum, adeo longæ, ut ad finem ejus prospicere Providentia humana nulla possit. Concatenantur autem accidentia jucunda & molesta adeo insolubiliter, ut qui jucundum sumit, molestum quod adhæret, quanquam improvifum, necessariò etiam accipiat. Quemadmodum vim inferentes punit vis altera; intemperantiam puniunt morbi, &c. & tales sunt quas voco Poenas Naturales.

De Civitatis Constitutione, de Iure Summam habentium Potestatem, & de Officiis Civium, quæ à Principiis Rationis Naturalis deducenda erant, quæ dicenda habui dixi omnia; firma, perspicua, & Ingeniis liberis (ut puto) placitura.

Sed dum multitudinem eorum cogito, quorum Consilii ut sint falsa, expedit; quando illos qui doctrinas contrarias sustinent, ne Bello quidem Civili punitos, emendari video; cumque doctrinis Græcorum & Romanorum veterum seditiosis Ingenia optima innutrirî intelligo, vereor, ne scriptum hoc meum reipublicæ *Platonice, Prope, Atlanti*, similibusque ingeniorum lusibus annumeretur. Non despero, tamen, quin Regibus integris in sua Iura, Doctoribus in officia sua, & Civium, attentius inspecturis, hæc ipsa Doctrina consuetudine mitior facta, tandem aliquando ad bonum publicum communiter recipienda sit.

DE CIVITATE CHRISTIANA.

C A P V T XXXII.

De Politica Christiana Principiis.

Hactenus Summarum Potestatum Iura, Civiumque officia à Principiis purè Naturalibus deducta sunt; nimirum à Definitionibus vocabulorum consensu hominum approbatis. Sed ad ea, quæ dicenda sunt de Natura & Juribus *Civitatis Christianæ*, cujus cognitio dependet magna ex parte à Voluntatis Divinæ revelationibus supernaturalibus, adhibenda sunt Principia alia, nempe verbum Propheticum.

Verumtamen sensibus, Experientiæ, & (quòd Verbum Dei indubitatum est) rectæ Rationi, renuntiandum non est. Sunt enim illa instar Minæ, quæ à Servatore nostro hominibus ad negotiandum data est, nec in Fide implicità, quasi in sudario involuta, reponenda; sed ad Iustitiam, Pacem, veramque Religionem expendenda. Quanquam enim in Verbo Dei Rationem humanam superantia multa sint, id est, quæ Ratione Naturali neque demonstrari, neque confutari possunt, contra tamen rectam Rationem nihil reperitur.

Quoties ergò in locum aliquem difficiliorem, quàm ut à nobis examinari possit incederimus, intellectum nostrum verbis ipsis sine examine Philosophico, (propter mysteriorum Divinorum incomprehensibilitatem) debemus subicere & captivare. Mystera enim, ut pillulæ quas morbo laborantibus præscribunt Medici, si deglutiantur integræ, sanant; mansæ autem plerumque revomuntur.

Subiectio autem intellectus non ita intelligitur, ac si teneretur aliquis alicujus alterius sententiæ consentire; nam Sensus, Memoria, Intellectus, & Ratio nostra in Potestate nostra non sunt; sed tales sunt, quales res ipsæ necessariò in nobis efficiunt. Intellectum tunc subicere dicendi sumus, quando illis, quorum est de doctrinis statuere, non contradicimus.

Alloquitur homines Deus aut immediatè, aut alterius hominis, cui immediatè loquutus antè erat, Mediatione. Quo modo hominem Immediatè alloquatur, intelligi fortè potest ab iis, quos ita alloquutus

est; sed idem ut ab alio intelligatur, si non impossibile, certè difficillimum est. Nam si quis mihi diceret, Deum sibi supernaturaliter, & immediatè loquutum esse, dubitanti an id verum esset, non facile intelligo, quibus argumentis mihi Fidem faceret. Siquidem ita dicit is, cui debeo obedire, obedire teneor, eatenus, ut neque verbo, neque facto dissensum meum patefaciam. Ut credam autem, non potest cogere. Quod si, qui Authoritatem nullam habeat, huiusmodi aliquid dicat, causa nulla est, neque ut credam, neque ut obediam.

Quibus Deus locutus est in Scripturis Sacris, non immediatè loquutus est, sed per Prophetas, idque omnibus æqualiter. Qui Deum in Somnio ad se loquutum esse dicit, Deum ad se loquutum esse somniàsse se dicit. Somnia autem aliena pro Verbo Dei nemo accipiet, præsertim si somnia maximà ex parte naturalia esse, & ab arrogantia & superbia somniantis procedere posse sciat. Qui Visionem à Deo vidisse, aut Vocem audisse se dicit, somniàsse credetur; sæpe enim & facile vanis & imperitis hominibus somnia illudunt. Qui supernaturaliter inspiratam sibi esse à Deo doctrinam aliquam novam dicit, à sapientibus, ingenii sui admiratione insanire intelligetur. Quanquam autem in Somnio, in Visione, per Vocem, & per Inspirationem hominem alloqui potest Deus omnipotens, dicenti tamen Deum sibi ita loquutum esse, credere obligatur nemo, homini scilicet qui & errare, & (quod pejus est) mentiri potest. Quibus ergo rationibus sine Divina revelatione intelligere possibile est, quis sit vel non sit Propheta verus? In quadringentis Prophetis quos consulit Rex Israël de bello gerendo contra *Ramoth-Gilead*, verus erat unicus *Michajah*. Propheta ille, qui missus à Deo est, ad Prophetandum contra Altare, quod extruxerat Ierobeam, Propheta Dei erat, & miracula operatus est coram Rege; idem tamen ab alio Propheta deceptus, qui Divino nomine abusus est. Si Propheta Prophetam non cognoscat, quomodo possibile est, ut voluntas Dei certò, præterquam Ratione Naturali, cognoscatur? Respondeo, duo esse in Scripturis indicata Prophetæ veri signa, quibus conjunctim (non seorsim) Propheta verus dignoscatur. Seorsim (inquam) neutrum horum signorum sufficit. Si surrexerit (dicit Deus Deut. 13.) in medio tui Propheta, aut qui Somnium vidisse se dicat, & prædixerit signum atque portentum, & evenerit quod loquutus est, & dixerit tibi, Eamus & sequamur Deos alienos quos ignoras, & serviamus eis; non audies verba Prophetæ illius aut Somniatoris &c. Propheta autem ille & fictor Somniorum interficietur; quia loquutus est, ut vos averteret à Domino Deo vestro.

In his Verbis notanda duo sunt ; primum , quod Deus miraculorum operationem solam pro nota Prophetæ veri haberi non vult , sed quod miraculum fieri patitur , ut constantiam populi sui experimento tentet. Miracula fecerunt etiam Incantatores *Ægyptii* , non tamen illis credendum erat. Secundum , quod quantumvis magnum sit miraculum , si tendat tamen ad rebellionem contra Regem , aliud non est præter fidelitatis populi probationem. Similiter , postquam servator noster *Iesus Christus* pro vero *Messiah* , id est pro Rege à Discipulis agnitus esset , monere illos de Miraculorum periculo non omisit. *Notite* (inquit) *credere ; surgent enim Pseudochristi & Pseudoprophetæ , & dabunt signa magna & prodigia , ita ut in errorem inducantur (si fieri potest) etiam electi.* Vnde constat fieri posse miracula etiam à Pseudoprophetis , nec tamen ut doctrinâ eorum pro Verbo Dei recipienda sit. Et *S. Paulus* ad *Galatas* cap. 1. vers. 8. *Siege , aut Angelus de Cælo Evangelium aliud prædicaverit vobis , quam quod ego prædicavi , Anathema sit.* Quid autem erat , quod prædicaverat *Paulus* , nisi quod *Iesus Christus* erat Rex *Judæorum* ; aded ut prædicatio omnis contra Potestatem Regiam , juxta sententiam *S. Pauli* Anathematizanda sit.

Sicut autem miraculorum operatio , si doctrina , quam operator introducere conatur , contraria sit Doctrinæ , jam à Deo institutæ ; ita veræ Doctrinæ prædicatio sine miraculi operatione , Revelationis immediate signum est insufficiens. Itaque qui Doctrinam veram prædicat , si sine dato Miraculo sibi credi , ut Prophetæ postularer , audiendus non esset , ut patet ex *Deut. 18. 21.* *Quod si tacita cogitatione responderis ; Quomodo possum intelligere Verbum , quod Dominus non est loquutus ; hoc habebis signum. Quod in nomine Domini Propheta ille prædixerit , & non evenierit , hoc Dominus non est loquutus , sed per tumorem animi sui Propheta confinxit , & idcirco non timebis eum.* Sed poterit aliquis hîc objicere , cum Propheta prædixerit aliquid futurum , quomodo scire possumus , utrum futurum sit , necne. Prædicere enim potest , quod post tempus longissimum futurum sit ; vel indefinite , quod futurum sit aliquando. Itaque signum hoc inutile erit. Quare ut Propheta aliquis agnoscat , confirmari debent , quæ prædicat , per eventum , aut præsentem , aut paulò post futurum. Patet ergo , duo hæc signa , nempe Religionis receptæ prædicationem , & Miraculorum operationem , conjunctim oportere attendi , non seorsim , quis verus Propheta , id est , quis sit , ad quem Deus immediate loquutus.

Cessantibus autem jam pridem Miraculis , signum , quò Revelationem,

nem, aut Inspirationem hominis cujusquam privati cognoscamus, aut ad Doctrinam ejus recipiendam obligemur, habemus nullam, præter Scripturas Sacras, quæ à tempore Apostolorum, miraculorum locum suppleant & Prophetiæ cessationem satis compensant. Ex quibus Scripturis, per interpretationem rectam, cautamque ratiocinationem, præcepta & regulæ ad scientiam officiorum nostrorum, tum erga Deum, tum erga homines, necessariae, sine Enthusiasmo, aut Inspiratione supernaturali facile depromi possunt. Ex illis ergo eorum, quæ de Iure Summæ Potestatis Civitatis Christianæ dicturus sum, Principia sumenda sunt. Itaque in Capite proximo, de Libris, Scriptoribus, Scopo & Autoritate Sacri Biblii dicendum est.

C A P V T XXXIIL

De numero, Antiquitate, Scopo, Autoritate, & Interpretibus Librorum Sacrorum.

Libri Sacri illi sunt, qui pro vitæ Christianæ *Canone* sive Regula habendi sunt. Quoniam autem vivendi Regulæ, illis quibus præscribuntur, si illas observare obligantur Leges sunt, quæstio oritur de Legibus per totum orbem Christianum, tum naturalibus tum civilibus, quamam Autoritate Leges factæ sint? Quamquam enim in Scriptura Sacra, quas leges unusquisque Rex, sive Cætus Christianus constituere in Dominio suo debeat, definitum non sit; quas tamen constituere non debet, definitum est: Cum autem ostensum sit supra, illos, qui Summam habent in Civitate sua Potestatem solos Legislatores esse; sequitur, Libros illos solos Canonicos, id est Leges esse in unaquaque Civitate quæ Summi Imperantis Autoritate latæ sunt. Imperantium omnium Imperator Deus quidem est, & illi à Civibus præstanda obedientia; quicquid in contrarium jubeat Rex terrenus. Sed de obedientiâ Deo præstandâ controversia nulla est, sed *quando & quid loquutus sit Deus*; id quod ab iis, quibus nulla data est Revelatio supernaturalis, sciri non potest, nisi per Rationem illam naturalem, qua Pacis & Iustitiæ obtinendæ causa, Autoritati Summarum Potestatum sese submiserunt. Quare nullos ego Libros pro Scriptura Sacra agnoscere debeo, præter eos, quos sancivit Ecclesia Anglicana. Quinam autem illi Libri sint, non est opus hoc loco recensere. Testamenti Veteris numerat Iosephus viginti & duos; nempe *Mosis* quinque, Prophetarum tredecim, & reliquorum quatuor. Eosdem numerat Hieronymus, nimirum, *Mosis* quinque; Prophetarum Octo,

octo, & Hagiographorum novem. Uterque Librum *Sapientia Solomonis*, *Ecclesiasticum*, *Indith*, *Tobiam*, primum & secundum *Machabeorum*, à Canone, excludit. Eosdem solos transtulerunt *Septuaginta Interpretes* in linguam Græcam, homines Iudæi Græcæ linguæ periti, iussu Regis *Ptolomæi*. De Libris Testamenti Novi inter Ecclesias Christianas controversia nulla est. Librorum Sacrorum Scriptores qui fuerint, ex Historiis ostendi non potest; ipsorum ergo Librorum lumine investigandi essent, si omnino investigari possent. quod lumen etsi uniuscujusque Libri Scriptorem non ostendat, ostendit tamen, quo ferè tempore quisque Scriptus fuerit.

Liber *Pentateuchi* Scriptorem habuisse *Mosem* non videtur, sed potius de *Mose*, quam à *Mose* scriptum esse. Legimus Capite ultimo Deuteronomii vers. 6. *Et non cognovit homo Sepulchrum ejus usque in præsentem diem*, id est, usque in diem, in quo Liber ille scriptus erat. Scriptum ergò esse, longo post mortem Moïsis tempore, manifestum est. Quod *Mosem* verba hæc scripsisse per Prophetiam dicant, ineptum est. Rursus in libro *Geneseos* cap. 12. vers. 6. legimus, *Pertransiit Abram terram usque ad locum Sichem, usque ad convallem illustrem; Chananeus autem tunc erat in terra*. Quæ verba esse non possunt, nisi ejus, qui tunc scripsit, quando in ea terra *Chananeus* non erat. Non sunt ergo ea verba Moïsis. Rursus Num. 21. vers. 14. sic legimus: *Dicitur in Libro bellorum Domini. Sicut fecit in Mari rubro, sic faciet in torrentibus Arnon*. Quæ scribi à *Mose* ipso non potuerunt: Ea sola scripsit *Moses*, quæ à Scriptore *Pentateuchi* scripsisse dicitur, nempe volumen Legis, quæ habetur in Deuteronomio à Capite undecimo usque ad finem Capitis vicefimi septimi, & quam in aditu terræ *Chananeæ* lapidibus inscribi jussit Deus. Volumen hoc scripsit ipse *Moses*, tradiditque Sacerdotibus, Senioribusque *Israelis*, *Israelitis* omnibus in sexto Tabernaculorum septimo quoque anno recitandum. Atque hæc Lex ea est, quam Deus à sacerdotibus & *Levitibus* transscriptam, à Regibus populi *Israelitici* futuris legi jussit.

Quod Liber *Iosue* longo tempore scriptus sit post mortem ejus, ex Libro ipso colligi potest. Cum in medio alveo *Iordanis* erexisset *Iosua*, in monumentum transitus *Hebræorum* duodecem lapides; scriptor Libri de illis dicit, *Et ibi sunt usque in præsentem diem*. *Ios. 4. 9.* Similiter *Ios. 5. 9.*, cum dixisset Deus ad *Iosua*, *Hodie abstuli opprobrium Ægypti à vobis*. Dicit Scriptor, *Vocatum est nomen loci illius Gulgala, usque in præsentem diem*. Hæc & alia argumenta similia ex aliis locis Libri *Iosue*, ut *Ios. 8, 29: 13, 13: 14, 14: 15, 63.*

ostendunt Librum Iosue scriptum esse satis longo tempore post illius mortem.

De libro *Iudicum* ex cap. 18, 30, manifestum est quod post Captivitatem decem Tribuum scriptus sit. Vbi dicitur, *Posuerunt sibi sculpile, & Ionathan ac filios ejus Sacerdotes in tribu Dan, usque ad Diem captivitatis sue.*

Liber *Ruth* scriptus est, ut videtur ex cap. 1, 1, post Librum *Iudicum*.

Quod Libri *Samuelis* post mortem illius scripti fuerint, ostendunt loci sequentes 1 Sam. 5, 5: 7, 13, 15: 27, 6: & præterea 30, 25, ubi, postquam David partem spoliis illis qui remanserunt ad sarcinas æquam cum descendentibus ad prælium adjudicasset, dicit Scriptor: *Et factum est hoc, ex die illa, & deinceps constitutum & præfixum quasi Lex in Israel usque in diem hanc.* Item 2 Sam. 6, 4, ubi David propter Mortem Vzza contristatus est, dicit Scriptor: *Vocatum est nomen loci illius Percussio Vzza usque in diem hanc.*

Loci ex Libris Regum & Paralipomenon similes ante dictis, nempe 1 Reg. 9, 13: 9, 21: 10, 12: 12, 19: 2 Reg. 2, 22: 8, 22: 10, 27: 14, 7: 16, 6: 17, 23: 17, 34: 17, 41: 1 Paral. 4, 42: 5, 26. ostendunt Scriptos esse illos Libros longo tempore post res ipsas gestas. Quod autem etiam post Captivitatem Babylonicam, argumento est, quod ipsa historia in Captivitatem desinit. Facta enim vetustiora esse necesse est, quam historiam, multo magis, quam Libros illos, qui Historiam citant, ut faciunt hi Libri, qui citant Annales Regum Israel, Librum Prophetæ *Samuelis*, Librum Prophetæ *Nathan*, Librum Prophetæ *Abijah*, Visionem *Iehdo*, Libros Prophetæ *Serviah*, & Prophetæ *Addo*.

Quod Libri *Esdra* & *Nehemie* scripti fuerint post reditum à Captivitate ex Libris ipsis manifestum est, reedificationem murorum & domuum Ierusalem, & Pacti renovationem, & Politicæ ordinationem enarrantibus.

Liber *Ezra* in ipsa Captivitate, vel post eam scriptus est.

Temporis, in quo scriptus sit Liber *Iob*, notam in ipso nullam invenio. Quamquam autem personam veram, non fictam fuisse *Iobum* (ex *Ezekiel* 14, 14. & *Iac.* 4, 11) certissimum sit; Liber tamen ille Historicus non videtur, sed Tractatus Moralís de Questione antiqua, *Quare improbis in hac vita bene, probis autem plerumque male est.* Id, quod ex eo probabilius fit, quod à principio Libri usque ad tertii Capitis versum tertium, nempe querimoniarum *Iobi* initium, oratione prosa Hebraice, scriptus est; inde autem usque ad ultimi

Capiti

Capitis versum sextum Versu Hexametro, & rursus quod ultimi Capituli restat oratione prosa. Ita ut disputatio circa quaestionem tota Versus sint; prosa autem in sola Praefatione & Epilogo inveniat. Versus autem neque illis, qui in magnis doloribus constituti sunt, ut *Iob*, nec illis qui consolaturi miseros veniunt, ut amici ejus, stilus usitatus est, sed Philosophis moralibus priscis frequentissimus.

Psalmi maxima ex parte à *Davide* scripti sunt ad usum Chori, alii non multi alios Autores *Mosem*, Sanctosque homines alios habent; quorum aliqui vixerunt post reditum à Captivitate, ut *Psalmus* 137, & *Psalmus* 126, & temporibus *Antiochi* scriptus *Psalmus* 79.

Maxima item pars *Proverbiorum Solomonis* sunt; sunt autem eorum aliqua scripta ab *Agur*, aliqua à matre Regis *Lemuel*. Collecta autem in Librum unum fuisse à *Solomone* virisimile non est. Liber ergo ille post tempora *Solomonis* scriptus est.

Ecclesiastes & *Cantica Canticorum*, quin *Solomonis* sint, dubium nullum est.

Prophetarum antiquissimi sunt *Sophonias*, *Ionas*, *Amos*, *Hosea*, *Isaias*, & *Micajah*, vixeruntque temporibus *Amasia*, & *Azarie* (alias *Orie*) Regum *Iudae*. Liber *Ionae* non tam Prophetia ejus est (continetur enim tota his verbis, *quadraginta dies & Ninive destruetur*) sed perversitatis & contumaciae ejus Narratio historica. Author ergo Libri illius non fuit Propheta ipse. Liber *Amos* prophetia ipsius est. An tamen ab ipso scriptus sit, non apparet.

Jeremias, *Abdias* (live *Obadias*) *Nabum*, & *Habacuc*, *Iosia* temporibus prophetaverunt. Vtrum autem Prophetias suas ipsi scriptas ediderunt, sciri non potest. Id quod etiam de *Ezechiele*, *Daniele*, *Aggeo*, & *Zacharia*, qui vixerunt in Captivitate ipsa, dicendum est.

Quando autem prophetaverint *Ioel* & *Malachias*, ex ipsorum Prophetiis non apparet. Verumtamen manifestum satis est veteris Testamenti Scripturam totam, ea forma, quam nunc videmus, neque ante reditum à Captivitate *Babylonica*, neque post *Ptolomae Philadelphii* tempora editam fuisse. Quod si Libris *Esdrae* Apocryphis fides habenda sit, ab ipso *Esdra* edita est; nam Libri secundi Cap. 14, vers. 21, 22, &c. sic scribitur: *Quoniam Lex tua incensa est, propter quod nemo scit quae se facta sunt, vel quae incipient opera. Si inveni in te gratiam, immitte in me Spiritum Sanctum, & scribam omne quod factum est in seculo ab initia, quae erant in Lege tua scripta, ut possim homines invenire semitam, & qui voluerint vivere, in novissima, vivant.* Deinde vers. 48. *Et factum est, cum complevissem quadraginta dies, loquutus est Al-*

tissimus dicens: priora quæ Scripsisti, in palam pone, & legant digni & indigni; novissimos autem Septuaginta conservabis, ut tradas eos sapientibus de populo tuo.

Scriptores Testamenti Novi vixerunt omnes tempore ipsius Christi, & (exceptis Paulo & Luca) illum viderunt. Tempus autem, in quo Testamenti Novi Libri primum ab Ecclesia pro ipsorum scriptis agniti & recepti sunt, tempore Apostolorum aliquanto posterius erat. Sic enim Libros Testamenti Veteris altius derivare non potuimus quam ab Esdra, qui auxilio Spiritus Sancti, perditos restituit: ita Libri Testamenti Novi ab altiore tempore derivari non possunt, quam ab eo, quo Rectores Ecclesiarum illos collegerunt, probaverunt; & ut scriptos ab Apostolis & Discipulis Christi, quorum nominibus inscribuntur, nobis commendaverunt. Enumeratio Librorum tum Veteris tum Novi Testamenti prima, est in Canonibus Apostolorum facta à Clemente primo (post Petrum) Episcopo Romano. Sed quoniam de Canonibus illis controversia est, Scripturæ Sacræ, qualem habemus nunc, receptio publica, Concilio Laodicensi attribuenda est, quod Concilium habitum est Anno post Christum natum 364. Quamquam autem eo tempore apud Doctores Ecclesiæ ambitio prævaluerat, in tantum, ut Imperatores etiam Christianos; pro Ovis, non pro Pastoribus, & Imperatores non Christianos, pro Lupis haberent, Doctrinæque suas pro Legibus non pro Consiliis valere vellent, & de piis fraudibus cogitare inciperent; non tamen adducor, ut illos credam exemplaria Testamenti Novi corrupisse, in manibus eorum solis tunc fere existentia. Nam si hoc facere voluissent, Doctrinis suis multis fecissent illa magis favorabilia. Dubium igitur non est, quin Testamenta Vetus & Novum, ut nunc extant, Monumenta vera sint earum rerum quæ dictæ & factæ sunt à Prophetis, & Apostolis, & aliis Scripturæ Sacræ Scriptoribus. Dubium etiam non est quin potuerit Ecclesia in Canonem etiam alios Libros recipere à Iudæis quamquam lingua Hebræa non scriptos, si modo cæteris Doctrinam non contrariam continuissent. Non enim à Scriptoris Dialecto, sed à Doctrina, partimque etiam à tempore scriptionis, an Liber aliquis in Canonem recipi mereatur, judicandum est. Erant autem in Iudæa Sancti viri Iudæi, qui linguam Græcam perfecte calluerunt. Sed Libri non à Scriptoris, sed ab Ecclesiæ Autoritate recipiendi sunt. Librorum autem Sacrorum Autoritati non parùm addit, quoddam etsi diversis temporibus à diversis hominibus scripti sint, eodem tamen Spiritu omnes scripserint, & in unum & eundem Scopum conspirant, nempe explicationem Iuris Regni Cœlestis, in *Deo Patre, Filio, &*

Spiritu

Spiritus Sancto. Nam liber Geneſeos Genealogiam populi Dei deducit à Creatione uſque ad exitum eorum in Ægyptum, Reliqui quatuor Libri *Mofis* explicant Regni Cœleſtis Inſtitutionem & Leges. Libri *Iſue*, *Iudicum*, *Ruth*, & *Samuelis*, populi Dei geſta narrant uſque ad Regem *Saul*, quo tempore Regnum Dei recuſantes, Regem poſtularunt ad morem Gentium vicinarum. Reliqua Hiſtoria Veteris Teſtamenti, *Davidis* Lineam, per Reges *Iudæ* deſcribit, uſque ad Captivitatem; ex qua Linea oriri debuit Regni Cœleſtis reſtitutor, Servator noſter Dei filius: cujus adventus in Libris Prophetarum prædictus eſt. Huius vitam & facta ſcripſerunt Euangeliftæ. Poſtremò, Apoſtolorum Acta, & Epistolæ adventum declarant Spiritus Sancti, & ab eo datam Eccleſiæ Autoritatem, & Gratiam, ut prædicatione ſua homines ad ſalutem in Chriſto invitarent.

Quæſtio hodie ventilatur inter Chriſtianæ Religionis Sectas, Vnde habeant Scripturæ Sacræ, eam quam habent Autoritatem? quæ quæſtio proponi ſolet ſic, *Qui ſcimus Scripturas eſſe Verbum Dei?* difficultatemque habet tantummodo à quærendi modo. Nam quod Deus ipſe Scripturæ Sacræ Author ſit agnoſcunt omnes, & credunt. Quod autem id ſciant, niſi à Deo ipſo ſupernaturaliter revelatum eſſet, impoſſibile eſt. Quæſtionem hanc proponunt alii ſic: *Cur credimus Scripturas eſſe Verbum Dei?* Ad quam quæſtionem, quia, ut id credant diverſi homines propter cauſas diverſas inducuntur, reſponſio univerſalis dari non poteſt. Quæſtionis ſtatus verus hic eſt, *qua Auctoritate Scripturæ Sacræ ſiant Leges.*

Quatenus non diſſerunt Scripturæ à Legibus naturæ, dubium non eſt, quin ſint Leges Dei, Auctoritatemque habeant, omnibus qui ratione Naturali præditi ſunt manifeſtam. Sed Authoritas hæc alia non eſt, quàm quæ Doctrinæ omni morali, ſi vera ſit, attribuenta eſt.

Si Leges à Deo ipſo factæ ſint, nempe Leges Divinæ poſitivæ, nulla accedente Authoritate humana, illis ſolis Leges ſunt, quibus Deus ipſas ita promulgavit, ut nulla illis per ignorantiam relinquantur excuſatio.

Illi igitur quibus Deus non revelavit ſupernaturaliter, quod Scripturæ ab illo ſint, vel eos, qui illas prædicant, ab eo miſſos eſſe, nulla, ut eas recipiant, Authoritate obligantur, præter quam ejus, qui Summam habet in Civitate Poſteſtatem. Is enim Legiſlator ſolus eſt. Rurſus, ſi Authoritas Civitatis non ſit, quæ Scripturas facit eſſe Leges, Authoritate aliquâ aliâ vel privatâ vel publicâ id fiet. Si privatâ, is ſolus ad obedientiam tenetur, cui Deus illas ſupernaturaliter

pro Legibus dictavit. Nam si unusquisque pro Legibus Divinis habere obligaretur, quicquid aliquis prætextu Inspirationis vel Revelationis obruderet (in tanto hominum numero, per arrogantiam, vel ignorantiam, somnia, phantasmata Insaniamque pro Spiritus Divini testimoniiis accipientium, vel per Ambitionem falso jactantium) impossibile esset, ut Leges ullæ pro Divinis agnoscerentur. Sin Scripturæ Leges fieri non possunt sine Autoritate publica, Autoritas illa Civitatis erit, vel Ecclesiæ. At Ecclesiæ si una Persona sit, eadem res est cum Civitate; quæ quidem quia constat ex hominibus, Civitas; quia constat ex hominibus Christianis Ecclesiæ appellatur. Torus autem numerus Christianorum hominum, nisi una Civitate comprehendantur, non est Persona una; neque ulla existit Ecclesiæ Vniversalis, cujus Autoritate regendi sint. Scripturæ ergo non fiunt Leges per Autoritatem Ecclesiæ Vniversalis. Quod si Civitas una esset per totum orbem Ecclesiæ Vniversalis; sequeretur Reges Cœtusque Summos, pro privatis personis habendos esse, & ab una Vniversali Potestate per totum Orbem Christianum judicandos, deponendos & puniendos esse. Quæstio igitur de Autoritate Scripturarum reducit ad hanc: *Vtrum Reges Christiani, iique Cœtus, qui in Civitatibus Christianis Summam habent Potestatem, liberi sint in suis ipsorum Dominiis; an uni Vicario Christi subditi sint ab eo judicandi, condemnandi, deponendi, interficiendique, prout Vicario illi expedire bono communi Spiritualis visum fuerit?*

De qua Quæstione determinandum non est, antequam propius inspexerimus in iura Regni Dei; ut sciamus inde, cujus sit Scripturas Sacras interpretandi Autoritas. Quicumque enim Potestatem habet legitimam faciendi, ut Scriptura aliqua pro Lege habeatur, Potestatem etiam habet, ejusdem Scripturæ Interpretationem approbandi & improbandi.

C A P V T XXXIV.

De Significatione quam habent in Scripturis Sacris Vocabula Spiritus, Angelus, Inspiratio.

Cum rectè ratiocinandi fundamentum positum sit in significatione Vocabulorum; quorum Definitiones in Doctrina sequente non dependent (ut in Scientiis Naturalibus) ab arbitrio hominum, aut vulgi usu, sed à sensu, quem habent in Scriptura Sacra; necessarium est, antequam ulterius progrediar, ut ex Scriptura Sacra, Verborum

horum eorum Significationem stabiliam, quibus per ambiguitatem suam, ea, quæ ab illis illaturus sum, reddi possent obscura aut dubia. Incipiam autem à Vocabulis *Corpus* & *Spiritus*, quæ in sermone Scholastico appellari solent *Substantia Corpora* & *Incorporea*.

Corpus significat universaliter id quod *locum* aliquem certum implet sive occupat; nec dependet (ut locus ipse) ab imaginatione nostra, sed pars est *realis* ejus, quod vocamus *Vniversum*. *Vniversum* enim, cum sit Corporum omnium Aggregatum, nullam habet partem, quæ non sit etiam *Corpus*; neque dicitur propriè *Corpus*, quod non sit totius *Vniversi* aliqua pars: Quoniam autem Corpora, variè apparent, dicuntur etiam variis *Subiecta* esse Accidentibus, nimirum aliquando quiescere, modo Calida, modo Frigida; interdum Coloris, Odoris, Saporis vel Soni unius, interdum alterius: & propter eam causam nominantur *Substantie*. Diversitas autem hæc Apparitionum (quæ oritur ab operatione varia corporum externorum in Organa sentiendi) facit, ut illas mutationibus Corporum Agentium attribuamus, & *Accidentia* esse putemus ipsorum corporum. Iuxta hanc Vocabuli Corporis acceptionem, *Corpus* & *Substantia* idem significant; & proinde vox composita *Substantia Incorporea* est insignificans, æque ac si quis diceret *Corpus Incorporeum*; neque illa neque vox *Immaterialis* in Scriptura Sacra usquam invenitur.

Iuxta sensum autem vulgi, non totum *Vniversum* pro Corpore haberi solet, sed partes ejus illæ tantum quas agere in se ipsos aut Tactu sentiunt, quando resistunt, aut Visu, quando prospectum Impediunt. Itaque in Sermonem vulgi *Aer* & *Substantia Aerie*, non habentur pro Corporibus, sed (quoties ab illis aliquid patiuntur (Ventus & Spiritus dicitur ut *Spiritus Vitalis* & *Spiritus Animalis*. Quod autem attinet ad Idola Cerebri, sive Phantasmata, quæ videntur & non sunt, qualia in Speculis & Somniis, vel etiam aliquando per Cerebri intemperiem vigilantibus apparent, Spectra sunt, & (quod Apostolus *Vniversaliter* de Idolis dicit) *Nihil*. Nihil, inquam, omnino ibi ubi videntur esse, neque in Cerebro ipso aliud quam tumultus ortus ab Organorum agitatione. Homines autem quorum animi aliis cogitationibus occupati, rerum causas non inquirunt, nesciunt, quomodo vocanda sint, & proinde facile persuaderi possunt ab illis, quorum Scientiam reverentur, ut vocent illa, non Spectra, sed Corpora; putentque compacta esse ex Aëre per Potentiam aliquam Supernaturalem, etiam persuaderi possunt alii, quod sint Spiritus; propterea, quod in loco ubi videntur esse, Tactu percipere nihil possunt. Propria ergo significatio *Spiritus* in Sermonem vulgi, aut Corpus subtile, fluidum,

fluidum, & invisibile est, aut Spectrum, id est Idolum seu Phantasma. Significationes autem Metaphoricæ, præsertim in Scriptura Sacra, multæ sunt. Sumitur enim aliquando pro Disputatione sive Inclinatione; ut quando dicimus *Spiritum contradiotionis*, *Spiritum immundum*, *perversum*, *Spiritum Dei*, pro contentioso, pro immundo, pro perverso homine, pro eo qui se disposuit ad serviendum Deo. Aliquando etiam accipitur pro eminente qualibet facultate, vel etiam pro morbo animi insolito; ut ubi *Egregia Sapientia* appellatur *Spiritus Sapientie*; & ubi homines *mente capti Spiritu* dicuntur *possideri*.

Vocabuli *Spiritus* Significationes in Scripturis Sacris alias non invenio. Si ergo Scripturæ loco alicui nulla harum significationum accommodari potest, locus ille intellectum nostrum superare existimandus est. Nec mirum, cum Natura Dei incomprehensibilis sit; & Nomina ei attribuenda sint, non tam ad naturam ejus, quam ad honorem quem illi exhibere debemus congruentia.

Gen. 1. 2. *Et Spiritus Domini ferebatur super aquas*. Per *Spiritum Dei*, si intelligatur Deus ipse, *Motus* Deo, & per consequens *Locus* attribuitur; quæ de incorporeis intelligi non possunt. Gen. 8. 1. Ubi quando terra aquis (ut in principio) contacta erat, Deus diminuire illas volens *Adduxit Spiritum super Terram & imminutæ sunt aquæ*. In quo locus *Spiritus* videtur intelligendus esse pro *Vento*. Quid ni ergo pro eodem ponatur etiam prædicto Capite primo vers. 2. ?

Gen. 41. 38. Sapientiam Iosephi appellat Pharao *Spiritum Dei*. Cum enim Iosephus ei consuluerat, ut virum Terræ Egypti præficeret Sapientem, & industrium, respondit Pharao, *Num invenire poterimus talem virum qui Spiritu Dei plenus sit*. Exod. 28. 3. *Loqueris cunctis Sapientibus corde, quos replevi Spiritu Prudentiæ, ut faciant vestes Aaroni in quibus sanctificatus ministret mihi*: Vbi rursus Prudentia, quamquam in re vestiaria tantum egregia, nominatur à Deo *Spiritus Dei*. Eodem sensu accipitur *Spiritus* Exod. 31. ver. 3, 4, 5, 6, & 36, 31. Isa. 11. 2, 3. *Et requiescet super eum Spiritus Domini, Spiritus Sapientie & Intellectus, Spiritus Consilii & Fortitudinis, Spiritus Scientiæ & Pietatis; & replebit eum Spiritus Timoris Domini*. Vbi manifestè intelliguntur, non totidem Spectra, sive Substantiæ Incorporeæ, sed Gratiæ excellentes in illum à Deo collocandæ.

In Libro Iudicum, Zelus & Fortitudo in populo Dei propugnando egregia vocatur *Spiritus Dei*, Iudic. 3. 10. 6. 34. 11. 29. 13. 25. 14. 6. 19: De Saulo, cum nuntiaretur illi Ammonitarum in homines ex *Iabesh Gilead* contumelia, dictum est 1 Sam. 11. 6. *Quod insinuit Spiritus Domini in Saulum, cum audisset verba hæc, & iratus est furor ejus*

us nimis. Intelligi autem hoc loco Phantasma, verisimile non est, sed zelus ingens crudelitate Ammonitarum puniendi. Similiter per Spiritum Dei qui venerat super Saulem, cum Prophetis intererat, canonicis & musica (1 Sam. 19. 20.) laudans Deum, non Spectrum intelligitur, sed subitus & improvisus Dei colendi zelus.

1 Reg. 22. 24. Interrogat Michajam, Pseudopropheta Zedekias, Mene ergo divisit Spiritus Domini & loquutus est tibi? Intelligi autem hoc de Phantasmate non potest, quia Michajas eventum praelii, non ab Inspiratione, sed à Visione prophetaverat.

Etiā eorum in libris Prophetarum qui per Spiritum Dei, id est per Donum Dei speciale prophetabant, præscientia, quam habuerunt rerum futurarum, non à Substantia aliqua Incorporea sibi infusa, sed à Somnio vel Visione supernaturali profecta est.

Gen. 2. 7. Legimus, Fecit Deus hominem ex pulvere terre, & spiravit in nates ejus spiraculum vite. & factus est homo in animam viventem. Vbi per spiraculum vite significatur hoc tantum, Deum illi dedisse vitam. Et Job. 27. 3. quamdiu Spiritus Dei est in naribus meis, significat quamdiu vixero, & Ezech. 1. 20. Spiritus Vita erat in rois, id est rore viventes erant, & (Ezech. 2. 3.) & ingressus est in me Spiritus, postquam loquutus est mihi, & statuit me super pedes meos, id est recepi robur vitale, non quod ingressa sit in illum Incorporea aliqua Substantia.

Num. 11. 17. Auferam de Spiritu tuo, tradamque eis, ut sustentent tecum onus populi, & non tu solus graveris; nempe Septuaginta Scipioribus. Tunc vero duo ex illis septuaginta, in castris dicuntur prophetasse; quod cum Josue Mosi narrasset, monuissetque ne permitteret, Moses non consensit. Constat hinc nesciisse Josuam, quod per Autoritatem Mosi prophetarent. Spiritus ergo hoc loco, pro Authoritate ponitur. Eodem sensu legitur Deut. 34. 9. Joshua verò filius Nunn repletus est Spiritu Sapientie, quia Moses posuit super eum manus suas, & obedierunt ei filii Israël. Accepit enim Joshua à Mose Authoritatem regendi (post illum) populum Israeliticum.

Rom. 8. 9. Nisi quis Spiritum Christi habeat, non est ejus. Vbi non intelligitur Phantasma Christi, sed Doctrina Christiana. Item 1. Iohan. 4. 2. In hoc cognoscitur Spiritus Dei. Omnis Spiritus qui confitetur Jesum Christum in carne venisse, ex Deo est. Spiritus hoc loco significat Fidem Christianam, sive confessionem non fictam, articuli hujus: Iesus est Christus. non Substantiam Incorpoream.

Verba illa (Luc. 4. 1.) Iesus plenus Spiritu Sancto, pro zelo persiciendi opus, quod ipsi à Patre suo mandatum erat, intelligere facile est;

est; sed de Christo dicere, quod plenus erat Substantia Incorporea durissimum est. Spiritus hactenus non Substantiam incorpoream, sed vel Substantiam, propriè dictam & realem significat vel Metaphorice *gratiam* aliquam excellentem.

Discipuli Christi cum illum viderent (Matth. 14. 26. & Marc. 6. 49.) ambulantem super mare, dixerunt Spiritum esse; non quod eum Phantasma esse existimarent, dictum enim est, quod viderunt illum omnes; id quod à natura Phantasmatum alienum est. Potuerant tamen forte credere, quod esset ex Aëre compactum Corpus. Quod de illis quoque dici potest qui Petrum è carcere à Deo liberatum, dixerunt esse Angelum ejus; nam de Substantiis Incorporeis in Scripturis Iudeorum mentio omnino nulla est, sed tota illa Doctrina à Philosophis Græcis originem ducit. Negandum tamen non est, quin Apparitiones aliquæ Substantiales esse possint. (Quid enim est quod Deus perficere non possit?) Neque quin sint (quoties eorum opera Deus utitur) Angeli; habent tamen dimensiones, & siquidem finiti sunt, locum implent & moveri possunt; sed non Incorporei, id est, non sunt *nullibi*, nec cum videantur esse *aliquid*, sunt *nihil*.

Angelus, vox Græca, apud Scriptores tam sacros quam profanos, significat Nuncium; in Scripturis autem Sacris, plerumque *Nuncium à Deo*. Nuncius autem à Deo, est omne id, per quod Deus supernaturaliter præsentiam, sive Potentiam suam extraordinariam manifestam facit, præcipuè vero in Somniis & Visionibus.

De Creatione Angelorum in Scripturis Sacris disertis verbis nihil traditur. Scriptores igitur Ecclesiastici de Natura Angelorum dissentiant. Veterum autem Patrum aliquot eminentissimi corporeos eos esse putaverunt, alii nonnulli Incorporeos. Vocantur passim in Scripturis Spiritus. Sed Spiritus tum à Scriptoribus Iudæis tum Græcis, modo corpora subtilia, ut Aër, Ventus, Spiritusque animalium, modo Phantasmata existimantur: quæ nec realia sunt, nec diutius permanent quam Somnium & Visio in qua apparent. Quæ Phantasmata, sive Apparitiones, etsi substantiæ non sint, sed Accidentia Organorum sentiendi, quando tamen à Deo ad Voluntatem suam significandam, supernaturaliter producuntur, non improprie Nuncii à Deo, id est Angeli appellantur.

Et sicut Gentes Phantasmata somniantium Substantias reales esse existimaverunt, & inde doctrinam suam de Bonis & Malis Dæmonibus deduxerunt: ita etiam Iudæi sine Veteris Testamenti Auctoritate, tenuerunt ferè omnes (exceptis Sadducæis) apparitiones illas esse Angelos; nec dependere omninò à Phantasia, sed esse Dei creaturas.

caras permanentes; &c, ut Græci, alios eorum Bonos esse, & Angelos Dei; alios Malos, qualis erat Spiritus Python, & Spiritus hominis mente capri vel Lunatici & Epileptici. Nam huiusmodi homines apud Iudeos habebantur pro Dæmoniis.

Si loca Testamenti Veteris ubi Angelorum mentio fit, consideremus, inveniemus, plerumque si non semper per *Angelum* ideam aliquam, in Phantasia excitatam à Deo ad significandam præsentiam Divinam in operatione ejus aliquam supernaturali denotari.

Legimus Gen. 16. Apparitionem unam & eandem, & Angelum vocari & Deum, nam (vers. 7.) Angelus Domini vocatur, sed vers. 10. dicit idem Angelus ad Agar, *semen tuum multiplicabo valde*, quia verba dici nisi à Deo non possunt. Constat ergo Angelum nihil aliud hoc loco significare, præter Apparitionem Divinam, per vocem à Cælo præsentiam Dei restantem extraordinariam. Angeli, qui apparuerunt Lot, & vocantur Gen. 19. 13. *Viri*; & quibus, cum essent duo, loquitur Lot, ut ad unum, & appellat Dominum, imagines erant in Phantasia ejus formatae à Deo, non minus quam apparitio vocatur Angelus, quæ facta est ad Agar per *Vocem*. Angelus, qui apparuit Abrahamo (Gen. 22. 11.) sacrificaturo filium suum Isaac, Vox erat, utramque satis propriè Angelus appellatus est, ut quæ nunciatum est illi non filium interficeret. Angeli, quos vidit Jacob ascendentes & descendentes de Cælo per scalam (Gen. 28. 12.) in somnio apparuerunt. Fuerunt ergo Somnium & Phantasma; quia tamen supernaturalia erant, & signa præsentis Divinæ, etiam Angeli. Idem intelligitur ubi Jacob (Gen. 31. 11.) sic dicit: *Angelus Domini apparuit mihi in somno*. Illum autem quem hoc loco Jacob appellat *Angelum*, ipse se appellat Deum, dicens (vers. 13.) *Ego sum Deus Bethel*. Nec tamen hinc colligendum est Deum aut à Somniantibus aut à Vigilantibus videri posse.

Exod. 14. 9. Angelus qui exercitum Israeliticum per mare rubrum, primo anteivit, & mox sequutus est, dicitur (vers. 19.) Dominus ipse, apparuitque non in forma humanæ, sed in forma Columnæ; interdum quidem *Nubi*; nocturno autem *Igni*; apparitio tamen hæc Angelus erat, quem Deus Moysi promissit conducendo exercitui; eademque descendisse dicitur, & stetisse ante ostium Tabernaculi, & cum Mose colloquuta esse. Itaque Motus & Sermo qui Angelis attribui solent, etiam *Nubi*, quando præsentis Divinæ Signum est Nubes, attribuantur; Angelusque erat Nubes, non minus, quam si visus esset in specie formosi pueri vel alius, ut pingi solent Angeli. Non enim Formæ, sed Visus facit Angelum. Visus enim

tem eorum est ; ut præsentiam Divinam in Divinis operibus ; hominibus significaret.

Exod. 33. 14. Moses rogaverat Deum, ut castra Israëlitarum comitaretur, ita ut ante Vituli Aurei adorationem semper comitatus erat ; & illi respondit Deus : *Præsentia mea comitabitur te* ; non dixit Mittam Angelum. Sed cum instaret Moses, promisit illi Deus missurum qui exercitum duceret ; & postquam Tabernaculum juxta præceptum Domini instruxerat Moses, misit Deus super Tabernaculum Nubem, qua manentem maneret ; & dacedente castra moverent Israëlitzæ.

Loca Veteris Testamenti, ubi nominatur Angelus, omnia percurrere longum esset. Dico ergo summam, textum in Testamento Vetere nullum esse, ex quo inferri posset, quicquam sub nomine Spiritus, aut Angeli significari, quod non haberet Quantitatem, aut quod ab intellectu considerari non posset per partes, ita ut pars ejus una sit in uno loco, & pars proxima in loco proximo ; & denique, quod non sit corpus, prout corpus significat aliquid reale, & alicubi existens. Vbiunque autem Angelus in Scripturis legitur, ibi Nuncius perspicue intelligitur. Itaque Johannes Baptista appellatur Angelus. Christus vocatur Angelus Testamenti. Neque dubito quin (secundum hanc Analogiam) Columba, & lingua Ignæ in Evangelio, cum signa essent Divinæ præsentiz, posset, nec improprie vocari Angeli. Quod Legimus (Dan. 8. 16. & 12. 1.) nomina Angelorum Michaelis & Gabrielis, visio erat ; dicit enim Gabriel, *fac ut intelligas Visionem hanc*. Deus enim opus non habet, ut servos suos celestes distinguat Nominibus, quæ ad Memorias Mortalium adjuvandas inventa sunt.

Neque in Testamento Novo locus ullus invenitur, unde probati possit, Angelos res esse permanentes & simul Incorporeas. Quod quidem Angeli aliqui Substantiæ sint, & permanentes, colligi potest ex verbis Servatoris nostri, *Ita maledixisti ignem æternum, qui paratus est Diabolo & Angelis ejus* ; qui locus si malorum Angelorum permanentiam probat, corporeitatem unâ probat. Igis enim terum Incorporearum, id est impatibilium poena non est. 1 Cor. 6. 3. *Nescitis quoniam Angelos judicabimus*. 2 Petr. 2. 4. *Si enim Deus Angelis peccantibus non pepercit, sed rudentibus inferni detractos in Tartarum tradidit cruciandos in judicium reservari*. Iud. 1. 6. *Angelos vero, qui non servaverunt suum principatum, sed dereliquerunt suam domicilium, in judicium magni diei, vinculis æternis sub caligine reservatis*. Quæ verba etiam naturam

tantum Angelicam permanentem esse evincunt; materialitatem simul probant. Idem (Matth. 22. 33.) *In resurrectione neque nubent, neque nubentur, sed erunt sicut Angeli Dei in celis*; unde colligitur, quod sicut homines, ita quoque Angeli in resurrectione erunt non incorporei, sed permanentes. Angeli itaque neque ex Veteri neque ex Novo Testamento probantur esse Incorporei.

Significatio vocis *Inspiratio* dependet a voce *Spiritus*; significat autem propriè inflationem corporis alicujus subtilis, ut Aeris in locum aliquem ubi antè non erat; eo modo quo quis spirando vesicam inflat; id quod de rebus Incorporeis intelligi non potest. Vox ergo *Inspiratio* in Scripturis Sacris Metaphoricè tantum usurpatur. Vt (Genes. 2. 7.) ubi Deus dicitur inspirasse in Adamum Spiraculum vite, per *Inspirationem* intelligitur *vivificatio*. Et (2. Timoth. 3. 16.) *Omnes Scriptura data est per Inspirationem Dei*. Idem est ac si dixeret, Deus Spiritus sive Animos Prophetarum per suam gratiam disposuit, quæ utilia futura essent ad Doctrinam, reprehensionem, correctionem, & instructionem in via ad salutem. ubi autem S. Petrus, (2. Petro. 1. 21.) sic dicit: *Non enim volutate benevoluntaria est aliquando Prophecia, sed Spiritu Sancto Inspirati, loquuntur sicut Sancti Dei homines*, per Spiritum Sanctum intelligit vocem Dei in Somnio vel Visione supernaturali; sic enim loquutus est Deus ad Prophetas, non autem spirando. Item quando Servator noster spiravit in Discipulos suos dicens: *Accipite Spiritum Sanctum*, non voluit halitum suum, sed Divinam gratiam intelligi. Item Servator noster ipse, quando dicitur plenus Spiritu Sancto, non intelligitur Substantiam Divinam, eo tempore infusam esse (nam Deus erat Christus ab æterno) sed Divinas gratias in humanitatem ejus accumulatas. Postremo, Isai. 44. 3. cum dicit Deus *Effundam de Spiritu meo super omnem carnem, & prophetaabunt filii vestri, & filie vestre, senes vestri Somnia somniantes, & juvenes vestri Visiones videbunt*. Non intelligit juxta sensum literalem Spiritum effundi posse quasi aquam, sed intelligit ipsa Somnia & Visiones supernaturales.

Inspirationem igitur intelligere, tanquam Spiritus Dei in illos intraret propriè dictus, per quem prophetarent, vel Spiritus mali intrarent in Phreneticos, Lunaticos, vel Epilepticos, non est verbo illo uti secundum Sensum Scripturæ Sacræ. Nam Spiritus Dei pro gratia sive Potentia Dei sumitur operantis per modum nobis ignotum. Etiam (Act. 2. 2.) *Ventus qui dicitur domum illam implese ubi congregati erant Apostoli in die Pentecostæ*, non ita intelligendus est, ac si Spiritus Sanctus, id est Substantia Divina ipsa Ventus

effert, sed pro signo externo presentie Divine, efficientis in illis virtutes illas Sacras, quas ad functionem Apostolicam erant necessarias.

C A P V T XXXV.

De significatione in Scripturis Sacris vocabulorum Regnum

Dei, Sanctum, Sacrum & Sacramentum.

Regnum Dei in Scripturis Theologorum, praesertim in Concionibus & Libris Devotionum, sumitur pro Felicitate Eterna, quae post hanc vitam Elucti in ultimo Coelo fructus sunt, quod *Regnum* Civis vocant. Sumitur etiam pro Felicitate in saecula habenda, quae per Gratia sanctificantem, quod appellant *Regnum* Graecis. Sed pro monarchia Civili proprie dicta, id est, pro Summa Potestate super Civem, per ipsum suffragia acquisita, quae est significatio Regni, nunquam sumitur. Contra in Scripturis Sacris invenio *Regnum* Dei, ubique fere significare *Regnum* proprie dictum, nempe Regnum quod constitutum est consensu populi Israelitici, qui Deum in Regem sibi Pacto elegerunt. Pactum autem erat hoc, quod Deus Israelitis traderet terram Chanaan in possessionem eternam, & quod populus Deo obediret. Ab ipsa creatione mundi Deus in omnes homines regnavit non modo *animaliter* sive in jure Omnipotentiae, sed etiam in quosdam homines quibus Voce imperavit. Sic regnavit super Adamum, imperans, ne comederet de arbore Cognitionis Boni & Mali, & puniret eum, cum imperatum ejus transgressus esset, nempe cum arrogasset sibi judicare de Bono & Malo, non per Creatoris sui mandatum, sed per suum ipsius Sensum, privavit enim illum vitam eternam, quam habere potuit per arborem Vitae.

Rursus regnavit Deus in Noah & familia ejus, qui quamquam octo tantum essent personae, erant tamen *Regnum* Dei proprie dictum.

Postea alloquutus est Deus Abrahamum (Genes. 12. 7. 8.) fecitque cum illo Pactum in haec verba: *Stans in Pactum meum inter me & te, & inter semen tuum post te in generationibus suis, fudere sempterno: ut sis Deus tuus, & semini tui post te. Daboque tibi, & semini tuo terram peregrinationis tuae, & omnem terram Chanaan in possessionem eternam.* Abrahamus in hoc Pacto promittit pro se & posteritate sua Deo obedire illi, qui se alloquebatur. Ex altera parte paciscitur Deus dare Abrahamo terram Chanaan in possessionem eternam. Pro monumento

numerus autem Pacti huius (vers. 1.) insinuat Deus Sacramentum Circumcisionis. Atque hoc illud est, quod vocatur Pactum & Testamentum vetus. Quanquam autem nomen Regis in eo Pacto non sit, res tamen manifeste apparet. Etiam nomen Regni expresse ponitur in Pacto hoc, Ministrante Mose, postea renovato. Sacramentum autem Circumcisionis aliud non erat, quam Sacramentum Fidelitatis, ut quae sub Testamento novo est Baptismus.

Pactum ad montem Sinai cum Mose renovatum (Exod. 19. 5.) tale est. Si ergo audieritis vocem meam, & custodieritis Pactum meum, eritis mihi in peculium de cunctis populis; mea est enim omnis terra. Et vos eritis mihi in Regnum Sacerdotale & gens sancta. Idem narratur, Tit. 2. 14. ubi dicitur Christum dedisse se pro nobis, ut purificaret sibi nos in populum peculiarium, id est peculiarem, id est (ut sequitur Exod. 19.) non sicut gentes aliae meae sunt. Ceterae enim gentes potentiae quidem Divinae subditae erant per naturam, non autem per consensum & Pactum sicut Israëlita. Dicitur autem in textu praedicto Regnum Sacerdotale, & (1 Petr. 2. 9.) Sacerdotium Regale, Propterea quod Summam Potestatem post Deum, habuere in illo Regno summi Sacerdotes. Manifestum ergo est Regnum Dei usque ad Samuelem fuisse Regnum proprie dictum. Nec dissimulare videntur Potestatis Pontificiae propugnatores, qui argumenta sua pro Potestate Papae pleraque deducunt ab exemplo Summorum Sacerdotum populi Israelitici. Rursus idem confirmatur ab eo, quod populum suum appellat gentem sanctam. Sanctum enim significat id quod Dei est iure specialiter. Dei est omnis terra; non omnis tamen terra Sancta dicitur, sed ea sola quae separatur & consecratur ad usum Divinum specialiter. Regnum Dei & Civitas Dei idem significant; nec modo Leges Ceremoniales & Cultum Divinum apud Israelitas ordinavit Deus, sed etiam Leges Civiles, quibus scirent Israelitae officia sua erga se invicem.

Rursus (1 Sam. 12. 12.) alloquitur Samuel populum dicens, Videntes quod Naas Rex filiorum Ammon venisset adversum vos, dixistis mihi: Nequaquam, sed Rex imperabit nobis: cum Dominus Deus vester regnaret in vobis. Vnde constat eorum Regem proprie dictum fuisse Deum.

De loco Regni Dei loquitur Isaias 24. 23: Erubescat Luna, & confundetur Sol, cum regnaverit Dominus exercituum in monte Sion, & in Ierusalem, id est super Terram. Et Micajas 4. 7: Et Dominus regnavit super illos, in monte Sion, id est in Terra. Et Ezech. 20. 23: Vro ego dicite Dominus Deus, quod in manu forti, & in brachio extensis, & in furoris effuso, regnabo super vos. & vers. 37: Subjiciam vos scripto meo, & indi-

Et inducam vos in vincula fœderis; id est faciam, ut stetis Pacto quod pepigitis mecum per Moſem. *Etiam in teſtamento Novo de Servatore noſtro, dicit Angelus Gabriël Luc. 1. 32. 33: Erit magnus; & filius Altiffimi vocabitur, & dabit illi Dominus Domum ſedem David patris ejus, & regnabit in domo Jacob in æternum.* Regnavit autem David in Terra. Adde, quod eo nomine ad mortem condemnatus ſit; quod regnum Iudæorum poſtulaverit ſibi, & ut inimicus Cæſaris; quod titulum in cruce ejus ſcripſerit Pilatus; *Jeſus Nazarenus Rex Iudæorum*; quod corona ex ſpinis per ludibrium coronatus ſit; quodque Diſcipuli ejus (Actor. 17. 7.) in crimen vocati ſint à populo clamante, *Hi qui orbem concitant huc venerunt, quos ſuſcepit Jeſus; & hi omnes contra decreta Cæſaris faciunt, Regem alium dicentes eſſe Jeſum.* Regnum ergo Dei in Scripturis, propria non metaphorica ſignificatione dicitur. Idque agnoſcunt, quicunque in Oratione Dominica dicunt: *Tuum eſt Regnum, Potentia, & Gloria.* Jeſum eſſe Regem confirmatur à prædicatione Apoſtolorum; *Appropinquat Regnum Cælorum*; & ab omnibus Chriſtianis præcantibus; *Adveniat Regnum tuum.*

Idem confirmantia, loca Scripturæ Sacræ, adeo multa ſunt, ut ſi interpretatio contraria reciperetur, mirandum eſſet: quippe Regibus Chriſtianis, ut Iura ſua in regenda Eccleſia perſpiciant, Lucem nimiam præferunt.

Concludimus ergo Regnum Dei, Regnum eſſe Civile; primum in populo Iſraëlitico, ubi à Moſe Leges Civiles receperunt; & Proregem Dei primum fuiſſe Moſem; & poſt eum Summos Sacerdotes ſingulos, uſque ad tempus electionis Regis Saul quando abolita eſt; & quod prædixerunt Prophetæ reſtituendum eſſe, quamque reſtitutionem à Deo ſpogamus, quoties dicimus in Oratione Dominica *Adveniat Regnum tuum*; & cujus Ius agnoſcimus dicendo, *tuum eſt Regnum, Potentia, & Gloria in ſecula ſeculorum*; & cujus Promulgatio facta eſt ab Apoſtoliſ; & ad quod præparandi ſunt homines per Evangelii prædicationem. Item Regnum Dei (propter Divini Throni cæſtitudinem dictum Regnum cœleſte) ſi à Proregibus & Vicariis ſuis adminiſtrandum non eſſet in terris, tanta contentio tum Scriptis tum Bello, quantam videmus, de quæſtione per quem Deus nos alloquitur, non fuiſſet; neque tantum curarum ſibi dediſſent Sacerdotes circa Iuriſdictionem Spiritualem, quantum prætendunt; neque Iuriſdictionem in Cælo Rex quiſquam illis ipidiſſet.

Ab hac interpretatione ſecundum literam vocabuli *Regnum Dei*, manifeſta ſit ſignificatio vocabuli Sanctum. *Sanctum* enim in Regno Dei,

Dei, respondet vocabulo *Publicum*, in Civitatibus humanis.

Rex in omni Civitate est persona *Publica*; In Civitate Dei appellatus est Deus *Sanctus* Israël. Populus ubique Civitatis, populus est ejus, qui personam gerit Publicam; Israëlita autem, nempe populus Dei, dicuntur (Exod. 19. 6.) *Gens Sancta*. Nihil enim in Scripturis Sacris Sanctum dicitur, præter id quod Dei est peculiariter, vel ipsum Deum; sicut Publicum semper est vel Civitatis ipsius persona, vel aliquid, quod illius est ita proprium, ut nemo privatus in eandem rem jus ullum habeat.

Itaque Sabbathum (dies Dei) est *dies Sanctus*; Templum Dei (quod est Dei domus) *Domus Sancta*: Sacrificia, Decimæ & Oblationes (quæ sunt vectigalia Dei) *officia Sancta*: Sacerdotes, Prophetæ, Reges uncti (Ministri Dei) *Viri Sancti*: Spiritus Cœlestes, qui Deo ministrant (Dei nuncii) *Angeli Sancti*. Vbiunque denique vox Sanctum propriè sumitur, ibi significatur aliquid quod Dei est proprium.

Vox *Profanum* in Scripturâ Sacrâ sumitur pro eo quod est *Commune*: & per consequens *Sanctum*, & *Proprium* in Regno Dei idem sunt. Metaphoricè autem Sancti vocantur etiam viri devoti, qui rebus mundanis renunciantes, Deo se totos dedicaverunt. *Sanctificari* autem dicitur, quod dedicando vel consecrando servitio divino, Sanctum factum est: ut Septimus dies in præcepto Decalogi quarto: & ut Electi in Testamento Novo, quando præditi Spiritu Pietatis, dicuntur *sanctificati*. *Sacrum* autem est, quod Deo ab hominibus datum & dedicatum, sive Sanctum factum est, ita ut in solo cultu Divino utendum sit: qualia sunt Tempa, aliæque domus Orationis, una cum Vtensilibus, Ministris, Victimis, & Oblationibus.

Sanctitatis gradus sunt. Earum enim rerum quæ ad usum Divini cultus separantur, aliquæ separari rursus possunt ad servitium vel cultum magis specialem. Tota gens Israëlitarum gens Sancta erat: erant tamen inter Israëlitas, Tribus Levi speciatim tribus Sancta: & inter Levitas sanctiores cæteris erant Sacerdotes: & inter Sacerdotes Sanctissimus erat Sacerdos summus. Terra Iudæorum erat Terra Sancta, sed Vrbs, in qua colendus erat Deus magis Sancta erat: & Vrbe Sanctius erat Templum: & Templo Sanctior ea pars, quæ appellabatur *Sanctum Sanctorum*.

Sacramentum est, quod à communi usu separatum Deo consecratur, in signum admissionis in Regnum Dei (quæ est quasi Naturalizatio sive Iuris Civitatis acquisitio) vel in memoriam tanti beneficii institutum. In Vetere Testamento signum *Admissionis* erat *Circumcisio*,

in Testamento Novo, *Baptismus*. *Commemoratio* in Vetere Testamento erat *Agni Paschalis* esus, per quem renovabatur noctis illius memoria in qua liberati erant à servitute *Egyptiaca*; in Testamento novo, celebratio *Cenae Dominicae*, in qua memoratur liberatio nostra per mortem in cruce Servatoris nostri, à servitute peccati. Sacramentum Admissionis semel tantum fit, propterea quod semel tantum Admittimur. Sed quoniam ut beneficium Dei in hominibus servandis, & debitum nostrum fidelitatis opus habet, ut sæpe inculcetur, Sacramentum commemorationis sæpius repetendum est. Atque hæc duo Sacramenta præcipuè sunt, & quasi Iuramenta solennia Fidelitatis nostræ erga Deum nostrum Regem & Redemptorem. Actio quidem consecrandi omnis Sacramentum dici potest; Sed Sacramentum id est Iuramentum Fidelitatis in Civitate Dei aliud nullum erat in Vetere Testamento, præter *Circumcisionem* & *Pascham*; neque in Novo Testamento præter *Baptismum*, & *Cenam Dominicam*.

C A P V T XXXVI.

De Verbo Dei & Prophetis.

Q Uando in Scripturis Sacris reperitur *Verbum Dei*, vel *Verbum Hominis*, non intelligendum est pro parte Orationis, ut sumitur *Verbum* apud Grammaticos; sed pro Sermone perfecto, significante aliquid; ut quando is qui loquitur, *affirmat, negat, jubet, promittit, minatur, operatur, vel interrogat*. In quo sensu *Verbum* non est vocabulum, sed sermo, Græcè *λόγος*.

Rursus, *Verbum Dei*, vel *Hominis* intelligitur aliquando pro eo, quod Deus vel Homo loquutus est. Sic Evangelium Matthæi, *Verbum* est Matthæi; aliquando pro eo, de quo loquutus est. Atque hoc sensu, ubi legimus in Vetere Testamento, *Verba dierum Regum Israelis*, intelligenda sunt res illis diebus gestæ quæ Verborum illorum Subjectum erant.

In Testamento Novo Græcè scripto, *Verbum Dei* sæpe ponitur, (non pro eo, quod loquutus est Deus) sed pro eo, quod de Deo, & de Regno ejus; id est pro doctrina Christiana dictum est.

In hoc autem sensu idem significant *λόγος Θεῷ* & Theologia, ut manifestum est Actor. 13.46. Tunc constanter Paulus & Barnabas dixerunt, *Vobis oportebat primum loqui Verbum Dei*. Sed quoniam repellitis illud, & indignos vos judicastis æternæ vitæ, ecce convertimur ad Gentes. Id quod appellatur hic *Verbum Dei*, Doctrina erat Christiana. Item

(Actor. 5.

(Actor. 7. 20.) ubi Angelus apostolos alloquitur dicens, *Ite, & stantes loquimini in Templo plebi omnia verba vite hujus: verba hujus vite* significant Doctrinam Euangelicam; ut patet ex eo, quod versu ultimo fecisse dicuntur, nempe, *Omni autem die non cessabant in Templo docentes & predicantes Iesum Christum.* Christus itaque subjectum erat Verbi Vitæ. Porro (Aktor. 15. 7. *Verbum Dei* appellatur *Verbum Evangelii*, quia continet Doctrinam de Regno Christi. Idem verbum (Rom. 10. 1, 9.) vocatur *Verbum Fidei*, id est, ut ibi explicatur, Doctrina de Christo venturo & à mortuis suscitato. Et (Matth. 13. 45. 19.) appellatur idem *Verbum Regni*, id est Doctrina, quam docuit Deus circa Regnum Dei. Idem denique Verbum (Aktor. 12. 24) crevisse & multiplicatum esse dicitur. Id quod de Doctrina Evangelica intelligere facile est, sed de Voce Dei difficillimum. Etiam ubi Sanctus Paulus loquitur de *doctrina Dæmonum*, non intelligit id, quod dictum est de Dæmone aliquo, sed Dæmonologiam Gentium.

Ex his duabus *Verbi Dei* significationibus, posterior, ubi sumitur pro Doctrina Christiana, continet Scripturam Sacram totam. Prior non item. Quanquam enim verba hæc, *Ego sum Dominus Deus tuus* &c. usque ad finem Decalogi, verba sint ipsius Dei Mosem alloquentis; præfatio tamen illa *Loquutus est Dominus cunctos sermones hos*, sunt verba ejus, qui Historiam conscripsit. *Verbum Dei*, quando sumitur pro eo, quod loquutus est Deus, significationem habet interdum *Propriam*, interdum *Tropicam*. *Propriam*, ut verba, quæ loquutus est ad Prophetas suos: *Tropicam*, quando ponitur verbum pro Sapientia, vel Potentia Dei, vel pro Decreto ejus æterno de condendo mundo. Atque hoc sensu Verbum Dei est *Fiat lumen*, *Fiat firmamentum*, *Faciamus hominem*. Eodem sensu (Ioh. 1. 3.) de Verbo Dei dictum est, *Omnia per illud facta sunt, & sine illo factum est nihil eorum quæ facta sunt.* Et (Heb. 1. 3.) *Per quem fecit secula, & portat omnia Verbo virtutis suæ.* Et (Heb. 11. 3.) *Fide intelligimus aptata esse secula Verbo Dei.* Verbum autem hoc sensu verborum omnium quæ Deus loquutus est, est primum, ut in ipso principio mundi pronunciatum. Etiam Latini Ethnici vocabulo *Fatum* in eodem sensu usi sunt.

Sumitur etiam sæpissimè in Scripturis Sacris *Verbum* pro Verbi effectu vel eventu, id est pro eo, quod verbo Affirmatur, Imperatur, vel promittitur; ut (Psal. 105. 19.) ubi Ioseph dicitur in carcere re-tentus, *donec Verbum ejus venerit*, id est donec factum esset, quod prædixerat Pharaonis pincernæ circa restitutionem ejus in ministerium suum. Item 1 Reg. 18. 36, dicit Elijah Deo, *feci omnia verba tua*, pro feci omnia quæ jussisti. Et (Ier. 17. 15.) *ubi est Verbum Do-*

mini, ponitur pro, ubi est malum quod minatus est Dominus. Et (Ezek. 12. 28.) & quodcumque loquutum fuero Verbum, fiet. Non prolongabitur amplius, Verba ponuntur pro factis, quæ facere populo promiserat. Etiam in Testamento Novo (Matth. 24. 35.) Cæli & Terra transibunt, sed mea verba non transibunt, id est quicquid promisi fiet. Item Iohannes Evangelista (Ioh. 1. 1.) in hoc sensu, Verbum Dei appellat ipsum Christum, & paulò post Verbum factum est Caro. Christus enim à principio promissus est, (Gen. 1.) eratque in principio apud Deum, nempe venturum illum ab æterno decreverat Deus, & assumpturum carnem humanam. Itaque Servator noster eo loco appellatur Verbum, non quia Christus Promissio, sed res Promissa. Verbum hoc, idem Iohannes in Epistola prima, appellat Verbum Vitæ, & Vitam æternam quæ erat apud Patrem: & in Apocalypsi 19. 13. Nomen ejus est Verbum Dei, quasi diceret, hic est quem venturum esse Deus ab æterno decreverat, & in principio mundi promiserat. Nihil ergo hac promissione dicitur de incarnatione Vocis, aut Sóni, sed de Incarnatione ipsius Dei Filii.

Sunt etiam loca nonnulla in Scriptura Sacra, ubi Verbum Dei ponitur pro Verbis Æquitatis & Rationis, et si neque à Propheta prolata neque à viro Sancto. Nam Pharaoh Necho Idololatra erat: quando tamen Nuntio misso Iosiam monuit, ne sibi invadenti Carchemish adversarius esset, Verba ejus profecta esse dicuntur ab ore Dei: etiam Iosias, quia verbis illis non obedivit, prælio occisus est, ut legere est 2 Chron. 35. vers. 21, 22, 23.

Verbum Dei aliquando etiam sumitur pro dictamine rectæ Rationis: ut quando, in cordibus hominum scriptum dicitur, ut Psal. 36. 31. Jerem. 31. 33. & multis aliis locis.

Vox Prophetæ in Scripturis Sacris significat aliquando Prolocutorem, id est, illum, qui alloquitur homines, ut missus à Deo: vel Deum alloquitur ab homine. Significat etiam aliquando eum, qui futura prædicat. Aliquando etiam illum, qui (ut mente captus) loquitur verba incohærentia. Sæpiissime autem ponitur pro eo, qui in nomine Dei alloquitur populum. Quo sensu Moyses, Samuel, Eliab, Isaiab, Jeremias, alique Prophetæ erant. Etiam in hoc sensu Summus Sacerdos Prophetæ erat, ut (Ioh. 11. 15.) hoc autem (Caiphas) à semetipso non dixit, sed cum esset Pontifex anni illius, Prophetavit. Etiam qui populum in Ecclesiis Christianis docuerunt (1 Cor. 14. 3.) dicuntur Prophetasse. Eodem sensu ad Mosam dicit Deus (Exod. 4. 16.) de Aaron, eris tibi pro Prolocutore ad populum: erisque tibi instar oris, & eris ei tu instar Dei. Et cap. 7. 1. Ecce feci te Pharaoni Deum, & frater tuus Aaron erit Prophetæ tuus. Abrahamus autem ideo Prophetæ dicitur, (Gen. 27.) quia

quia loquutus est pro homine ad Deum. Deus enim *Abimelecum* in somno alloquens dicit, *nunc erga restitue homini uxorem suam, nam est Propheta, & orabit pro te.* Intelligi hinc potest illos, qui in Ecclesiis Christianis, ad officium vocati sunt publice precandi, non improprie Prophetas dici. Prophetæ etiam erant, quibus immiscuit se *Saul.* (*Sam. 10. 5. 6.*) Eodem sensu *Miriam* (*Exod. 15. 20.*) dicitur *Prophetissa.* Ita quoque sumi debet (*1. Cor. 11. 4. 5.*) ubi dicit S. Paulus, *Vnusquisque qui peccatur vel prophetat capite aperto, &c.* Prophetia enim aliud non significat eo loco præterquam Psalmis & Cantilenis Sacris laudare Deum; id quod facere in Ecclesiis etiam sceminis licuit.

Prophetia, quatenus sumitur pro Prædictione futurorum Contingentium, non solum veris Prophetis, sed etiam aliquando Impostoribus attribuitur, qui prædicere se futura dicunt per Spiritus, & per Divinationem supersticiosam, idque multis modis, ut supra (Cap. 12.) speciatim diximus. Atque hi existimationem Prophetiæ majorem per unum aliquem eventum fortuito prædictum sibi acquirunt, quam quæ innumeris prædictionibus rerum quæ non evenerunt, potest tolli. *Prophetia* non est Ars, neque (ut sumitur pro Prædictione) negotium constans, sed onus temporarium atque extraordinarium impositum à Deo, plerumque viris bonis, sed interdum etiam malis. Mulier illa ab *Endor*, quæ dicta est suscitasse Phantasma Samuelis per Spiritum familiarem, prædixitque mortem Saulis, non ob eam rem Prophetissa erat. Neque enim Scientiam aliquam habuit, per quam id potuit facere, neque apparet jussu Dei factum esse, etsi Imposturam illam ita rexit Deus, ut Saul inde territus debilitatusque animo, prælio victus caderet. Etiam Sermones incoherentes apud Gentes habebantur pro *Prophetia*; Prophetæ enim Oraculorum suorum, tunc prophetabant, quando vapor aliquis animos eorum expulerat, ita ut verba quidem protulerint inter se incoherentia, & ex quibus, ut ex *Materia prima*, fieri posset quicquid quisque vellet.

Quamquam autem in Scripturis Sacris, vocabuli *Propheta* tot sint significationes, frequentissima tamen ea est, in qua sumitur: pro eo cui Deus illud immediate loquutus est, quod is homini vel hominibus denuntiavit. Sed quomodo) dicit aliquis) proprie dici potest loquutum esse Deum, qui linguam, aliaque organa loquendi non habet, sicut homo. Quid autem, *qui fecit oculum* (dicit David) *non videbit?* *Is qui fecit aurem non audiet?* Etsi nec videri nec audiri Deus ut homo, scit tamen quæ dicimus & facimus. Cæterum verba illa *Davidis* non ponuntur ad naturæ Divinæ declarationem, sed ad voluntatis nostræ

in Deo honorando significationem. *Videri enim & audire sunt* Attributiona honoris, & Deo attribui possunt. Sed si in propria & stricta significatione sumerentur, à cæteris etiam partibus corporis humani argumenta similia sumi possent, tribuendi Deo cæteras omnes actiones humanas; quarum plurimæ turpes sunt, & proinde attribuere illas Deo contumelia maxima esset. Itaque vocem Dei ad homines immediatam sumere oportet eo modo (quicumque is sit) per quem facit Deus, ut voluntas sua intelligatur. Modi autem quibus id facit, multi sunt, & in Scripturis Sacris solis reperiendi.

Ad *Adamum, Evam, & Cain* loquutus est Deus, voce supernaturali. Quomodo loquutus sit Deus *Abrahamo*, antequàm è patria sua venisset ad *Sichem Chanaanorum*, non dicitur; tunc autem (Gen. 27. 7.) dicitur *apparuisse ei*. Unus ergo modus, quo Deus præsentiam declaravit, erat *Apparitio* sive *Visio*. Rursus (Gen. 15. 1.) Verbum Domini venit ad *Abrahamum* in *Visione*, id est signum aliquod illi apparuit præsentiae Divinæ. Deinde Dominus (Gen. 18. 1.) apparuit *Abrahamo* in *Visione* trium Angelorum; & *Abimelecho* (Gen. 23.) in *Somnio*; & ad *Lot* venit (Gen. 19. 1.) in *Apparitione* duorum Angelorum; ad *Hagar* (Gen. 21. 17.) in *Apparitione* unius Angeli. Iterum ad *Abrahamum* (Gen. 20. 11.) in *Voce* à Cælo; & ad *Isaac* (Gen. 26. 24.) noctu in *Somnio*; ad *Jacobum* (Gen. 18. 12. & Gen. 32. 1.) in *Visione* Angelorum. Ad *Mosè* (Exod. 3. 2.) in *Visione* flammæ & Rubi. Etiam post ævum *Mosè* (ubi modus Divinæ loquutionis immediatæ in veteri Testamento exprimitur) semper loquutus est per *Visionem* vel per *Somnium*; ut *Gideoni, Samueli, Eliæ, Elisæ, Isaïæ, Ezechiel*, cæterisque Prophetis; & in Novo Testamento, ut *Iosepho, Petro, Paulo, & Iohanni* Evangelistæ in *Apocalypsi*.

Soli *Mosè*, modo extraordinario loquutus est in monte *Sina*, & in *Tabernaculo*; & Summo Sacerdoti in *Tabernaculo*; & in *Sancto Sanctorum*. Sed *Mosès*, & post eum Summi Sacerdotes, Prophetæ erant eminentioris gradus quam cæteri & gratiam apud Deum majorem invenerunt. Nam Deus ipse de *Mosè* id testatur (Num. 12. 6, 7, 8.) dicens: *Si quis fuerit inter vos Propheta Domini, in Visione apparebo ei, vel per Somnium loquar ad illum. At non talis servus meus Mosès, qui in omni domo mea fidelissimus est; ore enim ad os loquor ei palam, & non per ænigmata & figuras Dominum videt; Et (Exod. 33. 11.) Dominus loquutus est ad Mosè ore ad os, sicut homo loquitur ad amicum suum. Veruntamen Mosè non aliter alloquutus est Deus quam per Angelum vel Angelos; ut habetur verbis perspicuis (Act. 7. 35.) ubi Stephanus de *Mosè* loquens, *Hic est (inquit) qui fuit in Ecclesia in solitudine cum Angelo qui loque-**

loquebatur ei in monte Sinai. Vbi Paulus de Lege dicit; *Ordinata erat per Angelos in manu Mediatoris*. Mediator autem ille erat *Moses*. Quid ergo dicendum est de modo quo Deus loquutus est *Mosi*, nisi quod Visio erat, sed clarior quam cæteris Prophetis data est. Deut. 13. 1. *Si surrexit inter vos Propheta vel Somniator Somniorum, vox posterior, interpretatio tantum est prioris*. Joël. 2. 28. dicit Deus; *Et erit post hæc, effundam de Spiritu, meo super omnem carnem, & prophetabunt filii vestri, & filiae vestrae, Senes vestri somnia somniant, & juvenes vestri visiones videbunt*, ubi rursus Prophetia exponitur per *Somnia & Visiones, & Spiritum*. Item quando Deus *Solomoni* promisit sapientiam, somnium erat, ut constat ex verbis ipsis, (1 Reg. 3. 15.) *Evigilavit Solomon & intellexit quod esset somnium*. Manifestum ergo est Prophetas extraordinarios Veteris Testamenti Vocem Dei non aliter intellexisse, quam per *Somnia & Visiones*, id est à Phantasiis supernaturalibus. Quæ vocabantur etiam *Spiritus Dei*, ut (Zach. 7. 12.) ubi dicit Deus, *Cor suum posuerunt in adamantem ne audirent Legem & verba quæ misit Dominus exercituum in Spiritu suo Sancto per manum Prophetarum priorum*.

Prophetarum autem in Veteri Testamento habentium Vocationem perpetuam, alii *Supremi*, alii *Subordinati* erant. Supremo- rum primus erat *Moses*, & post eum *Summi Sacerdotes*, suo quisque tempore, dum Sacerdotium regale erat. Postquam autem jugum Dei excusserant Israëlitar, & factum est Officium Summi Sacerdotis Ministeriale; quoties consulendus erat Deus, Sacerdotes Israëlitarum vestimenta sacra induerunt, & consuluerunt Dominum, non suo arbitrio, sed jussu Regum, à quibus aliquando etiam Sacerdotio privabantur. Nam *Saulus* (1 Sam. 13. 9.) Holocaustum afferri jussit sibi, & (1 Sam. 14. 18.) Sacerdoti imperat, ut Arcam afferret sibi, & (vers. 19.) ne afferret. Etiam in eodem Capite, consuluit Deum *Saulus*. Idem fecit *David*, postquam unctus fuisset, etsi antequam Regnum possedisset; quæsit enim à Domino (1 Sam. 23. 2.) utrum pugnaret necne contra Philisthæos in Keilah. Item (vers. 10.) imperavit *David* Sacerdoti ut Ephodum apportaret sibi, ut Dominum consulere. Præterea Rex *Solomon* (1 Reg. 2. 27.) Sacerdotium *Abiathar* auferens, dedit *Zadocho*. *Moses* ergo, Summi Sacerdotes, & Reges Pii, qui Deum semper in rebus difficilibus consuluerunt, Prophetæ erant Supremi. Quomodo Prophetis extraordinariis loquutus sit, dictum est supra. Quomodo autem loquutus est ad Prophetas hos, Vocationis perpetuæ? Si dicamus Deum loquutum esse, vel apparuisse eis, prout in sua natura existit, negabimus Deum infinitum, invisibilem, incomprehensibilem esse. Si dicamus loquutum esse per Infusionem

tionem *Spiritus Sancti*, quatenus Spiritus Sanctus significat Divinitatem ipsam, æquabimus Moſem Christo, in quo ſolo Divinitas (Coll. 2. 9.) habitat *corporaliter*. Poſtremo ſi dicamus loquentum Deum eſſe per *Spiritum Sanctum*, quatenus Spiritus Sanctus ſignificat Gratiâs Divinas, nihil illis attribuimus ſupernaturale. Homines enim ad Pietatem, Juſtitiam, Miſericordiam, Veritatem, Fidem, & Virtutum genus omne, tum Morale tum Intellectuale diſponit Deus per Doctrinam, Exemplum, aliasque vias naturales & quotidianas. Quomodo ergo Deus Prophetas perpetuæ Vocationis alloquutus eſt, quando ab illis conſulebatur, ſcriptum non invenio, niſi quod Summis Sacerdotibus in *Sancto Sanctorum* per vocem, ex inter Cherubinos loquutus eſt; ſed vox illa, ut & cætera omnia Divinæ præſentiæ ſigna, Angelus dici poſſunt, quemadmodum Somnia & cætera ſigna ſupernaturalia.

Prophetis autem vocationis perpetuæ, ſed ſubordinatis loquentum eſſe Deum ſupernaturaliter, in Scripturis nuſquam conſtat, ſed naturaliter tantum, eo modo quo ad Pietatem Fidem, & Juſtitiam diſponit Deus quos ad ſalutem deſtinavit. Qui modus, etſi conſiſtat in Inſtructione, Educatione hominum, verè tamen dici poteſt Spiritus Sancti operatio; nam inclinatio omnis tum ad ſanctitatem tum ad virtutem à Deo eſt; quando igitur Propheta loqui dicitur per *Spiritum Dei*, intelligere debemus, ita illum loqui, ut Deus per Prophetam ſuum ſummum (cui Propheta ſubordinatus obedire obligatur) loqui illum juſſit.

Vivente Moſe, præter ipſum, in caſtris Iſraëliitarum Septuaginta erant viri qui prophetaverunt. Quo modo illos Deus alloquutus ſit, declaratum eſt Num. 11. 15: *Descendit Dominus per nubem, & loquutus eſt ad Moſem, auferens de Spiritu qui erat in Moſe, & dâns Septuaginta viris. Cumque requieviſſet in eis Spiritus, prophetaverunt, nec ultra ceſſaverunt.* Ex quibus verbis maniſeſtum eſt, primò, Prophetationem eorum ad populum, ſubſervientem & ſubordinatam fuiſſe Prophetationi Moſis, per cuius Spiritum prophetaverunt, id eſt, ita ut voluit Moſes; quod confirmatur (verſ. 27.) ex eo, quod cum Moſi dixiſſet Ieſua prohibe illos, noluit Moſes, dicens: *ne æmulare pro me.* Secundò, ex eodem loco colligitur, Spiritum Dei non aliud ibi ſignificare, præter parendi voluntatem, & adjuvandi Moſem in adminiſtratione Regiminis. De ſubſtantia enim Divina intelligi non poteſt, quæ ſolummodo in Chriſto habitavit corporaliter: Spiritus ergo ibi ſignificat Donum ſive Gratiâam Divinam, qua ducti cum Moſe cooperabantur, cuius habebant Spiritum; Septuaginta enim illi

illi viri, electi à *Mose* antè erant, quàm Spiritum *Mosis* accepissent. Etiam (1 Sam. 16. 13, 14.) Spiritus Dei eandem habet significacionem, ubi ablatus à *Saulo* in *Davidem* collatus est, nimirum, quem ad populum suum regendum elegerat Deus, eidem gratiam suam, qua id rectè facere posset, impertivit.

Loquutus Deus est etiam aliquando per Sortes: quæ Sortes per illos semper ordinabantur, qui Summam in populo habuerunt potestatem. Sic manifestam fecit per Sortes, quas ordinavit *Saulus* (1 Sam. 14. 43.) culpam *Jonathan* filii *Saulis*: & (Iosh. 18. 10.) divisit Deus terram Cananæorum per Sortes, quas *Iosua* ordinavit coram Domino in *Shiloh*. Videtur etiam per Sortes fuisse, quod detexit Deus (Iosh. 17. 16.) *Achani* furtum. Atque hi modi sunt per quos voluntatem suam patefecit Deus in Testamento Veteri.

Isdem etiam usus est in Testamento Novo. Nam Virgini *Maria* loquutus est per Visionem Angeli: *Iosepho* per Somnium: *Paulo* proficiscenti *Damascum* in Visione: *Petro* in Visione lintei magni emissi è cœlo: eidem in carcere per Visionem Angeli: Apostolis & Scriptoribus Testamenti Novi per Gratias varias Spiritus Divini: & Apostolis rursus (cum *Matthiam* in Apostolum eligerent) per Sortes. Cum ergo omnis Prophetia præsupponat Visionem, vel Somnium, vel Gratiam aliquam Divinam egregiam: cumque tam huiusmodi Gratia quam Somnia vel Visiones, oriri possint, non solum supernaturaliter & immediatè, sed etiam naturaliter, & per Causas secundas: iudicio & ratione naturali opus est, ut inter Gratias, Visiones, Somnia naturalia & supernaturalia rectè distinguamus: debemusque cauti esse in obedientia præstanda homini qui Prophetam se esse dicit, jubetque ut in via ad salutem æternam, illum sequamur. Nam qui ducem se offert viæ ad felicitatem, regere & regnare vult: cuius rei per naturam homines omnes avidi sunt, & per consequens Ambitionis & Imposturæ merito suspecti: & proinde ab unoquoque, antequam obedientiam præstat examinandi, nisi forte regere in via salutis is vult, qui in Civitate Summam habet Potestatem, vel qui ab eo Authoritatem accepit. Nisi enim examinatio Prophetarum, & Spirituum, uniuscuique ex populo permessa esset, notæ & signa omnia quibus Prophetæ veri à falsis distinguuntur, frustra fuissent. Quoniam ergo signa distinguendi Prophetas & Spiritus, exposita sunt Deut. 13. 1. & 1 Ioh. 4. 1; & quoniam tanta erat prædicatio sub Veteri Testamento, tanta in Novo, contra Prophetas: ac quoniam major plerumque est Prophetarum falsorum, quam verorum numerus, obligatur unusquisque periculo animæ suæ Doctrinas Prophetarum examinare, & quem sequatur

tur diligenter considerare. Tempore Regis *Achab* (1 Reg. 12.) in quadringentis Prophetis unicus erat verus *Michaias*. De Prophetis *Ieremias* Propheta cap. 14. 14. dicit à Deo , *Falsi Prophetæ vacillantur in nomine meo ; non misi eos & non præcepi eis , neque loquutus sum ad eos ; visionem mendacem , & divinationem fraudulentam , & seductionem cordis sui prophetant vobis ;* Et (cap. 23. 16.) jubet Deus ipse ne illos audiamus. *Noliſſe (inquit) audire verba Prophetarum , qui Prophetant vobis , & decipiunt vos : Visionem cordis sui loquuntur , non de ore Domini.*

Quoniam igitur sub Testamento Veteri inter Prophetas Visionarios tot erant rixæ , contendentium inter se , & quærentium , *Quando discessit à me Spiritus iustus ad te* , vocantiumque se mutuo mendaces (ut *Ierem.* 14. 14.) torque controversiæ hodie sunt sub Testamento Novo , prætendentium Spiritum Sanctum ; unusquisque tunc obligabatur , & nunc obligatur Ratione sua naturali uti , ad regulas illas , quas nobis præscripsit Deus , ad distinguendum inter verum & falsum Prophetam , Prophetarum Doctrinis applicandas. Quarum regularum sub Testamento Veteri , una erat , ut Doctrina Prophetæ conformis esset Doctrinæ , quam docuerat Propheta supremus *Moses* , nempe qui Summam habuit in castris Israëlitarum Potestatem. Regula altera erat , ut posset Miracula operari , ut ostensum est supra ex *Deut.* 13. 1. &c. Sub Novo Testamento unica distinguendi inter Prophetas regula reperitur , nempe si Doctrinam hanc prædicaret *Iesum esse Christum* , id est Iesum esse Iudæorum Regem , quem venturum Prophetæ Veteris Testamenti prophetarunt. Quicumque autem Doctrinam hanc negaret , quæcunque Miracula videretur facere , Propheta falsus esset. Nam *Iohannes Evangelista* (1 Epist. 4. 2. &c.) de examine Spirituum , an ex Deo essent necne differens , *In hoc (inquit) cognoscitur Spiritus Dei. Omnis Spiritus qui confitetur Iesum Christum in carnem venisse , ex Deo est* , id est , Propheta Dei est Concionator Euangelicus ille , qui confitetur prædicatque Iesum esse Christum , sive Concionator talis sit vir pius , sive impius. Propheta enim non per suos ipsius mores , aut fidem , sed per Autoritatem Legitimam Propheta fit. Loquitur enim interdum Deus per Prophetas , quorum personas reprobavit , ut per *Baalum* , & foeminam ab *Endor* maleficam. Rursus versu proximo *Iohannes* idem , *Omnis (inquit) Spiritus qui solvit (id est non prehendit) Iesum , ex Deo non est ; & hic est Antichristus*. Regula ergo utrinque recta est , nempe eum , qui Messiam jam venisse prædicat in persona Iesu , Prophetam verum esse ; eum autem , qui venisse negat , sed venturum expectat in persona alicujus Impostoris futuri , Prophetam esse falsum. Uniuscujusque ergo hominis Christiani ,

& de

& de salute animæ suæ solliciti interest, conari scire, & diligenter considerare, quis sit in Civitate sua Propheta Summus, id est, quis sit ille homo, vel Coetus hominum, qui in Civitate gerit personam Dei; & quando illum cognovit, Doctrinam quam doceri ille iusserit in Dei nomine, pro regula habere in Doctrinarum earum discussione, quæ à Prophetis, sive cum, sive sine Miraculo proferuntur. Quod si Prophetam aliquem contra regulam hanc docentem audierit, non ipse vindicabit, sed faciet quod fecerunt illi qui in castris Israelitarum prophetantes audierunt; id est Summo Imperanti indicabit, atque illi permittet statuere ut vult: & siquidem doctrinas eorum improber, improbabit: sin prober, sequetur, illisque obediet, ut quibus Deus Spiritum dedit ex Spiritu ejus cui Summam dederat Potestatem. Nam homines Christiani, nisi Regem suum, vel Coetum Supremum, pro Propheta Dei agnoscant, necesse est, ut sua ipsorum somnia, & cordium suorum tumorem, pro Spiritu Dei habeant, & sequantur; vel ut duci se sinant à Potestatibus externis, contra salutem Civitatis; vel à concivibus suis ambitiosis, per calumnias, ad seditionem excitandam, sine alio, quod doctrinam eorum confirmet, Miraculo, præter successum, & impunitatem aliquando admirabilem.

C A P V T XXXVII.

De Miraculis, & eorum usu.

PER *Miracula* intelliguntur opera Dei mirabilia. Quoniam autem dubitare solent homines suam ipsorum sequuti Rationem naturalem, utrum quod à Propheta pro mandato Dei pronunciat, mandatum ipsius Dei sit necne, *Miracula* in Sacris Scripturis vocantur Signa, ut quæ voluntatis Dei signa sunt: sicut etiam apud Scriptores Ethnicos, propter eandem causam vocantur *Ostenta* & *Portenta*. Ut intelligatur ergo, quid sit *Miraculum*, observandum est, quanam opera ea sint, quæ homines *Admirantur*. Sunt autem, quæ faciunt, ut opus aliquod admirentur, duæ tantum res. Altera si sit rarum, cujus simile raro aut nunquam ante factum viderant: altera, si postquam factum est, concipere non possunt per causas naturales factum esse, sed solummodo per operationem Dei immediatam. Nam si facti causas naturales intelligimus, utcumque opus rarum fuerit, vel si factum simile sæpe viderimus, etsi causam ejus naturalem non concipimus, non amplius admiramur, nec *Miraculum* appellamus.

Itaque si Bos aut Equus, loqueretur, *Miraculum* vocaretur, quia

rarum, & cujus causam naturalem non possumus imaginari. Similiter in generatione animalium, naturæ deviatio omnis insolita, pro *Miraculo* haberetur. At si Homo vel animal aliud sui simile generet, quanquam & hoc illud quomodo factum sit æquè nesciamus, *Miraculum* esse non putamus. Item si homo transformaretur in lapidem, *Miraculum* esset, quia rarum. Sed si lignum ita mutaretur, quis sæpe fit *Miraculum* non est: æquè tamen ignoramus, quomodo id in homine & ligno Deus operetur.

Arcus primus in Cælo apparens, *Miraculum* erat: quia primus, id est insolitus: & quia pro signo in Cælo à Deo ostensus est, ad significandum non amplius diluvio periturum esse mundum. Verum hodie, quia arcus cælestes videntur sæpe, *Miracula* nemini sunt. Rursus opera Mirabilia Arte humana multa producuntur: quia tamen postquam facta sunt, quomodo facta sunt, intelligimus, non habemus ea pro *Miraculis*.

Admiratio dependet plerumque à scientiâ & experientia hominum, ita ut alii videatur, quod vidit *Miraculum*, alii non videatur. Itaque homines imperiti & superstitiosi pro magnis *Miraculis* habere solent ea, quæ periti doctique omnino non mirantur. Eclipses Solis & Lunæ pro operibus supernaturalibus à vulgo habitæ quondam sunt; quarum causas naturales docti viri intelligentes, eas prædixerunt. Etiam homines callidi inter se confederati, secretas actiones incauti & imperiti hominis exquirentes, easdemque ipsi post narrantes, magnæ admirationi fuerunt, cum cautis prudentibusque viris non tam facile imponere potuissent.

Ad naturam *Miraculi* etiam pertinet, ut eo fine factum sit, ut Nunciis, Ministris & Prophetis Dei fides apud populum habeatur, sciaturque inde populus missos illos esse à Deo. Itaque Creatio Mundi, & postea Diluvium universale mirabilissima opera erant: quoniam tamen non eo fine à Deo facta erant, ut Ministro suo fidem facerent, *Miracula* appellari non solent. Sed opera Dei in Ægypto per Moysen, *Miracula* erant: propterea quod eo fine facta sunt, ut crederet populus Israëliticus venisse ad eos Moysen, non consilio suo, & commodi sui causa, sed missum à Deo. Quando enim jussit illum Deus Israëlitas à servitute Ægyptiaca liberare, dixit Deo Moyses: *Non mihi credent, sed dicent, Dominus non apparuit mihi.* Potestatem ergo illi dedit Deus convertendi Virgam, quam in manu habebat, in Serpentem, & rursus Serpentem convertendi in Virgam: & manum suam leprosam faciendi, & rursus sanandi, eo fine ut crederent Israëlitarum Deum Patrum suorum illi apparuisse. Cum autem *Miracula* hæc coram

coram populo operatus esset, tunc dicitur *populum illi credidisse*. Populus tamen illi non statim obedivit, metuens *Pharaonem*. Alia igitur *Miracula* fecit Deus, percutiens *Aegyptios*, sed id eo fine ut *Mosis* *Israëlitæ* crederent. Similiter si *Miracula* facta à Deo per *Mosm*, Prophetasque usque, ad Captivitatem; atque ea, quæ facta sunt à Servatore nostro, & Apostolis ejus, consideraverimus, inveniemus facta esse eo sine omnia, ut fidem facerent, vel confirmarent, non advenisse eos sua ipsorum causa, sed à Deo missos fuisse. Nec tamen *Miraculorum* scopus erat universum in omnibus fidem facere, sed in Electis tantum, nempe iis, qui salvandi erant. Plagarum enim *Aegypti* finis non erat conversio *Pharaonis*, cujus cor obduratum se esse prædixerat Deus, ne populum abire sineret; & *Pharaon* cum eos dimisit, non *Miraculo*, sed Plagis motus id fecit. Item de Servatore nostro (Matth. 13. 58.) scriptum est, *non multa Miracula operatum illum esse in patria sua, propter eorum incredulitatem; & (Marc. 6. 5.)* scribitur, *non poterat ibi virtutem ullam facere, nisi paucos infirmos impositis manibus curavis*, & mirabatur propter incredulitatem eorum. Absit, ut putemus Potentia caruisse; aut finem *Miraculorum* alium fuisse, quam convertere incredulos. Nam quæ fecerunt *Miracula Moses* & Prophetæ, & ipse *Christus*, & Apostoli ejus, homines ad Ecclesiam aggregandi causa omnia fecerunt. Quid ergo dicendum est, nisi quod Servator noster missus à Patre; Potentia à Patre data aliter uti non potuit, quam ad conversionem eorum tantum quos Pater ejus non reprobaverat. Quod locum hunc S. Marci exponentes quidam poni dicunt, *non poterat, pro non voluit, non secessavit id faciunt*, & sine exemplo linguae Græcæ. Ab his, quæ jam dicta sunt de natura *Miraculi*, definiri potest, *Miraculum* esse opus Dei (præter operationem naturæ in Creatione ordinatum) eo fine factum, ut cognoscerent Elekti Nuncium à Deo exiit ordinatum ad eam salutis eorum causam missum esse.

Ab hac autem definitione inferimus: primo, *Miraculum* non esse effectum Virtutis alicujus in ipso Propheta, ad cujus verbum factum est, sed opus Dei immediatum. Secundo, neque Diabolum neque Angelum, neque Spiritum creatum quemcunque *Miraculum* facere posse. Nam neque si virtute Naturalis alicujus Scientiæ id faciunt, neque si Incantatione, aut Exorcitatione; id est Virtute Verborum *Miraculum* dicendum est. Si propria Potentia id facere possit Incantator, Potentia aliqua esset, quæ à Deo non dependeret, quod omnes negant. Sin Potentia à Deo data extraordinaria faciat, *Miraculum* eorum non est, sed Dei factum immediatum.

Sunt Scripturæ Sacræ loca aliqua, quæ *Miraculorum* operationem attribueri videntur Incantationibus, & Artibus Magicis; ut ubi legimus quod postquam *Moses* Virgam suam projiciendo in terram convertisset in Serpentem, *Magi Egyptii simile fecerunt Incantationibus suis*. Et quod postquam *Moses* aquas Egyptiorum convertisset in Sanguinem, *idem fecerunt Magi Incantationibus suis*; & postquam *Moses* per Potentiam Dei in terras Egyptiorum induxisset ranas, *simile fecerunt Magi*; Nonne *Miracula* efficaciam habere à sono verborum, ab his locis satis probari existimabimus? Attamen nullus Scripturæ locus docet, quid sit Incantatio. Itaque si Incantatio non sit (ut multi esse putant) effectio Mirabilium per Verba & Sonos, sed Impostura; & modis naturalibus facta illusio, adeoque procul ab operatione supernaturali, ut Impostores ipsi scientia nulla causarum naturalium, ut ea faciant nec alia re indigeant, quam ignorantia, stupore, & superstitione communi generis humani: loca illa, quæ opinionem de Magica & Incantationibus favere videri possunt: aliud sensum habere debent, quam primo intuitu habere videntur.

Satis enim manifestum est Verba effectum, nisi in eos, qui intelligunt, habere nullum. Neque effectum in ipsos intelligentes ullum, præter declarationem quid cogitent illi qui loquuntur. Itaque quando Virga videtur Serpens, aut Aqua sanguis, aut aliud *Miraculum* factum per Incantationem: nisi fiat ad populi Dei ædificationem, neque Virga neque Aqua, neque aliud Incantatur præter Spectatorem, totumque *Miraculum* Incantatoris in eo consistit ut Impostor hominem decipiat: quod *Miraculum* non est.

Tanta enim est humani generis ignorantia, & ad errandum proclivitas, sed maxima eorum qui causarum naturalium, & consiliorum humanorum imperiti sunt, ut infinito numero fallaciarum obnoxii perpetui vivant. Sed Thaumaturgorum genera persequi longum esset: hi tamen quicquid fecerunt, sua singuli agilitate fecerunt. Sed si Imposturas eorum consideremus, qui fœderati faciunt, nihil factu impossibile videbitur, quod possibile est credi. Homines enim improbi si duo tantum conspirarent, unus ut simularet se claudum esse, alter ut Incantatione illum sanaret, multos deciperent: sed si conspirarent multi, ut unus simulet se claudum esse, alter ut eum sanet, & reliqui omnes, ut testimonium dicant, decipient multo plures.

In tali operis humani proclivitate, fidem *Miraculis* temerè adhibendi, cautela melior esse non potest, quam quæ à Deo per *Mosē* (ut antè dictum est) docetur in Cap. 18. Deuteronomii initio, & sine: nempe, ne pro Prophetis habeamus illos, qui Religionem

aliam docent, quàm quæ ab eo, qui personam Dei in Civitate gerit, Legibus permittitur; neque etiam illos, si novum aliquem articulum obtrudere conentur, pro Prophetis habeamus sine *Miraculo* indubitato. Itaque ut *Moses* suo tempore, & *Aaron* Successoresque ejus temporibus suis: ita Summi Imperantes in populo Christiano, id est Ecclesiarum Summi rectores omnibus temporibus consulendi sunt, quas doctrinas doceri permiserunt, antequam *Miraculis* aut Prophetis ignotis fidem habeamus. Etiam *Miracula*, quæ prætenduntur doctrinis novis, debemus videre ipsi; & quantum possumus excutere, & examinare, & secundum Rationem publicam, id est secundum rationem ejus qui Summam habet in Civitate Potestatem, de veritate *Miraculis* judicare. Exempli gratiâ, si quis dicat, quod post certa verba ab ipso prolata super buccam Panis, non sit amplius Panis, sed Deus, vel Homo, etsi oculis, ut ante, Panis videatur; causa nulla est, cur quis ita factum realiter esse putet, neque illum timeat, donec à Deo per illum, qui locum ejus in Civitate tenet, utrùm realiter factum sit necne, inquisierit; & siquidem ille negat, tunc sequitur id, quod à *Mose* dictum est Deut. 18. 22. *temere loquutus est, non timebis illum*; sin factum esse realiter dicat, acquiescendum est. Item in *Miraculis* quæ non vidimus facta, sed fama tantum audivimus, consulenda est Ecclesia Civitatis, id est is, qui Summam in ea habet Potestatem, quousque famæ Authoribus credendum sit. Atque hæc illis præcipuè dico, qui vivunt in Civitatibus Christianis. Hodie enim ne unum quidem hominem cognosco, qui per Incantationem, vel ad vocem, vel ad Orationem hominis, opus ita mirabile factum vidit, ut homini mediocriter cauto videri posset supernaturale. Quæstio ergo hodie non est, utrùm *Miraculum*, quod vidimus, vel legimus, vel fama audivimus realiter factum sit; sed utrùm *Miracula* quæ legimus, aut fama accipimus, non sint linguæ aut calami solius opera. In qua quæstione, non Rationis vel Conscientiæ privatz Iudicium est, sed Rationis (ut dixi) publicæ, id est Rationis illius Hominis vel Coetus, quem in omni quæstione Iudicem antè constitueramus. Privato autem homini (quia cogitatio omnis libera est) credere vel non credere quæ pro *Miraculis* approbata sunt, licitum semper est, atque de illis judicare intra pectus suum, prout narrantibus bonum inde proventuram vel non proventurum est. Verum quando ad fidei Confessionem ventum erit, Privato Iudicio amplius locus nullus est; sed adeundus est is, qui Summam sub Deo in Ecclesia habet Potestatem. Quis autem ille sit, suo loco infra considerabitur. Nam Præstigiatori, aut Ventriloquo Artifici, Fictori

Fictori callido, & narratori Mirabilium impudenti, Perjuro strenuo, Simulatori sanctitatis Histrionico, vel (maximè) multis simul nebulonibus foederatis, quis non credat homo malarum artium imperitus?

C A P V T XXXVIII.

De significatione quam habens in Scripturis Sacris Vocabula Vita aeterna, Infernum, Salvatio, Mundus venturus, & Redemptio.

Quoniam Societatis Civilis conservatio dependet à Iustitia; & Iustitia à Potestate Vitæ & Necis, aliarumque Pœnarum leviorum (quam Potestatem habet is, qui Summam in Civitate Potestatem possidet) impossibile esset conservari Civitatem illam, in quâ Persona alia sit, quæ Potestatem habeat majoris infligendi pœnas quam est mors, vel majora præmia tribuendi, quam est vita. Cum ergo *Vita aeterna* præmium majus est quam *Vita* præsens, & *Crucians aeterni* pœna gravior, quam mors naturalis; res diligentia multa digna est, illis, qui per obedientiam civilem, confusionem calamitatemque belli civilis vitare cupiunt, quid sit quod in Sacris Scripturis per *Vitam aeternam*, & *Crucians aeternos* intelligendum est perscrutari; & propter quæ crimina, & contra quos commissa, cruciandi in *Æternum* sunt; & propter quæ facta *Vita aeterna* fruituri sunt.

Adamum ea conditione creatum esse legimus, ut nisi mandatum Dei violasset, potuisset in æternum vixisse in Paradiso, ubi à Deo ab initio collocatus erat. In Paradiso enim erat *Arbor Vitæ*; cujus esus illi tamdiu permissus erat, quamdiu ab esu fructus Arboris Scientiæ Boni & Mali se abstineret. Itaque quamprimum ex fructu Arboris hujus vetito comederat, Deus illum è Paradiso expulit, *ne scire* (inquit) *mittat manum suam, & sumat etiam de ligno Vitæ & comedat & vivat in æternum*. Constat ergo *Adamum* non creatum esse immortalem virtute naturæ suæ, sed per gratiam Dei adventitiam, nempe, virtute *Arboris Vitæ*, cujus comedendi dum copiam haberet, non potuit mori. Videtur ergo *Adamus* nisi peccasset victurus fuisse in terrestri Paradiso in æternum; Mortalitatem autem in se & posteros suos intrasse per hoc peccatum ejus primum; Mortalitatem, inquam, tunc statim intrasse, non Mortem ipsam. Vixit enim longo post tempore, suamque vidit antequam moreretur posteritatem numerosam. Vbi autem dicitur, *in quocunque die comederis ex eo, morte morieris*. Intel-

ligendum est, non de morte in illo die, sed de certitudine mortis, id est de Mortalitate. Quod autem non dicitur simpliciter *mories*, sed *morte morieris*, ita intelligendum est (ut interpretatur *Athanasius*) quando morieris, non revivisces. Cum ergo Vita æterna per peccatum amissa esset, manifestum est quod quicumque peccatum illud aboleret, Vitam illi æternam, quam perdiderat, restitutus esset. Sed *Iesus Christus* peccatum illius, & omnium in ipsum credentium abolevit, & proinde omnibus credentibus *Vitam illam æternam*, quam perdidit *Adamus* recuperavit, nempe Vitam in Paradiso futuram. In quo sensu S. Pauli rectè stat comparatio Rom. 5. 18. 19. *Igitur sicut per unius delictum in omnes homines Condemnatio: sic & per unius Iustitiam in omnes homines Iustificatio vitæ.* 1 Cor. 15. 21. 22. *Cum quidem per hominem mors, & per hominem resurrectio mortuorum. Et sicut in Adam omnes moriuntur, ita & in Christo omnes vivificabuntur.* Quod attinet ad locum in quo Vita illa æterna homines fructuri sunt, duo illi Scripturæ Textus significare videntur fore locum illum in Terra. Si quidem illic *Adamus* perdidit Paradisum, & Vitam æternam: Paradisum & Vitam illic æternam, credentibus in se *Christus* recuperavit, nec aliam. Cui doctrinæ congruere videtur quod dicit Psalmista (Psal. 133. 3.) *Dominus, qui fecit Cælos & Terram, benedicat tibi à Zion.* Alioqui dixisset benedicat tibi à Cælo: item Iohannes Apoc. 2. 7. *Illi, qui vincit dabo comedere ex fructu Arboris Vitæ, quæ est in medio Paradisi Dei; quæ Arbor, Adamo Arbor Vitæ erat, sed in Terra.* Idem confirmari videtur à Iohanne Apoc. 21. 2. *Et ego Iohannes vidi sanctam Civitatem Ierusalem novam descendentem de Cælo, à Deo paratam sicut sponsam ornatam viro suo, & audiui vocem magnam de Throno dicentem; Ecce Tabernaculum Dei cum hominibus. Id est Ierusalem nova (in quo est Mons Zion (nempe locus Electorum descendit in Terram, Item Angeli duo in vestimentis albis dicunt (Act. 1. 11.) Hic idem Iesus qui assumptus est in Cælum, ita veniet sicut vidistis ipsum ascendere. Quæ verba ita sonant ac si dixissent venturum esse ad populum Dei Patris sui regendum hic: non quasi illos in Cælo regendos, in Cælum sublaturus esset: quod etiam Regni Dei sub Mose instituti restitutioni consentaneum est. Regnum autem illud erat Civitas Iudæorum in Terra. Porro, id quod dicit Servator noster Matth. 22. 30. *In resurrectione neque nubem neque nubentur: sed erunt sicut Angeli Dei in Cælo*, descriptio est *Vitæ æternæ*, similis ejus, quam perdidimus in *Adamo*, quantum attinet ad Matrimonia. Nisi enim peccassent *Adamus & Eva*, vixissent in Paradiso terrestri ipsi sine prole in perpetuum. Nam si sicut homines nunc, ita immortales generarent,*

nerarent, deesset non magno tempore locus hominibus, ubi pedes ponerent. Iudæi qui *Christum* interrogaverant, cujus Vxor futura esset scemina illa in resurrectione, de consequentiis *Vitæ æternæ* non cogitaverant; itaque docet illos *Christus* generationem hominum non magis futuram esse in Resurrectione quam Angelorum. Comparatio hæc inter *Vitam æternam* ab *Adamo* amissam, & à *Christo* morte sua restitutam, etiam in hoc congrua est, quod sicut *Adamus*, etsi *Vitam æternam* peccato suo perdidit, vixit tamen postea aliquamdiu: ita Christiani fideles *Vitam æternam* morte *Christi* receperunt, & tamen moriuntur morte naturali, & mortui aliquamdiu manent, nimirum usque ad Resurrectionem. Sicut enim *Mors* computata est in *Adamo*, non à Condemnatione, sed ab ipsa *Morte*: ita etiam Electorum *Vita* non ab Absolutione sive remissione peccatorum, sed à Resurrectione computatur.

Quod locus, in quo in æternum post Resurrectionem habituri sunt Electi, sit Cælum, id est partes illæ quæ à Terra remotissimæ sunt, ut ubi sunt Stellæ, aut adhuc altius in Cælo quod vocatur (non in Scriptura Sacra) *Empyreum*, non confirmatur ab ullo, quod sciam textu Scripturæ Sacræ. Regnum quidem Dei Cælum inhabitantis, Regnum cœleste propriè dicitur; Cives autem Regni illius in Terra degebant, regebanturque à Dei Vicegerentibus, nempe *Mose*, *Eleazar*, cæterisque summis Iudæorum Sacerdotibus, usque ad tempora *Samuelis*. Postquam etiam Servator noster per prædicationem Ministrorum suorum Iudæos ad obedientiam Dei revocaverit, & vocaverit Gentes, Regnum erit Cœleste novum; sine ulla tamen necessitate in Scripturis apparente, ascensurum tunc hominem ad felicitatem suam altius, quam ad scamnum pedum Regis sui cœlestis. In contrarium, scriptum invenimus (Iohan. 3. 13.) Quod nemo in Cælum ascendit præter eum, qui à Cælo descendit, nempe Filium hominis, qui est in Cælo. Item (Act. 2. 24.) ad probandam *Christi* ascensionem, utens verbis *Psalmistæ* (Psal. 16. 10.) Non relinques animam meam in inferno, nec dabis sanctum tuum videre corruptionem, dicit *Petrus*, non ea de *Davide* sed de *Christo* dicta esse; probans ex eo, quod *David* non ascendit in Cælum. Sed huic loco respondere aliquis poterit, quod etsi corpora eorum non ascenderint in Cælum ante diem Iudicii ultimi; animæ tamen eorum ascenderunt simul atque ex corporibus eorum exceslerant: quod confirmari videtur ex verbis Servatoris nostri Luc. 20. 37, 38, qui probans Resurrectionem ex verbis *Mosis*, sic dicit: Mortuos resurrecturos esse, etiam ostendit *Moses*, qui ad rubrum Dominum invocant, appellat Deum *Abrahami*, Deum *Isaci*, & Deum *Iacobi*.

Iacobi. Non est enim Deus mortuorum, sed viventium. Sed si verba illa intelligenda sunt de Immortalitate animæ, non id probant, quod probatum voluit Christus, nempe, Resurrectionem Corporis, quæ est Immortalitas Hominis. Dicit ergo Servator noster: Patriarchas illos Immortales quidem esse, at non per proprietatem aliquam humanæ Essentiæ consequentem, sed per voluntatem Dei, qui ex mera gratia Electos donavit Vita æterna. Quod autem Patriarchæ illi, alii-que multi fideles homines tunc mortui essent, vivere tamen eos diceret Christus, causa erat, quod nomina eorum scripta erant in Libro Vitæ: & propterea addidit verba hæc, ut in textu videre est, quod viverent Deo. Quid autem est, propter quod animæ Iustorum in Cælum irent ante corpora, cum mercedem operum suorum recepturi non sint homines ante Iudicium, ut manifestum est ex Luc. 14. 14. Cum facis convivium, voca pauperes, debiles, claudos, & cecos, & beatus eris, quia non habent retribuere tibi, retribuetur enim tibi in Resurrectione Iustorum. Itaque ante Resurrectionem, nil habet in cælo quod faciat anima etsi per se existeret. Verbum hoc Anima Immortalis in Scriptura Sacra nusquam, Vita æterna passim invenitur. Caput Iobi decimum quartum (ubi non aliquis amicorum ejus loquitur, sed ipse) totum querimonia est de mortalitate hominum, sine tamen negatione Immortalitatis post Resurrectionem: Lignum habet spem. Si præcisum fueris, rursus virescit, & rami ejus pullulant. Si sennerit in terra radix ejus, & in pulvere emortuus fuerit truncus illius, ad odorem aquæ germinabis, & faciet comam, quasi cum primum plantatum est: homo verò, cum mortuus fuerit, & nudatus atque consumptus, ubi quæso est? Et paulo post, Homo cum dormierit, non resurget donec atteretur cælum. Sed quando erit quod cælum atteretur: respondet S. Petrus, futurum esse in Resurrectione. Dicit enim 2 Epist. 3. 7. Cæli autem qui nunc sunt, & Terra eodem verbo repositi sunt igni, reservati in diem Iudicii, & perditionis hominum impiorum, & ver. 12. Adveniet autem dies Domini, ut sur, in quo Cæli magno impetu transient, elementa verò calore solvuntur, terra autem, & quæ in ipsa sunt opera, exurentur, novus vero cælos & novam terram, & promissa ipsius expectamus, in quibus Iustitia habitabit. Vbi ergo dicit Iob hominem non amplius surrecturum, idem est, ac si dixisset vitam immortalem in Resurrectione incipere, & pro causa habere, non naturam humanam sed Promissionem.

Postremo, cum Capite 35. ostensum sit Regnum Dei Civitatem esse propriè dictam (quæ Civitas erat in Terra) in qua Virtute pacti tum Veteris tum Novi Summam habet Potestatem Deus: & eam per

Vicgerentem regit: etiam quando Servator noster adveniet in Gloria & Majestate regnaturus, Regnum ejus erit in Terra. Sicut Regnum Dei, & Vita eterna: ita etiam Hostes Dei post Iudicium ultimum, & cruciatus eorum, locum in Scripturis videntur habituri in Terra. Loci, ubi homines qui sepulti vel absorpti à Terra erant, mensuri sunt usque ad resurrectionem. Nomen vocatur plerumque in Scripturis *Infernus*, & *Inferi*. Græcis *ᾗδης*, id est locus ubi nihil videri potest, continetque tam Sepulchrum, quam locum alium omnem inferiorem. Sed reproborum post Resurrectionem locus quis sit, ex situ ejus non definitur, neque in veteri neque in novo Testamento. Indicatur tantum per nomina hominum qui in eo loco esse supponuntur, extraordinaria, & quasi miraculosa morte à Deo deleri. Exempli causa, dicuntur in *Inferno*, in *Tartaro* esse propter *Corab*, *Dathan*, & *Abiram* viros à terra absoptos, non enim voluerit Scriptores Sacri, ut crederemus Globum Telluris (qui non modo finitus est, sed etiam cœli Stellarum fixarum altitudini comparatus, insensibilis magnitudinis) puteum habere in se infinitæ profunditatis, qualem fuxerunt nomine Tartari, Poëtæ; sed ut eos ibi esse crederemus, ubi essent illi qui à Terra absorpti dicuntur. Barbas, quia homines illi, qui tempore Noë vixerunt, paulo ante diluvium, in Scripturis *Gigantes* dicti (à Græcis fortasse Heroes, geniti, ut dicunt Poëtæ, ex copulatione Deorum & Hominum) in diluvio generali delati erant; locus reproborum à Judæis significabatur per locum Gigantum, ut Prov. 21. 16. *Vir qui erraverit à via doctrinæ, in cœtu Gigantum commemorabitur.* Et Job 26. 5. *Eccce Gigantes gemunt sub aquis, & qui habitant in cœnæis.* Locus Reproborum hic sub aquis esse significatur. Ex *Isaiâ*. 14. *prosterne contritus est in occursu advenit tui, suscitavit tibi Gigantes.* Dictum hoc ab *Isaiâ* est contra Regem Babylonis, locum Reproborum rursus innuens sub aquis esse.

Tertio, quia Urbes *Sodomæ* & *Gomorræ* propter impietatem incolarum igne & Sulphure à cœlo consumptæ erant, & regio vicina in letum bituminis fontis conversa: locus Reproborum saepe in Scripturis Sacris significatur per *Ignem* & *Lacum ignis*, ut Apoc. 21. 8. *Timidus autem & incredulus, & execratus, & homicida, & fornicatoribus, & veneficis, & idololâtris, & omnibus mendacibus, pars illorum erit in stagno ardenti ignis & sulphuris: quod est mors secunda.* Manifestum ergo videtur locum Reproborum non esse certum aliquem locum in quo conparentur Impii, sed nomen cujuscunque perditionis appellativum.

Etiam

Etiā Cap. 20. vers. 14. Ipse infernus & mortui missi sunt in flagrum ignis. *Hec est mors secunda.* Adeo ut sensisse videtur Evangelista, impios omnes iudicio ultimo damnatos, & in lacu ignis de quo morituros esse, & propterea mortem hanc *secundam* appellavisse.

Quartò, à plaga Ægyptiaca, *Tenebrarum* (Exod. 10. 23.) de quibus Tenebris dicitur, *Nemo vidit fratrem suum tribulum diebus nec mori se de loco in quo erat; ubicunque autem habitabat Filius Israel lux erat.* locus Reproborum à Iudæis appellabatur *Tenebra exterior* *ἐξωτερικὴ τένερα*.

Postremò, quoniam locus, quidam erat prope Ierusalem qui appellabatur *Vallis filiorum Hinnon*, in cuius parte, dicta *Tophet*, sacrificaverant Israelitæ Idolo *Molech*; ubi etiam Deus hostes eorum perdeciderat, & ubi *Iosafat* Sacerdotes *Molech* super ipsorum Altaria combusserat (ut legitur 2. Reg. 23.) locus ille à Iudæis pro loco ubi cruciandi essent Dei hostes appellatus est *Gehenna*; & propter ignes illic perpetuò ardentes (nimirum, tollendi causa fustorem perpeccatorum rerum putridarum istuc projectarum) *Ignis perpetuus*.

Quoniam autem nemo hodie est, qui ita Scripturas interpretetur, quasi Reprobi in æternum cruciandi essent in *Vallis Hinnon*, aut quasi sub aquas, aut in Tartarum detrudendis, aut quasi moturi se non essent præ Tenebris, sequitur (ut puto) necessario, quæ dicuntur in Scripturis de loco Reproborum, dicta esse metaphoricè, ac proinde sensum verberum circa locum illum & cruciatus illos *proprium* querendum esse.

Quod attinet ad Tortores, naturam & proprietates eorum propriè traditas habemus, in nominibus *Satan*, *Diabolus*, *Abaddon*. Quæ Nomina *Satan*, *Diabolus*, & *Abaddon* personam individuum nullam (ut Nomina solent Propria) designant, sed officium vel qualitatem aliquam; & propterea sunt Appellativa. Sumpta autem pro Propriis improprios fallunt, faciuntque ut Spectra, & Dæmones, totidem esse putent, quales adorabant Gentes. Quoniam autem verba illa significant *Habitu*, *Accusationem*, & *Extirpationem*, intelligenda sunt de Hoste Ecclesie Dei. Si ergo Regnum Dei post Resurrectionem futurum sit Terra, etiam Hostes & Regnum eorum in Terra esse debent, Quando enim Regnum Dei in Israël erat, Regna Gentium vicina, pro Regnis *Satan* habebantur. *Satan* omnis malitiosus & inimicus in *Conscientia* inferri significantur, interdu per *Satan* & *Stridorem dentium*, ut *Matth. 8. 10.* Interdu per *Conscientiam*, ut *Heb. 6. 24.* *Marc. 9. 44, 46, 48.* Interdu per *ignem inextinguibilem*. Interdu per *opprobrium*, ut *Doni. 12. 2.* Quæ loca omnia dolorem significant

metaphorice, ab eo oriundum, quod felicitatem illam eternam ab aliis acquisitam esse vident, quam ipsi per incredulitatem & contumaciam suam perdidērunt. Cum autem felicitati aliorum non invidetur, nisi ab illis qui dolores & calamitates patiuntur; consequens est, ut pœnas luant corporales; inter quas numeranda etiam est *Mors secunda*. Quamquam enim Scriptura Sacra Resurrectionem affirmet, quod tamen Reprobis *Mors eterna* promissa sit, nusquam legimus. S. Paulus 1. Cor. 15. 42. 43.) quæstionem tractans, quibus corporibus resurgendum sit, *Corpus* (inquit) *seminatur in corruptione, surget in incorruptione. Seminatur in ignobilitate, surget in gloria. Seminatur in infirmitate, surget in virtute. Seminatur corpus animale, surget Corpus spirituale.* Gloria autem & Virtus, & Spiritualitas Corporibus Reproborum attribui non potest; neque *Mors secunda* illis qui semel tantum possunt. Scio Metaphorice dici posse mortem, vitam illam quam comitantur perpetuæ calamitates & miseriæ; sed *Mors secunda* dici non potest. Ignis paratus hominibus impiis, perpetuus esse potest, nimirum pœna illa, post Resurrectionem qualiscunque sit, & vocari inextinguibilis; atque inde inferri nequit, quod illi qui in ignem illum conspiciuntur, in eo eternum ardebunt aut cruciabitur, nec tamen consumantur. Contrarium enim dicitur Apoc. 20. 13. 14. *Et dedit mare mortuos qui in eo erant, & mors & infernus dederunt mortuos qui in ipsis erant. Et iudicabamur unusquisque secundum opera eorum. Et mors & infernus concessi sunt in stagnum ignis. Et hæc est Mors secunda.*

Vitæ autem eternæ gaudia comprehenduntur a Scriptoribus Sacris sub nomine Salutis sive Salvationis. *Salvatio* autem *servari* est; sive specialiter a Malis certis, sive universaliter a malis omnibus, nempe Indigentia, aegritudine & morte ipsa, a quibus omnibus, nisi peccasset Adamus, incoluntis virtute arboris Vitæ, vixisset in eternum. Servari ergo ab his malis omnibus idem est ac servari a Peccato. Et in Scripturis Sacris eadem res est; Peccata remitti, & a morte & miseriis servari, ut constat ex verbis Servatoris nostri Matth. 9. 2. *Confide fili, remittuntur peccata tua.* Et vers. 5. *Vrum est facilius dicere, dimittantur tibi peccata tua, an dicere, Surge & ambula.* Etiam Rationis naturalis est, cum Mors & Miseria, punitio fuerit peccatorum, ut remissio peccatorum abolitio esset mortis & miserationum, & proinde *Salvatio*, & peccata *Ab remitti* eadem res sit, & ab hac remissione peccatorum per mortem Christi est; quod *Christum* appellamus *Servatorem nostrum*.

De Salvationibus specialibus, quales sunt intelligendæ, & Sam,

14, ubi Deus salvasse dicitur Israelitas ab hostibus suis Philistæis, & 2 Sam. 22, 4, *Dominus petra mea & robur meum, & Salvator meus.* Et 2 Reg. 13, 5, *& dedit Dominus Salvatorem Israeli, & liberatus est de manu Regis Syriæ;* de similibus, ut loquar non est opus. Nam loca hæc, neque habent difficultatem, neque spectant ad institutum nostrum.

Sed de loco Salvationis universalis fidelium hominum, in Regno Cœlesti, difficultas magna est; cum enim Regnum Cœleste, Civitas sit, ab hominibus securitatis causa contra hostes, instituta videtur Salvatio contra hostes debere esse in Terra. Per Salvationem enim innuitur Regnum illius Regis cœlestis per Victoriâ, non incolumitas per fugam. Vbi ergo salutem illam expectamus, expectamus Triumphum; & ante Triumphum, Victoriâ; & ante Victoriâ, Prælium; quæ non facile supponi possunt futura esse in Cœlo. Videamus autem, de hac re quid dicant Scripturæ Sacræ: Isaias 33, vers. 20, 21, 22, 23, 24. *Respice Zion Civitatem solemnitatis nostræ: oculi tui videbunt Ierusalem habitationem opulentam, tabernaculum quod nequaquam transferri poterit: nec auferentur clavi ejus in sempiternum, & omnes funiculi ejus non rumpentur: quia solummodo ibi magnificus est Dominus noster: locus fluviorum rivus latissimi, & patentes: non transibit per eum navis remigum, neque trieris magna transgredietur eum. Dominus enim Index noster, Dominus Legifer noster, Dominus Rex noster: ipse salvabit nos. Laxati sunt funiculi tui, sed non prævalebunt, sic erit malus tuus, ut dilatare signum non queas. Tunc dividuntur spolia prædæ multarum: claudis diripient rapinam. Nec dicet vicinus, Elangui. Populus qui habitat in ea, auferetur ab eo iniquitas.*

Quibus verbis designatur primo, locus Salutis, Ierusalem habitatio opulenta; secundò, duratio ejus, Tabernaculum, quod nequaquam transferri poterit; tertio, Salvator quis sit, Dominus Index noster, Legifer noster, Rex noster; quartò, ipsa Salvatio, qualis est locus fluviorum, rivus latissimi; quintò, conditio eorum qui salvabuntur, non dicet vicinus, Elangui; sextò, conditio hostium, Laxati sunt funiculi, sed non prævalebunt &c. postremò, continentur hæc omnia Civium prospera, nomine Remissionis peccatorum, populo dimittitur iniquitas ejus. Quibus verbis perspicuum videtur esse, Salvationem in Terra tunc futuram esse quando regnabit Deus (in adventu Christi) in Ierusalem; & à Ierusalem procedere debere Salutem Gentium: id quod apertius etiam declaratur ab eodem Propheta cap. 66, 20, 21. *Et adducent omnes fratres vestros de cunctis gentibus donum Domino, in equis, & in quadrigis & in lecticis, & in mulis, & in caryncis, ad montem sanctum*

sanctum meum Ierusalem, dicit Dominus, quomodo si inferant filii Israelis, minus in vastando in domum Domini. Et assumam ex eis in Sacerdotes, & Levitas, dicit Dominus. Intelligi hinc potest Civitatis Cœlestis arcem, unde Salus gentibus derivanda sit, futuram esse, in Terra, urbem Ierusalem. Idem etiam confirmari videtur à Servatore nostro, in colloquio cum muliere Samaritana, circa locum divini cultus futuri Ioh. 4. 23. ubi mulieri dicit Christus Salvationem esse ex Iudeis, id est Salvatorei non à Samaria futurum esse, sed à Iudæa. Cui Respondens dicit Mulier, scimus venturum esse Messiam. Quod ergo dicit Christus Salvationem esse ex Iudæis, idem est, quod dicit Paulus Rom. 1. 16, 17. Non enim erubesco Evangelium, Verus enim Dei filius est in salutem omni credenti, Iudæo primum, & Græco. Iustitia enim in eo revelatur ex fide in fidem, id est ex fide Iudæi in fidem Græci. Eodem sensu Propheta Ios. describens diem Iudicii, (cap. 2. 30; 31.) Dabo prodigia in cœlo & in terra, sanguinem, & ignem, & vaporem fumis. Sol converteretur in tenebras, & Luna in sanguinem, antequam venias dies magnus & horribilis. Et erit: omnis qui invocaverit nomen Domini, salvus erit, quia in monte Zion & in Ierusalem erit Salvatio, sicut dicit Dominus. Et Obad. vers. 17. In monte Sion erit Salvatio, & erit sanctus, & possidebit domus Iacob eos qui se possederant; quas possessiones versibus sequentibus nominat, nempe montem Esau, terram Philistæorum, agros Ephraim, & Samaria, & Gilead, & Vrbes ad Meridiem, concluditque his verbis; Et Domino erit regnum.

Quid autem, Regnum Dei eo tempore, nonne erat Domino? Non erat tunc Domino Regnum illud, quod per Pactum habuit initium in monte Sinai. Quando erit Domino, Regnum illud per Pactum? Domino tunc erit Regnum illud, quando veniet Servator noster cum Majestate & Gloria, ad iudicandum vivos & mortuos. Quod autem attinet ad Regnum aliquod in Cœlo Empiræ, aliæ regione Æthereæ, nihil reperitur in Scripturis Sacris. Regnum tamen Cœleste erit propter Thronum in Cœlo Regis Cœlestis. Ex his quæ dicta sunt de Regno Dei, & Salvatione, facile intelligitur quid sit *Mundus venturus*. Invenitur in Sacris Scripturis mentio facta trium *Mundorum*, nimirum, *Mundi Veteris*, *Mundi Præsentis*, & *Mundi Venturi*. De primo loquitur S. Petrus (2 Petr. 2. 5.) Si originali Mundo non peperit Deus, sed octavum Noem iustitia præconem custodivit, ditiorum Mundi impiorum induens. Et: Mundus ergo Vetus ab Adamo computatur usque ad diluvium. De Mundo Præsentē loquitur Christus (Ioh. 18. 36.) Regnum meum non est ex hoc Mundo. Venit enim Christus ad Pactum Vetus renovandum; ad regnandum autem veniet

veniet in die iudicii. De Mundo venturo loquitur S. Petrus (2 Pet. 3. 13.) *Novus vero Caelus & novum Terram & promissa ipsius expectamus.* Atque hic est Mundus ille, in quo, Christus & Caelo in nubibus descensurus in potentia & gloria magna, missis Angelis suis congregabit Electos suos à quatuor ventis; & ab extremis Terræ, & regnabit super eos in æternum.

Salvatio peccatoris supponit *Redemptionem* præcedentem; nam qui semel peccati reus est, penas debet, quas ipse vel alius pro ipso solvere obligatur, pro pretio Redemptionis; quod pretium tantum est, quantum is qui læsus est postulat. Læsus autem Deus est; pretium ergo Redemptionis est quicquid Deo imponere visum erit. Damnum quod alii fit tolli potest per Restitutionem, vel compensationem, quarum neutra tollit peccatum. Ignosci tamen peccatori à læso aut *gratis*, aut poena quantulaconque peccatum ejus redimi; potest. Id autem quod Deus plerumque à peccatore (sub veteri Testamento) pro peccati Redemptione exigere solitus est, *Sacrificium* erat vel *Oblatio*. Peccatori enim ignoscere is qui injuriam passus est, quanquam illum punire minatus erat, jure potest; cum etiam apud homines etsi Promissio Boni Promissorem obliget; minæ tamen, id est Promissio Mali, neminem obligat; Multo minus obligabunt Deum, cujus misericordia est infinita. Servator ergo noster, ut nos redimeret, non ita pro peccatis hominum patri suo satisfecit, ut punitio peccatorum propter eam rem injusta esset; sed *Sacrificium* tantum erat mors ejus, quam placuit Deo acceptare pro peccatis penitentiam, & in Redemptorem suum credentium. Et propterea *Redemptio* in Scripturis Sacris, & *Sacrificium*, & *Oblatio*, & *Pretium* sæpenumero idem significant.

C A P V T XXXIX.

De significatione quam habet in Scripturis Sacris Vocabulum Ecclesia.

Ecclesia in Scripturis Sacris variè accipitur. Interdum pro *Domo Dei*, id est pro Templo in quo populus Dei publicè congregari consuevit ad cultum Divinum; ut 1 Cor. 14. 34. *Mulieres in Ecclesiis taceant.* In hoc sensu à Patribus Græcis dicitur Ecclesia *Κοινωνία*, id est *Domus Domini*. Frequentissime autem sumitur, juxta *ἐκκλησιον*, Græca enim vox est, significatque Coetum hominum evocatorum,

E e

nenpe

nempe Cives congregatos, & evocatos ad concionem publicam, à Magistrali, secundum Leges; atque hæc *Ecclesia erat legitima*. Etiam Cives per tumultum & seditionem in unum locum multi convenientes, vocantur interdum *Ecclesia*, sed *Ecclesia confusa*, ut Act. 19. 39. Manifestum autem hinc est, Ecclesiam nullam legitimam esse posse; quæ Authoritate illius non sit convocata, qui Summam habet in Civitate Potestatem. Sumitur etiam interdum pro hominibus, qui in Cœtum jure intrare possunt, etiam non sint Actu congregati, ut Act. 8. 3. Ubi dicitur, *Saulus autem devastabat Ecclesiam*. Interdum etiam pro solis Electis ut Eph. 5. 27. *Vi exhiberes sibi gloriosam Ecclesiam, non habentem maculam aut rugam*. Id quod intelligi non potest nisi de Ecclesia Triumphante. Cæteris significationibus omisis, loquemur hoc loco de Ecclesia in sensu proprio, nempe quatenus legitima est, habetque authoritatem legitimam, sicut sumitur Matth. 23. 17. ubi dicitur, *Die Ecclesie; si autem Ecclesiam non audieris, sit tibi sicut Ethnicus, & Publicanus*. In hoc enim sensu est, quod Ecclesia est Persona, quod velle, pronuntiare, imperare, audiri, Leges ferre, aut quicquam agere potest. Nam quod in congregatione hominum Authoritatem non habentium factum est, singulorum quidem factum est, si consenserunt, non autem Congregationis totius, ut corporis unius, neque illorum, qui non consenserunt. Ecclesiam itaque Christianam sic definio, Ecclesia Christiana est Cœtus hominum Religionem Christianam proficientium, unitorum in persona una summam habente Potestatem; cuius jussu convenire debent, & cuius injussu convenire non debent. Quoniam autem in omni Civitate conventiones illæ, quæ sine Authoritate habentur Imperantis summi, illegitimæ sunt; etiam Ecclesia illa, quæ habetur in illa Civitate, quæ conventiones tales Lege vetuit, illegitima est.

Manifestum etiam hinc est nullam in terra esse Ecclesiam universalem quam audire obligantur Christiani universi; cum nulla sit in terra Civitas aliarum Civitatum omnium Domina. In Civitatibus singulis, Christiani Legibus Civitatis suæ obedire obligantur: & per consequens, Legibus Civitatis aliæ teneri non debent. Ecclesia ergo cui Potestas est Iudicandi, Absolvendi, Condemnandi, aut actionem quamcumque Agendi, eadem res est cum Civitate: & Civitas ideo quidem est, quia Cives sunt Homines: Ecclesia autem, quia Cives sunt Christiani. Quare regimen Temporale, & Spirituale, verba inania sunt introducta eo fine, ut propter duos Status apparentes minus cognoscere homines, utri eorum obedientiam præstarent. In Cœlo quidem corpora hominum post Resurrectionem æterna & Spiritualia erunt:

erant : sed in vita presente, homines & caduci, & crassi sunt, neque patiuntur Statum neque Religionem ullam, præter eam quam statuit Potestas Temporalis : neque Doctrina ulla à Cive doceri jure potest, quam Civitas Temporalis doceri prohibet. Unus denique Rector tam Spiritualis, tam Temporalis esse debet, aut utraque simul Potestas interibit, nimirum per contentiones inter *Ecclesiam & Civitatem*, inter *Spiritualitatem & Temporalitatem*, inter *gladium Iustitiæ & Sententiam Fidei* : & quod majus est, in uniuscujusque Christiani potestate, inter *Christiannum, & Hominem*. Doctores quidem Ecclesiæ, Pastores vocantur : sed ita etiam vocantur Reges : sed nisi Pastor unus alii subordinatus sit, ita ut unus sit Pastor Summus, Doctrinæ docerentur inter se contrariæ : quarum utraque esse potest, sed altera necessariò falsa est. Quis autem Summus ille Pastor sit juxta Leges Naturæ, ostensum est superius, nempe, ille cui Summa est Potestas in Civitate : quis autem sit juxta Scripturas Sacras, videbimus in Capitulis sequentibus.

C A P I T U L U M.

De Iure Regni Dei in Abrahamo, Mose, Summis Sacerdotibus, & Regibus Indæ.

PATER Fidelium, & per Pactum primus in Regno Dei erat *Abrahamus*. Cum illo primo Pactum initum fuit : per quod Pactum seipsum & semen suum post se obedire mandatis Dei obligavit, non solum naturalibus, sed etiam illis mandatis, quæ Deus supernaturaliter manifesta faceret, per Somnia & Visiones. Legibus enim Naturalibus, ante tenebatur : ut de illis pacisci opus non esset. Pactus ergo est cum Deo *Abrahamus*, pro mandato divino habere, quicquid in Dei nomine, per Somnium, vel Visionem illi imperaretur, & idem familiæ suæ præcipere, & facere ut observarent. In Pacto hoc tria veniunt consideranda, maximi momenti in populi Dei gubernatione. Primum, quod in Pacti hujus institutione, solum alloquutus est Deus *Abrahamum* : neque omnino cum familia quicquam Pactus est, neque adhuc cum semine, nisi quatenus voluntates eorum intelliguntur in voluntate *Abrahami* comprehensæ esse : habuit enim juxta *Abrahamum* familiam suam cogendi, ut quæ pro illis promissæ, illi præstarent : juxta id quod legitur Gen. 18, 18, 19, ubi dicit Deus de *Abrahamo* : *Benedicendus sum in illo omnes nationes terre. Scio enim quod pro-*

operatus sit filiis suis, & domus sua post se, ut custodiant quam Domini, & faciant Iudicium & Iustitiam. Manifestum hinc est, illos quibus Deus immediate loquutus non est, accipere pro Legibus Dei eas debere, quas dictaverit is, qui Summam in eos habet Potestatem; sicut & familia & semen *Abrahami*, eas accepit ab *Abrahamo* Patre & Domino suo. In omni ergo Civitate, qui Revelationem supernaturalem non habent in contrarium, Legibus eius, qui Summam habet in Civitate Potestatem, in omnibus actionibus externis circa Religionem obedire obligantur. In externis (inquam) actionibus; quia cogitationes & fides hominum interna, ab humanis rectoribus cognosci non possunt; neque voluntaria sunt; neque Legum sed Potentiae tantum divinae effectus sunt; & proinde sub obligatione cadere non possunt.

Atque hinc oritur notandum Secundum; *Abrahamo* licitum fuisse, si subditorum suorum aliquis Visionem vel Spiritum vel Revelationem Divinam contumaciae suae, vel novis Doctrinis quas *Abrahamus* vetuerat praeponderet, huiusmodi homini iisque qui illi adhaerebant, poenas infligere; & per consequens Summis Imperantibus illos punire qui Legibus Civitatis opponunt Spiritum suum Privatum, etiam nunc licere. Habent enim in Civitate eandem Auctoritatem nunc Summi Imperantes, quam tunc habuit in sua familia *Abrahamus*.

Deducitur inde tertio, quod sicut solus *Abrahamus* in Familia sua, ita is solus, qui Summam habet in Civitate Christiana potestatem, scilicet supponatur, quid sit, quod Deus loquutus est; id est solus Divini Verbi interpret existimandus est.

Idem Pactum renovatum erat cum *Isaaco*, & deinde cum *Iacobo*. Postremo, cum *Mose* & Israelitis ad montem Sinai, ubi facti sunt Israelitae in Regnum Dei peculiare, rexitque eos sub Deo (pro suo tempore) *Mosis*, cui succedere debuerunt Summi Sacerdotes, nempe ut esset Regnum Sacerdotale in perpetuum.

Per hanc constitutionem, Regnum Israelitarum acquisitum est Deo peculiare. Quoniam autem Israelitis Imperandi *Mosis* ius ab *Abrahamo* nullum habuit, unde obligari potuit populus, ut illum pro Vicegerente Dei diutius haberent, quam colloquiis inter illum & Deum fidem haberent, Auctoritasque *Mosis* (etiam cum Deo pro illis Patrus esset) dependeret à sola, quam habebant de sanctitate eius, & de realitate colloquiorum eius cum Deo, & de veritate Miraculorum, quae operatus erat, existimatione: Quae existimatio si mutari contingeret, causa nulla apparebat, propter quam, quicquam quod ab illo in nomine Dei proponeretur pro Lege Divina habere obligarentur. Fundamen-

damen-

damentum obligationis populi Israelitici ad obediendum *Mosi*, aliud querendum est. Non enim ut obedirent iussit Deus: nec enim illos alloquutus est, nisi mediante *Mose* ipso. Dicit autem Christus (Ioh. 5, 31.) *Si testimonium dico de meipso, testimonium meum non est verum.* Autoritas ergo *Mosis*, sicut Autoritas cæterorum Principum omnium, fundari debuit, in Consensu populi promittentis obedientiam. Atque ita erat. *Populus* enim (Exod. 23. 18.) *Videbat vocem & lampades, & sonitum buccinae, montemque fumantem, & perterriti ac pavore concussi, steterunt procul, dicentes Mosi: Loquere in nobis, & audiemus, non loquatur nobis Dominus, ne forte moriamur.* Hæc sunt verba promittentium obedientiam, & quibus obligaverunt se imperata facere omnia, quæ à Deo ipsis imperaret *Moses*.

Quamquam autem Regnum Pacto constitutum Sacerdotale esset, id est Regnum *Aaroni* hæreditarium; ipse tamen Constitutor ejus *Moses*, summum Imperium pro suo tempore habuisse intelligendus est: quia Civitatis cujuscunque Constitutor dum eam constituit, Potestatem Summam, ut necessariam habere debet. Quod autem *Moses* Potestatem illam retinuit, manifestum est ex Scripturis Sacris: nam illi, non *Aaroni* obedire populus promiserat. Præterea Exod. 24. 1, 2. *Mosi* dixit Deus: *ascende ad Dominum in & Aaron, Nadab, & Abiu, & septuaginta Senes ex Israel, & adorabitis procul. Solusque Moses ascendet ad Dominum, & illi non appropinquabunt, nec populus ascendet cum eo.* Manifestum ergo est, *Mosem* solum personam Dei gessisse, sine septuaginta illis Senibus: illumque solum eo tempore Summam habuisse, sub Deo, Potestatem. Et (vers. 9.) *ascenderuntque Moses, & Aaron, Nadab, & Abiu, & septuaginta de Senioribus Israel, & viderunt Deum Israel, & sub pedibus ejus quasi opus lapidis Saphirini, & quasi Cælum cum serenum est.* Factum autem est hoc, postquam *Moses* cum Deo loquutus esset, & postquam populo verba Dei renuntiaverat. De populi rebus Deum consuluit solus *Moses*; qui cum eo erant, honoris tantum causâ admissi sunt. Præterea quod Deus *Mosem* alloquutus est passim legitur, de *Aarone* rarius. Etiam Religionis Ceremonias, quæ continentur Capp. 25, 26, 27, 28, 29, 30, 31, & per rotum librum Leviticum, solus ordinavit *Moses*. Virulum, quem fecerat *Aaron*, in ignem conjecit *Moses*. Postremò, in controversia de Autoritate *Aaronis* mota ab ejus & *Marie* contra *Mosem* rebellionem, Deus ipse (Num. 12.) jus imperandi adjudicavit *Mosi*. Etiam in questione de Iure Imperii, inter *Mosem* & Congregationem, quo tempore *Corah, Dathan & Abiron*, cum ducentis quinquaginta populi Principibus (Num. 16, 3) contra *Mosem* & *Aaronem* conspiraverunt,

runt, dixeruntque, *Sufficiat nobis, quia omnis multitudo Sanctorum est, & in ipsis est Dominus, cur elevamini super populum Domini.* fecit Deus, ut terra *Coram, Dathan, & Abiron*, cum uxoribus & filiis vivos absorberet; ducentos autem & quinquaginta illos Proceres consumpsit igne. Neque ergo *Aaron*, neque *Populus*, neque ex Proceribus Aristocratia, Imperium Summum tunc habuere, sed solus *Moses*, idque non solum in rebus Civilibus, sed etiam in rebus Divinis. Notandum etiam est, quod illis, qui præsumerent, in Montem *Sinai*, in quo Deus cum *Mose* colloquutus est ascendere, poenam statuerat Deus mortem. *Constituimus* (dicit Deus *Exod. 19. 12.*) terminos populo per circuitum, & dices ad eos, *Cavete, ne ascendatis in montem, nec tangatis fines illius; omnis, qui tetigerit montem, morte morietur.* Et rursus *vers. 21*, *Descende, & contestare populum, ne forte velit transcendere terminos ad videndum Dominum, & percas ex eis plurima multitudo.* Ex quibus verbis concludi potest, illum, qui in Civitate Christiana locum habet *Mosis*, solum esse Nuncium à Deo, & mandatorum ejus solum Interpretem; neque in Interpretatione Scripturæ Sacræ cuiquam licere terminos transcendere à summo Imperante constitutos. Scripturæ enim Sacræ, in quibus hodie loquitur Deus, sunt instar Montis *Sinai*, in quibus termini sunt positi, nempe Leges eorum, qui Personam Dei in terra repræsentant. Illas aspicere, & inde discere Deum timere, permillum est; sed interpretari, id est curiosè inquirere, & scrutari, quid illis, quos Deus Rectores nostros fecit, dixerit, & iudices nosmetipsos facere, utrum nos ita regant, sicut illos iussit Deus, terminos positos à Deo transcendere est.

Dum vixit *Moses*, nullus erat in *Caltris* *Israelitarum* Propheta, aut Spiritus Divini ostentator, nisi quos *Moses* approbaverat, & quibus Authoritatem dederat. Septuaginta tantum prophetasse tunc dicuntur; sed per Spiritum *Mosis*; & quos *Moses* elegerat. Nam *Num. 11, 16*, dicit Deus ad *Mosè*, *Congrega mihi septuaginta viros de Senibus Israelis, quos tu nosti, quod Senes populi sim, ac Magistri.* His autem Spiritum dedit Deus Spiritui *Mosis* conformem, ut constat ex *vers. 25*, *Descenditque Dominus per nubem, & loquutus est ad eum, auferens de Spiritu, qui erat in Mose, & datus Septuaginta viris.* Hujus loci ergo sensus est, Septuaginta illos viros Spiritum habuisse ipsius *Mosis*, illique Prophetas fuisse subordinatos, in Administratione Regni Dei. Colligo hinc in Civitate Christiana, prophetare, aut docere contra doctrinam à Summo Imperante stabilitam, Civili licere nemini.

Mortuo *Aarone*, Regnum (ut quod erat Sacerdotale) virtute Patris,

Et, ad *Eliazarum* pervenit, filium *Aaronis*, Summum Sacerdotem. Atque illum Summam habere Potestatem declaravit Deus, eo tempore, quo *Ioshuam* Ducem fecit Exercituum. Dicit enim Dominus (Num. 27, 21.) Tolle *Ioshuam* filium *Nun*, virum, in quo est Spiritus Dei, & pone manum tuam super eum. Qui stabis coram *Eliazaro* Sacerdote & omni multitudine, & dabis ei praecepta cunctis videntibus, & partem gloriae tuae, ut audias cum omnis Synagoga filiarum Israel. Pro hoc si quid agendum erit, *Eliazar* Sacerdos consulat Dominum. Ad verbum ejus egredietur & ingredietur ipse, & omnes filii Israel cum eo, & caetera multitudine. Belli ergo & Pacis in Sacerdote Potestas Summa erat. Etiam Iudiciorum Summa Potestas penes eundem erat, illi enim Libri Legis commissa est custodia; Sacerdotes & Levitæ soli in rebus civilibus Iudices subordinati erant, constat ex Deut. 17, 8, 9, 10. Quod autem ad cultum Divinum attinet, quin à Summo Sacerdote ordinandus esset, nunquam dubitatum est. Potestas ergo Civilis & Ecclesiastica conjuncta hætenus fuit in unâ & eadem personâ, Summo Sacerdote.

Post mortem *Ioshue* usque ad Regnum Sauli, tempori intercedenti nota inditur passim in Libro Iudicum, quod illis diebus non erat Rex in Israel, addito quandoque quod *Unusquisque* faciebat, quod relictum erat in oculis suis. Quod dicitur, quod non erat Rex, idem est, ac si dictum esset, non erat in Israelitis Summa Potestas. Id quod, si pro exercitio Summæ Potestatis accipiamus manifestum est. Nam post mortem *Ioshue* & *Eliazari* (Iud. 2, 10.) Surrexerunt alii qui non noverunt Dominum, & opera quæ fecerat cum Israel. Feceruntque filii Israel malum in conspectu Domini, & servierunt Baalim. Iudæorum enim, ut notat S. Paulus, singulare erat, expectare signum, id est miraculum; ut à *Mose* expectarunt, non solum antequam obedire voluerunt, sed etiam postquam obedire se obligassent. Signa autem & Miracula, finem habent, Fidem facere, non Fidem Servare. Nam Fidem servare obligantur homines Lege naturali. Verum, si Summæ Potestatis non exercitium consideraverimus, sed Ius, mansit Summa Potestas etiam tunc in Summo Sacerdote. Quæcunque ergo obedientia Iudicibus illis (qui à Deo ad liberationem populi sui è manu hostium extraordinarie electi erant) præstita fuerit, in argumentum trahi contra Summi Sacerdotis Summam Potestatem, non potest, neque in rebus Politicis, neque in Divinis. Neque enim Iudices illi, neque ipse *Samuel* aliam Potestatem habuit, quam extraordinariam, & temporariam; obeditumque illis erat à populo, non ex debito, sed ex reverentia, quam genuit in illis gratia Divina, in eorum prudentia, fortitudine,

titudine, vel foelicitate, elucescens. Hactenus ergo Ius Civile & Ecclesiasticum existerè inseparabilia.

Indicibus succellere Reges, & sicut antè in sacerdotibus, ita nunc Authoritas utraque in Regibus esse coepit. Populus enim Iugum Dei jam excusserant; Sacerdos summus Vicem Dei non ampliùs sustinuit. Mutationi Regiminis Deus ipse (1 Sam. 8:5.) consensit. Samueli populus dixerat, fac nobis Regem, qui nos iudicet, more omnium gentium; Samueli autem Deus dixit (vers. 7.) Audi vocem populi in omnibus quæ loquuntur tibi. Non enim te abjecerunt, sed me, ne Regnem super eos. Cum ergo Deum populus Israëliticus, sub quo Regnaverant Summi Sacerdotes, rejecissent; cessavit Authoritas Sacerdotum, nec ex eo tempore, aliam habuerunt, nisi à Rege permissam; quæ prout Rēges boni aut mali erant, major erat vel minor. Quod autem spectat ad Potestatem Civilem, manifestum est, fuisse penes Regem totam. Nam eodem Capite vers. 20, dicit populus, velle se esse sicut omnes Gentes; & Regem habere, qui nos (inquit) iudicabit, & nostra Prælia pugnabit. Totam ergo illi dederunt Belli & Pacis Potestatem. In qua continebatur etiam iudicare de cultu Dei; propterea quod nulla erat eo tempore regula Religionis, præter legem Mosaicam, quæ Israelitarum Lex Civilis. Præterea legimus 1 Reg. 2:27, Solomonem abstulisse Abiatharo Summum Sacerdotium. Habuit ergo Solomon Ius in Sacerdotium; & subditi erant, sicut populus reliquus, Summi Sacerdotes; id quod Suprematūs Ecclesiastici Signum magnum est. Legimus etiam (1 Reg. 8.) Solomonem ipsum, Templum dedicasse, populo benedixisse, atque orationem illam excellentem Orasse, qua utuntur hodie omnes, qui Ecclesias consecrant; quæ nota alia magna est Suprematus Ecclesiastici. Legimus etiam (2 Reg. 22.) cum quæstio esset de Libro Legis, in ruderibus Templi reperto, quæstionem illam non determinasse Summum Sacerdotem, sed & ipsum & alios misit Rex Iosias de eâ re ad prophetissam Huldā; quæ rursus nota est, Suprematum Ecclesiasticum fuisse in Rege. Postremò legimus (1 Chron. 26, 30.) Regem Davidem Hashabiam, & fratres ejus Hebronitas, ministros constituisse, in Israelitis versus Occidentem, in rebus omnibus Domini; & in servitio Regis. Similiter (vers. 32.) constituisse illum, Hebronitas alios Rectores Rubenitarum, Gaditarum, & dimidiæ Tribus Manassæ, (hi erant Israelitæ, qui habitaverunt ultra Iordanem) in omni re pertinente ad Deum, & de rebus Regis. Nonne est Potestas hæc, tum Temporalis, tum (ut vocant, illi, qui potestatem summam vellent dividere) spiritualis plena? Ab ipso denique initio Regni Dei, usque ad Captivitatem, Suprematus in rebus Divinis, in eadem semper manu erat, in qua erat Summa Potestas

ftas Civitis. Sacerdotium autem post Electum *Saulum* in Regem, non erat Magifteriale, fed Ministeriale.

Quamquam autem Potestatem Summam Civilem & Ecclesiasticam hactenus semper conjunctas esse, quoad Ius, manifestum fecimus: non tamen sequitur neque ex Scriptura Sacra, neque ex ratione Naturali, Ius illud intellexisse populum. Vulgus enim, non nisi in rebus suis privatis ratione utitur: nec diutius obedire solet, quam aut miracula: aut (quod Miraculo ferè par est) in Rectoribus suis vim egregiam, aut in rebus gestis felicitatem extraordinariam aspiciunt. Iudæi ergo, postquam *Moses* & *Ioshua* mortui essent, neque tantam, neque cum Deo colloquia Sacerdotum, magni æstimaverunt: sed quandoque Politiam, quandoque Religionem criminantes, Rectoribus suis obedientiam negaverunt. Atque inde turbæ, seditiones, & calamitates profectæ sunt, quæ Israelitarum Gentem tandem everterunt. Mortuis enim *Eliazar*, & *Ioshua*; Iudæi, qui Miracula non viderant, neque se Sacerdotalis Regni Pacto obligatos esse intelligentes, imperium Sacerdotis, & Leges Mosaicæ parvi pendentes, fecerunt unusquisque, quod rectum videbatur sibi, illisque obediverunt, quos ipsi idoneos esse putaverunt qui se quoties à vicinis gentibus opprimerentur, liberarent. Itaque non amplius Deum consuluerunt, sed virum vel foeminam aliquam futurorum prædictorem, & huic obedientiam & honorem præstiterunt, ut Prophetæ à Deo. Etiam postea, cum Regem sibi dari, more Gentium, postularent, id tamen non eo consilio fecerunt, ut cultum Dei pristinum deferrent, sed quia Iustitiam à filiis Samuelis desperantes, voluerunt Iudicia Civilia à Rege administrari, non quod ceremonias Leviticæ abolerent. Itaque prætextum semper aliquem sibi reservârunt, vel à Iustitia vel à Religione, qua se obedientia Rectoribus suis debita expedirent. Successit populo Samuel quod Regem (rejecto Deo) postularent: Idem, quando *Saulus* consilium suum in occidendo *Agag*, juxta mandatum Dei neglexerat, alium Regem unxit, nempe *Davidem*, qui *Sauli* Hæredes Regno privaret. *Rehoboam* Idololatra quidem non erat, sed populus, quia videbatur sibi regnare duriusculè, ab eo defecit. Per totam denique historiam Regum Iudææ & Israelis, Prophetæ surrexerunt indices, qui Reges criminati sunt, aliquando quod religionem, aliquando quod statum Civilem malè administrarent. Sic Rex *Iehosaphat* reprehensus est à Propheta *Iehu*, quod Regem Israelis adjuvissent contra Syros, & Rex *Hezekias* ab *Isaiâh*, quod thesaurum Regni ostendisset Legatis Babilonicis. Constat ergo, etsi utrumque Ius rerum Civilem & Divinarum, esset in Regibus: neminem tamen ferè Regum illorum Ius

suum sine reprehensionibus populi potuisse exercere. Illi soli Reges, quorum vis terribilis, aut felicitas admiranda erat, vixerunt laudabiliter. Cum ergo & Ius Regum manifestum sit, & populus, atque etiam aliquando ipsi Prophetæ id non intelligant. Iura Regum, exemplis ductis ab ignorantia populi, vel à doctrina Prophetæ, oppugnari iniquum est. Iudæi durante captivitate, Civitatem omnino non habuere. Post reditum autem, etsi Pactum cum Deo renovârunt, non tamen aut *Esdra* aut alii cuiquam promiserunt obedientiam. Deinde, non multo post subditi facti sunt Græcorum: à quorum Dæmonologia, cum doctrina Cabalistarum mista, eorum Religio insigniter corrupta est. Ita, ut à confusione tum Politicæ, tum Religionis eorum, de Suprematu in utraque colligi nihil possit. Quantum ergo attinet ad Testamentum vetus, nihil impedit, quin concludamus, tum Summam Potestatem Civilem, tum Suprematum in rebus Divinis, semper in unâ & eâdem persona fuisse conjunctos.

C A P V T XLI.

De Servatoris nostri Benedicli Officio.

Officii Servatoris nostri reperimus in Scripturis Sacris tres Partes: Primam *Redemptoris*, live *Servatoris*: Secundam *Pastoris*, live *Consiliarii*, id est Missi à Deo ad Conversionem Electorum *Prophetæ*: Tertiam *Regis*, *Æterni Regis*; sed sicut *Moses*, & temporibus suis Summi Sacerdotes, sub Patre suo. Atque his tribus Partibus respondent tria Tempora. Nam in primo suo adventu, per sui ipsius propter peccata nostra Oblationem in Cruce nos *Redemit*. Conversionem nostram operatus est, partim ipse, dum erat in terris, docendo: partim operatur nunc usque per Ministros suos: Post Adventum ejus secundum regnabit super Electos suos, & Regnum ejus durabit in æternum.

Ad *Officium* Redemptoris, id est, illius, qui Redemptionis pretium solvit, pertinuit, ut Victima fieret, & iniquitates nostras ferret auferretque. Quod tamen ita intelligendum est, non ut pro peccatis omnium hominum unius hominis mors, quanquam justissimi, secundum Iustitiæ strictas regulas posset satisfacere: sed quia quod Deus summè misericors in pretium Redemptionis Lege postulaverat, illud *Christus* præstitit. In Lege Veteri (ut legimus *Levit. 16.*) jussit Deus, pro peccatis Israelis, tum Sacerdotum, tum populi, quotannis fieri reconciliationem hoc modo: *Aaron* pro se & Sacerdotibus sacrificare debebat

debebat Vitulum; acceptis autem à populo duobus Hircis alterum pro populo sacrificare, alterum *emittere*, qui vocabatur *Hircus Emissarius*. Super caput huius antequam emittendus esset, imposuit manus suas Sacerdos Summus, & per Confessionem peccatorum Populi, peccata illa omnia in caput Hirci imposuit, & deinde per hominem aliquem opportunum, Hircum emittebat in desertum, ut peccata populi fugiens absportaret. Sicut autem Sacrificium alterius Hirci pretium Redemptionis Israel sufficiens erat, (quia majus non postulabatur) ita quoque mors *Christi* pro peccatis totius humani generis, ideò satisfecit, quia nihil ampliùs à Deo postulatum est, Atque Servatoris nostri Passio non minùs videtur his ceremoniis perspicuè præfigurata, quàm in Oblatione *Isaac*, aut, quovis alio ejus typo in Testamento Vetere. Erat enim *Christus* non modo Victimam, sed etiam Emissarius. Dicit *Isaias* 53. 7, *Oblatus est, quia ipse voluit, & non aperuit os suum: sicut ovium ad occisionem ducetur, & quasi agnus coram tondente obmutescet, & non aperiet os suum.* En Hircum Sacrificatum. Idem, Propheta (dicam an Evangelista) vers. 4, *Languores nostros, ipse tulit, & dolores nostros ipse portavit.* Et vers. 6, *Posuit Dominus in eo iniquitatem omnium nostrum.* Ecce Emissarium. Deinde vers. 8, *Abscissus est de terra viventium: propter scelus populi mei percussus eum.* Hic rursus est Hircus sacrificatus. Deinde vers. 11, *Et ipse peccata multorum tulit.* Vbi rursus *Emissarius*. Utrumque ergo Hircum unus valet Agnus Dei, sacrificatus in Cruce; mortem in resurrectione sua superans, à Patre suo opportunè suscitatus; & à terra viventium remotus in Ascensione,

Quoniam autem *Redemptor* Ius in Redemptum, antequam pretium solum sit, nullum habet; manifestum est, *Servatorem* nostrum ante mortem suam, *Redemptorum* Regem non fuisse. Verumtamen per Patrem cum Deo in Baptismo renovatum, obligati sunt, quicumque baptizantur, *Christo* obedire, pro Rege (sub Patre ejus) tunc, quandoque illi placuerit Officium Regis exercere. Itaque Servator noster ipse disertis verbis *Ioh. 18. 36: Regnum meum (inquit) non est huius mundi.* Quoniam ergo post hunc mundum, mundus futurus ille est, in quo Terra nova, & Coeli erunt novi, id est, post Resurrectionem, manifestum est, Regnum *Christi*, ante Resurrectionem incepturum non esse. Id quod intelligi etiam debet ex verbis Servatoris nostri (*Matth. 16. 27.*) *Filius hominis veniet in gloria Patris sui, cum Angelis suis: & tunc retribuet unicuique secundum opera sua.* Iam retribueret unicuique secundum opera sua, idem est, quod Regnum administrare; & propterea *Christus* Regnum exerciturus non est, antequam

veniat in gloria Patris, nempe post Resurrectionem universalem. Quando Christus dicit (Matth. 23. 2.) *Scribae & Pharisaei sedet in Cathedra Moysi.* Omnia ergo quaecunque facere jubent, in observare & facite. Nonne aperte pro eo tempore, non sibi Summam Potestatem, sed illis attribuit? Sic etiam facit (Luc. 12. 14.) *Quis me constituit Iudicem aut Divisorem super vos?* Item (Ioh. 12. 47.) *Non veni ad iudicandum, sed ad salvandum mundum.* Attamen in hunc mundum venit Christus, ut regnaret, & iudicaret, sed mundum futurum. Cum enim esset Messias, id est Unctus Sacerdos, & Propheta Dei supremus, potestatem habere omnem oportebat illum, quam habuerat aut Moses Propheta, aut Summi Sacerdotes, aut qui Summis Sacerdotibus successerunt Reges. Item expressè dicit Sanctus Iohannes (Cap. 5. 22.) *Pater iudicat neminem, sed iudicium omne commisit Filio.* Neque tamen repugnat hoc cum textu illo: *non veni ad iudicandum mundum.* Nam textus hic de mundo praesente, alter de mundo venturo loquitur; sicut etiam textus ille (Matth. 19. 28.) ubi Christus dicit, *Vos qui sequimini ego sum in regeneratione, cum sederis Filium hominis in sede Maiestatis suae, sedebitis & vos super sedes duodecim, iudicantes duodecim tribus Israel.*

Si Christus ergo, quando in terra versabatur, Regnum in hoc mundo non habebat, quae causa fuit (rogabit aliquis) adventus primi? Venisse, respondeo, ut Deo Patri per Pactum novum restitueret Regnum, quod à populo in Electione Sauli rejectum fuerat. Quod ut faceret, oportebat illum manifestum facere praedicando & docendo, quod ipse Messias erat à Prophetis promissus; & pro peccatis hominum Victimam se offerre, & siquidem à populo Iudaeo non recipere, vocare ad obedientiam ex gentibus, omnes qui in eum crederent. Itaque Officii Servatoris nostri dum versatus est in terra duae erant partes: Altera, ut se Christum esse profiteretur; altera, ut per doctrinam suam & per operationem Miraculorum, populum persuaderet, pareretque in vivere, ut digni essent immortalitatis, qua illi, qui in eum crederent, fructus erant in adventu eius secundo. Atque ob hanc causam est, quod tempus praedicationis ejus, ab ipso vocatur *Regeneratio.* Regeneratio autem Regnum non est, neque ergo causa inde adduci potest, quominus Cives in quacunque Civitate Legibus Civilibus obedire teneantur. Etiam in Cathedra Moysi eo tempore sedentibus, obedientiam praestari, & Caesari tributum solvi iussit. Populus tunc sub Regno Dei non actus erat: Arrabonem introitus in Regnum Dei futurum habuerant, qui erodiderunt; & propterea status ille vocatur aliquando *Regnum Graeciae*, id est Civitatis ecclesiasticae, non possessio, sed jus.

Haecenus

Hactenus nil factum aut dictum est à Christo, quod ad diminutionem tendit juris Civilis Iudeorum, aut Caesaris. Nam quod attinet ad Iudeos, Christum omnes expectabant, & renovationem Regni Dei, id quod non fecissent, si Legibus suis, ne cum advenisset se illum esse manifestaret, prohibitum fuisset. Cum ergo nihil fecit, nisi quod se prædicando, & operando Miracula, Messiam esse probare conatus sit, nihil fecit contra Iudeorum Leges. Regnum quod postulavit sibi erat futurum in alio mundo: docuit interea obedientiam illis, qui cathedram Moysi possederunt, præstandam esse: Caesari tributum solvendum esse confirmavit: Officiam Iudicis in se non suscepit. Quomodo igitur aut verba aut actiones ejus potuerant esse seditiosæ, aut tendere ad regiminis Civilis subversionem? Sed Deus, qui illum propter reductionem Electorum ad obedientiam suam pristinam, ad Sacrificium destinaverat, ad eam eodem multis & ingratitudinis hominum infidelium usus est. Quod autem Leger Caesaris non violavit, in confesso erat. Quanquam enim Pilatus, ut gravium iniret Iudeorum, crucifigendum illum tradiderit, aut tamen infontem illum palam pronuntiavit.

Quod attinet ad Officiam ejus Regium, ostensum ante est Regnum ejus incepturum non esse ante diem Iudicii. Tunc vero Rex erit, non tantum ut Deus, sed etiam ut Homo. Iuxta Pacti novi, quod in Baptismo factum est, & propterea dicit Servator noster (Mat. 19. 28.) quod Apostoli ejus sedebunt super duodecim Thronos, & judicabunt duodecim tribus Israelis; tunc, cum Filius hominis sedebit in Throno glorie sue; & (Matth. 25. 31.) Filius hominis veniet in gloria Patris sui, cum Angelis; & tunc retribuet unicuique secundum opera sua. Idem legimus Marc. 13. 28. & 14. 62. & expressius Luc. 22. 29. 30. Et ego dispono vobis sicut disposui mihi Patris meus Regnum ut edatis & bibatis super mensam meam, in Regno meo. Et sedetis super Throno judicantis duodecim tribus Israelis. Vnde manifestum est, Regnum quod Christo disposuit Pater, non siturum esse antequam Filius hominis veniat in gloria, Apostoli & filios suos judicant faciat duodecim tribus Israelis. Sed quæritur hic potest, cum in Regno ecclesiæ nulli futura sint Matrimonia, utrum homines edent & bibent; & quid per *edere & bibere* hoc loco intelligendum sit. Explicat hoc (Ioh. 6. 27.) Servator noster, Operamentum non est vultus carnis, sed qui perstant in vitam æternam, quam Pater hominibus dedit vultus. Itaque per *edere & bibere* super mensam Christi, intelligitur vivere in societate vite, quæ præbebitur in Regno Patris hominibus. Itaque hæc loca sufficiunt ad probandum Regnum Christi admissurum esse ab eo,

in naturâ suâ humanâ post Resurrectionem. Etiam tunc, non aliter Rex erit, quam sub Patre suo, sicut *Moses* in deserto, & ut Sacerdotes Summi ante Regnum *Sauli* & sicut Reges post illum. Sic enim dicit Deus (Deut. 18, 18.) *Mosen* alloquens, *suscitabo illis Prophetam, ex medio fratrum suorum similem tibi, & ponam verba mea in ore ejus.* Similitudo autem hæc cum *Mose*, apparet etiam in Servatoris nostri actionibus. Sicut enim *Moses* elegit duodecim Principes tribuum, qui sub se regerent: ita Servator duodecim elegit Apostolos, qui sedebunt super duodecim thronos, & judicabunt duodecim tribus Israelis. Et sicut *Moses* Autoritatem dedit Septuaginta Senioribus prophetandi ad populum: ita Servator noster Septuaginta ordinavit Discipulos ad prædicandum. Et sicut, coram *Mose* cum quereretur quidam, esse qui (præter Septuaginta Seniores) prophetarent in Castris, *Moses* factum eorum approbavit: ita Servator noster, conquerente *Ioanne*, quod essent, qui in nomine ejus ejicerent Dæmonia, factum approbavit, dicens Luc. 9. 50: *Ne prohibe, nobiscum enim est qui non est contra nos.*

Etiam in Institutione Sacramentorum, tum *Admissionis* in Regnum Dei, tum *Commemorationis*, Servator noster *Mose*m & *Abrahamum* imitatus est. Sicut enim populus Israeliticus habuit pro Sacramento *Admissionis* in Regnum Dei ritum Circumcisionis: ita habent Christiani ritum Baptismi, quo usus est primo *Iohannes Baptista* in receptione eorum omnium, qui nomina dederunt Christo. Eodem ritu, Servatoris nostri jussu usi sunt Apostoli & Ministri Christi omnes usque hodie. Quam habuit ritus Baptizationis originem primam, in Scripturis Sacris non declaratur. Sed imitationem fuisse legis *Mosaicæ* circa Leprosos, conjectura est non improbabilis. Leprosos enim extra castra Israelis custodiri jubebat Lex, donec à Sacerdote pronuntiarentur mundi, & tunc solenniter lavati in castra denuo recipiebantur. Potest ergo esse, ut typus hic fuerit lavacri Baptismalis; in quo, qui per fidem à peccati Lepra mundati erant, recipiebantur in Ecclesiam. Est etiam conjectura ducta à ceremoniis Ethnicorum, sed in casu quodam rarissime contingente. Quando enim aliquis pro mortuo habitus, vitam recepisset, cæteri homines conversationem cum illo, tanquam cum Spectro, horruerunt, nisi ante in numerum hominum per lavationem reciperetur, eo modo, quo infantes recens nati ab immunditia maternâ lavari consueverunt, atque hoc pro Regeneratione quadam habebatur. Ritus autem hic, in Judæam videtur irrepsisse temporibus illis, quibus *Alexander* & Successores ejus in Judæa dominabantur. Verumtamen quia ritum Gentilem Servato-

rem

rem nostrum tanto honore dignari voluisse, probabile non est, ritum Baptismi imitationem fuisse Legis *Mosaice*, mihi quidem videtur esse verisimile. Sacramentum autem Coenae Dominicae, veteris Paschae imitatio manifesta est. Sicut enim Agni Paschalis efus, commemoratio erat liberationis populi Israelitici à Servitute Aegyptiacâ: ita etiam in Coena Dominica, fractio Panis Sacramentalis, & Vini effusio, commemoratio est liberationis per mortem *Christi* à Servitute peccati.

Quoniam ergo Autoritas Moysi subordinata erat, & ipse Dei Prorex, sequitur etiam *Christum*, cuius Autoritas, in quantum erat homo erat similis Autoritati *Mosis*, sub Deo Patre suo Regnaturum esse. Id quod significatur etiam, in eo quod precari nos docuit, *Pater noster, adveniat regnum tuum; & tuum est Regnum, Potentia, & Gloria; & ex eo quod dicitur, veniet in gloria Patris sui; & ex eo, quod dicit Sanctus Paulus (1 Cor. 15. 24.) Deinde finis, cum tradiderit Regnum Deo & Patri; & ex aliis locis nonnullis.*

C A P V T XLII.

De Potestate Ecclesiastica.

VT intelligatur *Potestas Ecclesiastica*, quid sit, & quorum hominum, tempora nobis distinguenda sunt ab Ascensione *Christi*, in partes duas; alteram antè, alteram post, quam Reges ulli, vel Coetus Summa Potestate praediti, *Christi* fidem amplexi sunt. Spatium enim est plùs, quam trecentorum annorum, à *Christi* assumptione, ad Regem, qui primus Christianam fidem amplexus, & publice doceri passus est.

De priori tempore in confesso est, Potestatem Ecclesiasticam totam fuisse in Apostolis; & ab his transiisse ad eos qui ab Apostolis, ad homines ad *Christi* fidem perducendos, perductosque in via Salutis retinendos Ministri Euangelii constituti fuerant. Quibus succedere alii ab his itidem instituti, per manuum impositionem; quo ritu significare voluerunt Spiritus Sancti donum, in Ministros illos, ad Regnum Coeleste promovendum, collatum esse. *Manuum* autem Impositio, nil aliud erat, præter commissæ illis Potestatis prædicandi *Christum*, doctrinamque ejus docendi Sigillum; & imitatio quædam *Mosis*. Hic enim Impositione manuum usus est: cum Ministrum suum *Ioshuam* Duce[m] exercituum Dei constitueret, ut legere est Deut. 34. 9. *Ac Ioshua Filius Nun plenus erat Spiritus Sapientia: nam Moses manus super illum imposuerat*

impositura. Servator autem noster inter resurrectionem suam, & assumptionem, Spiritum suum contulit in Apostolos, primum spirando in eos, dicendoque *Accipite Spiritum Sanctum*; & postea, cum jam assumptus esset in Cælum, immittendo in illos *Flatum violentum*, & *dispertitas linguas instar ignis*: sed manus illis non imposuit, sicut nec *Mosi Deus*. Dum ergo nulla esset Civitas Christiana, quorum hominum fuerit Potestas Ecclesiastica manifestum est, nempe Apostolorum, illorumque quibus ab Apostolis per manuum successivam impositionem concessa erat; etiam ut tantæ Potestati idonei essent in eosdem *Spiritus Sanctus* (qui & *Paracletus* dicitur) simul collatus est.

Cardinalis Bellarminus, in controversia sua generali tertia, quaestiones multas tractat circa Potestatem Ecclesiasticam Pontificis Romani. Quarum prima est, an Potestas illa *Monarchica* sit, an *Aristocratica*, an *Democratice*: quæ Potestatum species, singulæ summæ sunt, continentque Potestatem Coërcivam. Si jam apparuerit, Potestatem Coërcivam, illis à Servatore nostro relictam esse nullam; sed Potestatem tantum prædicandi *Christum Regem*; persuadendique ut Regno ejus homines submittere se vellent; præceptisque & Consilio recto, docendi eos, qui submitterent quid facerent, ut in Regnum Dei futurum reciperentur; Et Apostolos aliosque ab illis Euangelii Ministros Imperatores nobis non esse, nec eorum Præcepta Leges; sed Ludimagistros illos esse, quorum Præcepta Monita tantum sunt; hæc Bellarmini disputatio tota perit.

Ostensum autem est Capite proximè superiore, Regnum *Christi* non esse ex hoc mundo; neque ergo Ministri ejus (nisi Reges sint) obedientiam præstari sibi in nomine ejus postulare jure possunt. Nam si *is*, cujus jure postulant jus Regium, in hoc mundo Regnum non habuit, quo jure imperium habebunt Ministri ejus? Sicut Pater (dicit *Christus*) *misi me, ita ego mitto vos*. Sed *Christus* missus est ad Iudæos revocandos ad Regnum Dei, & vocandas Gentes; non autem ut regnaret in Majestate, ante diem Iudicii.

Tempus autem inter Assumptionem *Christi* & Resurrectionem universalem, nusquam vocatur Regnum, sed *Regeneratio*, id est Præparatio & Aptatio hominum ad adventum *Christi* secundum, cum gloria; nempe ad diem Iudicii. ut apparet ex verbis *Christi* Matth. 19. 28. *Vos qui sequuti me estis in Regeneratione, Cum sederit filius hominis in throno, vos quoque sedebitis super duodecim thronos; Et ex verbi Sancti Pauli, State ergo succincti lumbos vestros in veritate, & induiti loriceam Iustitiæ; & calceati pedes in Præparationem Evangelii.*

Etiam officium Ministrorum *Piscationi*, id est hominum ad obedientiam,

tiam, non per coactionem & poenas, sed per consilium *condactioni*, non venationi comparat. Ministrorum *Christi* opus Evangelizatio est, id est, prædicatio *Christi*, hominumque ad secundum ejus adventum præparatio: sicut Evangelizatio *Iohannis Baptiste* erat Præparatio hominum ad adventum ejus primum.

Porro Ministrorum *Christi* officium in hoc mundo erat, ut homines credere in *Christum* persuaderent. Credere autem cogi nemo potest neque jussu neque vi, sed Ratione tantum, argumentisque ductis vel à Ratione vel ab aliqua re, quam jam antè crediderint. Ministri ergo *Christi* in hoc mundo, eo nomine, quod illorum Doctrinæ non sit creditum, vel quod sit contradicturn, Potestatem non habent quemquam puniendi. Eo nomine (inquam) quod Ministri *Christi* sunt, Potestatem Coërcivam nullam habent. Veruntamen si quis Potestatem Civilem summam habeat, sitque idem Minister *Christi*, punire illos, qui Doctrinæ suæ Legibus explicatæ contradicunt, jure ille poterit. Etiam Sanctus Paulus de seipso cæterisque sui temporis Prædicatoribus (2 Cor. 1. 24.) *Non habemus (inquit) dominium in fidem vestram, sed gaudii vestri adjutores sumus.*

Quod Ministri *Christi* in hoc mundo jus imperandi non habeant, deduci potest argumentum etiam ab Autoritate legitimâ, quam reliqui *Christus* Principibus omnibus, tum Christianis, tum Ethnicis. Colos. 3. 20. dicit Sanctus Paulus: *Filii, obedite parentibus per omnia, hoc enim placitum est Domino: & vers. 22, Servi, obedite Dominis carnalibus, non ad oculum serviemes, quasi hominibus placentes, sed in simplicitate cordis rimentes Deum.* Dicta autem hæc sunt ad eos, quorum Domini erant Ethnici: jubentur tamen obedire in omnibus. Rursus de-obedientia Principibus debita dicit Rom. 13. 6. *Dei enim Minister est Princeps, vindex in iram ei, qui malum agit. Ideoque necessitate subditi estote: non solum propter iram, sed etiam propter Conscientiam.* Et Sanctus Petrus Epist. 1. cap. 2. vers. 13, 14, 15. *Subjecti estote omni humanæ constitutioni propter Deum, sive Regi, quasi præcendenti, sive Ducibus tanquam ab eo missis ad vindictam malefactorum, laudem vero bonorum, quia sic est voluntas Dei, &c. Tit. 3. 1. Admone illos Principibus & Potestatibus subditos esse, & dicto obedire.* Principes autem & Potestates, de quibus Petrus & Paulus hic loquuntur, omnes erant Ethnici. Quanto ergo magis Christiani Principibus suis Christianis obedire debent? Quo jure Ministro *Christi* si quid facere contra mandata Regis aliussve summæ Potestatis juberet vel doceret, illi obedire obligamur? Perspicuum ergo est, *Christum* Ministris suis, in hoc mundo, nisi etiam Autoritate Civili præditi sint, jus Civibus imperandi nullum concessisse.

Quid autem (iniquiet aliquis) si Rex, vel Senatus, aut quicumque summam in Civitate habet Potestatem, credere in *Christum* prohiberet? Respondeo prohibitionem talem frustraneam idem esse, quia *Credere*, & non credere non sequuntur imperata hominum; qui an credamus necne scire non possunt, nec si scirent, mutare. Fides est donum Dei, quam promissis præmiis, aut poenarum comminatione, neque dare neque tollere potest Homo. Si porro quærat, Quid si jubeamur à Principe nostro legitimo dicere, quod non credamus, obediendumne est? Respondeo, Vocem hominis rem externam esse, neque significare obedientiam proferentis posse, magis quam alius quicumque gestus corporeus: & Christianum hominem in rebus hujusmodi, si corde in *Christum* credat, eandem habere Libertatem, quam concessit *Naamano Syro* Propheta *Elisha*. Conversus erat ad Deum Israelis: in corde suo *Naamanus*, dixitque (2 Reg. 5. 17.) *Non faciet altro servus tuus holocaustum aut victimam Diis alienis, nisi Domino. Hoc autem solum est, de quo depreceris Dominum pro servo tuo. Quando ingreditur Dominus meus in templum Remmon, ut adoret, & illo innitente super manum meam, si adoravero in templo Remmon, adorante eo in eodem loco, ut ignoscas mihi Domine servo tuo pro hac re.* Hoc illi Propheta concessit, respondens, *vide in Pace.* *Naamanus* hic credidit in corde Deum verum: adorando autem videri voluit non credidisse, ne offenderet Regem suum. Quid ergo respondebimus ad verba Servatoris nostri, *Quicumque negat me coram hominibus, Ego negabo illum coram Patre meo, qui est in Cælis?* Respondebimus, illum qui subditus est, ut erat *Naamanus*, & à Rege suo ad aliquid quodcunque id sit, facere coactus est, ita ut non sponte sua, sed in ordine ad obedientiam Legibus Patrii faciat, factum illius non esse, nec illi imputandum, sed Regis, id est Civitatis factum esse, & Legibus imputandum; neque illum esse, sed Regem suum qui negavit *Christum*. Si quis doctrinam hanc cum Christianitate sincerà non satis consentire dicat, libenter ab illo doceri velim: Si in Civitate Christiana contingeret habitare Mahometanum aliquem eundemque Civem, quem Civitatis illius Rex adorare Deum ritu Christiano in Ecclesia juberet, sub mortis poena: utrum is, Mahometanum illum in Conscientia, mortem pati obligatum esse diceret potius, quam Legi Patriæ suæ obedire? *Si dicat debere mori, privatis Civibus omnibus libertatem concedit, Principibus suis, pro Religione suâ privata, sive vera sive falsa, obedientiam Regibus suis legitimis denegare. *Si dicat debere adorando obedire, tunc sibi permittit, & jus postulat quod aliis negat: quod est verbis Servatoris nostri contrarium, dicentis, *Quicquid vultis ut faciant vobis homines, id facite illis; & contra*

Legem

Legem Naturæ (quæ est Lex Dei æterna & indubitata) *Ne facias aliter, quod tibi fieri non videtur.*

Quid ergo dicemus de Martyribus illis omnibus, de quibus legimus in Historiis aliisque Legendis? An quod vitas suas sine necessitate projecerunt? Respondebimus, homines qui Religionis causa occisi sunt, distinguendos esse. Eorum enim alii ad prædicandum vocati, & missi fuerant, & Regnum Christi palam profiteri, in se receperant. Alii rursus vocati non erant, neque ab iis requirebatur amplius, quam sua cuiusque Fides propria. Priores, si mortem passi sunt eo nomine quod huic articulo *Iesum à morte resuscitatum* esse testimonium præbuerunt, Martyres propriè dicti sunt. *Martyr enim Christi* propriè est ille, qui Resurrectionis *Iesu Christi* testis est; id quod testari nemo potuit, nisi qui versatus cum eo erat in terra, aut post Resurrectionem ejus, illum viderat. Testem enim vidisse oportet quod testatur, alioqui testimonium ejus idoneum non est. Quod autem alii Martyres Christi propriè non sint, manifestum est ex verbis Sancti Petri, Act. 1. 21, 22. Oportet ergo ex his viris, qui nobiscum sunt congregati, in omni tempore quo intravit, & exivit inter nos Dominus Iesus, incipiens à Baptismate Iohannis usque in diem qua assumptus est à nobis, testem resurrectionis ejus nobiscum fieri, unum ex istis. Ubi perspicuè significatur, qui Christi Resurrectionis testis est, eundem oportere Christum vidisse, & per consequens, quod resurrexerit certò scire. Alioqui amplius testari non potest, quam quod ex antecessoribus suis id audierit; neque Martyr est nisi Martyrum, id est Martyr Secundarius. Qui autem ad quamvis doctrinam, quam ipse ab Historia vitæ Christi, vel ab Actis, aut Epistolis Apostolorum deduxerit; & qui Privati hominis Authoritati confisus, Leges Civiles violare ausus fuerit: is ab honore Martyris Christi tum Primarii, tum Secundarii longè abest. Unicus articulus Fidei est, pro quo mori Martyris nomen honorificum meretur. Est autem articulus ille, *Iesum esse Christum*, id est illum qui nos morte sua redemit, & venturus iterum est & nobis in Regno Cœlesti vitam æternam procuraturus est. Pro omni doctrina quæ lucro vel ambitioni inservit Ministrorum, non requiritur ut moriamur: neque Mors est, quæ Martyrem (id est testem) facit. sed Testimonium: neque in verbo *Martyr* amplius continetur, quam in verbo Testis.

Præterea si quis ad Articulum illum prædicandum missus non fuerit, sed consilio suo facit, etsi Testis sit Christi primarius, vel Apostolorum, Discipulorum, vel Successorum eorum: non tamen ob eam rem, mortem pati obligatur: quia, nec vocatus, nec missus

fecit; nec, si forte præmium expectatum non acceperit, conqueri jure potest. Martyr enim neque primi neque secundi gradus esse potest, nisi ad prædicandum *Christum*; Auctoritatem Potestatemque legitimam habeat, ut habent qui ad convertendas gentes Infideles mitti solent. Nam iis qui jam crediderunt teste opus non est, sed illis solis qui negant, dubitant, vel non audierunt. Apostolos, Discipulosque suos ad prædicandum Evangelium misit *Christus* ad non credentes, *mitto vos (inquit) quasi oves ad lupos*; non dicit quasi ad alias oves.

Videamus jam Ministrorum *Christi* Mandata, ut reperiuntur in Evangelio, an jus aliquod contineant in populum Imperandi.

Legimus primo (Matth. 10.) missos esse Apostolos *ad Oves quæ perierunt domus Israel*; quid autem prædicaturos? Regnum Dei *appropinquat*. Prædicare autem actus Præconis est, Regem aliquem proclamantis. Neque jus Imperandi in quemquam habet Præco. Et (Luc. 10, 2.) Septuaginta Discipuli, ut Operarii, non ut Domini ad messem emissi sunt, & jussi prædicare *appropinquat Regnum Dei*, & (Matth. 20. 28.) Discipulos suos, qui inter se de dignitate contendebant, admonet Servator noster, officium eorum Ministeriale esse, sicut ipse venit, non ut sibi Ministraretur, sed ut Ministraret. Itaque Prædicatores Evangelii potestatem Magisterialem non habent, sed Ministerialem tantum. Et (Matth. 23. 10) *Ne vocemini*, dicit *Christus*, *Magistri*, *unicus enim vobis est Magister*.

Secundò, in Mandatis eorum est, *docere omnes Nationes*. Docere autem & Prædicare conjuncta sunt. Nam qui Regem prædicant sive proclamant, eodem tempore docent, quo jurè Regnum habet. Vt *S. Paulus* fecit apud Iudeos, qui erant in Thessalonica, nempe tribus Sabbatis, cum illis ex Scripturis disseruit explicans illas, & probans ex illis *Christum* mori oportuisse, & resurrexisse, & Iesum esse *Christum*. Sed docere ex veteri Testamento Iesum esse *Christum*, & à mortuis resuscitatum, non est docere illos, qui crederent, docentibus sibi obediendum esse, contra Civitatis suæ Leges, & Mandata Regum, sed admonere eos, ut adventum *Christi*, cum Patientia & Fide & cum obedientia Legibus Civitatis debita, vellent expectare.

Mandatum illis datum est à *Christo* tertium, *Baptizare in nomine Patris, & Filii, & Spiritus Sancti*. Quid autem est Baptizari? In aquam immergi. Sed in aquam in nomine aliquo immergi, quid est? Sensus verborum horum est, immergi fideles, in signum Regenerationis; & quod qui sic immerguntur fideles se in Civitate Dei Cives futuros

futuros esse, nempe in Civitate Dei *Patri*, Ecclesie fundatoris; Dei *Fili*, ejusdem Ecclesie Redemptoris; Dei *Spiritu*, Ecclesie ejusdem Sanctificatoris. Hoc est Pactum nostrum. Quoniam tamen Regum terrenorum *Authoritas* ante diem *Judicii* deponenda non est (sic enim expressis verbis à *S. Paulo* affirmatur: *1. Cor. 15, 22, 23, 24.*) Sicut in *Adamo* omnes moriuntur, ita & in *Christo* omnes vivificabuntur. *Quisquis* quoque *autem* in suo ordine, *primus* *Christus*, deinde *ii*, qui sunt *Christi*, qui in *adventum* *ipsius* crediderunt. Deinde *finis*, cum tradiderit *Regnum* *Deo* & *Patri*, cum evacuaverit omnem *Principatum* & *Potestatem*. Manifestum est, in *Baptismo* nostro non constituere nos in nos-metipsos *Authoritatem* aliam, qua vitæ nostræ actiones externæ regendæ sint, sed promittimus tantum pro directione nostra in via *Salutis* æternæ, doctrinam sequi *Apostolicam*.

Quartò, in *Mandatis* *Potestatem* habent *peccata Remittendi* & *Retinendi*, id est *Ligandi* & *Solvendi*; quæ *Potestas* dicitur etiam *Regni* cœlestis *Claves*, cohæretque cum *Authoritate* *Baptizandi*. Est enim *Baptismus* *Fidelitatis*, illis qui in *Regnum* *Dei* recipiendi sunt, *Sacramentum*. Sicut enim *vita* æterna per peccati *commisionem*, amissa erat: ita per peccatorum *remissionem* recuperanda est. *Finis* ergo *Baptismi* est peccatorum *Remissio*. Itaque *S. Petrus*, illius qui die *Pentecostes* ab illo *conversi* erant, quid facerent ad *vitam* æternam *adipiscendam* querentibus respondit, *Pœnitentiam* agite, & *Baptizamini* in nomine *Iesu* ad *Remissionem* peccatorum. Ex eo, quod *Baptizare* est *declarare* receptum esse *Baptizatum* in *Regnum* *Dei*, & *Baptismum* negare, est *declarare* e *Regno* *Dei* *exclusionem*, sequitur *Potestatem* *Receptionis* & *Exclusionis*: datam esse *Apostolis* & *Successoribus* eorum. Itaque *Servator* noster postquam in illos spirasset, addidit (*Joh. 20, 22.*) *Accipite Spiritum Sanctum*, & versu proximo: *Quorumcumque* peccata remiseritis, remittuntur illis, & quorumcumque peccata retinueritis, retineantur. Quibus verbis conceditur *Authoritas* peccata remittendi & retinendi, non simpliciter & absolute, sicut peccata remittit & retinet, qui cordis humani intima, & pœnitentiæ sinceritatem videt *Deus*: sed conditionaliter, nempe si verè pœniterint.

Atque hæc *Absolutio* illis, qui pœnitentiam *Simulant*, sine omni *Absolventis* sententia, irrita est, neque ad salutem omnino valet, sed contra ad peccati *Aggravationem*. *Apostoli* ergo & eorum *Succesores* pœnitentiæ notas exteriores tantum sequi debebant: & illis apparentibus, *Potestatem* non *Absolvendi* nullam habuerunt: non apparentibus *absolvere* non potuerunt. Idem etiam dicendum est de *Bap-*

peissimo : Nam Iudæi aut Græci ad Fidem converso Baptismum negandi , Potestatem , ne Apostoli quidem habuerunt , nec poenitentem non Baptizandi . Quoniam autem poenitentiam alterius , an futura sit necne , homo nemo scire potest , nisi per conjecturam ex notis externis , altera orietur quæstio , Notarum externarum poenitentiae quis Iudex constitutus sit ? Quæstionem autem hanc determinat Christus ipse dicens (Matth. 18. 15. 16. 17.) *Si autem peccaverit in te frater tuus , vade , & corripe eum inter te , & ipsum solum : si te audierit , iuratus eris fratrem tuum ; si autem te non audierit , adhibe tecum adhuc unum vel duos , ut in ore duorum vel trium testium stet omne verbum . Quod si non audierit eos , dic Ecclesie ; si autem Ecclesiam non audierit , sit tibi sicut Bolmiens & Publicanus .* Constat hinc , Iudicium circa poenitentiae sinceritatem , non penes unum hominem , sed penes Ecclesiam fuisse , id est , penes Fidelium congregationem , vel penes illos qui congregationis gesserunt Personam . Præter quæstionis hujus Iudicium , etiam Sententiæ pronuntiatio necessaria erat ; atque hæc pronuntiatio Sententiæ , Apostoli , vel Pastoris alicujus erat , ut congregationis Prolocutoris ; & de illis dici intelligitur à Christo vers. 18. *Quodcumque ligaveritis in terra , ligabitur in celo ; & quodcumque solveris in terra , solvetur in celo .* Et (1 Cor. 5. 3. 4. 5.) dicit Sanctus Paulus , *Ego quidem absens corpore , præsens autem spiritu , jam judicavi ut præsens , eum qui sic operatus est in nomine Domini nostri Iesu Christi , congregatis vobis & meo spiritu , cum virtute Domini Iesu , tradere huiusmodi hominem Satanae .* Tradere Satanae , idem est , quod ex Ecclesia ejicere hominem , cuius non essent peccata remissa , Sententiam ergo pronuntiavit Paulus , sed postquam causam cognovisset congregatio . Eodem Capite (vers. 11. 12) Scripsi vobis in Epistola , *Ne commisceamini fornicariis : non atque fornicariis huius mundi , aut avariis , aut rapacibus , aut idolis servientibus : aliquem debueratis de hoc mundo exisse .* Sed scripsi vobis non commisceri , si is , qui frater nominatur inter vos est fornicator , aut avarus , aut idolis serviens , aut maledictus , aut ebriosus , aut rapax , cum quomodocumque nec cibum sumere . *Quid enim mihi de iis qui foris sunt iudicare ? Nomen de iis , qui mihi sunt vos iudicatis ?* Videmus hic Sententiam quidem à Paulo pronuntiatam , iudicasse autem congregationem . Atque ita quidem res se habuit ante conversionem Regum , & eorum , qui summam habuere in Civitatibus suis Potestatem .

Pars hæc Potestatis Ecclesiasticæ Excommunicatio dicitur & *ἀποκκοινωνία* : & ritus erat etiam Iudæis usitatus : sed ut videtur , post captivitatem Babylonicam : nam non legimus quemquam ante id tempus doctrinæ causa ejectum esse e Synagoga , neque etiam in Testa-

Testamento Novo, sed tantummodo pro malis moribus in Scandalum Ecclesie.

Excommunicationis Vfus & Effectus, antequam à Potestate Civili vim acceperat, alius non erat, quam ut Excommunicatus, à non Excommunicatis fugiendus esset. Ut pro Ethnico haberetur, qui Christianus numquam fuerat, non suffecit: cum his enim cibum sumere licuit: cum Christiano non licuit, ut paulo ante offensum est ex 1. Cor. 5. 9, 10, &c.

Ut autem illos ex Cœtibus suis, aut Synagogis excluderent, Ius, nisi à Domino loci concessum, sive ille Christianus, sive Ethnicus esset, nullum habuere. Ius autem in Civitatis loca omnia, est illius, qui Summam habet in Civitate Potestatem: & propterea, non modo illi, qui Excommunicati erant, sed etiam illi, qui nunquam Baptizati erant, in Synagogas (data à Summo Imperante Potestate) intrare potuerunt: sicut Paulus, ante conversionem suam ingressus est Synagogam Christianorum in Damasco, ut eos comprehenderet, vinctosque in Ierusalem, jussu Summi Sacerdotis duceret.

Constat ergo Excommunicationem in homines Christianos, qui à Religione Christiana deficerent, in eo loco ubi Potestas Civilis Ecclesiam aut persequabatur, aut non protegebat, nullam vim habuisse, neque ad damnum, neque ad terrorem: quia huic mundo favorabiliores inde erant: neque in mundo futuro, pejore conditione futuros existimabant, quam qua usuri erant illi, qui nunquam crediderunt. Imò ad Ecclesiam pertrahit quidquid erat in hoc mundo damni, quæ illum Excommunicando, inimicos contra se irritabat.

Effectum ergo in eos solos habuit Excommunicatio, qui credebant *Iesum Christum* reditum esse in Gloria, Regnaturum judicaturumque vivos & mortuos, & è Regno suo, illos qui Excommunicati ab Ecclesia erant, exclusurum. Hoc est, quod metuerunt in Excommunicatione Christiani veri. Dixerat enim Sanctus Paulus, hominem Excommunicatum traditum esse Satanæ. Nam extrà Regnum Christi, post diem Iudicii, Regna alia omnia Regnum Satanæ. Intelligitur, hinc Excommunicationem quo tempore Religio Christiana à Potestate Civili nondum protegebatur, in usu fuisse pro Morum tantum correctione, non Opinionum: genus enim illud punitionis tale erat, ut sentiri à nemine potuerit nisi à Fidelibus, & Servatoris nostri adventum secundum expectantibus. Hi autem cum jam veri Christiani essent, Doctrina nulla ad Salutem, sed sanctitate vitæ solâ indigebant.

Excommunicari potuit Christianus illis temporibus, propter *Injustitiam*:

injustitiam : ut (*Matth. 18.*) Si frater tuus te laeserit , admonere solus illum solum : deinde coram testibus : postremo , dic Ecclesiæ : si Ecclesiam non audierit , *se tibi in Eremum & Publicanum* ,

Excommunicari poterit pro dato Scandalo : ut (*1 Cor. 5. 11.*) Si quis , qui vocatur frater , Fornicarius , vel Avarus , vel Idololatra , vel Ebriosus , vel Oppressor , cum tali cibum simul sumere non oportet . Sed Excommunicandi illam , qui fundamentum hoc testem esse Christum firmiter teneret , propter hoc , quod ab Ecclesia in opinione aliqua dissentiret , quæ fundamentum illud non destruebat , neque Scripturis , neque ab Apostolorum exemplis , ulla omnino Authoritas derivari potest . Dicit quidem Sanctus Paulus (*Tit. 3. 10.*) *hominem Hæreticum post primam & secundam admonitionem rejice* . Hæreticus enim is est , qui cum Ecclesiæ membrum sit , doctrinam tamen docet , quam Ecclesia doceri vetuit : *rejicere* autem , non est hominem Excommunicare , sed definire illum admonere , & cum illo non amplius disputare . Apostolus idem (*2 Tim. 2. 23.*) *Stultas & indoctas quæstiones rejice* . Rejici autem possunt sine Excommunicatione , & *Tit. 3. 9.* *Stultas quæstiones , & genealogias , & contentiones , & pugnas circa Legem rejice* : nam inutiles sunt & vanæ . Locus autem alius , qui Excommunicationi Fidelium favere videri possit , eorum , qui Fundamentum tenuerunt , propter Opinionem aliquam eorum singularem , fortasse à bona & pia intentione precedentem nullus est . Monita autem illa de vanis & stultis disputationibus fugiendis , Pastoribus (quales erant Timotheus & Titus) solis scripta & eo consilio Scripta erant , ne controversias omnes , etiam parvi momenti definientes , novos caderent Articulos fidei , neque Conscientias hominum sine necessitate onerarent , eosque ad fugiendam Ecclesiæ communionem provocarent . Sancti *Petrus & Paulus* , etsi magna esset inter eos controversia , non tamen alter alterum excommunicavit .

Ut quis Excommunicationi obnoxius sit , multa requiruntur : primo , ut sit alicujus Cœtus legitimi membrum , alicujus dico Ecclesiæ Christianæ legitimæ Potestatem cognoscendi causam habentis , propter quam Excommunicandus aliquis sit . Vbi enim non est Communitas , ibi neque esse potest Excommunicatio . Neque ubi cognoscendi causam Potestas non est , ferendi sententiam esse potest .

Sequitur hinc , Ecclesiam unam ab alia Excommunicari non posse . Si enim Excommunicandi se mutuo Potestatem æqualem habeant , non Disciplina Excommunicatio est , sed Schisma . Sin Ecclesia una alteri subordinata sit ; unica tantum sunt Eccle-

Ecclesia, & qui Excommunicantur homines privati sunt, sed non Ecclesia.

Quoniam autem Excommunicationis sententia admonitionem continet congressum & convictum cum Excommunicato fugiendi; si is, qui Summam habet in Civitate Potestatem Excommunicatus fuerit, Sententia invalida est. Cives enim adesse summo Imperanti, quoties jufferit, Lege Naturæ obligantur; neque illum à loco quocunque domini sui, sive prophano, sive sacro prohibere jure possunt; neque exire ex ejus dominio, Civium quisquam, nisi illo permittente debet; multo minus cum illo (si ad tantum honorem evocentur) cibum una capere recusare. Quod autem ad Reges aliosque Summam habentes Potestatem attinet; cum non sint ejusdem Ecclesiæ, nec ejusdem Civitatis partes, non opus est sententia Excommunicationis; ut alter alterius congressum vitet: ipsa enim Civitatis Institutio, sicut homines privatos in una Communitate conjungit: ita Communitates ipsas alteram ab altera disjungit. Neque in Civem Christianum, si Legibus Civitatis suæ obediat vim ullam habet. Nam si credat *Iesum esse Christum*, *Spiritus habet Dei*, 1 Ioh. 4. 1. *Et Deus in illo habitat*, & *ille in Deo*, 1 Ioh. 4. 15. Sed is, qui *Spiritus habet Dei*, is qui *in Deo habitat*, is in quo *habitat Deus* nihil pati potest mali, ab Excommunicationibus hominum. Quicumque ergo credit *Iesum esse Christum*, damnum ab Excommunicatione nullum habet. Qui vero articulum illum non credit, non est Christianus.

Si quis Patrem, vel Matrem habeat Excommunicatum, à congressu & convictu cum illo vel illa prohiberi non potest. Effet enim hujusmodi prohibitio sæpenumero, prohibitio ne Cibus omnino sumeret, ut qui à parentibus plerumque alitur; eadem esset prohibitio Parentibus, & dominis suis obediendi: quod est contra Præceptum Apostolorum.

Summatim, Excommunicationis Potestas extendi ulterius non potest, quam ad Finem in Apostolorum & Pastorum à Christo acceptis Mandatis definitum. Regere autem Imperando & cogendo in mandatis non est, sed docendo, & in via ad salutem in mundo futuro, conducendo. Et sicut in Scientia qualibet, Magister Discipulum regulas suas negligentem deferere quidem potest, Injustitiæ autem accusare non potest: ut, qui nunquam Magistro obedire teneretur: ita Doctrinæ Christianæ Doctor, Discipulum suum, qui vitam agere Christiano homine indignam perstiterit, relinquere quidem potest, sed accusare non potest. Doctori enim, qui de contumacia Discipuli sui conquiretur, responderi posset; sicut *Samueli* in querela simili respondit Deus, *non te rejecerim, sed me*. Excommunicatio ergo si careat Po-

testate Civili, ut revera caret, quoties unus Princeps alterum excommunicat, inutilis est: neque igitur metuenda. Vocabulum illud, *Fulmen Excommunicationis* ab alicujus Episcopi Romani imaginatione falsâ profectum est, qui Regum Regem se esse putans, Pœtas Ethnicorum, qui Iovi Fulmen attribuerunt, imitatus est. Imaginatio autem illa ex duplici errore nata est: altero, quod Regnum Christi hujus mundi fuisse putaverint, contra ipsâ Christi verba, *Regnum meum non est ex hoc mundo*: altero, quod Episcopus Romanus Vicarius Christi esse velit non modo in Subditis suis Romanis, sed etiam in omnibus Christianis cæteris: quæ Opinio nec in Scripturis fundata, neque vera est, ut suo loco ostendetur.

Ut veniamus ad Scripturarum interpretem, Legimus, *S. Paulum*, cum esset *Thessalonice*, Iudæorum Synagogam, quæ ibi erat adiisse: (*Act. 17, 2, 3.*) *more suo introivit, & per tria Sabbata disputavit cum illis ex Scripturis, aperiens & proponens, quod Christum oportebat pati, & ex mortuis resurgere, & quod hic Iesus, quem ego vobis prædico, est Christus.* Scripturæ quas citabat, erant Iudæorum, nempe Testamentum vetus. Illi quibus probaturus erat *Iesum esse Christum & à mortuis resuscitatum*, Iudæi quoque erant, & Scripturas illas Verbum Dei esse crediderunt; & (*vers. 4.*) aliqui eorum crediderunt, alii non crediderunt. Causa ergo, cum Scripturis omnes pariter crediderint, Paulo tamen pariter non crediderint, quænam fuit, nisi quod de Interpretatione Scripturarum disenserint: & alius Interpretationem approbaverit *S. Pauli*, alius sibi met ipsi illas interpretatus fuerit? Quare autem hoc? Quia scilicet ad eos accessit *S. Paulus* sine omni mandato Civitatis, ut qui non ad Imperandum, sed ad persuadendum venisset: & quia persuadere voluit, necesse illi erat, vel per Miracula id facere, ut *Moses* Israelitis in *Ægypto*, ut Authoritatem suam ostenderet, per opera Divina, vel per disputationem in Synagoga, ex Scripturis quas receperant, ut veritas Doctrinæ suæ per Verbum Divinum apparere posset. Quicumque autem à Principiis scriptis ratiocinatur, interpretem Principiorum illum facit, quem alloquitur. Siquidem autem eorum, quæ citavit *S. Paulus* ex Scriptura Sacra, Iudæi Thessalonicenses Iudices non erant, quis erat alius? Si *S. Paulus*, quid opus erat, quicquam citare? Dixisse suffecisset, ita est scriptum in Lege vestra, cujus ego Interpres sum, à Christo missus. Manifestum ergo est Interpretem Scripturarum, in cujus Interpretatione Iudæi Thessalonicenses acquiescere obligabantur, fuisse nullum: credere vel non credere unicuique prout quæ dicta erant, probata vel non probata videbantur, licitum erat. Etiam univer-

universaliter verum est, illum qui probare aliquid promittit, probationis Iudicem illum facit, quem alloquitur.

Ad conversionem Ethnicorum, tum Iudeos tum Scripta eorum omnia continentium, ex Scripturis Sacris disputare, frustra fuisset. Apostoli ergo Idololatriam eorum rationibus à natura sumptis aggressi sunt; deinde confutata illorum Religione falsa, ad Fidem Christi adducere illos conati sunt per testimonium Vitæ & Resurrectionis Christi præbitum. De Authoritate ergo Scripturas interpretandi, nulla hic controversia esse potuit, propterea, quod cum Infideles essent, Scripturæ nullius interpretationem sequi obligarentur, præter Legum suarum Civilium interpretationem, Lege Civitatis comprobata.

Videamus jam Conversionem ipsam, an ab ea obligari aliquis potuit. Convertebantur enim ad nullam aliam rem, quam ad Fidem habendam Doctrinæ, quam Apostoli prædicaverant. Apostoli autem nihil prædicaverant, nisi quod *Iesus esset Christus*, id est Rex à quo salvandi essent, & qui super eos in mundo futuro regnaturus esset; & per consequens, quod non mortuus esset, sed à mortuis resuscitatus, quodque rediturus esset ad mundum judicandum, & cuique secundum opera sua tributurus. Nemo eorum Scripturæ Sacræ interpretem se aut alium Apostolum talem esse prædicavit, ut omnes, qui Christiani esse voluere interpretationi ejus obligarentur acquiescere. Nam Leges interpretari illorum est, qui actu regnant; id quod Apostoli non fecerunt. *Præcabantur* tunc illi, & ab illis Pastores omnes, *Adveniat Regnum tuum*, Ethnicosque à se Conversos Principibus suis hortabantur obedire. Testamentum novum nondum totum publicatum erat. Evangelista quisque Evangelium suum interpretatus est, & unusquisque Apostolus suam Epistolam. De Testamento autem veteri dicit Christus ad Iudeos (Ioh. 5. 39.) *Scrutamini Scripturas: nam in illis expectatis Vitam eternam: illa autem de me testantur.* Quorsum hoc, nisi quod Scripturarum illarum interpretes esse voluit ipsos?

Ad omnem, quæ oriebatur difficultatem, Apostoli & Presbyteri solebant convenire, & quidem quid prædicarent, & docerent, & quomodo ad populum Scripturas interpretarentur, determinabant; libertatem autem illas legendi, & interpretandi sibi, nemini ademerunt. Apostoli Ecclesiis Epistolas, aliaque scripta miserunt instructionis causa; id quod frustra fuisset, nisi illa interpretari permissum illis esset. Sicut autem permissum hoc erat tempore Apostolorum, ita permittendum est, quamdiu non sint Reges Doctores, vel Do-

dores Reges, qui Interpretationem, aut interpretem Legibus constituent.

Scriptura aliqua duobus modis *Canonica* dici potest; *Canon* enim Regula est, & Regula Præceptum, quo in actione quacunque aliquis regitur. Quæ præcepta etsi data sunt à Magistro Discipulo suo vel à Consiliario ad Consulendum, absque potestate cogendi ut observentur, *Canones* tamen sunt, quia Regula. Sed quando ab eo data sunt, cui is, qui illas accipit tenetur obedire, tunc non modo *Canones* sunt, sed etiam *Leges*. Quæstio ergo est hoc loco de Potestate faciendi, ut Scripturæ Leges sint, cujus sit?

Parva illa Scriptura Sacra, quæ prima Lex facta est, est Decalogus. Ante tempus illud, Lex Dei Scripta nulla erat; nondum enim populum suum ullum peculiarem sibi elegerat, nec aliam hominibus dederat Legem præter Leges Naturales. Decalogi autem duæ erant tabulæ, quarum prima jus Regium continet; nempe primò, ne populus adoraret aut serviret Diis Gentium, his verbis, *non habebis Deos alienos coram me*. Quibus verbis prohibentur obedire, vel honorem dare Regi vel Rectori alii, quàm illi qui per Moysen ad eos locutus est. Secundò, *ne Imaginem ejus facerem*, id est ne sibi Personam ejus representativam facerent juxta Phantasias suas; sed ut Mosi obedirent. Tertiò, *ne sumerent nomen Dei in vanum*, id est, ne de Rege suo temerè loquerentur, neque jus regnandi aut ea, quæ à Mose imperarentur, disputarent. Quartò, unoquoque die septimo à laboribus suis jubentur requiescere, diemque illum in Deo publicè honorando collocare. Tabula secunda Officia continet Civium in concives; ut honora parentes; ne occidas: non moechabere: non furabere: Iudicium falso testimonio non corrumpes: denique injuriam quamcunque proximo faciendi ne corde quidem consilium fumes. Quæritur jam, quis fuit, qui Tabulis hisce vim dedit obligatoriam? Dubium non est, quin Leges factæ fuerint ab ipso Deo. Quoniam autem Lege obligari potest nemo, qui nescit an à Rege lata sit necne: quomodo obligari potuit populus Israeliticus ad præstandam omnibus Legibus *Mosaicis* obedientiam, qui nè ad Montem Sinai accederent, & quid *Mosi* Deus loqueretur audire prohiberi fuerant? Ad quod respondeo Legum illarum aliquas, nempe, Tabulam secundam Leges naturales divinas, æternas esse & per se obligare. De Tabula prima, difficilis fortasse fuisset responsio, nisi populus seipsum ad obediendum Mosi obligasset, his verbis (Exod. 20. 19.) *Loquere tu nobis & audiemus: sed ne loquatur nobis Dominus, ne moriamur*. Potestas ergo per quam Decalogus factus est in Legem Civitati Israeliticæ, erat penes *Mosem*, & post illum, penes Sacerdo-

Sacerdotem summum, qui erat Civitatis Summus Imperans. Haec-
nus ergo Scripturæ Sacræ Canonizatio ad eum pertinuit, qui Sum-
mam in Civitate Potestatem habuit Civilem.

Etiā Leges Iudiciales, id est Leges Magistratibus Israelis à Deo
præscriptæ de Administratione Iustitiæ ferendisq; inter litigantes
Sententiis: item Lex Levitica, id est Regulæ à Deo præscriptæ de Ri-
tibus & Ceremoniis cultus divini, traditæ omnes fuerunt à *Mose* solo:
ideoque Leges erant, quia obedientiam *Mosi* promiserant Summam
habenti Potestatem Civilem.

Postquam venerunt Israelitæ in Campes tria Moabitarum è Regio-
ne Ierichuntis, intraturi jam in Terram Promissam, Legibus prioribus
addidit etiam alias *Moses*, quæ vocantur Deuteronomium, id est Leges
Secundæ quæ (Deut. 29. 1.) dicuntur *verba Pacti quod facere Domi-
nus iussit Moysen cum Filiis Israelis, præter Pactum, quod fecerat cum illis
in Horeb*. Cum enim priores illas Leges, sub initium Libri Deutero-
nomii explicasset, alias illas quæ incipiunt Cap. 12. desinuntque Cap.
26. superaddidit *Moses*, Atque hæc est Lex illa, quam populus lapidi-
bus in transitu Iordanis insculpere iussus erat: hæc eadem ab ipso *Mo-
se* in volumine scripta Sacerdotibus, & Senioribus Israelis tradita erat,
collocanda in Arcæ latere: hæc eadem erat cujus exempla apud se ha-
bere iubebantur Reges Israelis: hæc denique est, quæ postquam diu
perdita fuisset, reperta tandem in Templo fuit Regnante *Iosia*, cujus
Autoritate pro Lege Dei denuò recepta est. Sed tum *Moses* à quo
scripta est, & *Iosia* à quo recuperata est, ambo Summam habuere
Potestatem Civilem. Haecenus ergo Ius Scripturas Canonizandi pe-
nes eos erat qui Summam Potestatem Civilem habuerunt.

Præter hunc, nullum alium habuere Librum Legis, ante reditum
populi è Captivitate. Prophetæ enim (paucis exceptis) in Captivita-
te ipsâ vixerunt; adeoque procul aberat, ut Prophetiæ eorum pro
Legibus haberentur, ut etiam ipsi vexarentur, & ad supplicium, par-
tim à falsis prophetis, partim à Regibus quærerentur. Etiam Liber Le-
gis hic, qui receptus pro Lege Dei & confirmatus fuerat à *Iosia*, una-
cum Divinorum operum Historia tota, tempore Captivitatis, cum
caperetur Ierusalem, perditus erat, ut constat 4. Esdr. 14. 21. *Lex
tua arsa est; nemo est, qui cognoscit opera, quæ fecisti, neque opera
quæ facturus es*. Ante Captivitatem, à tempore, in quo Liber
Legis amissus est, (quod tempus in Scripturis Sacris non signa-
tur, sed videtur fuisse tempore *Rehoboami*, quando *Schischæ* Rex
Egypti Templum spoliavit) usque ad tempus *Iosia*, quando re-
cuperatus erat, nullum habuere Iudæi Verbum Dei scriptum, sed

fuo arbitrio regnaverunt Reges vel confilio eorum, quos habuere pro Prophetis.

Scriptura ergo Veteris Testamenti quam habemus hodie, Canonica Iudæis non erat: neque Lex antequam renovassent Pactum sub *Esdra*, postquam à Captivitate rediissent in Iudæam: ab eo autem tempore, pro Lege Iudæorum semper habita est: etiam conversa in linguam Græcam à Septuaginta Senioribus Iudææ, reposita est in Bibliotheca Alexandrina. Erat autem *Esdra* Sacerdos Summus, & proinde is, qui Summam in Iudæis habuit Potestatem Civilem. Itaque Scripturæ nunquam hæcenus Leges factæ erant, nisi à Summo Civitatis Imperante. De Testamento Novo satis apparet ex antiquis Patribus qui fuerunt ante tempora Imperatoris *Constantini Magni*, quod à Christianis omnibus pro dictamine Spiritus Sancti, & proinde pro Regula fidei receptum erat: tanta erat illis Doctorum suorum reverentia. Dubium ergo non est, quin ea, quæ Ecclesiis quas considerant, scripserat Sanctus Paulus aliussve Apostolus vel Discipulus Christi, ab illis Ecclesiis, hominibusque quos ad Christianismum ipsi converterunt, pro vera Doctrina Christiana recepta fuerint. Verumtamen eo tempore, quando, non Potestas & Autoritas Doctoris, sed audientium Fides fecit, ut reciperentur, manifestum est, novum Testamentum Legem factum esse, non ab ipsis Apostolis, sed Scripturam illam Legem sibi ipsi factam esse ab unoquoque Profelytorum.

Sed non quaeritur hoc loco, quid Christianus Legem vel Canonem sibi met ipsi fecerit (qui eodem jure, quo fecerit, rejicere etiam potuit,) sed quid ita ipsi Lex facta sit, ut illam transgredi sine Injustitia non potuerit? Testamentum novum ante *Constantinum Magnum* hoc sensu, nemini potuit esse Lex: repugnat enim naturæ Legis. Lex quippe (ut supra sæpe dictum est) Mandatum est illius sive Hominis, sive Coetus, qui Summam habet in Civitate Authoritatem, Legumque ferendarum Ius, transgressorumque puniendorum solus habet. Quando ergo alius quicumque præter illum Regulas vivendi Civibus præscribit, Regulæ illæ Leges non sunt, sed Consilium, quale sive bonum sive Malum, is cui Consilium datur, observare vel negligere potest absque Injustitia, & siquidem Legibus jam constitutis contrarium sit, sive bonum, sive malum, observare sine Injustitia non potest: observare, inquam, in actionibus & sermonibus sine Injustitia non potest, etsi Doctoribus privatis credere, & ut doctrina eorum Legibus permittatur, sine peccato optare potest. Fides enim interna per naturam suam invisibilis est, ideoque ab omni Jurisdictione humana exempta,

empta. Quoniam ergo Servator noster Regnum suum in hoc mundo esse negavit, & non ad judicandum, sed ad salvandum mundum venisse se affirmavit, non aliis Legibus nos subjecit, quam Legibus Civitatis, nempe Iudæos quidem Legibus *Mosaicis* (ad quas non extendas, sed ad implendas venisse se dicit Matth. 5.) Gentes autem alias Civitatum suarum Legibus Civilibus: & genus humanum universum Legibus Naturalibus. Manifestum ergo est, *Christum* & Apostolos ejus, nullam novam Legem, quæ nos in hoc mundo obligaret, sed novam tantum Doctrinam attulisse, qua ad mundum venturum præpararemur: & proinde Testamentum novum, in quo Doctrina illa continetur, quamdiu non essent Principes & Legislatores, qui observationem ejus imperarent, non erat Lex, sed ad perducendos homines ad salutem, Consilium tutum, quod unusquisque accipere, vel rejicere suo periculo potuit sine Injustitia.

Porro, Servator noster Apostolis & Discipulis mandatum dedit, ut prædicarent Regnum Dei appropinquare; ut nationes omnes docerent, & credentes Baptizarent; ut ubi non reciperentur, pulverem ejus Civitatis pedibus suis excuterent; sed non, ut ignem ex cælo ad destructionem eorum postularent; neque ut eos ad Fidem *Christi* gladio cogeret. Nihil hic est Imperii, sed Consilii tantum. Emitit illos *Christus* sicut Oves ad Lupos, non ut Reges ad subditos. Non habuerunt in Mandatis, ut Leges ferrent, sed ut Legibus obedirent latis, & obedientiam alios docerent. Non potuere ergo Apostoli ipsi facere, ut Doctrina eorum vim haberet Legum, sine voluntate eorum, qui in Civitatibus suis summam habuere Potestatem. Testamentum ergo Novum in iis locis tantum Lex est, in quibus ita à summa Potestate Civili facta est. In illis autem Reges ipsi eidem Legi se submitunt, non autem Doctori, vel Apostolo à quo converserant, sed ipsi Deo; & Filio suo Iesu Christo, immediatè.

Id quod Testamentum Novum, quo tempore Ecclesia à potestate Civili non protegebatur, Legem videri fecit, erant decreta in suis ipsorum Synodis facta. Legimus enim (Act. 15. 28.) Concilii titulum, *Visum est Spiritui Sancto & nobis, non imponere vobis onus majus quam necessaria hæc, &c.* quo Titulo Potestas aliqua videtur significari, in illos qui Fidem amplexi erant imponendi onera, id est, ut aliquibus videri potest, obligandi; unde inferunt illius Concilii acta fuisse Leges. Leges tamen non magis sunt, quam præcepta hæc, *penitemini; Baptizamini; custodite Mandata; credite Evangelium; venite ad me; vende omnia, quæ habes, & da Pauperibus; & sequere me*: quæ Imperia non sunt, sed hominum ad Christianismum invitationes, sicut illa Isaïæ 55. 1.

Unusquis-

Vnus quisque qui fuit, venite ad aquas; venite & emite vinum & lac sine pecunia. Apostoli enim Potestatem maiorem non habuere, quam ipse *Christus*, nempe invitandi homines ad Regnum Dei, quod non *præsens*, sed futurum esse prædicaverunt ipsi; qui autem Regnum non habent *Præsens*, Leges ferre non possunt. Præterea si Conciliorum tunc temporis Acta fuissent Leges, obedientiam illis negare peccatum fuisset. Eos autem, qui Doctrinam *Christi* recipere noluerunt, eo nomine peccavisse nusquam legimus, sed hoc tantum, in peccatis suis mortuos fuisse. e. peccata eorum contra Leges quibus obedire debuerunt, remissa non fuisse, nimirum peccata eorum contra Leges Naturæ & contra Leges Civiles suæ cuiusque Civitatis retenta fuisse. Constat ergo Onera quæ in Fideles imposuisse dicuntur Apostoli, non fuisse Leges, sed illis, qui Salutem quæsierunt, propositas conditiones, quas accipere vel rejicere suo quisque periculo, sine peccato novo potuit, quamquam non sine periculo exclusionis propter peccata sua præterita, à Regno Dei. Itaque de Infidelibus dicit Sanctus *Iohannes*, non quod ira Dei *veniet* super eos, sed quod *ira Dei manet super eos*, nec quod *dammabuntur*, sed quod jam *condemnati sunt*. Neque intelligi potest Fidei fructum esse *peccatorum Remissionem*, nisi simul intelligatur damnum ab Infidelitate esse *peccatorum Retentionem*.

Quorsum autem (quæret forte aliquis) Apostoli aliique Ecclesiæ Pastores convenerunt, determinandi causa quæ Doctrina tum Fidei tum Morum doceretur, si decreta eorum observare nemo teneretur? Ad quod responderi potest, Apostolos, Presbyterosque præsentis in Concilio, eo ipso quod præsentis esse voluerunt, Doctrinam illam, quæ doceri decernebatur docere obligatos fuisse, quatenus nulla Lege Civili ad contrarium tenerentur. Neque enim eo fine convenerunt, ut quid reciperetur, sed ut quid doceretur deliberarent. Nam, quid reciperetur, nisi Potestatem haberent Legislativam, determinare non potuerunt. Verbum quidem Dei pro Lege habere obligantur homines universi; ut autem pro verbo Dei reciperent, quicquid in Dei nomine ab homine mortali pronuntiaretur, aut quod Legibus Civilibus quas custodiendas esse Deus iussit, contrariam docere obligati non erant.

Quoniam autem conciliorum Apostolorum Acta non erant Leges, multominus pro Legibus habenda sunt Conciliorum eorum Pastorum Acta, quæ postea sine Authoritate Civili habita fuerunt. Constat ergo Scripturas Sacras, etsi Doctrinæ Christianæ Regulæ erant perfectissimæ, Leges tamen fieri non potuisse, sine consensu Regum aliorumque summam habentium Potestatem Civilem.

In quo

In quo primum Concilio Scripturæ Sacræ factæ sint Canonice, non constat. Nam Canonum Apostolicorum Collectio quæ *Clementi* attribuitur Episcopo Romano post *S. Petrum* primo, etiam nunc disputatur : & quamquam Libri Canonici ibi numerantur ; verba tamen hæc, *Sint vobis omnibus Clericis & Laicis libri venerandi*, &c. distinctionem habent Clericorum & Laicorum, quæ tam propè ad tempora Apostolorum usurpata non videtur. Itaque Concilium, quod Scripturas Canonicas primum fecit, Laodicense erat quod Can. 59. Librorum aliorum Lectionem in Ecclesiis prohibet. Atque hæc de Canone Scripturarum dicta sufficiant.

Officiorum Ecclesiasticorum, tempore Apostolorum alia erant Magisterialia, alia ministerialia. Magisteriale munus erat Evangelium Fidelibus prædicare ; Sacramenta & omnem cultum divinum administrare ; & Regulas fidei & Morum eos docere, quos ad Fidem converterent. Ministeriale munus erat Diaconorum, id est, eorum, qui Ecclesiæ secularia administrabant, quo tempore Christiani à contributionibus Fidelium voluntariis, in commune collatis alebantur. Inter Munera Magisterialia, primum & maximum erat Apostolatus ; Apostoli autem primo duodecem erant, omnes ab ipso Christo electi & constituti ; quorum officium erat, non solum Prædicare, Docere, & Baptizare, sed etiam resurrectionem Christi (quamquam periculo vitæ) attestari. Testimonium autem hoc Apostolatus nota specifica essentialisque erat. Itaque quando in locum Iudæ Iscariotæ Apostolus eligendus erat, præfatus est Petrus (Act. 1. 21. 22.) *Oportet ergo eorum virorum qui nobiscum erant per omne tempus in quo introivi ad nos & exivi Dominus Iesus, à Baptismo Iohannis, usque ad diem in quo assumptus est, aliquem consistere Resurrectionis ejus, nobiscum Testem.* Necessarium ergo Apostolo erat, ut Christi Resurrectionem testaretur.

Eorum, qui Apostoli constituti ab ipso Christo non erant, fuit *Matthias*. Electus fuit sic : convenerunt in Jerusalem (Act. 1. 15.) circiter 120. Christiani ; atque hi constituerunt duos, *Iosephum & Mattheum* electionemque Sortibus permiserunt, & sic Apostolatam Sortitus *Matthias*, inter Apostolos numeratus est. Ex quo constat, electionem Apostoli penes Ecclesiam fuisse, non autem penes *Petrum* neque Apostolos undecim reliquos.

Post hunc Electi sunt in Apostolos, *Paulus & Barnabas*, de quorum electione legitur Act. 13. 1, 2, 3. *Erant autem Antiochie in Ecclesia, Prophetæ & Doctores, Barnabas & Simeon cognominatus Niger, & Lucius à Cyrene, & Manaen & Saulus. Precantibus autem illis Dominum, & jejunantibus, dicit Spiritus Sanctus, Separate mihi Barnabam & Saulum ad opus ad*

quod vocavi illos. Cumque jejunassent, & precati essent, & manus illis imposuissent, dimiserunt illos. Ex quo manifestum est, quanquam à Spiritu Sancto electi essent, vocatos tamen eos fuisse ab Ecclesia Antiochena. Munus autem ad quod vocati erant, fuisse Apostolatum, manifestum est ex eo quod (Act. 14. 14) vocati sunt ambo Apostoli. Et quod in virtute hujus vocationis Apostoli erant, Sanctus Paulus manifestè indicat (Rom. 1. 1.) Apostolum se *separatum* vocans, ad Evangelium Dei, alludensque ad verba Spiritus Sancti dicentis, *Separate mihi Barnabam & Saulum*, &c. Quoniam autem Apostolo opus erat, restem esse Resurrectionis Christi, quæret fortasse aliquis, quomodo testari id potuit S. Paulus, qui cum Servatore nostro ante mortem ejus nunquam conversatus erat. Cui facile respondetur, Christum ipsum Paulo apparuisse è coelo, postquam assumptus esset, illumque elegisse, ut nomen suum ad Gentes portaret, & ad Reges, & ad Filios Israelis. Cum ergo Dominum vidisset resuscitatum, Resurrectionis testis erat non inidoneus. Barnabas autem fuerat Christi Discipulus.

Episcopus (*Inspector*) erat is qui cuicunque negotio erat Præpositus, speciatim autem Pastor sive Custos ovium: & inde Metaphoricè vox illa usurpata est, ad significandum Regem, aliumve Rectorem populi, sive ille Legibus, sive Doctrina regeret. Qui Apostolus erat, Episcopus erat; itaque Apostolatus Judæ (Act. 1. 20.) vocatus est *Episcopatus*. Etiam post constitutionem Presbyterorum, hi quoque Episcopi vocabantur. Presbyter (quod nomen non solum ætatis, sed etiam officii erat) erat Timotheus, idemque Episcopus. Et S. Johannes, qui non modo Episcopus, sed etiam Apostolus erat, Presbyterum se appellat. Constat ergo nomina illa *Episcopi*, *Pastoris*, *Presbyteri*, *Doctores*, nomina fuisse tempore Apostolorum, Officii ejusdem. Nam eo tempore non Imperio, sed Doctrina, & suasionem Ecclesiam gubernabant. Regnum Dei futurum tunc erat in alio mundo: aded ut cogere neminem Pastores potuerint: quia nondum Civitas ulla Fidem Christianam amplexa erat.

Præter Apostolos, Pastores, Episcopos, Presbyteros, & Doctores, Magisterii nomen nullum erat. Nomina *Evangelistæ* & *Propheta*, non officiorum Nomen sed Gratiarum erat, quibus Discipuli Christi Ecclesiis erant utiles: ut Evangelistæ, scribendo Servatoris nostri vitam & actiones, quales erant S. Mattheus & Johannes Apostoli, & S. Marcus & Lucas, Discipuli, & ut aliqui putaverunt Thomas & Barnabas, quorum Libri in Canonem recepti non sunt. Etiam in Ecclesiis eo tempore, Prophetæ erant, quibus Testamentum verum interpretandi, & quandoque prophetandi gratiam Deus dederat. Neque enim dona hæc, neque do-

num linguarum, neque ejiciendi Dæmonia, neque morbos sanandi, sed vocatio tantum, & Electio, Doctorem aut Magistrum in Ecclesia faciebat.

Sicut ab Ecclesia constituebantur Apostoli, *Matthias*, *Paulus* & *Barnabas*, nempe *Matthias* ab Ecclesia Ierosolymitana, & *Paulus* cum *Barnaba* ab Ecclesia Antiochena: ita etiam in aliis Civitatibus, Presbyteri & Pastores ab Ecclesiis, quæ erant in Civitatibus illis, eligebantur. Legimus (Act. 14, 23.) *Paulum* & *Barnabam* Presbyteros in Ecclesiis ordinasse, id quod accipi fortè ita potest, ac si Presbyteris Authoritate dedissent ipsi: Intuentibus autem textum Græcum aliter videbitur. Nam electio eorum fiebat per *Χειροτονίαν*, id est, per manuum elevationem; qui modus etiam in eligendo Magistratu Civili, in omnibus ferè Civitatibus eo tempore in usu erat. Presbyteros ergo suos unaquæque eligebat Ecclesia. Apostoli conventus Christianorum convocabant, in illis præsidebant, suffragia colligebant, Electum pronuntiabant, & benedicebant, vel (ut nunc loquuntur) Consecrabant, sed non eligebant. Quoniam ergo in omnibus Ecclesiis Pastores hoc modo eligebantur, ubi legimus (Tit. 1. 5.) Apostolos constituisse Pastores aliquos, idem significat *constituisse* quod *Χειροτονήσαι*, vel eligere per suffragia manibus elevatis data, vel Fabis, vel Lapillis in urnam conjectis. In urbibus autem, ubi modus Electionum alius numquam visus fuerat, Electionem aliusmodi Cives omnes sive Ethnici sive Christiani, admirati essent. Neque temporibus sequentibus, Episcopi ipsi aliter electi sunt, quam ab Ecclesiis singularum Urbium, donec de Electionibus coeptum est pugnari.

Confirmatur idem à diuturnâ in Episcopis ipsius Romæ eligendis consuetudine. Nam si in ullâ Civitate Episcopus in aliam sedem migraturus, vel moriturus Successorem suum constituendi jus habuisset, præprimis Episcopus Romanus illud jus habuisset: Successorem tamen suum Episcopus Romanus nunquam elegit, sed Civitatis Romanæ Christiani; ut manifestum est ex Seditione ortâ in electione *Damasi* præ *Vrsino*, quæ tanta erat, ut Præfectus Urbis, cum Pacem inter illos conservare conatus frustra esset, exire è Civitate coactus sit, occisis in illa Seditione plusquam centum hominibus, in Ecclesia ipsa. Et postea, quanquam Episcopi Romani eligerentur, primo à Clero Romano, deinde à Cardinalibus, ab Antecessoribus tamen Episcopi nunquam electi fuere. Quoniam ergo Successores suos, Pontifices Romani eligere non potuerunt, multo minùs potuere Successores aliorum Episcoporum constituere, sine Autoritate ab illo derivata, qui in Ecclesiam jus habuit Imperandi, id est sine Autoritate Civili.

Minister (Græcè Διάκονος), illum significat, qui res agit hominis alterius; differt autem à Servo, in hoc quod servi imperata Dominorum facere obligantur ipsa servitutis conditione: Ministri autem eo solo obligantur, quod susceperint, neque aliud facere quam quod susceperunt, obligantur. Itaque & illi qui Verbum Dei prædicant, & illi quæ Ecclesiæ secularia administrant, ambo Ministri sunt, sed diversarum personarum Ministri. Pastores enim qui vocantur (Act. 6, 4.) *Ministri Verbi, Christi* Ministri sunt, cujus Verbum prædicant: sed Diaconus Minister est Ecclesiæ, & Ministerium ejus (Act. 6, 2.) est *ministrare mensis*. Itaque de Pastore suo nemo, neque Ecclesia ipsa, dicere potuit, quod Minister suus esset: sed de Diacono tantum qui ministrare mensis, vel Christianis (cum viverent, in unaquaque Civitate; de re communi) alimenta distribuere, vel Domus Dominicæ, vel Ecclesiæ possessionum curam susciperet: hunc Ecclesia Ministrum appellare suum rectè potuit.

Diaconi tamen Evangelium prædicare, & doctrinam Christianam propugnare unusquisque secundum gratiam, quam à Deo acceperat, non omisit, ut *S. Stephanus*; neque Baptizare, ut *Philippus*. *Philippus* enim ille qui (Act. 8, 5.) Evangelium prædicavit in Samaria, idemque Eunuchum baptizavit, non erat *Philippus* Apostolus, sed *Philippus* Diaconus. Quando enim *Philippus* prædicabat Samariæ, Apostoli Hierosolymis erant: quicum audissent Samariam recepisse Verbum Dei, miserunt ad eos *Petrum & Iohannem*, ut manus imponerent illis, qui à *Philippo* Baptizati fuerant; & sic acciperent Spiritum Sanctum. Necessarium enim erat ad Spiritus Sancti receptionem, ut Baptismus administraretur, vel confirmaretur per Ministrum Verbi, non per Ministrum Ecclesiæ. Baptismus enim Pastoris temporibus illis, in illos qui verè crediderunt, Spiritus Sancti dona conferebat: quæ dona (Marc. 16, 17.) erant: *Per nomen meum Dæmonia ejicient; linguis loquentur novis; serpentes tollent; & si quid lethale biberint, nequaquam nocebit eis: ægrotis manus imponent; & bene se habebunt*. Hæc conferre *Philippus* non potuit, sed potuere Apostoli, & re ipsa (ut ex hoc loco apparet) verè credentibus contulerunt: id quod Pastores hodierni non faciunt.

Eligebantur ab Ecclesia etiam, non ab Apostolo Diaconi, ut patet Act. 6, ubi legimus duodecim Apostolos Discipulos convocasse jam multiplicatos, & dixisse illis, *non est æquum nos deservitæ verbo Dei Ministrare mensis. Deligite ergo, o fratres, ex vobis viros septem, testimonio ornatos, plenos Spiritu Sancto & Sapientia, quos huic usui præficiamus*. Unde manifestum est, etsi declarati essent ab Apostolis, Cœtus

Cœtus tamen illos elegit; quod etiam manifestius fit vers. 5. ubi dicitur, *Placuit autem hic sermo toti præsentis multitudini, & elegerunt Stephanum virum plenum fide ac Spiritu Sancto, & Philippum &c.*

Videamus proximo loco, Ecclesiastici undealebantur. Sub Testamento Veteri Sacerdotii numerumque aliorum in Ecclesia capax erat sola Tribus Levi. Terra promissa inter cæteras Tribus (Leviticæ exclusa) divisa erat. Quæ Tribus duodecem tamen erant, divisa scilicet Tribu Joseph in duas Tribus Ephraim & Manassen; aded, ut Tribus Levi nullam inter fratres sortem habuerint, præterquam habitandi causa quasdam urbes, cum suburbiis earum. Sortem igitur Levitis dedit Deus illam, quæ ipsius Dei erat; nempe ut haberent fructuum omnium partem decimam; Rursus Sacerdotibus in alimentum assignata est illius Decimæ Decima, una cum Oblationibus & Sacrificiis. Dixerat enim Deus Aaroni (Num. 18, 20.) *In terra eorum hereditatem non habebis, neque sortem inter illos, ego sum fors tua, & hereditas tua, in Filiiis Israelis.* Deus enim cum in illos regnaret, & Tribum Levi ad Ministeria publica elegisset, concessit illis in alimentum proventum publicum quem sibi ipsi reservaverat, nempe Decimas & Oblationes, quas significavit dicendo, *ego sum fors tua, & hereditas tua.* Levitis igitur non improprie attribuebatur nomen Cleri, quod significat Sortem & Hereditatem. Non tamen, ut essent Regni coelestis heredes præ cæteris Israelitis; sed quod de hereditate Dei alebantur. Quoniam ergo eo tempore Rex eorum erat Deus; cujus Vicem-gerentes erant Moses & Sacerdotes Summi, suis singuli temporibus, jus Decimarum Oblationumque habendarum à Potestate Civili profectum esse manifestum est.

Deinde de alimentis Christi & Apostolorum, hoc tantum legimus, peram habuisse (quam Iudas Iscariota portabat.) Apostolos autem, qui Artem habuerunt, illam exercuisse. Etiam Sacerdos noster cum duodecim Apostolos prædicaturos mitteret, comparare aurum & argentum (Matth. 10, 9,) vetuit, eo quod operarius dignus esset alimento suo. Ex quo verisimile est parandi alimenta viam fuisse illis missioni suæ congruam, nempe, gratis dare, quia gratis acceperant. Sustentabantur enim partim benevolentia Fidelium, propterea quod adventum Messie annuntiarent; partim etiam à contributionibus eorum quos Servator noster à morbis liberaverat; ex quibus nominantur (Luc. 8, 2, 3.) *Mulieres quædam quas sanaverat à Spiritibus improbis, & morbis nempe Maria quæ vocabatur Magdaleno, ex qua septem Demoniam exierant, & Iohanna uxor Chææ procuratoris Herodis, & Susanna, & aliæ multe quæ ministrabant ei ex iis quæ sibi suppetebant.*

Post Servatoris ascensum, Christiani, in unaquaque Civitate, de pecuniis alebantur communibus, ex venditione agrorum suorum rerumque aliarum confectis, collatisque ad pedes Apostolorum; voluntariis, non ex debito. Dixit enim *Anania Petrus* (Act. 5. 4.) *nonne, si servasses agrum tuum, manebat tibi, & venditus nonne in tua erat Portio?* Constat autem inde *Anania*, ut agrum suum aut pecuniam retineret, necesse non fuisse ut mentiretur; ut qui ad contributionem nullam teneretur. Nec Apostolorum tantum tempore, sed etiam postea, usque ad tempora Imperatorum Christianorum, Episcopi Pastoresque alimenta sua habuerunt à contributionibus Fidelium voluntariis. De Decimis autem mentio hæcenus nulla. Et quamquam *Constantini*, filiorumque ejus temporibus Fidelium erga Pastores suos benevolentia tanta esset, ut *Ammianus Marcellinus* (seditionem Christianorum circa electionem *Damasi* describens) dignum esse dixerit Episcopatum illum, de quo contenderetur; propterea quod Episcopi eo tempore per liberalitatem sui quisque Gregis, præcipue per benignitatem Matronarum vixerint splendide, Curribus circumferrentur, & sumptuose cœnarent, & amicirentur, de Decimis tamen contributis nusquam legitur.

Quæret hic fortasse aliquis, an Pastores vivere tunc ex contributionibus, & Eleëmofynis voluntariis, obligarentur; quis enim (dicit *Sanctus Paulus*, 1 Cor. 9. 7. *militat propriis stipendiis unquam? Qui plantat vineam, & de fructu ejus non edit? Aut quis pascit Gregem, & de lacte Gregis non edit.* Et rursus 1 Cor. 9. 13. *An nescitis eos, qui sacris operantur, ea quæ ex sacrario sumi, edere? & qui Altari assident, cum Altari participare? Ita etiam Dominus constituit iis qui Evangelium annuntiant, ut ex Evangelio vivant.* Ex quo quidem loco Pastores Ecclesiæ, à Gregibus suis alendos esse inferri rectè potest; Non autem ut quantitatè aut genus alimentorum ipsi definirent, aut suo arbitrio quicquamsumerent. Necessarium ergò est, ut aut à singulorum contributionibus, aut ab Ecclesia, ut persona una, nutrirentur. Ab Ecclesia fieri hoc non potuit, quia Acta eorum Leges non erant. Sequitur ergò Pastorum alimenta, antè quàm Imperatores Summique Imperantes de alimentis eorum Leges aliquas ferrent, alia non fuisse quàm Fidelium contributiones voluntarias. Qui Altari operam dederunt, de Oblatis vixerunt sub Testamento Veteri: ita etiam Ministris Evangelii licitum est, quod à suis Gregibus Oblatum est accipere. sed nihil (nisi per Actionem Civilem) exigere poterant. Ad quod Tribunal (quæ nulla præter Civilia erant) peterent? Constat ergò alimenta Pastoribus certa assignari potuisse nulla, nisi per Ecclesiam.

siam, ut unam personam, & quidem tunc solam, quando Ecclesiæ decreta, non tantum Canones, sed etiam Leges essent. Leges autem fieri nullæ potuerunt, nisi ab Imperatoribus, Regibus, aliisque summam habentibus Potestatem Civilem. Lex Mosaica de Decimis ad Ministros Evangelii applicari non potest: quia *Moses* & Summi Sacerdotes, sub Deo Summam habuere Potestatem Civilem. Regnabat enim in Judæis Deus; sed in Christianis Regnaturus est, Regnaturus, inquam, ex Pacto: nam per naturam nunc regnat æquè in totum humanum genus.

Hactenus ostensum est, Pastores quid sint: & quæ habeant Mandata à Christo Salvatore (nempe Prædicare, Docere, Baptizare, & in Ecclesiis Præsidere;) Censura Ecclesiastica in locis ubi Fides Christiana prohibetur, quam vim habeat, nempe ut congressum & convictum Excommunicatorum fugiant, & in locis ubi Fides Christiana Lege armatur Civitatis, ut Excommunicatum fugent: etiam Pastores & Ministri, à quibus eligerentur (nempe ab Ecclesiis,) quis consecraverit eos (nempe Ecclesiæ Antistes,) unde alerentur, nempe à suis ipsorum possessionibus, labore suo, contributionibusque Fidelium voluntariis. Proximo autem loco considerabimus quodnam in Ecclesia Officium habeant illi, qui Summam habent Potestatem Civilem, iidemque Fidem Christianam amplexi sunt.

Imprimis meminisse oportet demonstratum supra esse, ius iudicandi, quæ doctrinæ conservandæ paci utiles sint & docendæ publicè, inseparabiliter Summæ Potestati Civili annexum esse. Manifestum enim est, etiam tardissimis ingeniis, Actiones hominum ab opinionibus nasci, quas habent de Bono & Malo ab actionibus ipsis in se redundaturo: & per consequens, eos, qui obedientiam Potestati Civili præstare damnosum sibi futurum credunt ad Leges violandas facile impelli, ad status Civilis everisionem, & belli Civilis renovationem: cujus fugiendi causa, Civitates omnes institutæ sunt. Itaque in Civitatibus etiam Ethnicis, Pastores passim vocati sunt, qui Summam in illis habuere Potestatem: populum enim docere Civis nullus potuit, nisi per illorum Authoritatem.

Quod ius hoc Regum Ethnorum, simul ac converterentur Reges illi ad Fidem Christi, sublatum esset, non potest credi. Christus enim spoliari Imperio Reges eo nomine non voluit, quod in se crederent: neque ut cuiquam alii subjicerentur: neque ut Potestate pacem inter Cives suos conservandi, & contra hostes defendendi, privarentur. Sunt ergo Reges Christiani, etiam nunc Subditorum suorum Pastores supremi, & ius habent Pastores sub se

con-

constituendi, quos ipsi idoneos ad populum instruendum judicabunt.

Præterea, etsi jus Pastores eligendi penes Ecclesiam esset, sicut erat tempore Apostolorum; sic quoque jus illud penes Regem esset qui personam Civitatis gerit, id est personam Ecclesiæ, & proinde sine illo Ecclesia muta esset. Quando autem Cæteris aliquis in Civitate Christiana, Pastorem suum eligit, is eligit, qui Summam habet in Civitate Potestatem; eodem planè modo quo, quando Oppidi alicujus populus, Prætorē sibi eligit, eligit is, qui Summam habet Potestatem; omnis enim Actio illius est, sine cujus consensu valida non est. Itaque quæcunque ex Historiis, de Pastoribus à populo vel à Clero electis exempla adducuntur, pro præjudicio contra jus ejus qui Civitatem repræsentat, haberi non possunt; quia per illius Authoritatem eligebantur.

Quoniam igitur in omni Civitate Christiana, is qui summè Imperat, Pastor etiam Summus est, cæterique Pastores illius Authoritatē fiunt, sequitur Pastores cæteros illius Ministros tantum esse, non aliter, quam qui Urbibus, Provinciis, vel Oppidis præficiuntur; non quia subditi illius sunt, qui docent, sed qui docentur. Fieri potest, ut Rex aliquis Subditorum suorum Pastorem constituat Regem alium (ut multi Reges Christiani Pastorem fecerunt Subditorum suorum Papam Romanum) non tamen Pastorem suum illum facit, neque Subditorum suorum Summum; nisi Potestate Civili seipsum spoliare velit. In qua Civitate igitur Pastores constituit Persona externa, non id facit jure suo, sed jure ejus qui Civitati illi imperat. Admittuntur autem tales quasi Ludimagistri in Civitate aliena, cujus Rex est Paterfamilias, Ludimagistros autem filiis suis, ab externo homine commendatos recipere quidem potest, sed non Imperatos; præsertim si doctrinas quas docuerint non ad suum, sed ad illorum emolumentum tendere perspexerit.

Si quis ergo Pastorem prædicantem vel Baptizantem videns interroget, sicut Servatorem nostrum interrogaverunt Sacerdotes & Seniores (Matth. 21, 23.) *qua Authoritate facis ista? Et quis tibi dedit istam Authoritatem?* Respondere aliter non potest, nisi quod facit ista Authoritate Civitatis, ab eo data, qui Civitatis est Persona. Pastores omnes præter Supremum *jure Civili* ista faciunt; sed Rex, & quicunque Summam habet Potestatem, eadem faciunt Authoritate Dei, sive (ut loquuntur) *jure Divino*. Regum ergo & summè Imperantium solorum est, in Titulis habere, *Dei gratiâ Rex &c.* Episcoporum est, *per gratiam Regis Episcopus &c.* Nam *Divina providentia & Dei gratia* idem significant.

Atqui,

Atqui, si unusquisque Rex Christianus Subditorum suorum Summus quoque Pastor sit, etiam non solum prædicandi (quod forte non negabitur) sed etiam Baptizandi, Sacramentum cœnæ Domini- cæ administrandi, & Tempa Sacerdotesque Consecrandi jus habere videri potest, quod non facile concedetur. Neque enim id facere so- lent; neque sine Impositione manuum Episcopi vel Presbyteri fieri consuevit. Ut probemus ergo Reges Christianos Ministeriis illis uti posse, ratio reddenda est, tum quare id non faciant, & quomodo sine Ceremonia illa usitata impositionis manuum, id si voluerint face- re jure possint.

Si quis Rex Scientiæ alicujus humanæ peritus esset, quin docere eam publicè eodem jure posset, quod eam docent qui ab illo jus acci- piunt, dubium nullum est. Quoniam autem totius Civitatis in illum incumbit cura, si ipse, in res illas momenti minoris, tempus suum impenderet, incommodum publicum esset. Posset etiam Rex, si vel- let, lites Civiles publicè cognoscere, & decidere, non minore jure, quam qui id per ipsius faciunt Authoritatem; si non cura reipu- blicæ cogeret gubernaculo indefinenter illum assidere: cura rerum exiguarum aliis commissa. Similiter Servator noster (qui certè Ba- ptizare potuit) neminem (Ioh. 4. 2.) baptizavit, sed Apostoli ejus & Discipuli, illius Authoritate baptizârunt. Itâ etiam *S. Paulum* in diversis & multum distitis locis Prædicandi necessitas à Baptizatione frequenti excusavit. Cura enim major, nempe Ecclesiæ guberna- tio, à curis minoribus vacationem postulat. Causa ergo reddita est, quamobrem Baptizare non soleant Reges Christiani, nimirum ea- dem, propter quàm hodie paucos Baptizant Episcopi, & Papa pauciores.

De manuum Impositione, quatenus ea Regibus ut Baptizent, Con- secrentque necessaria sit, sic considerabimus.

Ceremonia antiquissima apud Iudæos erat, tum publicè, tum privatim, Impositio manuum; per quam designabatur, ostendeba- turque Persona, vel alia res quæcunque, inter Precandum, Be- nedicendum, sacrificandum, condemnandum vel alloquendum intel- ligenda. Ita *Iacob* benedixit filiis *Ioseph*, Gen. 48, 14, *extendens dex- tram suam ut imponeret capiti Ephraimi*, (quamvis esset minor) & *sinis- tram suam capiti Manassæ*. Atque hoc sciens fecit, ut benedictionem majorem designare se minori, astantibus ostenderet. Ita etiam *Aaro- nem* jubet Deus (Exod. 29, 10,) *manus suas imponere capiti juveni*; & rursus (vers. 15.) *Manum imponere capiti arietis*. Etiam *Moses* cum Duce Israelitarum constitueret (Num. 27, 23,) *Imponens manus*

suas illi, Mandatis instruxit, populo ostendens quis esset, cui in bello obedire deberent. Item in Consecratione Levitarum Num. 8, 10. Admonebis Levitas coram Iehovah, & filii Israël manus suas super ipsos Levitas imponent; & in condemnatione blasphemii (Leviticus 24. 14.) Educcio blasphemium istum extra castra, ut quicumque audierunt illum, manus suas super caput ejus ponant; deinde lapidabunt eum totus Coetus. Quare autem manus illi imponere soli jubebantur, qui illum audierant, ac non potius Sacerdos, vel Levita, vel Iustitiæ Minister aliquis, nisi quod illorum nemo congregationi designare, vel indicare, potuit quis fuerit, qui blasphemaverat, & commeruerat mori? Hominem autem vel rem aliam quamcunque, per manum ad oculos ostendere erroris minus obnoxium est, quam ad aures nomine designare.

In tantum autem placuit eo tempore Cereemonia hæc, ut in benedicenda tota simul congregatione, quia per manuum Impositionem fieri non potuit, manus tamen versus populum in benedicendo elevarint, ut legere & Levit. 9, 22.

Eadem Cereemonia usus etiam est *Christus*, manus in illos imponens, quos sanabat, aut quibus benedicebat. Iuxta ritum hunc Apostoli & Presbyteri, ipsumque Presbyterium, in illos quos Pastores constituebant, manus imposuerunt, & pro illis precati sunt, ut reciperent Spiritum Sanctum. Etiam eidem Pastori manus imposita fuisse aliquando sæpius nempe cum ad Ministerium novum mitteretur. Finis autem Impositionis manuum semper idem fuit, personæ ad munus Pastorale electæ designatio exacta & Religiosa. Apostoli manus imposuerunt (Act. 6, 6.) Septem Diaconis, non ut reciperent Spiritum Sanctum; nam Spiritu Sancto pleni erant, antequam eligerentur, ut constat ex vers. 3, sed ut ad munus Diaconorum designarentur.

Qui manus imponebant, aut Episcopi, aut Presbyteri erant; Diaconi manus illud non fuit. Quos *Philippus* Diaconus Samariæ converterat, in illos *Petrus* & *Ioannes* Apostoli manus imposuerunt, (Act. 8, 17.) *ut acciperent Spiritum Sanctum.* Etiam *Timotheus* Presbyter manus imposuit; illum enim admonet Sanctus *Paulus* (1 Tim. 5, 22.) *Ne cuiquam subito manus imponeres.* In *Timotheum* manus imposuit Presbyterium ipsum 1 Tim. 4, 14. Quomodo autem Presbyterium manus imposuit? Quando Presbyterium id facit, intelligendum est, per manus Antistitis, sive Presbyterii præsidis factum esse; is autem videtur fuisse ipse *Paulus* qui 2 Tim. 1, 6. jubet illum exultare donum Dei, quod in eo erat per impositionem manuum suarum; ubi obiter notandum est, per donum Dei, non intelligi *Spiritum Sanctum* tertium in Trini-

Trinitate personam, sed in *Timotheum* Divina dona collata, à Sancto Paulo. Paulo manus impositas bis fuisse legimus: semel Damasci, per *Ananiam* (Act. 9, 17, 18.) cum baptizaretur: & iterum *Antiochie*, cum mitteretur Prædicatum. Usus ergo hujus in Pastoribus ordinandis ceremoniæ, is erat ut personam ejus cui Potestatem talem concesserunt, designarent.

Homini ergo, qui Docendi & Baptizandi Potestatem ante habuisset, quam manus illi imponerentur, Impositio manuum nihil contribuere potuit nisi ut fidem doceret Christianam. Illi verò, qui antequam Christiani fierent Summam habuerunt Potestatem in Civitatibus suis, Potestatem novam ab Impositione manuum nullam acceperunt. Etiam sub Testamento Veteri, etsi dum Potestas Summa in Sacerdote erat jus consecrandi ille solus haberet; aliter tamen erat postquam populus sub Regibus esse cœpisset. Nam (1 Reg. 8.) Populo benedixit, Templum Consecravit, & publicas preces pronuntiavit Salomon. Constat ergò, habuisse illum non solum regendi Ecclesiam, sed etiam functiones omnes Ecclesiasticas exercendi Potestatem plenam.

Sed quid (inquiēt aliquis) si Potestas Summa sit penes foeminam, habetne in Ecclesiis prædicandi, & Sacramenta administrandi Potestatem foemina? Scio foeminis in Ecclesia prohibitum esse loqui. Id verò non impedit, quin foemina, quæ Summa Potestate prædita est constituere viros possit, qui in Ecclesiis, & loqui & cætera administrare omnia Autoritate Civitatis, id est sua possint. Autoritas enim Masculinum & Foemininum non recipit. Foeminæ igitur, etsi officia omnia exercere non possunt, illos tamen, qui ea exercent, possunt constituere. Regina Elizabetha Anno primo regni sui, cum Suprematum Ecclesiæ Anglicanæ sibi vindicasset, Legem tulit ut Ministri omnes Ecclesiarum (si Beneficia sua retinere vellent) Suprematum ejus Ecclesiasticum cum Iuramento agnoscerent. Iuraverunt ergo multi; multi etiam aliquamdiu recusaverunt, ob hoc tantum, quod videbatur illis si jurarent, fore ut Regina per illos videretur posse Sacramenta in Ecclesia administrare, & functiones cæteras Pastorales ipsa exercere. Postquam autem Regina scripto publico promiserat se id non facturam esse, tum demum juraverunt. Quo scrupulo manifestum erat, Ministros illos in opinione illa omnes fuisse, Autoritatem quidem functiones Pastorales exercendi cum Suprematu Ecclesiæ conjunctam semper esse, exercitium autem solis viris convenire. Regina ergò non modo ab exercitio talium Functionum se abstinuit, sed etiam rerum Ecclesiasticarum curam diplomate suo Episcoporum Convocationi una cum paucis Consiliariis suis, totam commisit.

Ab hac juris Civilis & Ecclesiastici consolidatione Potestatem habent Reges Christiani in subditos suos, tam in rebus ad Religionem, quam ad Politiam pertinentibus, quantam homo homini luper seipsum dare potest. Potest ergo is, sive Homo, sive Cœtus, qui Summam habet Potestatem rerum Ecclesiasticarum curæ præficere, in Dominiis suis, si voluerit, (ut in plurimis locis hodie fieri cernimus) hominem externum. Sed is, qui sic præficitur, *Jure Civili* non *jure Divino* Officio suo fungitur; & proinde quoties bono publico expedit, eodem jure, quo præfectus erat, deponi rursus potest. Potest etiam, qui Summam habet Potestatem, Religionis procuratorem, uni ex Civibus vel Civium Cœtui committere, si voluerit; Potestatemque illi dare, vel Titulis Pastores quibus vult, ornare, & circa eorum mercedem & alimenta, Leges constituere, quas ipsi videbitur; modò quod facit, ex sincerâ Conscientia (de qua judicat solus Deus) proficiscatur, ejusdem etiam est, Scripturarum Sacrarum Interpretes constituere, ut cujus Authoritate fiunt Leges. Ejusdem etiam est Excommunicationibus vim præstare per Leges suas Pœnales; quibus Libertini obstinati humiliari, & ad unionem cum Ecclesiâ reduci possint. Potestatem denique in rebus omnibus, tum Civilibus, tum Ecclesiasticis, quatenus ad Actiones & Verba, Summam habet. Actiones enim & Verba tantum, cognosci, & ab hominibus accusari possunt. Eorum autem, quæ accusari ab homine non possunt, ludent omnino, præter Deum, nullus est.

Quamquam, quæ hæcenus dicta sunt, satis perspicua, videantur, & Potestati Ecclesiasticæ Regibus Christianis asserendæ sufficient; quia tamen Potestatem illam, in omnibus Civitatibus Pontifices Romani sibi arrogant, & Cardinalis Bellarminus in Controversia de *Summo Pontifice*, Ius Pontificium, quantum possibile est, propugnavit; Fundamenta & Argumentorum ejus Robur breviter examinare necessarium esse duxi.

Librorum quinque quos de hac re scripsit, primus tres continet Quæstiones: unam, specierum Regiminis trium, *Monarchiæ*, *Aristocratiæ*, *Democratiæ* quænam sit optima. Concludit autem nullam harum optimam esse, sed quartam ab his mixtam. Secundam, quænam harum regendæ Ecclesiæ sit optima, & sententiam fert pro Mixta, sed quæ magis participaret de Monarchia. Tertiam, utrum in hac Monarchia Mixta, Monarchæ locum haberet *Sanctus Petrus*. Quod ad primam Conclusionem attinet, satis (Cap. 18) supra demonstratum est, quod in omni forma Civitatis, cui obedire homines obligari possunt, Imperium Summum Simplex, & Absolutum, non Mixtum sit.

fit. In Monarchia enim unus Homo totius Civitatis Potestatem habet, & proinde quamcunque alius Potestatem adeptus sit, eam adeptus est Iure illius, & quamdiu illi videbitur, possidebit, & in illius nomine Potestate sua uti debet. Etiam in Aristocratia & Democratia unicum esse Cœtum Supremum, eumque eandem habere Potestatem, quam habet in Monarchia Monarcha; & proinde non mixtum Imperium, sed Absolutum. Præterea manifestum est, si Monarchia aliqua Mixta dici posset, etiam Monarcha aliquis dici posset Mixtus. Hoc autem absurdum est. De tribus autem speciebus Simplicibus antedictis, quænam sit optima, in eo loco in quo earum una constituta jam sit, disputare nefas est; propterea quod ea, quæ constituta est, cæteris omnibus anteferri, defendi, & optima appellari debet; quia is Civis, qui aliquid faceret, quod ad subversionem ejus tenderet, tum Leges Naturæ, tum Leges Divinas positivas violaret. Præterea ad Potestatem Pastoris, Imperium non habentis, quæ forma Civitatis optima sit, non pertinet inquirere; cum vocentur Pastores, non ut homines regerent Imperio, sed doctrina, & argumentis. Monarchia enim, Aristocratia, & Democratia, Imperantium, non Pastorum species denotant; vel tres Dominos, non tres Ludimagistros.

Secunda ergo Conclusio, de optima specie Regiminis Ecclesiæ, ad quæstionem de Potestate Pontificis Romani; extra Dominium ejus temporale, nihil omnino attinet. In Dominiis enim Civitatum aliarum, merè Pastoritia est.

Ad tertiam Conclusionem probandam nempe Sanctum Petrum Ecclesiæ fuisse Monarcham, adducit in primis locum S. Matth. 16. 18, 19: *Tu es Petrus, & super hanc petram ædificabo meam Ecclesiam: & portæ inferorum non superabunt eam. Et tibi dabo Claves regni cælorum: & quicquid ligaveris in terra, erit ligatum in cælis. & quicquid solveris in terra, erit solutum in cælis.* Qui locus rectè intellectus, nihil aliud probat, nisi Ecclesiam Christi pro fundamento unicum habere Articulum Fidei, quem Sanctus Petrus, nomine Apostolorum hic professus est, nempe *Iesum esse Christum*; quæ professio Servatori nostro ea verba dicendi occasionem præbuit. Quod ut clarius intelligatur, sciendum est, Servatorem nostrum per seipsum, per *Iohannem Baptistam*, & per Apostolos, nihil aliud de Fide prædicasse, præterquam quod ipse esset *Christus*. *Iohannes* (Matth. 3. 2,) hoc solum prædicavit *Regnum Dei appropinquat*. Idem Servator noster prædicavit ipse, Matth. 4. 17; & duodecim Apostolis in Mandatis dedit Matth. 10. 7 Servator noster; ut idem prædicarent. Articulus ille Fidei Christianæ fundamentalis erat. Postquam igitur Apostoli à Prædicatione Articuli hujus ad *Christum* re-

verſi eſſent interrogavit illos *Chriſtus* cunctos ſimul, (Matth. 16. 13.) non *Petrum* ſolum, *quemnam eſſe me dicunt homines, Filium Hominis?* Illi vero dixerunt, *Alii quidem Iohannem Baptiſtam, alii vero Eliam, alii vero Ieremiam, aut unum ex Prophetis.* Tunc autem verſ. 15 interrogavit illos ſimul omnes, non *Petrum* ſolum, *Vos autem quem me dicitis eſſe?* Itaque Sanctus *Petrus* pro omnibus reſpondit, *Tu es Chriſtus, Filius Dei viventiſ.* Qui Articulus, ut dixi, Fidei totius Eccleſiæ fundamentum eſt. Atque hinc occaſionem cœpit dicendi: *Tu es Petrus, & ſuper hanc petram ædificabo meam Eccleſiam &c.* Maniſeſtam ergo eſt petram Eccleſiæ fundamentalem aliam intellectam non eſſe eo loco, præter Fidei Articulum illum fundamentalem. Sed quare (dicit aliquis) inrerponit *Chriſtus* verba illa *Tu es Petrus?* Conſiderandum ergo eſt Apoſtolum cognominatum fuiſſe à Chriſto *Cephæ*, id eſt, Græcè, petram, vel petrum, Latine Lapidem. Poſtquam igitur Articulum hunc *Petrus* confeſſus eſſet, Servator noſter, ad nomen ejus alludens, dixit: *Tu es Petrus, & ſuper hanc petram ædificabo &c.* tanquam diceret Articulum illum, *Jeſum eſſe Chriſtum*: Fidei per quam Eccleſia erat Chriſtiana eſſentialem ſive fundamentalem eſſe. Quod ſi *Petrum* tunc Eccleſiæ Regem conſtituere voluiſſet, quam facile fuiſſet verbis diſertis id dixiſſe?

Proximis autem verbis, *dabo tibi Claves cœlorum &c.* nil amplius *Petro* quam cæteris Diſcipulis datum eſt, Matth. 18. 18 *Quicquid ligaveritis in terra, ligabitur in cœlo, & quicquid ſolveritis in terra, ſolvetur in cœlo.* Sed utcunque locum hunc interpretetur, dubium nullum eſt, quin Potestas hoc loco data pertineat ad eos omnes, qui Summam in Civitatibus ſuis Potestatem habent modo Chriſtiani ſint. Adeo ut Sanctus *Petrus*, vel etiam Servator noſter ipſe, ſi aliquem eorum ad Fidem Chriſtianam convertiſſet, quia Regnum *Chriſti* non eſt hujus mundi, convertendi ſubditos proprios illi ſoli reliquiſſet; alioqui Regno illum privâſſet, cui Docendi jus adhæret inſeparabiliter. Hæc ergo ſufficiant ad refutationem libri hujus primi, in quo probare conatus eſt Monarcham Eccleſiæ univerſalis, id eſt, Chriſtianorum fuiſſe Sanctum *Petrum*.

Liber ſecundus duas habet concluſiones: Alteram Sanctum *Petrum* Romæ fuiſſe Episcopum, atque ibi mortuum eſſe: Alteram, Succelſores illius eſſe Pontifices Romanos. Quarum utraque quaſi dubia hodie diſputatur. Sed ſi utramque veram eſſe, conceſſerimus; ſi tamen per Episcopum Romanum, Monarcham Eccleſiæ, ſive Paſtorem omnium Supremum intelligat, non *Sylveſter*, ſed *Conſtantinus Magnus* Monarcha ille erat; & ut *Conſtantinus*, ita etiam Imperatores Chriſtiani

fiani omnes, Imperii Romani Episcopi Iure erant; Romani (inquam) Imperii, non totius orbis Christiani. Erant enim temporibus illis Gentes Christianæ nonnullæ, quæ Imperio Romano non continebantur. Arque hoc responsum esto Libro secundo.

In Libro tertio Quæstionem tractat, an Papa sit Antichristus. Quod Papa sit Antichristus, equidem probatum nusquam vidi. Manifestum autem est, Prophetas Veteris Testamenti prædixisse, Iudæosque Messiam, id est *Christum*, venturum esse, ut Regnum Dei (quod rejectum fuerat) restitueret, expectasse. Expectatio autem illa, Imposturis ambitioforum hominum, qui regnare conati sunt, quique populum per Miracula falsa, per vitam hypocriticam vel per orationes & doctrinas blandas, decipiendi artem calluerunt, eos obnoxios reddidit. Propter hanc causam Servator noster & Apostoli populum monuerunt ne Prophetis & *Christis* falsis, temerè crederent. Falsus autem *Christus* intelligebatur is qui se *Christum* esse, cum non esset profitebatur; & vulgo appellabantur tales *Antichristi*, ea significatione, quâ in Schismatibus, alter de Papatu contendentium, vocari solet *Antipapa*. Antichristus autem duas habet Notas Essentiales; alteram, quod *Iesum esse Christum* neget; alteram, quod seipsum *Christum* esse dicat. Nota prima (1 Ioh. 4, 3.) est hæc, *quicumque Spiritus non proficitur Iesum Christum in carne venisse, ex Deo non est; & Antichristus est*. Altera habetur (Matth. 24, 5.) in verbis Servatoris nostri, *multi venient sub nomine meo æscentes, ego sum Christus, & multos seducunt*. Et alio loco, *Si quis vobis dicat, ecce hic est Christus, illic est Christus, ne credaris*. Antichristus ergo erit *Christus* Falsus, id est, aliquis qui se *Christum* esse profitebitur, nec est. Ex duabus his Notis nempe *Iesum esse Christum* negare, & seipsum esse *Christum* affirmare, sequitur, Antichristum debere esse veri *Christi* hostem. Ex multis autem Antichristis, unus præcipuus est *ὁ Αντιχριστος*. Iam cum Pontifex Romanus, neque *Christum* se esse dicat, neque *Iesum esse Christum* neget, quo sensu Antichristus dici possit non intelligo. Nam Antichristus non est qui *Christi* Vicarium, sed ipsum *Christum* se esse dicit. Temporis etiam, quando Antichristus hic præcipuus venturus est, Notam aliquam, etiam non valdè perspicuam habemus (Matth. 24, 15, &c.) nempe, *Cum videritis abominationem illam vastatricem quæ dicta est per Danielem Prophetam, positam in loco sancto*. Et erit tunc afflictio magna, qualis facta non fuit a Principio mundi ad hoc usque tempus, neque unquam fiet. Et nisi decurati fuissent dies illi, periret omnis caro. Sed afflictio illa nondum venit. Sequutura enim statim est obscuratio solis, & *Stellæ cadent*, & *Potestates cælorum concutientur*. Et tunc apparebit

apparebit signum Filii hominis in caelo, &c. & videbunt Filium hominis venientem in nubibus cum potentia & gloria multa. Nondum ergo venit ille Antichristus; Pontifices autem multi & venerunt & abierunt. Potestatem quidem in Dominiis alienis Legislativam sibi assumunt, & regnum quoddam usurpant; sed in hoc mundo, nec ut Christus, sed ut pro Christo usurpant; id quod nihil habet in se de Antichristo.

In libro quarto, ut probet Pontificem Romanum in Controversiis omnibus tum Fidei, tum Morum Supremum esse Iudicem (quod tantundem est ac si illum Christianorum omnium Monarcham absolutissimum esse dixisset) tres adducit Propositiones. Primam, Iudicia ejus infallibilia esse: Secundam, quod in-Christianis Dominiis Potestatem habet Leges condendi, illosque Puniendi qui illas transgrediuntur: Tertiam, Servatorem nostrum Iurisdictionem Ecclesiasticam omnem, in Pontificem Romanum contulisse.

Pro Iudiciorum Papalium Infallibilitate, multa adducit Scripturæ loca: primum, Luc. 22, 31; *Simon, Simon, ecce, Satanas petiit vos, ut ventilet sicut triticum; sed ego precatus sum pro te, ne deficiat Fides tua: tu igitur aliquando conversus stabili frateres.* Ex quo loco Bellarminus concludit Christum Simoni Petro duo concessisse Privilegia, unum, quod nec ipse, nec Successores ejus quicquam, neque in fide, neque in moribus falsum aut alicujus Papæ Definitioni contrarium, definient. Sed locus ille totus attentius considerandus est; qui, ut mihi videtur, contrarium probat ejus, quod probatum ille vellet. Sacerdotes & Scribæ, Servatoris nostri in festo Paschæ occidendi consilium inierant, quem Iudas etiam jam illis prodere deliberarat. Venit autem ad festum Christus, & cum Pascha una cum Apostolis, celebraret, dixit illis festum illud se iterum celebraturum non esse, antequam venisset Regnum Dei; dixit etiam, ut ab uno eorum prodendus. Cum igitur Apostoli Christum, ante Pascha proximum, regnaturum esse crederent, inter se, *Quis esset tunc maximus in illo Regno*, contendebant. Quapropter Servator noster illis dixit, Reges quidem Ethnicos Dominium exercere in Subditos suos, & Benefactores appellari; vos autem non sic; sed unus vestrum alteri debet ministrare. Regnum quidem vobis dabo, sed quale mihi dedit Pater meus, nec habendum ante adventum meum; tum demum comedetis & bibetis ad Mensam meam, & sedebitis super Thronos judicantes tribus Israelis. Regnum autem hoc sanguine Christi & Martyrum ejus redimendum erat. Tum Christus ad S. Petrum conversus, verba illa supra citata pronuntiavit *Simon, Simon, &c.* Quibus significabat Satanam Apostolis præsentis Dominationis (quo Fidem eorum de Regno venturo

venturo debilitaret) Spem illis suggessisse; precatum autem esse se pro *Petro*, ne illius fides deficeret; illumque qui sciret Regnum Dei non esse ex hoc mundo, ut fratres suos in eadem Fide confirmaret, iussisse. Atque eò etiam pertinet responsum *Petri*, Domine paratus sum tecum ire in carcerem, & ad mortem. Manifestum ergò ex hoc loco est, non solum *S. Petro* nullam datam esse, sed etiam in Mandatis habuisse, ut ceteros Apostolos doceret, Iurisdictionem illis debitam non esse. Neque pro *S. Petri*, in sententia ferenda de Atticulis Fidei, Infallibilitate operatur quicquam adductus Textus; multo minus pro Infallibilitate Successorum ejus, sed potius contra, propterea quod dicitur in plurali cribrare petiit *Vos*, sed singulariter precatus sum pro *te*.

Locus secundus est Matth. 16: *Tu es Petrus, & super hanc Petram edificabo meam Ecclesiam: & portæ inferorum non prævalebunt contra eam*. Unde amplius inferri nihil potest (ut superius ostensum est) quàm quòd contra *Petri* confessionem illam, *Iesus est Christus Filius Dei*, portæ inferorum non prævalebunt.

Textus tertius est ex Ioh. 12, 16, 17: *Pasce oves meas*. Hoc autem non Imperandi, sed docendi Mandatum est, idque tamdiu tantùm, quamdiu Rex Christianus non esset, qui Potestatem illam Potestati Civili adjunctam haberet. Sicut enim ab Abrahamo, non à Mercenario poscit Deus rationem administrationis Domini ejus Paterni, & Despotici: ita etiam à Regibus & Summis Imperantibus, idem rationem Administrationis Civitatum suarum exiget: non à Mercenariis, sed ab ipsis.

Locus quartus est Exod. 28, 30: *Pones in sacro illo Pectorali iuris, Vrim & Thummim, quæ sint supra cor Aaronis*: quem locum à Septuaginta redditum esse dicit, per *ἀλήθειαν καὶ ἀλήθειαν*, id est, *Evidentiam & Veritatem*. Inde autem concludit Sacerdoti Summo datam esse Lucem & Veritatem. Quicquid autem significant Vrim & Thummim, manifestum tamen est ex eo Textu, data ea esse Sacerdoti Summo, id est illi, qui Summam in Civitate Israelitarum habuit Potestatem. Militat ergò Textus hic Summo Imperanti Civili contra Suprematum Ecclesiasticum Pontificis Romani.

Ut probet Iudicia Pontificis circa Mores Infalibilia esse, locum citat Ioh. 16, 13: *Cum autem venerit ille Spiritus Veritatis, Dux vie vobis erit in omnem veritatem*. Cum Iudicia omnia tum Fidei, tum Morum Regibus sustulerit, quid habent omnino, quod faciant Reges? Quas Leges ferent, cum Lex nulla sit, quæ non sit aut Regula Morum, ut ne quis sit Homicida, vel Fur, vel Moechus, vel Mendax,

vel Avarus, & familia, aut Regula Fidei, & cultus Divini. Sed verba Textus consideremus: *Spiritus Veritatis Dux vobis erit in omnem Veritatem*; an rectè inferitur inde solius Pontificis esse judicare de Moribus Civium in Civitate aliena? Quid habent commune *Veritas* & *Mores*. Veritas verborum est tantum, Mores autem hominum sunt sub Legibus viventium. Mores doceri quidem possunt à Summo Pontifice, sed an Boni, an Mali sint; nisi in suo ipsius Dominio; judicare non debet. Etiam si verum esset, non posse omnino errare Papam, id tamen jus Iudicandi in Civitatibus alienis nullum contributoret. Deinde à ratione naturali pro Infallibilitate Papæ arguit sic: Si Papa in rebus ad salutem necessariis errare posset, tunc ad Salutem Ecclesiæ non satis à Christo provisum est; propterea quod doctrinam Papæ sequi nobis imperavit. Ubi autem *Christus* id iusserit, aut omnino de Papa locutus sit, non ostendit. Etiam concessio, Papæ datum esse, quicquid *S. Petrus* datum est; quia tamen in Scriptura Sacra nusquam jubemur obedire *Petro*, injustus esset, qui, si facere aliquid Petrus juberet quod Legibus patriis contrarium esset, illi obediret.

Postremo, Papam Potestatem habere Summam per totum orbem Christianum in rebus Civilibus, neque Papa, neque Ecclesia definit. Non ergo obligantur Iurisdictionem ejus, in rebus Moralibus agnoscere omnes Christiani. Imperium enim Civile Summum, & suprema de controversiis Moralibus Iudicatio eadem est res: imo Reges non modò, quid sit Iustum & Injustum in Actionibus definiunt, sed etiam Iustitiam ipsam per Leges suas faciunt; Iustitia autem & Injustitia ad Moralia pertinent. Neque Iustum, aut Injustum in Moribus quicquam est, nisi id quod ita factum est per Leges Civiles.

Ut Papam Potestatem habere in Civitatibus alienis Legislativam probet, adducit locum Deut. 17. 12: *Vir autem ille, qui fecit superbe, ut non ausculetur Sacerdoti constituto. Ministranti Jehovah Dno suo non iudicet; neque morietur vir ille, & solus malum illud ex Israel.* oblitus quod Summus Sacerdos Summam tunc haberet Potestatem Civilem, Iudicesque sub se constitueret. Nihil aliud ergo probant verba illa, nisi, quod Vir ille, qui Summo Imperanti Civili obedire recusaverit, morietur &c. Id quod conclusioni Bellarmini directè contrarium est.

Secundo, adducit Textum Matth. 23. 21. *Quicquid ligaveris in terra &c.* & ita interpretatur, ac si Potestas illa ligandi, esset Potestas Legislativa; quam Potestatem locus hic attribuit Potestati Civili. Scribæ enim & Pharisei sedebant tunc, non Petrus, in Cathedra Moysi; & propterea *ligare*, idem erat quod legem condere.

Locus tertius est Ioh. 21. 16 : *Pasce oves meas*, id quod non est Legibus cogere, sed docere.

Locus quartus est Ioh. 20. 21 : *Qui locus probat contrarium*. Verba enim sunt, *Sicut misit me Pater, ita & ego mitto vos*, Christum autem misit Deus, ut morte sua credentes in illum redimeret; & ut per predicationem ipsius & Apostolorum suorum, ad Regnum suum futurum in mundo venturo illos praepareret. Cum ergo Deus Pater filium suum ad Leges in hoc mundo ferendas non miserit, multo minus Potestatem illam Sancto Petro dederit; locus hic Suprematum Ecclesiasticum & Imperium Civile conjungit, contra id, quod ex eo Bellarminus inferre voluit.

Locus quintus est Act. 15. 28 : *Visum est Spiritui Sancto & nobis, ne quod amplius imponeremus onus praeter necessaria ista, ut abstinere ab iis quae sunt immolata simulacris, & sanguine, & suffocato & fornicatione*. Ubi per *onus imponere* intelligit Potestatem Legislativam. Sed locum hunc Bellarminus, etsi Latine scribere satis sciret, non satis intellexit, vel si intellexit, verbis illis ad Potestatem Pontificiam sciens abusus est. Quod Lege imponitur, si quidem grave sit, vocari etiam Onus potest per metaphoram. Etiam quod à Medico imponitur, aegrotanti bibendum Pharmacum, si grave sit, etiam Onus appellari potest. Quod Lex imponit, ad Bonum Imperantis, id est ad Bonum publicum imponitur; ideoque is, cui imponitur onus illud, perferre quatenus potest, obligatur. Sed quod à Medico imponitur, ad Bonum solius aegrotantis imponitur, neque aliud est, quam convalescentiae adipsificandae appositae Condicio, quae si duriuscula sit, appellatur onus. Et sicut praecepta Medicorum, ita quoque praecepta Pastorum, sine Auctoritate Civili, Leges non sunt, sed consilia; quae sequi, vel negligere suo cuiusque periculo permixtum est. Tale autem erat Onus, de quo in hoc textu sermo est, nempe, quod Gentibus conversis ab esu eorum animalium, quae simulacris immolata erant, & ab esu suffocati, & sanguinis abstinendum erat. Sed si prohibeatur esus sanguinis, & prohibitio illa sit Lex, quam obligamur omnes Christiani custodire; quare hodie Christiani, ubique etiam in Roma ipsa, sanguinem vulgo comedunt. Apostolorum ergo acta Concilii Leges esse, ex hoc textu Bellarminus non probavit.

Locus sextus est Rom. 13. 1 : *Omnis anima Potestatibus supereminentibus subiecta esto: non enim est Potestas, nisi à Deo*. Id quod intelligendum esse vult non solum de Principibus Secularibus, sed etiam de Ecclesiasticis. Ad quod pro responso, id quod saepe ante dictum est, referam, nimirum Principes Ecclesiasticos, praeter Principes Civitatum

nullos esse, nec fuisse unquam. Nam si Apostolus voluisset subditos nos, non solum Principibus nostris esse, sed etiam Papæ, qui est Princeps externus; imposuisset nobis Onus non solum grave, sed etiam, quod Christus ipse pronuntiavit esse impossibile, nempe *duobus Dominis simul servire*. Quanquam autem Sanctus Paulus alicubi dicat, Scribo hæc absens, ne præsens uterer acrimoniâ, juxta Potestatem quam mihi Christus dedit; non tamen intellexit Sanctus Paulus, Potestatem sibi datam esse, occidendi quenquam, aut incarcemandi, aut mittendi in exilium, aut flagellandi, aut pecuniâ multandi, sed tantum excommunicandi, id est (sine Potestate Civili) Excommunicatum fugiendi; id quod sæpenumerò Excommunicanti, quam Excommunicato gravius est.

Septimus locus, 1 Cor. 4. 2, *Quid vultis? Cum virga veniam ad vos, an cum charitate, & spiritu lenitatis?* Hic rursus loquitur Sanctus Paulus non de punitione, sed de Censura Ecclesiastica, quæ sua natura poena non est, sed poenæ in seculo venturo denuntiatio. Nondum ergo Potestatem Episcopi Romani probavit esse Legislativam.

Locus octavus est 1 Tim. 3. 2, *Oportet autem Episcopum unius uxoris virum esse*, quam dicit esse Legem. Credideram quidem, Legislativam in Ecclesia Potestatem, soli Ecclesiæ Monarchæ Sancto Petro concessam esse. Contrarium autem apparet ex hoc Textu, cum Paulus etiam Potestatem eandem habuerit. Dicent fortè, *Paula à Petro Præceptum hoc datum esse*. Neque tamen sic Lex erit, cum *Timotheus* neque *Petri*, neque *Pauli* subditus esset sed Discipulus.

Textus nonus est 1 Tim. 5. 19. *Adversus Presbyterum accusationem ne recipito, nisi sub duobus aut tribus testibus*. Respondeo. (ut sæpe ante) Præceptum hoc, consilium quidem sanum esse, sed Legem non esse.

Locus decimus est Luc. 10. 16, *Qui vos audit, me audit; & qui vos aspernatur, me aspernatur*. Dubium quidem non est, quin Christum aspernetur, quicumque aspernatur eos, quos Christus misit. Sed à Christo missi qui sunt, præter eos, qui Pastores constituti sunt per Autoritatem legitimam? Et quis est qui Legitimè ordinatus est à Pastore suo supremo? Quis denique in Civitate Christianâ Pastor ritè ordinatus est, nisi à Potestate Civitatis Summa? Inferri ergo ex hoc Textu potest, illum, qui Regem suum Christianum audit, audire Christum; illumque, qui doctrinam Regis sui Legibus confirmatam aspernatur, ipsum Christum aspernari. Imo, Rex Christianus, quatenus Pastor tantum est, & Doctor Civium, non facit ut Doctrinæ ejus Leges sint. Leges obligant; ad credendum verò nemo obligari potest, sed ad actiones tantum & verba, si opus sit. Ex quo sequitur rursus, Leges, quas fecerit

fecerit Rex in sua Civitate, Ecclesiasticas, easdem esse Leges Civiles.

Locus undecimus est Textus, in quoquaque Apostolus pro Consilio, verbo utitur aliquo, quod Consilio cum Imperio sit commune; ut in quo Obedientiam vocat, Consilium alicujus sequi, ut 1 Cor. 11, 2, *Lauda vero vos, fratres, quod omnia meministis, & sicut tradidi vobis traditiones retinistis.* Quod ut significet, traditiones Pauli, Leges fuisse, aut aliud præter Consilium, longè abest; & ut locus ille, 1 Thess. 4, 2: *Nostis enim, quæ Mandata dederimus vobis.* ubi vox Græca significat Traditiones; quæ non Leges, sed Consilia sunt. & locus 2 Thess. 3, 14, *Quod si quis non auscultet nostro per Epistolam sermone, hunc notate: & ne commutetis habere eum eo, ne erubescat. Neque ut inimicum ducite, sed admonete ut fratrem.* Ubi à voce *monete* probatum vellet, Thessalonicensibus Epistolam hanc fuisse Legem. Imperatorum sanè Epistolæ Leges erant. Si ergo Lex etiam esset Epistola S. Pauli, obligaremur obedire duobus Dominis. Sed vox illa Græca significat non modo imperata facere illius, qui potestatem habet puniendi, si non faciamus, sed etiam Consilium sequi illius, qui nobis ad bonum nostrum rectè consulit. Paulus ergo illum, qui non auscultaverit, pro inimico haberi prohibet, & admoneri tantum, ut fratrem jubet; id est verberari, incarcerationi, multari (quod Legislatoribus licitum est) prohibet. Ex quo manifestum est, id quod Christianos metuere Pastores suos fecit, non Apostoli Imperium, sed Existimationem ejus fuisse.

Locus ultimus est Heb. 13, 17, *Obedite ductoribus vestris & obsecundate: excubant enim ipsi pro animabus vestris, tanquam rationem reddaturi.* Atque hoc rursus loco, *Obedire* idem est, quod Consilium sequi. Ratio enim, quare Pastoribus nostris obediendum sit, non ducitur à voluntate & Imperio Pastorum, sed à beneficio, quod ipsi inde accepturi sumus, nempe ab animarum nostrarum Salute. Præterea, qui Legibus obedire obligantur, Leges ipsas examinare non debent; sed S. Iohannes 1 Epist. 4, 1, *Ne credatis (inquit) omni Spiritui, sed probate Spiritus, an ex Deo sint: nam multi Pseudoprophete veniunt in mundum.* Constat ergo, Pastorum suorum Doctrinas posse à Christianis hominibus disputari. Sed Leges eorum, qui Potestatem Civilem Summam habent, disputari sine peccato, à subditis suis non posse. Alioqui enim Civitatum omnium institutiones frustra essent, & proinde Pax & Iustitia cessarent contra Leges omnes tum Humanas tum Divinas. Nequaquam ergo ex citatis locis, neque ex ullis Scripturæ aliis, probaripotest, Pontificum Romanorum decreta, extra Domina sua temporalia, esse Leges.

Conclusio ejus ultima, nempe *Servatorem nostrum Jurisdictionem Ecclesiasticam nemini commisisse immediatè; præterquam Papæ*, ad Quæstionem de Suprematu Ecclesiastico inter Papam & Reges Christianos non pertinet, sed tantum ad Quæstionem inter Papam & Episcopos cæteros. Dicit autem primò, jurisdictionem Episcoporum esse, saltem universaliter, *de Jure Divino*; id est Jure derivato à Deo ipso; ad quod probandum adducit S. Paulum, dicentem Ephes. 4. 11: *Is qui se dedit aliis quidem Apostolus, alios vero Prophetas, alios autem Evangelistas, alios autem Pastores & Doctores*, infertque inde Episcopos omnes, Jurisdictiones suas habere, à Jure Dei; idque non immediatè, sed per derivationem à Jure Divino, quod habet Papa. Concesso autem hoc, Jurisdictio quædam alia, etsi merè Civilis, legitima existit in Civitate Christiana, quæ non sit etiam de Jure Divino? Habent enim Potestatem suam Civilem Christiani Reges, non minus immediatè à Deo, quam Papa Jurisdictionem suam Ecclesiasticam ab eodem Deo habere proficitur. Itaque id, quod Ministri per Autoritatem ejus faciunt, non minus Jure Divino immediatè, faciunt, quàm quod faciunt per Ordinationem Papalem, Episcopi ceteri. Potestas enim legitima omnis à Deo est; in Supremo quidem Imperante, immediatè; in illis autem, qui Jurisdictionem suam à Rege agnoscunt, mediatè. Concedendum ergo est, aut Ministrum quemlibet enigmam in Civitate, Jurisdictionem suam Jure Divino exercere, vel Episcopos, ut Jurisdictiones suas ita teneant (Papa excepto) concedendum non est.

Sed Disputatio, an Jurisdictionem talem dederit Christus soli Papæ, an cæteris etiam Episcopis, extra Dominium Papæ temporale tota contentio est de Jure Capiti; neque enim ille, nec hi Jurisdictionem omnino ullam habent. Jurisdictio enim nihil aliud est, præter Potestatem legitimam, lites inter Civem & Civem cognoscendi & decidendi; & ad neminem pertinere potest, præter illum, qui Potestatem habet Iusti & Injusti Regulus præscribendi, id est, Leges condendi, & eos, qui Sententiam suam stare recusaverint, vel Iudicium, quod ille constituerit, gladio publico cogendi; Quam Potestatem habet nemo, præter Civitatem, id est præter eam, qui Civitatis personam gerit.

Quando ergo adducit Bellarminus ex Luc. 6. *Servatorem nostrum convocasse Discipulos suos, & ex illis duodecim, Apostolos nominasse*, probat quidem Potestatem illis dedisse Christum, Prædicandi, non autem lites inter concives determinandi. Potestatem enim illam ipse Christus recusavit, cum diceret, *quis me Judicem aut Defensorem*

inter vos confirmari. Et alio loco Regnum meum non est huius mundi. Sicque Potestatem cognoscendi & decidendi inter Civis controversam, omnino nullam sibi arrogavit. Quod tamen non impedit, quin Servator noster Potestatem illis Prædicandi, & Baptizandi in loco quocunque concedere potuerit, ubi sine transgressione Legum Civilium, id fieri potuerit. Nam Legibus Civilibus, tum Apostoli, tum Christus ipse obediendum esse, passim docuerunt.

Argumenta autem, quibus probare conatur Iurisdictionem suam accipere Episcopos à Pontifice Romano; cum Pontifex ipse in Dominis alienis Iurisdictionem nullam habeat, omnia frustranea sunt. Verumtamen, quia probant, Iurisdictionem Episcoporum derivari à Potestate Summa Civili, digni puto, ut ea recitem. Primum est à Num. 11. ubi *Moses*, cum administrationi Reipublicæ Israëliticæ non sufficeret, iussus est, à Deo eligere sibi Septuaginta viros ex Senioribus Israël; ut Deus partem Spiritus *Mosis* illis daret. Intelligitur autem inde, non Spiritum *Mosis* à Deo debilitatum fuisse; sic enim Deus illum non omnino sublevasset; sed quod Deus Auctoritatem illorum ab Auctoritate *Mosis* derivatam esse ostenderet, quemadmodum Bellarminus ipse rectè & ingenuè locum hunc interpretatur. Quoniam ergo Potestatem Civilem in Israëlitis integram tunc habebat *Mosis*, habebant etiam Auctoritatem suam Septuaginta Viri à summa Potestate Civili. Locus ergo ille probat in omni Civitate Christiana, Iurisdictionem Episcoporum dependere à Summa Potestate Civili, quemadmodum à Potestate Papæ in Dominio suo temporali.

Argumentum secundum funditur à natura Monarchiæ; in Monarchia autem Auctoritas omnis originaliter in uno tantum homine est; in cæteris per derivationem ab illo. Sed Regimen Ecclesiæ Monarchicum esse assumit, & inde infert Episcopos alios Iurisdictionem suam accipere ab Episcopo Romano. Sed Ecclesiæ Rector sive Monarcha sit, sive (ut ante dixi) partim Monarcha sive Monarcha mixtus, argumentum ipsum pro Regibus militat. Sunt enim illi subditorum suorum, id est Ecclesiarum, quæ in suis ipsorum Dominis existunt (Ecclesia enim & populus Christianus eadem res est) Monarchæ pleni & integri. Neque in Civitate non Romana quicquam est Potestatis concessum homini externo sive Archicivis, sive Grætorum; sed tantum Didacticum. Obedientiam enim non coactam, sed voluntariam accipit Deus.

Tertium est sumptum ex *Cypriano*, qui sedem *S. Petri Caput*, *Fundamentum*, *Radice*, & *Solem*, appellat, unde Episcoporum Auctoritas derivatur.

rivatur. Videtur Bellarminus quæstiones Juris testibus determinari non debere, ignorasse. *Leges Naturæ* (quæ Juris & Injuriz distinguendæ principia meliora sunt, quam Doctorem verba) *Caput, Fontem, Radicem, & Solem* unde Jurisdictio omnis derivatur, in iis qui Summam in Civitatibus suis habent Potestatem, collocant; & proinde Jurisdictio Episcopalis derivatur omnis à Potestate Civili.

Argumentum quartum ab Inæqualitate sumit Jurisdictionum. Inquit enim, si Jurisdictionem Episcopis aliis, Deus dedisset immediate, dedisset etiam Jurisdictionem æqualem; videmus autem, alios Oppidi unius tantum, alios Oppidorum centum, alios integratum Provinciarum Episcopos esse; quas differentias non determinat Verbum Dei. Non sunt ergo Jurisdictiones eorum à Deo datæ immediate. Argumentum hoc validius fuisset, si probatum fuisset antè, Jurisdictionem in Christianos omnes universalem habuisse Episcopum Romanum. Sed neque probatum est antè, neque post probari poterit. Cognitum enim est Jurisdictionem amplam illam, quam habuere Pontifices Romani, datam illis fuisse ab illo, qui verè habuit, nempe à Romano Imperatore, qui Sedem Imperii & Religionis Principalem, eandem esse voluit. Habent ergo Episcopi singuli Jurisdictionem suam, ab Authoritate illius, in cujus Dominio illam exercebant: & proinde ipsum Papam Authoritatem suam extra Dominia sua temporalia, debere illis, qui sunt Civitatum, ubi illam exercet, Summi Imperantes.

Argumentum quintum tale est; Si Jurisdictionem suam Episcopi à Deo haberent immediate, neminem ex Episcopis illis Episcopatu suo deprivare posset; nihil enim facere potest contra ordinationem Divinam; & consequentia quidem bona est; sed Papa (inquit) hoc facere potest & fecit saepe. Conceditur etiam hoc, subaudito, quod ita fecerit in suo ipsius Dominio, vel etiam in alieno, si consentiat Dominus loci. Sed ut hoc facere possit universaliter, & Jure ipsius Episcopatus Romani, concedendum non est. Potestas enim illa ad Potestatem pertinet Civitatum singularium, & Summæ Potestati Civili essentialis est. Ante regnum Saulis in Israël, cum Summa Potestas Civilis in Summo Sacerdote resideret, ille solus Sacerdotem potuit deponere. Rursus cum Potestas illa esset in Regibus Israël, Sacerdotem deponere potuit Rex, & Sacerdotem Summum Abjatharum deposuit Rex Solomon (nec ob eam rem à Deo reprehensum esse legimus), & in ejus locum constituit Zadochum. Episcopos ergo Ordinandi, & Deprevandi, prout ad Salutem populi visum erit, in suis Dominiis, Potestas Solorum Regum est.

Argu-

Argumentum sextum est, Si Iurisdictionem suam *Iure Divino Immediato* habeant Episcopi, debeat id probare ex verbo Dei. Sed hoc non possunt. Argumentum quidem bonum est, nec quicquam dicam in contrarium. Sed argumentum idem similiter probat, Papæ ipsi in Dominio alieno Iurisdictionem nullam esse, neque enim id probare ex verbo Dei possunt Pontificii.

Postremò testimonium adducit duorum Paparum *Innocentii & Leonis*; neque dubito quin potuerit, eodem Iure testimonia adduxisse Paparum fere omnium post *S. Petrum*. Quis enim (cum Potestatis cupido humano generi tam firmiter infixâ sit à natura) non ad idem testandum adduceretur? Sed tamen in propria causâ testaretur; & proinde testimonium ejus bonum non esset.

Liber quintus quatuor habet Conclusiones: Primam, *Papam non esse Dominum totius orbis*. Secundam, *Papam non esse Dominum totius orbis Christiani*. Tertiam, *Papam in Dominis alienis Iurisdictionem Temporalem nullam habere Directè*. Tria hæc faciliè conceduntur. Quarta est, *Papam in Dominis alienis Potestatem habere Temporalem Summam Indirectè*; quæ negatur; nisi per *Indirectè* intelligat Potestatem illam viis Indirectis acquisitam esse; tunc enim id quoque concedi potest. Sed, ut ego Sententiam ejus intelligo, Potestatem illam Pontificis Romani esse dicit, Iure quodam quod Authoritati ejus Pastoralis per consequentiam necessariam adhæret; quia Potestatem Pastoralem (quam Spiritualem vocat) exercere sine illâ non potest. Per hanc autem Authoritatem consequutivam, Pontifici Romano Regna mutandi, modo in unum, modo in alium transferendi, prout ad salutem animarum ipsi conducere videbitur, Ius attribuit.

Antequam Argumenta ejus considerem, abs re non erit si breviter ostendero, Conclusionis hujus momentum; quantum à Regibus & ab iis, qui Summam habent Potestatem Civilem pensitari debeat; & ut cogitent, an Subditorum suorum bono (cujus rationem redditori sunt) utile sit; & an tuto concedi possit.

Quando Papam in Dominio alieno Potestatem Summam *Directè* habere negat; ita intelligendum est, ac si diceret Potestatem illam non venire ad Pontificem Romanum, eâ via, qua Reges Potestatem suam obtinuerunt, nimirum ab eorum, qui regendi sunt submissione originali. Potestatem tamen eandem viâ alia sibi vindicat, etiam sine consensu populi, nempe ut dono Dei factam suam in Assumptione ad Papatum. Quacunque tamen viâ illam habuerit, eadem tamen semper est Potestas; & per eam (si concedatur) Principes & Civitates Dominio suo spoliare Iure potest, quoties saluti animarum videbitur

bitur conducere; id est, quoties vult. Nam iudicandi, utrum ad salutem Animarum conducat necne, solum se iudicem esse postulat. Doctrinam autem hanc, non solum in libro hoc Bellarminus sustinet, Doctoresque alii multi in Scriptis & Concionibus suis docuerunt, sed etiam Concilia aliqua Decreverunt; atque etiam aliquando datâ occasione in praxim intulere. Concilium enim Lateranense habitum sub Papa Innocentio tertio, (cap. 3. *De Hæreticis*) hunc habet Canonem: *Si Rex à Papa admonitus, Regnum suum ab Hæreticis non purget, & ob eam rem Excommunicatus, intra spatium Anni non satisfaciatur, Subditi ejus ab Obedientia absolvantur.* Et doctrina hæc facta, tum ante, tum post Decretum hoc, confirmata est; ut cum Chilpericus Rex Galliarum multo ante Concilium hoc depositus esset à Papa Zacharia; & cum Imperium Romanum translatum esset in Carolum Magnum; & cum opprimeretur in Anglia Iohannes Rex per instigationem Papæ circa tempora illius Concilii; & postea cum Regnum Navarra translatum esset in Regem Hispaniæ; & nuper in conspiratione cum proceribus Galliæ contra Regem eorum Henricum tertium. Paucos puto esse Principes, qui Injusta & Incommoda hæc esse non sentiant; sed illud non sufficit. Debent enim decernere tandem an Reges, an Subditi esse velint. Pluribus Dominis servire populus non potest. Sublevandum ergo est à Regibus suis Imperium in manibus propriis integrum retinentibus, vel in manus Papæ integrum tradentibus; ut illi, qui obedire parati sunt, in obedientia sua protegantur. Distinctio enim Imperii *Temporalis*, & *Spiritualis*, verba mera sunt, & dividitur Imperium non minus periculose, per admissionem Potestatis alterius *indirectæ*, quam *directæ*. Sed veniamus jam ad Argumenta Bellarmini.

Quorum primum est, *Potestas Civilis subjicitur Potestati Spirituali.* Ergo is, qui *Supremam Potestatem habet Spiritualem*, *jus habet Imperandi in Principes Temporales*, & *disponendi de eorum Temporalibus in ordine ad Spiritualia.* Quod ad distinctionem attinet Temporalium & Spiritualium, videamus, in quo sensu fieri possit, ut dici queat sine absurditate, Potestatem Temporalem Potestati Spirituali subjectam esse. Cum enim dicimus Potestatem Potestati subditam esse, intelligendum est, aut illum, qui unam habet, illi, qui habet alteram, subditum esse, vel Potestatem unam esse ad alteram, ut Medium ad Finem. Intelligere enim non possumus, Potestatem unam, sive Ius unum in Potestatem aliam, id est Ius aliud, Potestatem vel Ius habere Imperandi. Nam *Subjectio*, *Imperium*, *Ius*, & *Potestas* Accidentia sunt non Potestatum; sed Personarum. Potestas quidem una alteri subordi-

ordinata esse potest, quemadmodum Ars facienda Ephippia arti Equitandi subordinata esse potest. Etsi ergo concedatur Potestatem Civilem subordinatam esse Potestati Papali tanquam medium ad Felicitatem Spiritualem; non tamen sequitur, si Potestas Civilis sit in Rege, & Potestas Spiritualis in Papa, ideo obligari Regem obedire Papæ, magis quàm unusquisque, qui artem habet facienda Ephippia, obligatur obedire omni Equiti. Sicut ergò à Subordinatione Artium, inferri non potest Subjectio Artificum; ita neque à subordinatione Regiminum inferri potest subjectio Regentium. Quando ergò Potestatem Civilem Spirituali dicit esse subditam, intelligit ipsum Civitatis Imperatorem, subditum esse Imperatori Spirituali. Argumentum itaque huiusmodi est: *Qui habet Potestatem Summam Civilem, subditus est illius, qui habet Potestatem Summam Spiritualem; ergo Princeps Spiritualis Ius habet Imperandi in Principes Temporales. In quo argumento assumit Reges Papæ esse subditos, id quod debuit demonstrasse; de consequentia enim, quin bona sit, nulla est controversia. Deinde Argumentum ejus confirmans procedit hoc modo: Reges & Papæ, Clerus & Populus, unicam faciunt Civitatem, id est unicam Ecclesiam: In omnibus autem Corporibus, membra à se mutuo dependent. Sed Spiritualia non dependent à Temporalibus: ergo Temporalia dependent à Spiritualibus. Et per consequens illis sunt Subjecta. In qua ratiocinatione duo sunt errores satis crassi: alter quod dicit, Reges, Papas, Clerum, omnesque alios Christianos, unicam constituere Rempublicam. Manifestum enim est, Rempublicam unam esse Galliam, alteram esse Hispaniam, & aliam esse Venetias, &c. Hæ autem componuntur ex hominibus Christianis, & sunt per consequens totidem Ecclesiæ: & Summi Imperantes earum, diversæ sunt Personæ, quibus loqui, quibuscum agere, quos consulere, &c. liceat, sicut homines singulares; id quod Ecclesia Vniversalis præstare non potest, quia Personam Repræsentativam in terra nullam habet; nam si haberet, dubium nullum esset, quin illa Potestatem haberet per totum orbem Christianum Summam, tum Spiritualem tum Temporalem. Papa autem, ut sit Persona hæc, tribus caret rebus, quas illi Servator noster non dedit, nempe *Ius Imperandi, Ius Iudicandi, & Ius Punienti.* Etiam dato, quòd Papa solus esset Christi in terra Vicarius, non tamen Vicariatum illum exequi Iure posset, antequam Servator noster in die ultimo Regnaturus venerit. Etiam tunc non Papa, sed ipse S. Petrus cum cæteris Apostolis mundum iudicaturus est.*

Argumenti huius Error alter est, quod dicat Membra Reipublicæ, sicut Corporis Naturalis, unum ab altero dependere. Quod quidem

inter se cohæreant, non negabitur. Sed dependent ab eo solo, qui Summam habet Potestatem, id est ab Anima Reipublicæ, quæ deficiente deficiunt, ita ut ne unus quidem homo, cum altero cohæreat propter defectum Summi Imperantis, à quo cuncti simul dependent; non aliter, quàm membra Corporis Naturalis resolvuntur in terram, defectu Animæ, quæ illa contineret. In hac ergo Similitudine nihil est, unde inferretur Populi dependentia à Clero vel Ministrorum Temporalium à Spiritualibus; sed amborum à Summo Imperante. Qui quidem Leges quas facit, ad salutem Animarum debet dirigere, sed non ideo, cuiquam Subditus est, præterquam ipsi Deo. Evanescit ergo Parallogismus hic Bellarmini, elaboratus ad decipiendum illos, qui distinguere nesciunt inter subordinationem artium ad finem, & subjectionem personarum in administratione Mediorum. Unicuique enim Fini Media determinantur vel per Naturam, vel per Deum ipsum supernaturaliter: sed potestas cogendi homines Mediis certis uti in omni gente per Leges Naturæ est, * in Summo Imperante Civili.

Argumentum ejus secundum est, *Respublica omnis omni non sibi Subdita, Imperare potest, & cogere eam administrationem publicam mutare, & quod majus est, Principem deponere, & in illius locum alium constituere, si contra injurias, quas parat sibi facere alio modo seipsam defendere non possit: multo magis Respublica Spiritualis Temporalis Imperare potest, administrationem publicam mutare, Principes deponere, alios instituere, quoniam Bonum Spirituale aliter tueri nequit.*

Quod Civitas hæc omnia facere possit, ut se defendat ab Injuriis, negari non potest, & à me supra demonstratum est. Verum quoque est, si qua esset in hoc mundo Civitas Spiritualis, distincta ab omni Civitate Temporalis, Principem Civitatis illius Potestatem habiturum, si aliter se reparare aut tutari non posset, Bellum in illos, qui Injuriam facerent, nec repararent, inferendi; id est deponendi, occidendi, subjugandi, aliudve hostile faciendi. At per eandem rationem non minùs Principi Temporalis licitum erit, acceptis, aut expectatis injuriis similibus, Bellum inferri in illum, qui habet Suprematum Spiritualem. Sed hoc amplius, puto, est, quàm quod ab argumento suo illatum voluit Cardinalis.

Cæterum Civitas Spiritualis in hoc mundo nulla est; cum res eadem sit cum Regno Christi, quod adhuc venturum est, nempe quo tempore resurgent mortui; & qui crediderunt in Christum, quanquam mortui sunt, quoad Corpora naturalia, resurgent Corpora Spirituality; & Servator noster victis Adversariis Civitatem constituet Spiritualem

tualem & Eternam. Interea autem, quia homines in hoc mundo non habebunt Corpora Spiritualla, nulla esse potest Civitas Spirituallis, Civium existentium in carne.

Tertium argumentum est, Regem Infidelem vel hæreticum, Christianis si modo illos conetur à Fide abducere, tolerare licitum non est. Indicare autem utrum Rex Subditos suos ad hæresim adducere conetur necne, pertinet ad Papam: Ius ergo habet Papa determinandi & iudicandi utrum Princeps deponendus, an retinendus sit.

Respondeo utrumque esse falsum, nempe primum Christiano Regem suum in quocunque casu non esse tolerandum; nam Legibus Divinis, tum Naturalibus tum Positivis contrarium est: & secundum, nempe Iudicem Hæresium quemquam alium esse præter eum, qui Summam habet Potestatem Civilem. Hæresis enim alia res non est, præter opinionem privatam, contra Leges Civitatis obstinatè propugnata. Impossibile ergo est, opinionem ullam Hæreticam esse, quam publicè doceri jubent vel permittunt Leges Civitatis.

Vt autem Regem Infidelem vel Hæreticum tolerare, Christianis illicitum esse probet, locum citat ex Deut. 17, ubi Deus Iudæos prohibuit, ne Regem electuri Imperium extraneo darent: atque inde infert, Christiano non licere Regem sibi eligere non Christianum. Sane Christianus, id est is, qui Servatorem nostrum agnoscere, & illi servire se semel obligavit, si Regem eligeret, quem certo sciret conaturum esse à Fide illum abducere, Deum nimium tentaturus esset. Sed idem (inquit) periculum est, eligere in Regem, hominem non Christianum, quod electum deponere. Ad quod respondeo, quæstionem hic non esse de non deponendi periculo, sed de deponendi iure. Christiano, Regem eligere non Christianum, potest fortasse aliquando peccatum esse; sed electum deponere, cum sit contra Fidem datam, Injustum semper est. Neque Doctrinam huiusmodi pro Christiana habitam esse legimus tempore Apostolorum, neque Temporibus Imperatorum Romanorum, antequam Potestas Papæ culminaret. Sed ad hoc responsum est à Bellarmino, Christianos veteres ob eam tantum causam non deposuisse *Neronem*, neque *Dioleianum*, neque *Iulianum*, neque *Kalentem* Arrianum, quod viribus carerent. Ita fortè est. Sed ad deponendum *Cæsarem*, vel saltem *Pilatum*, qui *Christum* sine causâ Iudæis crucifigendum tradidit, viribusne caruit *Christus*? Vel si Apostoli ad deponendum *Neronem* viribus caruere, ideone necessarium illis erat, in Epistolis ad Profelytos, illos docere Potestatibus (nempe *Neroni* & aliis Regibus) obedientiam esse debitam, idque non propter metum tantum, sed etiam

propter Conscientiam? Apostolosne docuisse dicemus contra Conscientias suas, quia carebant viribus? Non ergo, quia caruerunt viribus, Principes suos Ethnicos vel Christianos doctrinam aliquam erroneam doceri passos, tolerârunt, sed quia peccarunt fuisset, si non tolerâssent. Quod autem pro Potestate Papæ Temporali citat etiam *S. Paulum* (1 Cor. 6.) Iudices commendantem sub Principibus Ethnicis alios, quam ipsi, constituerant; non est verum. Nam *S. Paulus* Corinthios admonet tantum, ad componendas suas lites Arbitros ex fratribus sumere potius, quam coram Iudicibus Ethnicis litigare; id quod sanum, & charitatis plenum est præceptum, & in optimis Civitatibus Christianis imitatione dignum. De periculo autem, ne Religio inde corrumpetur; non erat Subditi Iudicare; vel si Iudicare illius sit, etiam in Dominio Papæ ipsius Temporali, de Doctrina Papæ Iure iudicabunt illius Subditi.

Argumentum quartum, à Regum sumitur Baptizatione, in qua Sceptra sua, ut dicit Bellarminus, submitunt *Christo*; promittuntque custodire & tueri Fidem Christianam. Et rectè quidem hoc. Reges enim Christiani ipsi, *Christi* sunt subditi. Quod tamen non impedit, quin Pontificibus Romanis sint æquales.

Argumentum quintum sumitur ab eo, quod dixit Christus, *Pasce oves meas*; quibus verbis Pontifici Romano Potestatem omnem datam esse dicit Pastori necessariam; qualis est Potestas abigendi lupos, id est Hæreticos; & Potestas clausos tenendi arietes furentes, qui gregem cornibus petere consueverunt; id est malos (licet Christianos) Reges; & Potestas præbendi gregi alimentum suum debitum. Atque has Potestates *S. Petro* à *Christo* datas esse dicit. Respondeo Potestatem hanc, de alimentis nihil aliud esse præter Potestatem prædicandi. Pro primâ de abigendis Hæreticis, citat Matth. 7. 15. *Cavete vobis à Pseudoprophetis, qui veniunt ad vos cum vestimentis ovium; sed intus sunt lupi rapaces.* Sed Hæretici Pseudoprophetæ non sunt; neque Apostoli Hæreticos, etiam si lupi essent, jubent interficere, vel si iidem Reges fuerint, deponere; sed cavere, fugere, & evitare. Neque *S. Petro* neque Apostolis à *Christo* hæc dicta sunt, sed multitudini Iudæorum, qui eum sequenti sunt in montem, homines, magnâ ex parte nondum conversi ad Fidem. Quod autem attinet ad Potestatem arietes furentes coercendi, & à grege reliquo separandi, Servator noster Potestatem illam in hoc mundo ipse recitavit, triticum & zizania simul jubens crescere usque ad diem Iudicii; tantum abest ut Potestatem hanc dederit *S. Petro*, aut *S. Petro* Successoribus suis. Tum ille, tum Pastores cæteri jubebantur Christianos illos,

illos, qui Ecclesiam audire nollent, tanquam Ethnicos & Publicanos reputare. Cum ergo Papæ in Ethnicos Potestas nulla sit, in eos etiam, qui pro Ethnicis haberi debent, nulla est.

Præterea ab ipsa Potestate prædicandi, Potestatem in Regis coërcivam concludit Bellarminus. *Pastoris*, inquit, *est gregem pascere*: potest ergo Papa, ut Officium suum faciant, Reges cogere. Vnde sequitur Papam, quatenus hominum Christianorum Pastor est, Regem esse Regem. Quod an concedendum sit, Reges ipsi viderint.

Sextum & ultimum Argumentum ab Exemplis sumitur. Sed exempla nihil probant. Secundò exempla, quæ ille adducit, speciem Iuris nullam habent. Id quod fecit *Iehojadas*, qui *Athalia* interfecit (2 Reg. 11.) aut factum est Authoritate Regis *Iehosai*, aut Summi Sacerdotis ingens crimen erat. Nam Sacerdos Summus eo tempore Regi erat subditus. Quod *Ambrosius* Imperatorem *Theodosium* excommunicaverit, crimen erat læsæ Majestatis. Quod ad Iudicia attinet *Gregorii* primi, *Gregorii* secundi, *Zachariæ*, & *Leonis* tertii, in suis ipsorum causis nihil valent; & facta, quæ huic Doctrinæ conformia perpetrata sunt (præcipue vero factum *Zachariæ*) criminum quæ cadere possunt in Naturam humanam, maxima fuerunt. Hactenus de Potestate Ecclesiastica; ubi brevior fuisset, Argumentisque Bellarmini pepercissem, nisi fuissent Bellarmini, id est Pontificatus Romani contra Reges Christianos Pugilis.

C A P V T X L I I I.

De iis qua ad Receptionem in Regnum Cælorum sunt Necessaria.

Seditionum & Belli Civilis in Rebuspublicis Christianis prætextus frequentissimus jamdudum fuit; difficultas, nondum satis sublata, Deo & Homini simul obediendi, quando pugnare inter se videntur eorum Imperata. Non quod sit, qui nescit Deo obediendum potius esse, quam homini cuicumque; sed quod nesciant aliquando, an id, quod in Dei nomine Imperatum est ab homine, sit revera Imperatum à Deo, an qui imperat, ad proprium emolumentum, nomine Dei abutatur. Sicut enim olim in Ecclesia Iudæorum, multi surrexere Pseudoprophætæ, qui populi favorem Somniis & Visionibus fictis captaverunt: ita etiam in Ecclesia Christi, falsi quidam per omnia tempora extiterunt Doctores, qui existimationem apud populum per Doctri-

Doctrinas falsas, & phantasticas obtinere studuerunt, eo fine, ut cum lucro proprio eos regerent.

Verum illis, qui distinguere possunt inter ea, quæ ad receptionem in Regnum Dei necessaria sunt, & quæ necessaria non sunt, difficultas hæc simul obediendi Deo, & Summæ Potestati Civili, nulla est. Siquidem enim, quod imperatur à Summo Imperante Civili tale sit, ut obediri possit sine iactura Vitæ æternæ; tunc non obedire injustum est; & locum habet Præceptum Apostoli, *Servi obedite Dominis vestris in omnibus*; &, *Fili obedite Parentibus vestris in omnibus*; & locum habet Præceptum Servatoris nostri, *Scribe & Pharisei sedent in cathedra Moysi; omnia ergo quæ dicent, observate & facite*. Sin quod imperatur tale sit, ut sine damnatione ad mortem æternam obedire non possimus, tunc obedire furor esset. Consilium ergo Servatoris nostri (Matth. 10. 28.) locum habet, *ne timeatis eos, qui occidunt corpus, sed animum occidere non possunt*. Quicunque ergo tunc poenas hujus mundi propter violationem Legum Civilium, tunc poenas mundi venturi propter contumaciam erga Deum debitas effugere cupiunt, opus habent, ut distinguere quæ sint necessaria, & quæ non sint necessaria ad introitum in regnum cælorum doceantur.

Quæ ad salutem æternam necessaria sunt, duabus virtutibus continentur, *Fide in Christum*, & *Obedientia* Legibus præstita. Posterior harum, si perfecta esset, sola sufficeret. Cæterum quoniam Reifumus omnes contumaciæ in Deum, non solum originaliter ab Adamo, sed etiam actu propter transgressiones proprias, opus nunc habemus non solum, ut pro reliquo tempore *Obedientes* simus, sed etiam ut peccata præterita nobis *Remittantur*. Quod autem ad Salutem nihil aliud necessarium sit, ex eo perspicuum est, quod Regnum Dei nemini clausum sit, præterquam Legum Transgressoribus; non illis, qui Resipiscunt, & Christianæ Fidei Articulos ad salutem necessarios omnes credunt.

Quod ad Obedientiam attinet, amplius à Deo (qui Voluntatem pro opere accipere promisit) non postulatur, quam obediendi conatus serius. Et propterea Obedientia sæpenumerò sub nomine *Charitatis*, & *Dilectionis* commendatur. Significat enim Obediendi voluntatem. Et Servator noster Dilectionem Dei & proximi, totius Legis impletionem vocat. Aliquando etiam pro *Obedientia*, *Iustitia* ponitur. Iustitia enim voluntas est suum cuique tribuendi, id est Obediendi Legibus. Sæpe etiam pro *Obedientia*, ponitur *Resipiscencia*, live *Pœnitentia*, quæ significat aversionem à peccato, id est voluntatem ad Obedientiam revertendi. Quicunque ergo sincerè & toto corde Mandata

data Dei implere cupit, item quemcumque peccatorum verè poenitet, & quicumque Deum toto corde diligit, & proximum sicut seipsum, omnem habet Obedientiam Saluti æternæ necessariam. Nam si postulare Deo Innocentiam, servari nemo posset. Accipit Deus Iustitiam Hominis, id est Voluntatem Deo subactam, non exigit Innocentiam ipsam ultra conatum nostrum.

Sed quænam sunt Mandata illa Dei, quibus obedire necessarium est? Leges Mosaicæ suntne omnes Leges Dei? Si sint, cur non docemur Christiani illis obedire? Si non sint, quænam aliæ sunt præter Leges Naturæ? Nam Servator noster non nobis novas tulit Leges, sed custodire docuit, quas habuimus, id est Leges Naturales & Civiles. Lex autem Dei, quæ jubet Obedientiam Legibus Civilibus, jubet per consequens Obedientiam præstandam esse Præceptis omnibus Scripturæ Sacræ; quæ Scripturæ Sacræ (ut Capite præcedente ostensum est) ibi tantum Leges sunt, ubi à Potestate Civili in Leges sunt receptæ. In locis aliis Consilia sunt, quæ suo quisque periculo sine Injustitia sequi vel non sequi potest.

Cum explicatum jam sit, quænam obedientia ea sit, & cui præstanda, quæ necessaria est ad salutem æternam; consideremus nunc Fidem; nempe quibus, & cur credimus, & quænam sint Articuli crediti necessarii illis, qui sunt salvandi. Primum autem, is, cui credimus, aliquis est, quem loquentem audivimus; quia credere impossibile est illi, qui quid dixerit, ignoramus. *Abrahamus, Isaacus, Iacobus, Moses, & Prophetæ* Deo crediderunt, qui ipsos alloquutus est supernaturaliter. Similiter *Christus* erat is, cui crediderunt Apostoli & Discipuli, & quem loquentem audiverunt. Sed de illis, quibus neque Deus, neque *Christus* unquam loquutus est, dici non potest, quod Deo crediderint; sed tantum quod Apostolis, & post eos, Pastoribus & Doctoribus Ecclesiæ Fidem habuerint, qui Historiam Veteris & Novi Testamenti illis commendaverunt. Fides itaque Christianorum, (ex quo *Christus* assumptus est) pro fundamento habuit, Pastorum primum suorum existimationem, deinde Authoritatem eorum, qui fecerunt, ut Scripturæ Sacræ Fidei essent Regula: id quod soli facere potuerunt Reges Christiani, alique qui Summam habuere Potestatem. Illi ergo Pastores Supremi sunt, solique per quos hodiè loquentem Deum audiunt Christiani: nisi forte excipere velimus eos, ad quos (si qui sunt) Deus hodiè loquitur supernaturaliter. Sed hi, quia multi Pseudoprophetæ in mundum veniunt, examinandi sunt ab omni Christiano, an ex Deo sint necne. Quoniam ergo Doctrinarum Examen ad Pastorem Supremum, imprimis pertinet, Pastor Su-

preiurus solus est; in quo ultimo Fides subditorum suorum determinari debet.

Causa propter quas Doctrinam Christianam credimus, variae sunt. Est enim Fides donum Dei, quam in diversis hominibus, viis diversis, prout sibi ipsi visum est, operatur. Causa propter quam Articulum aliquem Fidei credimus, frequentissima, & proxima est, quod Scripturas Sacras prius crediderimus esse Verbum Dei. Quare autem Scripturas Sacras Verbum Dei esse credimus disputari solet, quemadmodum necessarium est multum disputari, quaestiones illas, quae non recte proponuntur. Non enim quaerunt, *cum credimus*, sed, *unde scimus*; quasi idem esset *credere*, & *scire*. Dum ergo pars altera scientiam suam deducere conatur ab Infalibilitate Ecclesiae, altera a testimonio Spiritus sui privati, pars penita id quod vult probat. Infalibilitas enim Ecclesiae, nisi Scripturarum Infalibilitate prius cognita, sciri non potest. Spiritum autem suum privatum quis dignoscit, à Spiritu Doctorum Morum, quorum Authoritate ducitur, vel à Spiritu arrogantiae? Præterea in Scripturis, unde Ecclesiae Infalibilitas inferri possit, nihil invenitur; multo minus Infalibilitas Ecclesiae cuiusquam particularis; & minime omnium hominis privati.

Manifestum ergo est, homines Christianos, non *scire*, Scripturas esse Verbum Dei, sed tantum *credere* ita esse; & causam illis credendi frequentissimam esse Doctores suos. Hoc dicit St. Paulus universaliter de Fide Christiana, (Rom. 10. 17.) *Fides est ex audiu;* & (vers. 14, 15.) *Quomodo autem credenti, de quo non audierunt? Quomodo autem audient sine Predicanti? Quomodo autem predicabunt nisi finivisti?* Ex quo perspicuum est, causam credendi Scripturas esse Verbum Dei, eandem esse propter quam credimus Articulus alios omnes; nempe quod eos audimus, qui Lego constituti sunt (id est domi Patres, in Ecclesiis Pastores) ut nos doceant. Quenam enim causa alia reddi potest, quare in Civitatibus Christianis, Scripturas esse Verbum Dei, omnes credant, vel saltem credere se profiteantur, in Civitatibus cæteris, vix unus aut alter? nisi quod in Civitatibus Christianis, ab infantia id credere doceantur, in Civitatibus non Christianis doceantur contrarium.

At si Fidei causa sit, doceri; cur non credunt omnes? nisi quod Fides sit donum Dei, quod cui vult dat, & negat. Sed tamen quando dat, per Doctores dat, & proinde causa Fidei immediata est audientis. Quemadmodum in ludo literarum, ubi doceantur multi, quidam proficiunt, quidam non proficiunt, differentia non semper à Magistro est: Bona omnia à Deo quidem proficiuntur, sed per media plerum-

plerumque naturalia. Non est ergo temerè credendum illis, qui Doctrinis suis donum Dei prætendunt, supernaturale, doctrina enim eorum examinanda prius est ab Ecclesia.

Sed Scripturas esse Verbum Dei sive sciamus, sive credamus, sive concedamus; si ex illarum locis apertis, quinam Fidei Articuli ad Salutem æternam sint necessarii & soli necessarii, ostendero; eos, nec alios necessarios esse Sciendum, Credendum vel Concedendum est.

Unum necessarium: nempe unicus articulus Fidei, quem ad Salutem æternam necessarium faciunt Scripturæ Sacræ, hic est, *Quod Iesus est Christus*. Per nomen autem *Christi*, intelligitur Rex ille quem Deus per Prophetas Veteris Testamenti, missurum se esse in mundum, promiserat, ut regnaret in Iudæos, & gentes alias, in illum credituros; & qui vitam æternam, quam perdidideramus in Adamo, restitueret. Quod cum probavero, ostendam, quatenus necessarii sint etiam Articuli alii nonnulli.

Ad probandum, quod tota Fides ad Salutem necessaria continetur in uno hoc Articulo, *Iesus est Christus*; argumentum primum sumetur ab Evangelistarum Scopo. Scopus autem eorum is erat ut in Servatoris nostri vita describenda illum unum Articulum stabilirent. Evangelii S. *Matthæi* Summa hæc est, *Iesum fuisse ex stirpe Davidis*; natum ex Virgine; venisse Magos ut eum pro Rege Iudæorum agnoscerent & adorarent; *Herodem*, eum, ne regnaret, conatum esse interficere; *Iohannem Baptistam* illum Regem proclamasse; *Christum* ipsum Apostolosque ejus Regem illum esse prædicasse; Legem docuisse non ut Scribæ, sed ut qui haberet Authoritatem; morbos solo verbo sanasse; aliaque Miracula fecisse, quæ *Christum* facturum esse prædixerant Prophetæ; monuisse Discipulos, ne aliis qui se *Christos* profiterentur, crederent; captum, accusatum & occisum, quod se Regem esse dixerit; titulum Cruci inscriptum fuisse *Iesus Nazarenus Rex Iudæorum*. Quæ omnia eo spectant ut crederent homines *Iesum esse Christum*. Summa hæc est Evangelii scripti à *Matthæo*. Evangelistarum reliquorum scopus idem erat. *Iohannes* autem de Evangelio suo in fine expressè dicit, (Ioh. 20. 31.) *Hæc scripta sunt, ut credatis Iesum esse Christum illum Filium Dei*.

Argumentum secundum est à Subjecto Concionum Apostolicarum, tam ante, tum post Ascensionem *Christi*. Ante Ascensionem suam misit Apostolos suos Luc. 9. 2. Regnum Dei prædicaturos; & (Matth. 10. 7.) mandavit illis hoc solum: *Ite facientes proclamationes dicentes, Appropinquavit, Regnum Dei*, id est, *Iesum esse Messiam, Christum, Regem*, qui venturus erat. Item post Ascensionem *Christi* idem

prædicaverunt, ut patet ex Act. 17. 6. *Traxerunt Iasnum, & quosdam fratres ad Civitatis Magistratus, vociferando, Ipsi qui Orbis terrarum statum subverterent, etiam hic adsum: Quos excepit Iasus: qui omnes contra Edicta Cæsaris faciunt Regens alium dicentes esse, nempe Iesum.* Et (vers. 2. 3. capitis ejusdem,) *Paulum vero sicut consueverat introitus ad eos, & per Sabbatha tria disseruit cum iis ex Scripturis; explicans, & ob oculos ponens oportuisse Christum pati, & resurgere ex mortuis; & hunc Iesum, quem ego, inquit, annuncio vobis esse Christum illum.*

Argumentum tertium sumitur ab iis locis Scripturæ, quæ Fidem omnem ad Salutem necessariam, dicunt esse facilem. Si enim assensus animi internus, ad omnes doctrinas Fidei, quæ nunc docentur (quarum magna pars hodie disputatur) ut necessarius requireretur, nihil difficilius esse posset, quam esse Christianum. Latro in cruce propter verba hæc, *Domine memento mei cum veneris in Regnum tuum*, quibus alium Articulum confessus non est, præter hunc *Iesum esse Christum*, salvari potuerat. Nec potuerat dixisse *Christus* (Matth. cap. 11. vers. 30.) *Iugum meum facile est, & onus meum leve est.* Neque (Matth. 18. 6.) *Parvos pueros in illum credere; nec potuerat dixisse Paulus* (1 Cor. 1. 21.) *Libnis Deo per stultitiam prædicationis servare credentes;* Neque denique Paulus ipse tam subito Christianum multo minus Doctor Ecclesiæ adeo eminens fieri potuerat, qui de Transubstantiatione, Purgatorio, aliisque Articulis multis quæ nunc obtruduntur, nunquam quicquam audierat.

Argumentum quartum sumitur à locis quibusdam, de quorum interpretatione nunquam extitit controversia, ut (Ioh. 5. 39.) *Servate Scripturas, quia videmini vobis in ipsis vitam æternam habere; & ille sunt quæ testantur de me.* Scripturæ autem illæ, aliæ non erant præter Testamentum Vetus; Novum enim nondum scriptum erat. Sed in Testamento Vetere de *Christo* nihil invenitur, præter Notas & signa per quæ, cum veniret, agnosci posset; nimirum, quod esset ex stirpe *Davidis*; nasceretur in *Bethlehem*, ex Virgine, faceretque magna Miracula. Credere ergo *Iesum* esse illum, satis erat ad vitam æternam; plusquam autem satis necessarium non est. Et per consequens Articulus ille solus necessarius est. Item *Iohannes* dicit (cap. 11. 26.) *Quisquis vivit, & credit in me, non morietur in æternum.* Sed credere in *Iesum*, idem est quod credere *Iesum* esse *Christum*; ut apparet ex vers. 27. ubi *Martha* dicit *Christus*: *Credis hoc?* Et illa respondet, *Etiam Domino, ego credo te esse Christum illum Filium Dei, qui in mundum venturus eras.* Solus ergo ad salutem sufficit Articulus ille unus. Item (Ioh. 20. 31.) *Hæc scripta sunt ut credatis Iesum esse Christum, Filium Dei, & ut credentes vitam habeatis*

per nomen ejus. Vbi rursus credere *Iesum esse Christum* sufficere significatur ad vitam aeternam obtinendam. Rursus (1 Ioh. 4. 2.) *Omnis Spiritus, qui confitetur Iesum Christum venisse in carne, ex Deo est, &c.* (1 Ioh. 5. vers. 1.) *Quicumque crediderit Iesum esse Christum, ex Deo natus est.* Et (vers. 5.) *Quis est qui vincit mundum, nisi qui credit Iesum esse Filium Dei.* Et (Act. 8. 36, 37, Eunuchus dixit Philippo, *En aquam; quid prohibet me baptizari?* Dixit autem Philippus, *si credis ex toto corde, licet.* Respondens autem illi dixit, *Credo Iesum Christum esse Filium Dei.* Articulus ergo hic *Iesus est Christus* sufficit ad Baptismum, id est ad Receptionem in Regnum Dei, & per consequens, solus necessarius est. Etiam universaliter in locis omnibus ubi dicit cuiquam *Christus*, *Fides tua te salvum facit*, causa dicti est confessio aliqua per quam directe vel ex consequentia intelligitur, *Iesum esse Christum.*

Argumentum ultimum sumitur à locis illis Scripturæ, ubi Articulus hic dicitur esse Fundamentum Fidei; salvabitur enim, qui tenet Fundamentum. Locus primus est Matth. 24. 23. *Si quis vobis dixerit, Ecce, hic est Christus, aut hic: ne credite. Excitabuntur enim Pseudochristi, & Pseudoprobetae, & edent signa magna & miracula, &c.* Videmus hic Articulum illum *Iesum esse Christum* tenendum esse, et si Miracula magna fecerint qui docent contrarium, Locus secundus est Gal. 1. 8. *Etiā si nos, aut Angelus à Cælo Evangelizet vobis præter id, quod vobis Evangelizavimus, Anathema sit.* Id autem quod Paulus & Apostoli reliqui evangelizaverunt, Articulus erat hic, *Iesus est Christus.* Autoritas itaque Angeli à Cælo, multò magis hominis mortalis, si contrarium doceant negligenda est. Est ergo Articulus ille Fidei Christianæ Fundamentum. Tertius locus est 1 Ioh. 4. 1. *Dilecti, ne cuiusvis Spiritus credite. Ex hoc cognoscitis Dei Spiritum: quicumque Spiritus profiteretur Iesum Christum in carne venisse, ex Deo est.* Perspicuum hinc est Articulum illum mensuram & regulam esse, per quam omnes alii Articuli examinandi & judicandi sunt, & per consequens solum esse Fundamentalem. Locus quartus est Matth. 16. 18. Vbi postquam S. Petrus Christo dixisset, *tu es Christus, Filius Dei vivens*, respondit Christus, *tu es Petrus, & super hanc petram edificabo meam Ecclesiam.* Articulus ergo ille Fundamentum est, cui innituntur reliqui omnes Ecclesiæ Articuli. Locus quintus est, 1 Cor. 3. vers. 11, 12, &c. *Fundamentum aliud nemo potest statuere præter id quod positum est, quod Iesus est Christus. Quod si quis superedificet super Fundamentum hoc, aurum, argentum, Lapidis pretiosos, ligna, fenum, stipulam, cuiusque opus manifestum fiet: deus enim id declarabit; nam per ignem revelabitur: & cuiusque opus quale sit, ignis probabit: si cuius opus manserit quod superedificaverit, mercedem accipiet. Si cuius opus excussum fuerit, damnum faciet. Ipse*

vero servabitur: *ita tamen ut per ignem.* Quæ verba cum sint partim perspicua; & intellectu facilia, partim allegorica & difficilia; concludo ex perspicuis, Pastores, si fundamentum doceant, nempe *Iesum esse Christum*; quanquam falsas inde consequentias aliquas deducant (ut hominibus quibuscunque primum est errare) salvandos tamen esse; multo magis salvari posse illos qui ea credunt, quæ à Pastoribus suis legitimis didicere. Sufficit ergo Articulus hic ad salutem, & per consequens solus necessarius est. Quod attinet ad verba illa Allegorica, *uniuscuiusque opus per ignem probandum esse, & salvandos esse, ita tamen ut per ignem*, videntur alludere ad verba Prophetæ Zachariæ cap. 13. 8, 9. *Dictum Iehovæ, ut partibus duabus in terra excidis & expirantibus, tertia relinquantur in ea: & inducam tertiam istam in ignem, conflansque eos, ut constet argentum, probabo eos, quemadmodum probatur aurum: & invocabunt nomen meum, & ego exaudiam eos.* Dies Iudicii est dies restitutionis Regni Dei; & illo die futuram esse mundi conflagrationem dicit *S. Petrus* (2 Pet. 3. 7, &c.) In qua conflagratione peribunt quidem improbi, reliqui autem, quos Deus salvos esse vult, transibunt per ignem illæsi, & in eo igne (sicut aurum & argentum) probabuntur, & purgati ab idololatria, nomen invocabunt Dei veri. Ad hæc verba alludens *S. Paulus* *Diem* (inquit) id est diem Iudicii, diem Magnum restitutionis Regni Dei, Pastorum doctrinas probaturum esse, an sint puræ, ut aurum, argentum &c. an inutiles ut lignum, fœnum, &c. tunc autem, qui super fundamentum verum falsa aut purgatoria ædificaverunt, ea videbunt condemnata; ipsi tamen salvabuntur, & transibunt per ignem hunc illæsi ad vitam æternam, nomen veri Dei invocaturi. In qua interpretatione nihil est, quod Fidei Christianæ sit contrarium; sed ne scintilla quidem Purgatorii.

Quæret fortasse aliquis an æquè necessarium ad salutem non sit, credere Deum esse Omnipotentem; Creatorem mundi; *Iesum Christum* resurrexisse; & homines in die ultimo resurrecturos esse omnes; ac credere *Iesum esse Christum*. Respondeo hos omnes multosque alios Articulos necessarios quidem æquè esse, sed idèò, quia in illo uno continentur. Quis enim est, qui non vidit, credentes *Iesum esse Filium Dei Omnipotentis*, necessariò simul credere Deum esse rerum omnium Creatorem Omnipotentem? Aut quomodo credi potest *Iesum Regem* esse in æternum regnaturum, ab eo qui illum non credit resurrexisse à mortuis. Mortuus enim regnare non potest. Quicumque autem Fundamentum tenet, *Iesum esse Christum*, omnia tenet quæ inde inferri possunt, sive illationis vim ipse intelligit sive non intelligit. Firmum ergo restat unum hunc Articulum creditum, Pœnitentibus ad remissionem peccatorum, Fidei satis esse, & proinde solum necessarium.

Osten-

Ostenſum autē eſt; Obedientiam; quantā ad ſalutem cōtemporaneos
quiritur; conſidere in voluntate implendi Legem Dei; quatenus poſ-
ſumus; id eſt in Poenitentia peccantium. Oſtenſum item eſt eīdem;
quanta ad ſalutem neceſſaria eſt; contineri in hoc Anticaloy *Ieſus eſt
Chriſtus*. Loca Scripturæ nam proferunt aliqua quibus probatur;
omnia ſimpliciter ad vitam æternam neceſſaria contineri in illiſ ſcrib-
conjunctis. Homines illi; quos Sanctus *Petrus*; die Pentecoſtes poſt
Aſcenſionem Servatoris noſtri proximo; prædicatione ſua; ad Fidem
Chriſtianam converterat; *Petrus* cæteroſque Apoſtoloſ interrogave-
runt (Act. 2. 37.) *Quid faciemus viri fratres?* Quibus (proximo verſu)
reſpondit *Petrus*; *Reſpice*; & *Baptizetur unusquisque veſtrum in nomine
Ieſu Chriſti; in remiſſionem peccatorum; & accipietis donum Spiritus Sancti*.
Baptizari ergo in nomine *Ieſu Chriſti* una cum poenitentia; omnia con-
tinet ad ſalutem neceſſaria. Rurſus contra quodam ex prioribus in-
terrogaretur *Chriſtus* (Luc. 18. 18.) *Magiſter bone; quid faciendo vitam
æternam poſſidebo?* Reſpondit illi Servator noſter (verſu 22.) *Procede
noſte; Ne macula; Ne occidito; Ne fornicato; Ne falſum iuramentum dices;
Honora Patrem tuum & Matrem tuam. Quæ cum obſervaveris dixiſ-
ſeris; adjuvabit te Chriſtus; Omnia quæ habes vende; & diſtribue pauperibus; &
habebis Theſaurum in celo; & ſequere me*; id eſt; conſide in me; qui ſum
Rex. Itaque Legem implere; & credere *Ieſum* eſſe Regem; totum
eſt quod requiritur ad vitam æternam. Præterea; Sanctus *Paulus* di-
cit (Rom. 1. 17.) *Iuſtus ex Fide vivit*; non dicit *in iuſtificatione*; ſed
Iuſtus. Fides ergo & Iuſtitia conjunctim; omnia continent ad ſalu-
tem neceſſaria. Poſtremo (Marc. 1. 15.) *Appropinquare Regnum Dei;
reſpice*; & *cedite Evangelio*. Itaque reſpicere & credere *Ieſum* eſſe
Regem; ſufficiunt ad ſalutem.

Cum ergo Fides & Obedientia utraq; neceſſaria ſit ad ſalutem;
quaeritur; utraq; eam juſtificet; ſufficit diſponitur. Quæ autem ſufficit
juſtificare dicatur iuſta & alio; explicare non invidioſum. Super Iu-
ſticiam intelligitur Iuſtitia operum; Iuſtificari qui legem Dei ſemel
transgreſſus eſt; poſſeſt nemod. Intelligendū igitur eſt Iuſtitia hominū;
Legem Dei obſervare conantū. Voluntatem enim accipit Deus pro
ipſo opere. Atque hoc ſenſu ſolo eſt; quod homo aliquis dici poſſit;
Iuſtus; & quod per Iuſtitiam ſuam juſtificatus ſit; Iuſtitia ergo juſti-
ficat; quatenus *iuſtum* deſignat; non quatenus legem ita imple-
verit; ut paſſim juſte non poſſit.

Sed juſtificari etiam dicuntur illi; cujuſ Deſenſo; quantum non ſuſo-
ficiens; recipitur tamen; & approbatur; ut cum pro deſenſione alio-
rum; quod Voluntas; quod conat ſumus Regem implere; & quod
peccata noſtra ipſi condemnatur. Quamvis ergo Deo ſolus iuſ-
tem.

tem pro ipso opere eorum tantum accipit, qui credunt in *Iesum Christum*; Fides sola, in hac verbi acceptatione iustificare dici potest; adeo ut *Fides & Obedientia* utraque iustificent; sed in diversa significatione vocis *Iustificare*.

Cum ostensum jam sit, quænam ea sint quæ necessariò requirantur ad Salutem; Obedientiam erga Deum, cum Obedientia erga Reges reconciliare difficile non est. Rex enim aut Christianus est, aut Infidelis. Si Christianus, Articulum hunc *Iesum esse Christum*, neminem negare cogit. Legibus autem Civilibus, in quibus contineatur Leges omnes Naturales, rectè & jurè obedire cogit. Qui ergo Regi suo Christiano, obedientiam præstat, obedire Deo non impeditur. Sed si Rex Christianus qui Fundamentum tenet *Iesum esse Christum*, Doctrinas aliquas per imperitiam inde deduceas, doceri & teneri imperet, imperato obediendum est. Obediri enim sine animæ periculo potest. Iudicare autem, in Quæstione de sua ipsius obedientia Civili, jure nemo potest. Iudicat enim de doctrinis Fidei nemo præter Ecclesiam, id est præter illum, qui personam gerit Ecclesiæ, id est præter Regem, si sit Christianus.

Sed etsi Rex Infidelis sit, suorum tamen subditorum quicumque illi resisterit, peccat contra Deum, quia contra Leges Naturæ peccat, quæ sunt Divinæ. Peccat etiam contra Consilium Apostolorum, Christianos omnes Principibus suis, Filios omnes Parentibus suis, & Servos omnes Dominis suis obedire præcipientium, idque in Omnibus. Quod autem attinet ad Conscientiam hominum, quæ interna & invisibilis est, Potestatem habent omnes eandem, quam habuit *Naaman*; neque ad pericula se offerre opus habent. Cæterum si id faciant, præmium suum in regno Dei expectare debeat, nec Regem suum legitimum accusare, multo minus occidere, aut bello persequi. Sed quis, etsi Infidelis Rex, subditum suum sciens Regem alterum non nunc, sed post finem mundi expectare, ita stupidus est, ut ob illam causam, eum occisum velit.

Atque hæc de Regno Dei, & Politica Ecclesiastica dicta sufficiant; cum sint omnia à Scripturis Sacris derivata, atque ex iis locis quæ minimè obscura & controversa sunt, & Scopo totius Scripturæ Sacræ (quæ scripta est pro regni Dei in *Christo* restitutione) consentanea. Non enim Verba nuda, sed Scriptorum leopos, Scripturis explicandis verum lumen præfert; qui autem Textibus singularibus utuntur, consilio operis ipsius non adhibito, nihil fere perspicue explicabunt, sed Scripturæ atomis, quasi sparso pulvere, omnia obscuriora faciente quam sunt; id quod æorum artificium esse solet, qui non veritatem, sed suum ipsorum emolumentum querunt.

DE REGNO TENEBRARVM.

C A P V T XLIV.

*De Tenebris Spiritualibus ab Interpretatione non
recta Scripturarum.*

PRæter Summas Potestates, Divinam, & Humanam, de quibus hæcenus disseruimus, legimus in Scripturis Sacris de Potestate adhuc alia, nempe ea quam dicit Sanctus Paulus Eph. 6. 12, *Quoniam non est nobis lucta adversus carnes & sanguinem, sed adversus Imperia, adversus Potestates, adversus Mundi hujus Principes Tenebrarum, adversus Spirituales improbitates in rebus celestibus; & Matth. 12. 26, Sed si Satanas Satanam ejicit, adversus seipsum dissidet: quomodo ergo stabit regnum ejus? & Matth. 9. 34, Per Principem Dæmoniorum ejicit Dæmonia, id est Phantasmata, quæ apparent in Aëre; unde Satanas dicitur Eph. 2. 2, Princeps Potestatis Aëris; & (quia regnat in mundi hujus tenebris) Princeps hujus mundi, Ioh. 16. 11. Et Propterea, qui Principatui ejus Subjecti sunt filii vocantur Tenebrarum; nimirum, ut distinguantur à fidelibus, qui Filii Lucis appellantur. Cum enim Beelzebub sit Rex Phantasmatum, quæ Aërem & Tenebras incolunt; Filii Tenebrarum, Phantasmata, & Spiritus Illusionis idem significant. Regnum ergo Tenebrarum (prout in locis supra citatis, aliisque Sacra Scripturæ textibus intelligitur) definiri potest, Impostorum confederatio, qui ut in alios in præsentis mundo dominantur, Lumen sive Rationis naturalis, sive Evangelii per doctrinas erroneas & obscuras extinguere, & in viam salutis æternæ Tenebras inducere conantur Spirituales.*

Quemadmodum homines, qui à Nativitate sua Luce oculorum penitus destituuntur, luminis omnino ideam nullam habent; neque imaginari quisquam lumen majus potest, quam aliquando antè viderit: ita etiam luminis Evangelii, & luminis Rationis gradum majorem existere non putant homines, quam quem ipsi jam assequuti sunt; Atque hinc est, quod homines Tenebras in quibus versantur, alia via agnoscere non possunt, præterquam ex suis ipsorum offensionibus, & infortunijis. Regni Satanæ obscurissima quidem pars est, ea quæ

extra Ecclesiam Dei est, id est in qua ambulant Infideles; dicere tamen non possumus, quod Ecclesia (quasi *Gorben*) tanta omnino luce fruatur, quanta opus est, ad omne opus faciendum, quod imperavit fieri Deus. Vnde enim oriri potuit, quod Christiani, à tempore penè Apostolorum, se mutuo alter alterum ex statu dejecerint, bello, aut Externo, aut Civili? Quod ad omnem propriarum rerum asperitatem, & ad omnem prosperitatis alienæ eminentiam, toties offendant? Et quod ad eandem metam (scelicitatem) tam diversis viis curratur, nisi illis nox etiam nunc esset, aut saltem spissa nebula. Sumus ergo etiam nunc in Tenebris.

In Ignorantiæ nostræ naturalis obscurâ nocte, errorum Spirituum Zizania seminavit Inimicus; Primo, lumen Scripturarum extinguendo; erramus enim nesciendo sensum Scripturarum. Secundo, Ethnicorum Poëtarum Dæmonologiam, id est doctrinam de dæmoniis; nempe doctrinam de Idolis, Phantasmatibus, mortuorum umbris, similibusque fabulis amilibus, admittendo. Tertio, reliquias quasdam Religionis & Philosophiam Græcorum, præsertim Aristotelis, cum Scripturis sacris commiscendo. Quarto, per falsas, fictas vel incertas traditiones, & historias; atque ita erramus *attemi Spiritibus deceptoribus & doctrinis Dæmoniorum. Per Hypocrisis falsiloquorum, quorum conscientia est cauterisata*, id est eorum, qui falsa loquuntur contra suam ipsorum conscientiam. De Tenebris autem ab interpretatione non rectâ Scripturæ Sacræ, in præsentī capite dicturus sum.

Scripturarum abusus maximus, & cui cæteri subserviunt aut adhærent, earum detorsio est, ad probandum, quod Regnum Dei, (de quo toties in illis fit mentio) sit Ecclesia, quæ nunc est Christianorum hominum in terra viventium. Manifestum autem est, in contrarium, Regnum Dei, institutum fuisse à Deo, (*ministrante Moise*) super Iudæis solis, qui eam ob causam appellantur in Scripturis, populus Dei peculiaris; idemque regnum in electione Saul Regis, deliisse. Post id tempus regnum Dei per Pactum in terris nullum fuisse. Promississe tamen per Prophetas Deum, in Regnum suum Iudæos iterum admittere, (tempore quod ipse secum determinavit) eam per poenitentiam ad Deum se converterint. Invitasse etiam sub iisdem conditionibus conversionis omnes gentes; & Filium suum peccata mundi morte suâ expiaturum, in mundum missurum se esse; & doctrina sua, ad regnum Dei præparaturum, quod in die Iudicii incepturum est.

Errori huic, Quod Ecclesia, quæ est in terra, sit Regnum Christi, quodque unum esse oporteat vel Hominem vel Coetum, per quem Servator noster, qui nunc est in coelis, homines alloquatur, Leges condat,

dat, & qui personam *Christi* Christianis omnibus repræsentet, consequens est, quod Potestatem Regalem sub *Christo* universaliter poscat Pontifex Romanus; & quod eandem Potestatem in Civitatibus nonnullis poscant Pastorum Conventus. Sunt autem hi qui per vehementiam disputandi lumen naturæ extinguunt, tantasque in hominum mentibus efficiunt tenebras, ut quis sit, cui obedientiam promiserunt subditi videre nequeant.

Doctrinæ autem huic, Papam in præsentī Ecclesiā Vicarium *Christi* universalem esse, consequens est Doctrina alia, nempe Regi Christiano necessarium esse coronari ab Episcopo aliquo; quasi ab illa ceremonia esset, quod jure Divino imperet, & in Titulo clausulam hanc habeat, *Dei gratia Rex*; quodque Regnum suum, non à Deo accipiat, nisi datum sit per Dei Vicarium Papam; quodque omnis Episcopus Romanæ Diceceſeos, (quando consecratur) Pontifici Romano absolute obediturum se esse juret. Eidem doctrinæ consequens est Concilii Lateranensis decretum sub *Innocentio* tertio, cap. 3. de Hæreticis: *Si Rex à Papa admonitus, Regnum suum ab Hæresibus non purget, & ob eam rem excommunicatus, non satisfaciāt intra annum, Subditi ejus ab obedientiæ vinculo absolvantur.* Quoties itaque inter Papæ & aliorum Principum Christianorum consilia, repugnantiam esse contingit, (contingit autem sæpe) tantæ oriuntur inter subditos Regum Tenebræ, ut hominem externum, in Thronum Regium sese intrudentem, ab eo distinguere nesciant, quem ipsi in eo collocaverant; & præ intellectus cæcitate pugnant inter seipsos, amicos ab inimicis non distinguentes. Ab eadem doctrina, nempe quod Ecclesia præſens est Regnum Dei, nascitur quod Pastores & Ministri Ecclesiarum, nomen sibi assumant *Cleri*, cæteros Christianos appellantes *Laicos*, id est simpliciter *Populum*. Clerus enim primò & propriè significat *Sortem*, deinde *hereditatem*, & postremò eos, qui regnante Deo in Israël, alebantur ex redditibus publicis, quos Deus sibi reservaverat, nempe ex Sacrificiis & Oblationibus, quas Deus in alimentum Ministrorum suorum publicorum, (qui erant Levitæ) separaverat. Papa ergò, qui in Ecclesia idem esse vult, quod erat in Regno Dei, id est in Israël, Summus Sacerdos, redditus similes à Christianis postulat sibi, & Sacerdotibus suis à Christianis; ad quam rem expediebat, ut Sacerdotes appellarentur *Clerus*. Decimæ itaque quæ Levitis jure Divino debebantur in regno Dei, requiruntur & sumuntur jam diu ab Ecclesiasticis, non jure *Civili*, sed *Divino*; & populus ubique per Ecclesiam Romanam pensiones publicas duplas solvunt, alteras Civitati suæ, alteras Clero Romano.

Ab eodem errore, quod Ecclesia præfens est Regnum Dei, introducta est distinctio inter Leges *Civiles* & *Canonicas*: sunt autem Leges Civiles Acta Imperantium in Dominiis propriis; & Leges Canonice acta Pontificis in Dominiis iisdem; sed hæc ante Imperii translationem in *Carolus Magnum*, Leges non erant, quanquam postea, precedentibus indies Tenebris, Imperatores ipsi eas pro Legibus (metu majoris mali à cæcitate populi) admittere coacti sint.

Hinc etiam est, quod in pluribus Dominiis, ubi Papæ potestas Ecclesiastica integra recipitur, Iudæi, & Turci suo modo Deum colere (quatenus contra Potestatem Civilem non offendunt) permittantur, Christiani autem, Civitatum aliarum Cives, Romæ nisi Romano modo, Deum colere non permittantur. Quare autem? Quia Papa Christianos omnes sibi subditos esse postulat. Quod tamen iniquum est. Nam si Christiano duriores se præbeat Princeps Christianus, quam Infideli, iniquè facit: pro *Christo* enim sunt, qui non sunt contra *Christum*.

Præterea, hinc est, quod in omni Civitate Christiana Potestatem Papæ Ecclesiasticam admittente, sint homines quidam à Tributis & Tribunalibus Potestatis Civilis exempti; ut Ecclesiastici omnes, & Monachi, & Fratres, quorum numerus in multis locis ad numerum reliqui populi, aded magnam habent proportionem, ut ex illis solis, si opus esset, conscribi exercitus posset, qui Ecclesiæ Militanti sufficere valeret contra quemcunque Principem Christianum, qui Papæ adversaretur.

Scripturarum abusus alius est, eorum qui *Consecrationem* convertunt in *Conjuracionem* sive *Incantationem*. *Consecrare*, in Scripturis Sacris significat rem quamcunque Deo Offerre, Dare sive Dedicare, id est ab usu communi, piis & decoris verbis, ad cultus Divini usum, separare, id quod est sanctificare, ita ut Dei, eorumque sit quos Deus sibi fecit Ministros publicos; ut supra Capite 35 fusiùs dictum est. Consecratione autem illa, non rei consecratæ natura, sed solus usus mutatur, nempe, ut qui prophanus & communis erat, jam Sanctus sit, & cultui Divino proprius. Sed quando naturam qualitatemque ipsius rei mutatam esse dicunt, non Consecratio dicenda est, sed vel opus Dei supernaturale, vel vana & impia Incantatio. Quoniam autem mutationem huiusmodi naturæ rerum quam profitentur, quotidianam esse dicunt, pro opere Divino supernaturali haberi non potest. Restat ergò, ut alia non sit, quam *Conjuratio* sive *Incantatio*; per quam, mutationem naturæ ubi non est, credi esse volunt, contra oculorum, cæterorumque omnium Sensuum testimonium. Exempli causa,

causâ, in Consecratione Panis & Vini in Cœna Dominica, (quæ commemoratio tantum est *Christi* in Cruce ad Redemptionem nostram Passionis) quando Sacerdos verba Servatoris nostri pronuntiat, *Hoc est corpus meum, & Hic est sanguis meus*, naturam Panis & Vini abire dicit, & in ejus locum succedere *Christi* corpus verum, & verum sanguinem. Quanquam neque oculis, neque ulli sensui recipientis appareat quicquam quod non apparuerat, antequam verba illa pronuntiarentur. Incantatores Ægyptii, cum Virgas suas in Serpentes, & Aquam in Sanguinem convertissent, spectatorum Sensibus falsa rerum specie illuisse tantum existimantur, vocantur tamen in Scriptura Sacra Incantatores. Sed quo nomine appellandi fuissent, si in Virgis suis ne species quidem Serpentium; neque in aquis illis species sanguinis, ulla apparuisset, sed coram Rege impudenter asseruissent Virgas quæ Regi ut Virgæ apparuerunt Serpentes esse, & Sanguinem esse, quæ Regi Aqua videbatur? Appellandi certè erant non modo Incantatores, sed etiam impudenter Mendaces. Hòc tamen in Consecrationibus quotidianis faciunt Ecclesiæ Romanæ Sacerdotes, verba sacra in Incantamentum mutantes, quod nihil ad sensum producit novi; impudenter tamen Panem in Hominem, & quod magis est, in Deum convertere se affirmantes, & proinde adorandum esse jubentes tanquam esset Servator noster ipse Deus & Homo; quæ Idololatria est crassissima. Siquidem enim dicere sufficeret, non amplius Panem, sed Deum esse; quare similiter excusare se non potuissent Ægyptii affirmando, Porrum & Cepe quæ adorabant, Porrum & Cepe amplius non esse post Incantationem, sed Deum ipsum sub olerum illorum specie. Verba illa, *Hoc est corpus meum, & Hic est sanguis meus*, æquivalent his, *hoc significat, sive repræsentat, Corpus & Sanguinem meum*; & Figura quidem sermonis est usitatissima; quem secundum litteram interpretari Scripturæ abusus esset. Quanquam autem Interpretatio talis admitteretur, applicari tamen Pani vel Sanguini præterquam illi quem *Christus* manibus propriis consecravit nulli potest. Non enim de Pane quocunque, & de Sacerdote omni qui pronuntiaret illa verba, *Hoc est corpus meum*, Transubstantiatum iri, dixit *Christus*. Neque Ecclesiæ Romana ipsa Doctrinam talem stabilivit ante *Innocentium tertium*, id est annis abhinc circiter quingentis, quando Potestas Papalis maxima fuit, & Tenebræ profundissimæ.

Simili Incantatione usi sunt Sacerdotes Ecclesiæ Romanæ in Sacramento Baptismi, ut videre est in Rituali Romano, ubi nomine Dei; Trinitatis, & trium Personarum, & signo Crucis ad Incantamentum abutuntur. Ut primo, in aqua consecranda Sacerdos dicit,

conjuro te creatura Aquæ, in nomine Dei Patris Omnipotentis, & in nomine Iesu Christi Filii ejus unici Domini nostri, & in virtute Spiritus Sancti, ut fias Aqua conjurata, ad Potestates inimici abigendas & eradicandas, &c. Secundo in Salis cum Aqua miscendi benedictione; *Vt fias sal conjuratum, quo Phantasmata omnia, & fraudum Diaboli improbitas fugiat abeatque a loco in quo spargeris; utque Spiritus omnis immundus conjuratus sit per eum, qui veniet ad judicandum vivos & mortuos.* Tertio in benedictione Olei, ut Potestas omnis Inimici, exercitus omnis Diaboli, & Phantasmata Satane per Creaturam hanc Olei abigantur. Quarto, Baptizandum Infans, multifariam Incantatur; primo, ad Ecclesiæ portam, in faciem Infantis sufflat ter Sacerdos, dicens, *Exi ab eo Spiritus immunde, & cede Spiritui Sancto Paracleto*, quasi Infantes omnes, antequam à Sacerdote infunderentur, essent Dæmoniaci. Rursus, antequam in Ecclesiam intret, dicit, *conjuro te &c. exire, & dacedere ab hoc servo Dei.* Idem quoque Exorcismus repetitur antequam Infans baptizetur. Neque ritus alii, circa Matrimonium, extremam Unionem, Visitationem ægrotantium, Consecrationem Ecclesiarum & Cœmeteriorum sine Incantationibus peraguntur, ut in quibus Oleo & Aqua utuntur incantatis, & signo Crucis abutuntur sicut & verbis Scripturæ, *Asperges me Domine hyssopo*; Rebus enim hujusmodi efficaciam Phantasmata & Spiritus Imaginarios abigendi tribuendam esse putant aut dicunt.

In Exorcismis antedictis notandum etiam est, Spiritus immundos, id est Dæmonia, appellari Phantasmata; ex quo sequitur Spiritus immundos sive Dæmonia à Romanâ Ecclesia non habita esse pro *Entibus* (ut loquuntur) *Realibus*; & proinde Substantias non esse, sed Idola tantum, id est *Nihil*.

Error generalis alius est, à non intellectis vocabulis illis, *Vita æterna, Mors æterna, & Mors secunda*. Quanquam enim perspicue dicatur in Scriptura Sacra, Deum Adamum in eo statu posuisse, ut vivere potuisset in æternum, nempe si Mandatum Dei observasset; quæ immortalitas humanæ Naturæ Essentialis non erat, sed ab usu Arboris Vitæ dependebat; Doctrina tamen hodiè alia est, & jamdiu fuit, nimirum, unumquemque hominem *Vitam æternam* habere sua natura, ex eo, quod Animâ præditus sit immortalis; aded ut gladius ille in aditu Paradisi, quanquam impeditur Adamum, ne ex fructu Arboris Vitæ comederet, impedire illum, ne esset immortalis, non potuerit, neque facere, ut Redemptione per Christum indigeret; & proinde non modò Fideles, sed etiam Reprobi, & Ethnici Vita Æterna fruturi sint. Verùm, ut incommodum hoc excusent, per *mortem æternam* intelli-

intelligendam esse dicunt *Vitam æternam*, sed in cruciatibus, quæ est figurata loquutio, præterquam in hac occasione nunquam usurpata.

Doctrina autem hæc fundatur in quibusdam locis obscurioribus Testamenti Novi; quæ tamen loca totius Scripturæ Scopum considerantibus; in sensu diverso facile explicari possunt. Vtrovis autem modo intelligantur, quantum ad salutem Christiani hominis attinet, non multum interest. Supposito enim morientis hominis restare nihil præter cadaver ejus, nonne Deus qui hominem ex terra, verbo suo fecit vivere, eadem facilitate facere poterit ut cadaver mortuum reviviscat, & vivat in æternum, eodem verbo? *Anima* in Scripturis Sacris, semper significat aut vitam, aut creaturam viventem. Corpus autem & anima conjunctim idem significat quod corpus vivens. Creationis die quinto, dixit Deus, *producant aque reptile anime viventis. Et creavit Deus cetos maximos & omnem Animam viventem*. Item de homine, creavit eum Deus *de pulvere terre, sufflavitque in nates ipsius spiraculum vite: sic factus est homo anima vivens*. Et postquam Noah exiisset ex Arca, promisit Deus non amplius percutere *omnem animam viventem*. Et Deut. 12. 23. *Sanguis cujusque est ejus anima*. Etiam immundus habebatur Lege Mosaica qui tegerat *animam mortuam*, id est cadaver mortuum. Nihil hic neque in aliis locis Scripturarum, aliud significat Anima, præter *ipsum Animal*, aut *Vitam* ejus; Anima immortalis nusquam legitur, neque Substantia Incorporea, à corpore separata. *Spiritus autem & Vita æterna* passim leguntur. Quod animæ Fidelium, non sua natura, sed gratia Dei speciali unâ cum corporibus à Resurrectione mansuræ sunt in æternum, ex Scripturis Sacris ostensum est Cap. 38. Vbi autem legitur in Testamento Novo, esse qui conjiciat corpus & animam in Gehennam ignis, *Corpus & Anima*, idem significat quod *corpus animatum*.

Per hanc fenestram est, quod doctrina illa Tenebrosa intravit de *Cruciatibus æternis*, & de *panis Purgatorii*, & consequenter de *mortuorum Spiritibus* in locis Consecratis, Solitariis, & Tenebrosis ambulantibus; & proinde etiam de *Excisio* & *Conjuratio* Phantasmatum; item de Invocatione mortuorum; & de *Indulgentiis*, id est, de exemptione ex igne Purgatorii, ubi Substantiæ Incorporeæ illæ purgari, & celo præparari igne supponuntur. Nam ante tempus in quo versatus est in terris Servator noster, maxima pars hominum, ad quos pervenerat doctrina Dæmoniorum sive Demonologia Græca, in ea opinione erat, Animas humanas, substantias à corporibus distinctas esse & separabiles; & per consequens, mortuo homine; sive

bono

bono five malo; animam ejus per virtutem naturæ propriæ (sine recognitione ulla divinæ Gratia) debere subsistere alicubi. Itaque Doctores Ecclesiæ primitivæ aliquamdiu dubitarunt, quo loco, antequam cum corporibus in resurrectione denuo unirentur, mansuræ essent; putaruntque aliqui quod requiescerent sub Altaribus. Sed Ecclesiæ Romanæ utilius tandem visum est, mansionem illis hanc ædificare. Purgatorii.

Consideremus jam loca Scripturæ illa quibus maximè innituntur errores, illi tres proximè superiores. Argumentis enim Bellarmini, quibus probare conatus est Regnum Dei esse Ecclesiam administratam à Pontifice Romano in hoc mundo, responsum est ante; & demonstratum, Regnum Dei institutum sub *Mose*, desisse in electione Regis *Sauli*; & post illud tempus Sacerdotem Summum, Authoritate propriâ Regem Israël nullum deposuisse. Id enim quod *Athalia* fecit Sacerdos Summus, non Iure suo fecit, sed Iure Regis *Ioashi*, *Athalia* filii. Sed Rex *Solomon* Iure suo *Abjatharum* deposuit Sacerdotem Summum, & in locum ejus collocavit alium. Locus autem difficillimas eorum, quæ adducuntur ad probandum quod Regnum Dei in hoc mundo nunc existit, adducitur à *Beza*, qui Regnum Dei incepisse dicit à Resurrectione *Christi*, atque inde Potestatem Supremam Ecclesiasticam in Civitatibus Christianis, Civitatum illarum Presbyteriis asserit. Et notum est Presbyteria illa in aliquibus locis Reges suos excommunicasse; & Suprematum in Religione non minus in illis locis sibi arrogasse quam eandem Potestatem sibi attribuit universaliter Pontifex Romanus.

Verba quibus innititur sunt Marc. 8. 39: *Amen dico vobis, quia sunt quidam de hic stantibus, qui non gustabunt mortem, donec videant Regnum Dei veniens in virtute.* Quibus verbis Grammaticè acceptis, significatur, vel aliquem ex iis, qui *Christo* adstiterunt, etiam nunc vivere super terram, vel Regnum Dei esse in hoc mundo. Sed locus alius est in contrarium non minùs difficilis. Quando enim Apostoli post Resurrectionem *Christi*, cum jam in cælum ascensus esset, *Christum* interrogaverunt Act. 1. 6, dicentes: *Domine, si in tempore hoc restitues Regnum Israël?* Respondit illis Servator noster: *Non est vestrum vosse tempora vel momenta, quæ Pater posuit in sua Potestate: sed accipietis virtutem supervenientis Spiritus Sancti in vos, & eritis mihi testes in Jerusalem, & in omni Iudæa, & Samaria, & usque ad ultimum terræ.* id est, Regnum meum nondum venit, nec præcietis vos quando veniet; venit enim sicut fur nocturnus; sed superveniet vobis Spiritus Sancti virtus, per quam prædicatione vestra Testimonium dicetis de Resurrectione

rectione mea, & de operibus meis, & de doctrina quam docui; ut credant in me homines, & vitam æternam expectent, cum rediero. Quomodo hæc cum adventu Regni Christi in Christi Resurrectione congruunt non video, neque cum eo, quod dicit S. Paulus 1 Thess. 1, vers. 9, 10: *Conversi estis ad Deum à simulacris, servite Deo vivo, & vero, & expectare Filium ejus de cælis; ubi expectare Christum de Cælis, idem est quod expectare adventum ejus in Majestate regnaturi; quod necessarium, si Regnum ejus jam ante aderat, non fuisset. Rursus, si Regnum Dei incepisset in Resurrectione Christi, quam causam habent Christiani precandi hodie (ut faciunt) adveniat Regnum suum? Manifestum ergo est, verba illa Sancti Pauli aliquem alium habere sensum. Sum (inquit Christus) de astantibus, qui non gustabunt mortem antequam venire viderint Regnum Dei in virtute. Nam si Regnum Dei venturum erat in Resurrectione Christi, cur dixit, eorum aliqui, potius quam omnes id videbunt? Vixerunt enim post Christi Resurrectionem omnes.*

Sed ad explicationem hujus loci non parum conferunt verba Servatoris nostri de Sancto Iohanne ad Sanctum Petrum Iohan. 21. 22: *Si enim volo manere donec veniam, quid ad te? Exiis ergo sermo iste inter fratres, quia Discipulus ille non moritur.* Sermo autem ille à nemine confirmatus, neque refutatus, sed relictus est, ut qui non intelligeretur. Verumtamen si sensum illius loci conicere liceat ex eo, quod immediatè sequitur locum similem Sancti Lucæ, verisimile est, verba illa dicta esse de Christi Transfiguratione, quæ describitur in versibus immediatè sequentibus Luc. 9. 29: *Factum est autem post hæc verba fere dies octo, & assumpsit Petrum, Iacobum, & Iohannem, & ascendit in montem ut oraret. Et facta est, dum oraret, species vultus ejus altera: & vestitus ejus albus, & resurgens. Et ecce duo viri loquebantur cum illo. Erant autem Moyses & Elias, Visi in Majestate. Viderunt ergo Christum in gloria & Majestate, quemadmodum venturus est. Eadem historia etiam à S. Matthæo recitatur cap. 17, vers. 1, *Et post dies sex assumpsit Iesus Petrum, & Iacobum, & Iohannem, &c. ubi Apostoli illi dicuntur timuisse valde. Atque hoc modo completum est, nempe per modum visionis, quod Christus promiserat. Fuisse enim visionem, inferri potest ex eo quod dicit Lucas cap. 9. 28, nempe, Petrum & qui cum eo erant gravatos esse somno; & ex Matth. 17. 9, ubi præcepit eis Iesus, dicens: Nemini dixeritis Visionem. Quicunque autem loci à Beza recitati sensus sit; argumentum inde certum sumi non potest, ad probandum, quodd Regnum Dei ante diem Iudicii incepturum sit.**

Sunt etiam textus quidam alii, quos citant Pontificii pro Supre-

matu Papæ; ut, quod duo gladii quos habuerunt Apostoli, significant gladium Spiritualem & gladium Temporalem, quos ambos Petro dedisse *Christum* dicunt; &, quod duorum Luminarium majus Papam, minus Regem significat; quibus respondere operæ pretium non est. Potuerunt ex primo versu Biblii Sacri æquè inferre, quod per cœlum Papa, per terram Rex intelligendus sit. Non est enim hoc ratiocinari ex Scripturis Sacris, sed lascivire, & in Principes insultare, sicut facere cœperunt tunc, quando Pontifices Romani magnitudinis suæ, ut putabant, in perpetuum certi, Christianos Reges contemptui habuerunt, & in colla Imperatorum insultantes, illos & Scripturas ipsas irridere ausi sunt verbis Psalmi 91, *Super Aspidem & Basiliscum ambulabis, & concalcabis Leonem & Draconem.*

Quod ad Consecrandi ritus attinet, etsi magna ex parte, non à Scripturis, sed à Rectorum Ecclesiæ Iudicio dependeat; debent tamen Rectores illi tales ritus ordinare, quales Actionis ipsius natura postulat; nempe ut Ceremoniæ, Verba, Gestus, non modo sint decentes, sed etiam significantes, vel saltem Consecrationi conformes. Quando *Mosis* Tabernaculum, Altare, & utensilia illis pertinentia (Exod. 40.) consecravit, oleo quod Deus in hunc usum fieri iusserat, illa unxit; & sancta facta sunt: nihil consecrationi huic, ad fuganda Phantasmata conjuratum erat. Idem *Mosis* (qui summam in Israël habebat Potestatem) fratrem suum *Aaronem* (Sacerdotem summum & Filios ejus) Consecrans, lavit illos Aqua (non aqua conjurata) illosque amicivit, & Oleo unxit; & consecrati sunt ad ministrandum coram Domino ut Sacerdotes; quæ decora & simplex erat mundatio, & ornatio, antequam eos Domino præsentaret. Quando Rex *Solomon* (qui summam in Israël habebat Potestatem) Templum consecrabat (1 Reg. 8.) consistebat coram toto cœtu Israël; cui cum benedixisset, Deo gratias reddidit, quod in animum patris sui, ut Templum illud ædificaret, posuisset, quodque sibi ut perficeret, dedisset; deinde à Deo precabatur, primo, ut domum illam, quam Magnitudini Dei infinitæ incongruam, acceptaret; & orationes Servorum suorum, qui in ea, vel (si absentes essent) conversi versus eam, precarentur, exaudiret; postremo Sacrificium obtulit; & Domus dedicata est. Nulla hic erat Pompa; Rex ubi ante erat, ibi constitit, nulla aqua conjurata, neque *Asperges me*, neque alia verborum alio sensu dictorum inepta applicatio; sed sermo decens & rationalis, rei quam agebat consentaneus. Quod *S. Iohannes* Aquam Jordanis, aut *Philippus* Aquam fluminis in quo Eunuchum baptizavit, conjuravit, nusquam legimus. Neque quod Pastor quicumque tem-

pore Apostolorum, salivam suam naribus personæ baptizandæ, apposuit dicens, *In odorem suavitatis*; ubi neque Ceremonia illa Salivæ, propter immunditiam, neque applicatio verborum Sacrorum, propter levitatem, Autoritate ulla defendi potest.

Ad probandum, quod Animæ à Corporibus separatæ vivant in æternum, non solum Animæ Electorum, gratia speciali, sed etiam reproborum proprietate essentia humanæ adhærente, sunt Textus quidam, qui primo intuitu sufficere videri possunt.

Vt primò, verba Solomonis, Eccles. 12. 7, *Spiritus redit ad Deum, qui dedit illum*. Quæ verba interpretationem hanc pati possunt, nempe scire neminem, sed Deum solum, Spiritus hominis unde venit, & quo fertur; Neque credendum est animas Reproborum redire ad Deum, qui illas dedit. Etiam idem Solomon eodem libro cap. 3, vs. 20, 21, *Idcirco unus interitus est Hominis & Bestiæ, & æqua utriusque conditio: sicut moritur homo, & ille moriuntur; quis novit si Spiritus filiorum Adam ascendant sursum, & si Spiritus jumentorum descendant deorsum?* Locus alius est Genes. 5. 24, ubi de Enocho dicitur, *ambulavit cum Deo, & non apparuit; quia tulit eum Deus*. Et Hebr. 11. 5, *Fide Enochus translatus est, ne videret mortem, & non inveniebatur, quia transtulit illum Deus*. Qui locus immortalitatem Corporis non minus probat quam animæ, & probat quoque translationem talem peculiariter esse placentibus Deo, dependentemque non à Natura, sed à Gratia. Sed contrà, quid respondebimus verbis Solomonis, Eccles. 3. vs. 19, *Dixi in corde meo de filiis hominum, ut probaret eos Deus & ostenderet similes esse bestiis*. Idcirco unus interitus est hominis & jumentorum, &c. Similiter spirant omnia, & nihil habet homo jumento amplius, &c. Quibus verbis immortalitas animæ per Naturam negatur, per Gratiâ non negatur. *Laudavi magis mortuos, quam viventes: & feliciorem utroque judicavi, qui necdum natus est, nec vidit mala, quæ sub sole sunt*. Sermo hic, si felicior sit, qui non est natus, quam qui æternâ felicitate fruitur, durus esset. Rursus cap. 9. 5, *Viventes sciunt se esse mortuos, mortui vero nihil noverunt amplius, nec habent ultra mercedem*. Id quod de hominibus mortuis, ante resurrectionem corporum suorum, manifestum est; verum si intelligatur de immortalitate Electorum post Diem Iudicii, verum non est.

Locus alius, qui videtur facere pro Immortalitate Animæ naturali, ille est, ubi Servator noster Abrahamum, Isaacum, & Iacobum vivere affirmat. Ad quod respondeo; vivere quidem, non tamen actu, sed quatenus promissione Dei, vitæ æternæ & resurgendi certi sunt; id est scripti sunt in libro Vitæ, vivuntque eo sensu, quo Adamus eo die

mortuus est, quo de fructu vetito gustavit. A quibusdam etiam pro Immortalitate animæ adducitur, id quod in Novo Testamento narratur de Divite & Lazaro, sed narratio illa, quia parabola est, nihil probat. Præterea addo, quod neque in Scriptura Sacra, neque in Liturgia nostra vox illa *Anima Immortalis* omnino invenitur.

Sunt autem Testamenti Novi loca quædam alia, quæ videntur Immortalitatem attribuere etiam Reprobis. Manifestè enim dicitur, quod resurgent ad Iudicium ultimum, atque inde ibunt in *Ignem æternum*, cruciatus æternos, poenas æternas, quodque in illis *Vermis Conscientiæ nunquam morietur*; quæ omnia intelligi volunt plurimi, per *æternam mortem*. Mihi vero nimis durum videtur de Deo dicere (qui Pater est misericordiarum, qui facit in coelo & in terra quicquid vult, in cujus manibus sunt corda hominum omnium, qui in hominibus operatur tum facere, tum velle, & sine cujus gratia libera nemo habet neque inclinationem ad Bonum, neque resipiscentiam à malo) quod peccata hominum cruciatibus extremis, majoribus quam quicquam imaginari potest, & sine fine temporis punire velit. Videamus ergo, per ignem æternum quid aliud significari possit. Quamquam enim legimus resurrecturos esse Fideles cum corporibus spiritualibus, & gloriosis, & victuros in æternum, nec comedentes, neque bibentes, & sine Matrimonio; non tamen idem legimus de reprobis, sed legimus quod morientur iterum & morte secunda, quæ æterna erit; cui mortis secundæ, id quod dicitur de igne & cruciatibus æternis, & de Verme Conscientiæ non contradicit. Itaque æternum, in illis locis idem videtur significare, quod *usque ad finem sæculi*. Seculum autem Latinis idem non est, quod Græcis αἰών. Neque seculum putabant Iudæi spatium, ut Romani *centum annorum*, quod est hominis ævum in quo nemo sit qui vixerat in seculo antecedente; sed ævum æstimabant ætatem mundi, nimirum ut esset ævum unum à Creatione ad Diluvium, alterum à Diluvio usque ad Conflagrationem mundi, in adventu Messię; tertium ab adventu Messię in æternum, ita ut ævum hoc tertium dicendum sit *Ævum Ævorum* αἰών αἰώνων. Et sic reprobi, usque ad finem hujus ævi, id est, hujus mundi puniri possunt usque ad mortem secundam, quæ poena propter eam causam αἰώνιου dici potest. Nam S. Paulus de Resurrectione loquens 1 Cor. 15, intelligit solam Resurrectionem ad vitam æternam, non ad æternam poenam. Corpus, inquit, *seminatur in corruptione, surget in incorruptione; Seminatur in ignobilitate, surget in gloria; Seminatur in infirmitate, surget in virtute; Seminatur corpus animale, surget corpus spirituale*. Nihil horum de reprobis dici potest. Simi-

Similiter cum de resurrectione loquitur *Christus*, solam intelligit Resurrectionem ad Vitam æternam; Luc. 20. 34, 35, 36: *Filii hujus seculi nubunt, & traduntur ad nuptias: illi vero qui digni habebuntur seculo illo, & Resurrectione ex mortuis, neque nubent, neque ducent uxores, neque enim uliva mori poterunt; æquales enim Angelis sunt, & Filii sunt Dei, cum sint Filii Resurrectionis.* In quibus verbis notanda tria sunt, primum, quod tempus usque ad Resurrectionem appellat seculum unum, tempus autem post Resurrectionem appellat seculum alterum. Secundum, quod distinguit inter filios mundi hujus, & filios mundi venturi, eo quod filii mundi venturi, mori iterum non possint, innuens reprobos iterum morituros esse. Tertium, quod filios hujus mundi, dignos non dicat esse Resurrectione à mortuis, & quod filii Dei idèd æquales erunt Angelis, quia sunt filii Resurrectionis; ex quo sequitur reprobos resurrecturos omnino non esse præterquam ad mortem secundam. Filii enim Resurrectionis Filii Dei soli sunt.

Doctrinæ huic de Animarum separatarum Æternitate naturali, superfruitur, ut ante dictum est, Doctrina Purgatorii. Supposito enim, quod vita æterna Fidelium solorum sit, & per gratiam, sequitur Immortalitatem nullam esse posse ante Resurrectionem. Loca Scripturæ Canonice quæ citat pro Purgatorio Bellarminus, sunt primò, quod *David* pro *Saulo* & *Jonathano* jejunaret 2 Reg. 1. 12. & rursus 2 Reg. 3. 35, quod jejunaret propter mortem *Abneri*. Iejunium hoc *Davidis* pro fine habuisse dicit, bonum aliquod illis post mortem eorum à Deo impetrandum. Cur autem? Quia cum pro suo ipsius Filio ægrotante jejunaret, postquam intellexit mortuum illum esse, cibum sumpsit. Deinde arguit sic, Quoniam Anima existit separata à corpore, neque per Iejunium impetrari quicquam potest animabus quæ jam sunt in Cælo, vel in Inferno; sequitur quasdam esse animas quæ neque in Cælo sunt, neque in Inferno: & proinde debere eas esse in tertio aliquo loco, id est in Purgatorio. Sed negandum est, quod assumit *Davidem* idèd jejunasse, ut aliquid *Saulo* & *Jonathano* impetraret. Manifestum enim est, Ceremonias usitatas Plangendi & jejunandi in morte quidem eorum, quorum vita plangentibus damnosa aut inutilis, honoris tantum causa adhiberi, in morte autem amicorum & necessariorum Luctum esse non Litaniam. Itaque *David*, *Saulum* & *Jonathanum* jejuniis suis honoravit: in morbo autem propitii filii jejuniis & precibus conatus est impetrare à Deo ut convalesceret. Quod cum impetrare non potuit, jejunare desist.

In cæteris locis quæ citat Testamenti veteris, ac color quidem

probationis ullus est. Vbiunque dicitur *Ignis, Furor, Vltio, Purgatio, Mandatio*, si modo Patrum aliquis verba illa ad Doctrinam Purgatorii in Concione applicavit, utuntur illis Pontificii, ut totidem argumentis pro Purgatorio. Quod dicit *David* Psal. 37. 1, *Domine ne in furore tuo arguas me, neque in ira tua corripas me.* Quid hoc ad Purgatorium, nili Augustinus *Furorem* comparasset prædicans, *Igni Gehennæ*; & *Iram* *Igni Purgatorii*? Et quid ad Purgatorium attinet quod dicitur Psal. 64. 12, *Transivimus per ignem & aquam: & eduxisti nos in refrigerium?* Textibus huiusmodi utuntur Doctores non Logicæ in Sermonibus, & Expositionibus, sed Rhetoricæ.

Citat etiam loca aliqua Testamenti Novi explicatu difficiliora, ut Matth. 12. 32: *Quicumque dixerit verbum contra Filium hominis, remittetur ei: qui autem dixerit contra Spiritum Sanctum, non remittetur ei, neque in hoc seculo, neque in futuro.* Vnde infert Bellarminus Purgatorium esse seculum futurum. Seculum autem futurum illud est quod inepturum est à die Iudicii. Tunc autem Purgatorium nullum fore consentiunt omnes. Quid ergo significant verba illa Servatoris nostri? Nescio quidem; scio autem quod non significant Purgatorium. Manifestum est Spiritum Sanctum, tertiam Personam Trinitatis, missum esse Paracletum, eo fine, ut Ecclesiæ usque ad finem mundi assisteret; & proinde blasphemare in Spiritum Sanctum non improprie dici posse blasphemare in Ecclesiam. Videtur ergo hoc loco Servator noster suam ipsius in peccatis condonandis lenitatem & facilitatem comparare cum severitate Pastorum Ecclesiæ erga illos qui Authoritatem eorum Spiritualem parvi facerent: tanquam dixisset, Vos qui Potestatem meam aspernamini, vos qui me crucifixistis, quoties vos poenitebit, & ad me per Resipiscentiam convertemini, misericordiam meam sentietis: quod si verò Potestatem eorum qui vos posthac docebunt, in virtute Spiritus Sancti negaveritis, erunt illi inexorabiles, neque in hoc mundo vobis ignoscent, sed sine Absolutione puniendos relinquent (quantum in illis est) in seculo futuro. Atque ita verba illa Servatoris nostri pro Prædicatione sive Prophetia sumi possunt Severitatis hominum Ecclesiasticorum in regno Pontificii Romani. Citat præterea verba S. Pauli (1 Cor. 15. 29.) *Alioqui quid faciem, qui baptizantur pro mortuis, si omnino mortui non resurgent? Ut quid baptizantur etiam pro illis?* Sed nihil dicitur de Purgatorio. Inferri quidem hinc potest, fuisse tempore S. Pauli consuetudinem baptizandi pro mortuis homines Fideles pro seipsis ante baptizatos; sicut hodie Fideles quasi Fidejussores in Baptismo se faciunt pro Fide futura Infantum, qui nondum Fidei sunt capaces. Sic enim Fideles
tunc

tunc pro mortuis baptizati in se susceperunt, quod in Resurrectione *Christum* sequerentur. Sed nihil inde inferri potest ad probandum Purgatorium, neque ad probandum quod Animabus à corporibus separatis, aut animæ Lazari per quatuor illos dies quibus mortuus erat locus aliquis debeatur. Deus enim qui vitam pulvisculo dare potuit, etiam mortuo potest reddere.

Locus alter est 1 Cor. 3, ubi dicitur de iis qui super fundamentum ligna, fœnum, stipulam, superædificant, quod opus eorum peribit, ipsi tamen salvabuntur, sed quasi per ignem. Ignem hunc, Ignem Purgatorii esse vult Bellarminus. Sed responsum ante est, verba hæc alludere ad verba Zachariæ 13. 9, *Ducam tertiam partem per Ignem, & uram eos sicut uritur argentum, & probabo eos sicut probatur aurum, & dicta esse de adventu Christi in Potestate & Gloria, id est de die Iudicii, & præsentis mundi conflagratione.*

Ex loco citato 1 Cor. 15 de Baptismo pro mortuis, infert etiam Orationem pro mortuis non inutilem esse, & inde rursus esse infert ignem aliquem Purgatorii. Sed neutrum recte. De multis enim vocis *Baptismi* significationibus, illam inprimis comprobatur, ubi sumitur pro Pœnitentia; & sic Baptizari homines quando Jejunant, Orant, & faciunt Eleemosynam. Sed significatio illa Baptismi neque in Scriptura usquam apparet, neque in usu communi cujuscunque linguæ. Vox Baptismus usurpata est (Marc. 10. 38. & Luc. 12. vs. 50.) pro immersione in sanguinem, ut *Christus* in cruce Baptizatus est, & Apostoli ejus Martyres. Sed Oratio, Jejunium, & Eleemosyna, quid commune habent cum Immersione. Quod *Iohannes Baptista* dicit Matth. 3. 11 de Christo, *Ipse vos baptizabit in Spiritu Sancto & Igne*, non ad Purgatorium pertinet, sed ad ea qui dicuntur Act. 2. vs. 3: *Et apparuerunt illis dispersa lingua tamquam ignis.* Nimirum quod prophetavit *Iohannes Baptista* Matth. 3. 11, completum erat Act. 2. 3.

Baptismi pro mortuis interpretationem aliam adfert, nempe, eandem quam ego supra adduxi, ut verisimillimam: & concludit inde Precationis pro mortuis utilitatem. Si enim in Regnum *Christi* recipi post Resurrectionem possent illi, qui nomen *Christi* non audierunt, aut in eum non crediderunt; inutile non esset, ut eorum amici pro illis precarentur. Atqui concessio fieri posse, ut ad preces Fidelium, aliquos eorum convertat Deus, quibus Evangelium inauditum fuerat, quique proinde *Christum* rejicere non potuerunt; quodque charitas Orantium pro illis reprehendi non possit; nihil tamen facit hoc pro Purgatorio. Aliud enim est resurgere à morte ad vitam, aliud

aliud resurgere à Purgatorio ad vitam. Est enim hoc resurgere à vita ad vitam, nempe à vita misera ad vitam foelicem.

Locus quartus est Matth. 5. 25, *Esto consensuens adversario tuo cito, dum es in via cum eo: ne forte tradat te adversarius Iudici, & Iudex tradat te Ministro: & in carcerem mittaris. Amen dico tibi, non exies inde, donec reddas novissimum quadrantem.* In qua Allegoria, qui proximum læsit, est Peccator; Iudex idemque Adversarius, est Deus; Via est Vita præsens; Carcer est Sepulchrum, unde ad vitam æternam non resurget Peccator, sed ad secundam mortem, nisi prius reddiderit ultimum quadrantem, vel pro eo Passione sua reddiderit Christus. Itaque verba hæc ad Purgatorium nihil pertinent.

Locus quintus est Matth. 5. 22, *Ego autem dico vobis: quia omnis qui irascitur fratri suo, reus erit Iudicio. Qui autem dixerit fratri suo, Raca, reus erit Concilio. Qui autem dixerit fatue: reus erit Gehennæ ignis.* A quibus verbis tria esse infert genera Peccatorum, & tria genera Poenarum. Peccati genus ultimum tantum in Gehenna puniendum esse dicens; & proinde Peccatorum minorum poenas dari debere in Purgatorio. Cujus argumenti vim nullam video. Num curiæ erunt diversæ post mortem ad criminum diversas species distinguendas, sicut erant in Iudæa, Tribunal Iudicum, & Consistorium Senatorum? Nonne Iudicium omne erit Christi & Apostolorum? Itaque ad explicationem hujus loci debemus illum, non solitarie considerare, sed conjunctim cum verbis quæ antecedunt, & subsequuntur. Servator noster in hoc Capite interpretatur Legem Mosaicam; quam Iudæi tunc implere se existimabant, si solum verborum Grammaticum non transgressi erant, quanquam contra sententiam Legis fecissent, & intentionem Legislatoris. Itaque cum Præceptum Sextum violari non putarent, nisi hominem quis interfecisset, neque Septimum, nisi quando quis cum muliere non uxore sua concubivisset, Servator noster illos docet, etiam fratri irasci sine causa justa homicidium esse. Audivistis (inquit) in Lege Mosaica, *Non occides*; & quicumque occideret condemnabatur coram Iudicibus; sed ego dico vobis, fratri sine causa irasci, vel dicere ei *Raca*, vel *Fatue*, Homicidium esse, puniendumque in die Iudicii, & Sessione Christi Apostolorumque igne Gehennæ. Non ergo utitur illis verbis Christus, ad distinctionem Curiarum, aut Criminum, aut Poenarum; sed ut ostenderet damnandum esse quicumque fratrem suum lædendi consilium iniret, aut voluntatem id faciendi haberet. Neque ergo locus hic ad Purgatorium traduci potest.

Locus sextus est Luc. 16. 9, *Facite vobis amicos de Mammona iniquitatis; ut, cum defeceritis, recipiant vos in æterna Tabernacula.* Ex quo

Textu

Textu probari putat posse *Invocationem Sanctorum*. Sensus tamen Loci manifestus hic est, ut divitiarum nostrarum usu in distribuendo pauperibus, acquiramus illorum preces pro nobis dum in terra vivimus.

Septimus est Luc. 23. 42, *Memento mei Domine, cum veneris in Regnum tuum*. Ex quo sequi dicit, esse Peccatorum Remissionem, etiam post vitam hanc. Sed consequentia bona non est. Nam Servator noster peccata ejus tunc illi remisit cum loqueretur, resuscitaturus illum ad vitam æternam in die Judicii.

Locus octavus est Act. 2, 24, ubi de Christo dicit S. Petrus, quod *Deus illum suscitavit, solutis doloribus inferni, juxta quod impossibile erat teneri illum ab eo*. Ex quo loco inferri posse putat descendisse Christum in Purgatorium, ut animas in eo existentes à Cruciatibus suis solveret; cum tamen verba manifestissime significant, illum qui solutus dicitur, quique à morte vel sepulchro teneri non potuit, fuisse ipsum Christum, non animas quæ erant in Purgatorio.

C A P V T XLV.

De Demonologia, Reliquiis aliis Religionum Ethnicarum.

Quomodo ab Objectis Visibilibus, tum in Linea Directa, tum in reflexa & refracta producantur in hominibus Phantasmata, sive ipsorum Objectorum Imagines, dictum supra est cap. 1, & 2. Quod cum ignorarent Philosophi Veteres, & multo magis illorum temporum homines alii, qui neglectis scientiis, studebant tantum divitiis vel acquirendis vel fruendis, sententias eorum qui vocabantur Philosophi necessario sequebantur; non pensitantes rationes, sed verba tantum accipientes, more eorum, qui ad oscitationem aliorum oscitant & ipsi. Philosophorum autem alii Phantasmata illa, quia non permanebant, sed evanescebant, Immaterialia, Incorporea, Formas sive Materia, Colorem & Figuram sine Corpore colorato & figurato esse existimabant; & quæ Corpora Aërea induere quasi vestem possent, quoties oculis humanis videri vellent. Alii autem Corpora ea esse, & Animata, sed facta ex Aëre, aliave subtiliore Materia, quam cum videri vellent, condensabant. In hoc autem consenserunt omnes quod essent *Dæmones*; non minus ineptè quam si quos vident in Somniis homines defunctos, Animas eorum hominum esse dicant quos ante vivos viderant; vel, si Formas suas in speculo visas animas suas, vel stellas in aqua visas Stellarum animas appella-

rent. Item (quod necessario sequebatur) Phantasmata quædam ita metuerunt , quasi quæ juvandi & nocendi potentiam sine limite haberent . Potentia enim incognita pro infinita haberi solet vulgo imperito. Metus autem hic Imperitorum hominum , Rectoribus Civitatum occasionem præbuit constituendi Artem quandam *Dæmonologie*, quam dixerunt Religionem , ut ea via metum Civium regerent ad Pacem publicam. *Dæmonia* itaque distinxerunt in bona & mala , ut illis ad legum observationem stimulantur cives , his ab earum violatione retinerentur.

Dæmones autem , quæ res essent , satis constat tum ex Theogonia *Hesiodi*, tum ex aliis Græcorum Poëtis antiquissimis , tum etiam ex Historiis.

Scripta autem sua simul cum Lingua Græca per Victorias , & Colonias suas communicarunt Græci Asiæ , Ægypti , & Italiæ populis ; atque inde *Dæmonologiam*, sive (ut loquitur S. Paulus) *Doctrinam de Dæmoniis*, Iudæorum non pauci, tum qui in ipsa Iudæa, tum qui Alexandriæ aliisque in locis ubi dispersi erant , imbiberunt. Nomen tamen *Dæmonis* non (ut Græci) Spiritibus omnibus bonis & malis promiscue tribuerunt, sed malis tantum ; *Dæmonem* bonum , Spiritum Dei appellantes , & eos qui Spiritum bonum habebant Prophetas nominaverunt. Bonum denique singulare & excellens omne pro Spiritu Dei , & malum omne egregium , *Dæmonium* & *Cacodæmonem* vocaverunt. *Dæmoniacos* ergo dixerunt illos, quos nos Furiosos, insanos, Lunaticos, vel Epilepticos ; atque etiam illos, quia ea loquebantur, quæ intelligi non poterant. Etiam hominem immundum habere dicebant, Spiritum immundum , & hominem mutum habere in se *Dæmonium* mutum. Itaque de Iohanne Baptista quia singulari modo jejunabat, dixerunt, quod habebat *Dæmonium* ; & de Servatore nostro, quia dixit, *qui mea dicta custodiet, non videbit mortem in æternum* ; dixerunt, *nunc scimus te Dæmonium habere*. *Abrahamus mortuus est & tu dicis, si quis Sermonem meum servaverit, non gustabit mortem in æternum*. Rursus cum dixisset (Ioh. 7. 20.) *Quod studerent illum interimere, respondit turba, dicens: Dæmonium habes, quis te studet interimere?* Manifestum hinc est, Iudæos in eadem, eo tempore, opinione fuisse cum Græcis, nempe Phantasmata non esse Idola cerebri, sed res per se existentes, nec dependere ab Imaginatione.

Doctrina hæc (objicient aliqui) si vera non sit, quare contrariam non docuit *Christus* ? Imo quare ipse formis loquendi hujusmodi utitur, quæ doctrinam illam videntur confirmare ? Ad quod respondeo, primo ubi *Christus* dicit *Spiritum non habere carnem & ossa*, etsi Spiritus esse

esse affirmet, illos tamen Corporeos esse non negat. Item ubi S. Paulus dicit de Electis, quod *resurgem Corpora Spiritualia*, naturam Spirituum agnoscit, sed Corpoream. Aër enim aliæque res multæ et si non sint neque caro neque ossa, neque res ulla crassa oculis discernenda, corpora tamen sunt. Cæterum cum Servator noster *Demonio* imperat ex homine exire, si per *Dæmonium* intelligendus sit morbus aliquis, ut Phrenesis, & Epilepsis, vel Spiritus Corporeus, nonne sermo ille improprius est? Morbine audiunt? Aut potest esse in carne vel repleto jam ante Spiritibus vitalibus & animalibus, Spiritus alius Corporeus? Nonne ergo Spiritus quidam sunt, qui neque Corpora sunt, neque Phantasmata? Respondeo, sermonem Servatoris nostri Phrenesin vel Morbum alium alloquentis, non magis improprium fuisse, quam fuit ejusdem sermo Febrem, vel Ventum, vel Mare increpantis; neque enim audiunt hæc. Neque magis improprius, quam sermo Dei cum fieri jussit Lumen Firmamentum, Solem, & Stellas; audire enim antequam essent non potuere. Sed sermo ille mundum in principio condentis, ideo improprius non erat, quia significabat potentiam divini Verbi. Neque igitur Phrenesi & Morbis, Vento, & Mari imperare, sermo improprius erat, quippe qui *Christi* ostendebat Divinitatem.

De Servatore nostro dicitur (Matth. 4. 1.) quod *ductus est à Spiritu in Desertum*, ut tentaretur à Diabolo; (Luc. 4. 1.) quod *Iesus plenus Spiritu Sancto ductus est in Spiritu in Desertum*, ubi Spiritus intelligitur Sanctus. Nulla hic à Spiritu intelligitur Obsessio, neque Possessio. Neque ex eo, quod dicitur *Diabolus posuisse illum super montem excelsum*, & ostendisse illi omnia regna mundi, & gloriam eorum, inferri potest Diabolus coëgisse *Christum*, & vi circumduxisse quo libuit, aut montem quempiam ad eum altum fuisse, ut inde conspici omnia mundi regna possent. Quid ergo significant loca hæc aliud quam Visionem? Sic Paulus raptus est in tertium cælum, ubi vidit mirabilia; raptus, inquam, non in Corpore, sed in Spiritu.

Rursus quod dicit S. Lucas de Iuda Iscariota, quod *intravit illum Satanas*. Et extens colloquium habuit cum summis Sacerdotibus, & Ducibus de tradendo Christo; intelligi potest sic intrasse in Iudam consilium illud hostile & perfidum de Deo & Domino suo prodendo & vendendo hostibus. Sicut enim per Spiritum Sanctum in Scripturis Sacris, intelliguntur Gratia & virtutes à Spiritu Sancto impertitæ: ita etiam per ingressum Satanae in hominem, intelligi possunt cogitationes impiæ, & consilia scelerata inimicorum *Christi*. Nam quod Diabolus in Iudam intrasset antequam consilium illud, de vendendo

Christo inierat, dictu durum est. Per Satanam ergo illo loco intelligi videtur ipsius Iudæ consilium illud Diabolicum.

Postremo, si Spiritus aliquis esset Incorporeus, sive Immaterialis, dubitandum non est, quin vox illa *Incorporeum* vel *Immateriale* alicubi vel in Novo, vel in Veteri Testamento inveniretur. Sed non invenitur.

Verum si Spiritus Immaterialis nullus sit, quæstio alia oriatur, cur neque Servator noster neque Apostoli ejus id docuerunt verbis manifestis ne dubitari amplius posset? Respondeo, quæstiones hujusmodi Christiano homine indignas esse, nec ad Salutem necessarias. Eodem jure quæri etiam potest, quare *Christus* qui Fidem, Pietatem & Virtutes omnes omnibus dare potuit, nec tamen dedit: & quare Scientias omnes naturales non omnibus concessit, sed illas ab industria hominum reliquit comparandas; multæ etiam aliæ hujusmodi quæstiones excitari possent. Harum tamen ratio & pia & probabilis reddi potest.

Nam sicut Deus cum Israelitas in terram Promissam induxisset, gentes tamen vicinas non illis superavit omnes, quo terram illam securi possiderent, sed nonnullas earum reliquit quasi spinas in latribus eorum, ut ad Pietatem & Industriam populum suum excitarent: ita Servator noster conducturus electos suos ad regnum Dei, difficultates naturalium quæstionum, non omnes sustulit, sed Rationis Industrie humanæ exercendæ causâ, plurimas reliquit. Hunc enim habuit scopum unicum Servator noster, ut viam ad Salutem æternam, rectam & planam hominibus demonstraret, nempe ut crederent, ipsum esse Christum; Filium Dei viventis missum, ut se pro peccatis nostris Sacrificium faceret; ut in adventu secundo in Majestate regnaret; & electos suos ab Inimico servaret in æternum. Ad quem finem disputatione de Spirituum Corporeitate nihil attinebat. Si à Scripturis rationem postulemus quæstionum omnium, quæ Christianum, ne mandata Dei exequatur, impedire possunt, conqueri etiam de Mose possumus, quod, cum creationem Cæli, Terræ, Hominum & rerum cæterarum, explicasset, de creatione Spirituum ne verbum quidem locutus sit. Invenimus in Scripturis Angelos quidem esse, & Spiritus, tum bonos, tum malos, sed non Incorporeos; & esse apparitiones, Somnia, Spectra, Idola, sed non esse ea substantias.

Doctrina tamen contraria, nempe Spiritus aliquos esse Incorporeos in Ecclesia ita diu prævaluit ut Doctores, Dæmoniorum ejicendorum causâ, Exorcismum sibi necessarium esse, aut existimaverint, aut finxerint. Quod in Ecclesia quidem Primitiva multi essent Dæmoniaci, pauci Phrenetici aut Lunatici; hodie autem Phrenetici & Lunatici

Lunatici multi, Dæmoniâci nulli; non à Natura rerum, sed à nominum mutatione profectum est. Vnde autem fit, ut tempore Apostolorum Morbos illos, Ecclesiæ Pastores sæpe sanaverint, hodie autem minimè? Etiam qui fit, quod hodie illi, qui verè Fideles sunt, facere non possint quod Fideles fecisse dicuntur (Marc. 16. 17.) nempe, in nomine *Christi Dæmonia ejicere: linguis loqui novis: serpentes tollere: & quod lethale est sine noxa bibere: ægros manuum impositione sanare?* De quæstione hac difficillimâ, nihil habeo certî quod respondeam. Sed fieri potest, dona hac Spiritualia Ecclesiæ concessa fuisse tamdiu, nec diutius, quam Doctrinam Euangelicam non haberent Christiani scriptam. Postea verò (ut piè credi potest) Scripturam illam pro Lege perpetua haberi voluit Deus, neque amplius miraculis æstimandam, à quibus diligenter Electis cavendum esse, & *Christum* ipse & Apostoli ejus docuerunt, ne à falsis Christis & Prophetis deciperentur.

Inter reliquias Ethnicismi numeranda etiam est *Adoratio Imaginum*, quæ prohibita à *Mose* in Testamento veteri, & à *Christo*, & Apostolis in Testamento novo, non à Gentibus in Ecclesiam illata, sed relicta est, nimirum, in illis quî nomina sua *Christo* dederant, non penitus extincta. Antequam enim Servator noster Fidem veram prædicasset, Religionum omnium Ethnicarum Summa & quasi Religionis essentia, Cultus erat Dæmonum, id est Idolorum, sive Phantasmatum adoratio; quæ Idola Gentes quidem putaverunt esse Aliquid, Paulus autem Nihil esse docuerat. Paulus tamen Imaginem ex Auro, Argento, Lapide, vel Ligno nihil esse non putavit; sed quod in Imagine coluerunt Gentes, id affirmavit merum figmentum esse, sine loco, habitatione, motu & existentia. Illi autem qui ea adorant, id est divino honore colunt, appellantur in Scripturis *Idololatæ*, & in Deum Rebelles. Regnante enim in Judæis Deo, & locum ejus tenentibus *Mose* & Sacerdote Summo, si populo Imagines, id est Phantasmata sua colere permissum fuisset, non amplius obligatos se esse credidissent Deo suo, & Ministris ejus *Mose* Summisque Sacerdotibus obedire; atque ita unusquisque suo arbitrio vixisset in perniciem Civitatis. Prima ergo divinarum Legum erat hæc, ne Deos Gentium colerent, sed unum illum Deum verum, qui ministrante *Mose* Leges illis condidit, regulasque, quibus inter se concorditer viverent, & ab hostibus se tutari possent. Secunda autem Lex erat, ne ipsi facerent sibi *Imaginem*, quam colerent. Idem enim crimen est Rege deserto proprio, alium constituere, sive suo, sive aliorum arbitrio.

Loca Scripturæ Sacræ quæ adducuntur pro adoratione Imaginum,

num, vel pro erectione Imaginis, sive pictæ, sive sculptæ, duo sunt: unum quod Cherubini erecti fuerunt super Arcam Dei in Sancto Sanctorum. Alterum quod Serpens Æneus Dei iussu erectus erat, ut in eum aspicientes precarentur. Præterea textus quidam allegantur, ubi creaturas quasdam, propter relationem ad Deum, colere iubemur; ut Res Sacras. Sed antequam vim argumentorum talium examinem, explicandum est, quid significet vox *Cultus*, & quid *Imago* & *Idolum*.

Ostensum est cap. 20, quod *Honor*, nihil aliud est quam potentia alicujus æstimatio magna; quodque æstimatio magna per comparationem cognoscatur. Sed quia potentia nulla cum Divina comparari potest, ascribere Deo potentiam finitam, injurium est. *Cultus* autem, honor non est, sed honoris qui internus in corde est *signum externum*. Itaque Precari alicui, Iurare per aliquem, Obedire alicui, vel sedulo servire; denique verba & facta omnia quæ significant aut Metum displicendi, aut voluntatem placendi, *Cultus* est, sive verba illa & facta sincera, sive ficta sint.

Cultus quem exhibemus hominibus, ut Regibus, vel Ministris Regum, Cultus civilis est. Sed Cultus quem Deo exhibemus, qualiacunque signa fuerint, *Cultus* est *divinus*. Prostrati coram Rege, in illo qui hominem esse, non Deum putat, Cultus civilis est. Is autem qui quantulumcunque reverentia in Ecclesia signum ostendit, ob eam rem quod domum Dei illam putet; *Cultum divinum* exhibet. Qui distinctionem Cultus Divini & Civilis extra Colentis animum, in Verbis *δουλεία* & *λατρεία* inveniri putant, decipiuntur. Sunt enim Servorum duo genera; alterum eorum, qui sunt absolute in potentia Dominorum suorum, quales sunt bello capti, & illorum soboles, quorum corpora sua non sunt, sed Dominorum, quique venales sunt, ut animalia bruta. Hi vocati sunt à Græcis *δούλοι*, & Ministerium eorum *δουλεία*. Alterum eorum est, qui serviunt quidem, faciuntque eadem quod illi, sed voluntariò, & mercede tantum obligati, & vocabantur à Græcis *Θῆτες*; neque ulterius obligabantur, quam ad id quod pacti erant. Vtriusque autem generis nomen commune est *λατρεῖς*, & nomen ministerii commune *λατρεία*. In Scripturis Sacris distinctio illa, præsertim quando sermo est de servis Dei, non invenitur. Deo enim debetur ministerii genus omne.

Imago (in propria & strictissima significatione) est alicujus rei visibilis Similitudo ipsa, id est, Phantasma, Spectrum, sive Corporis species apparens, sive directè, sive per reflexionem; aut refractionem, sive post Sensum in somniis, quas substantias reales non esse, satis

latis supra ostensum est. Vocantur autem, *Idea*, & *Idola* à voce Græca *Εἶδος*, quæ significat *video*.

Constat ergo rei Infinitæ Imaginem nullam esse posse. Phantasmata enim rerum visibilibus Figurata sunt; Figura autem quantitas est, undeque determinata. Itaque Dei Imago fieri nulla potest, qui est Infinitus; neque Animæ neque Spirituum, qui sunt invisibiles.

Imago tamen esse potest rei nunquam visæ, à partibus diversarum creaturarum, quas vidimus, composita, ut Chimææ, Centauri, &c.

Imago autem (in largiore significatione) Materiam significat formatam juxta Phantasma vel Imaginem visam; vocantur autem imagines aliquando etiam rei cuius Imago dicitur, similis non sit.

Transfertur etiam vox Imago ad quamlibet rei diversæ Repræsentationem. Quo sensu Reges vocari possunt Imagines Dei; & Magistratus Imagines Regum; & *Christus* vocatur *Character* Hypostaseos Dei. Neque Idololatæ Ethnici ipsi in Idolis suis, ad similitudinem semper respexerunt, sed coluerunt non ut similia, sed ut Repræsentantia.

Idolum autem latius adhuc sumitur in Scripturis Sacris, ad significandum Solem vel Stellam, vel quamlibet aliam Creaturam visibilem, vel invisibilem, si Cultu divino coleretur.

Ostensum est, quid sit *Cultus*, & quid sit *Imago*; videamus jam, quid significet vox composita, *Idololatia* sive *Imaginum Cultus*.

Imaginem colimus, quando voluntariè ea dicimus vel facimus, quæ signa sunt Honoris interni, attributi materiæ Imaginis, quæ est Lignum, aut Lapis, aut Metallum, aliave creatura visibilis; vel ipsi Imagini ad cuius Similitudinem vel Repræsentationem Materia formata erat.

Coram homine potentia & Autoritate Civili prædito, vel ante thronum Regis, consistere detecto capite, est Hominem vel Principem illum Cultu civili colere; ut, quod non locum aut thronum honorandi sed personam hominis, signum est: neque est Idololatia. Sed si quis id faciens throno Supplicationem offerret, Cultus divinus esset, & *Idololatia*.

Precari Regem, & erogare, quod facere humanæ potentia est, etsi prostrati in terra id facimus, Cultus civilis tamen est, quia potentiam illi nullam attribuimus, præter Humanam. Quod si precemur illum, ut Pluviam aut Serenitatem nobis concedat, vel aliud quicquam eorum, quæ præstare solus Deus potest, Cultus divinus est, & *Idololatia*. Sin Rex terrore mortis, vel alterius poenæ gravis, ad huiusmodi Cultum compellat, *Idololatia* non est. Cultus enim qui cogi-

tur


tur per vim Imperii, signum non est Honorantis internè, sed metuentis mortem. Neque ergo *Idololatria* est, neque omnino Cultus. Neque vero Scandalum est; nam ab eo quod coactus fecit, inferri non potest, quod factum placuit.

Deum colere in Loco certo & definito, vel facie ad Locum aliquem, vel Imaginem Conversa, non est Locum ipsum, vel Imaginem colere, sed tantum, si Locus aut Imago consecrata sit, sanctitatem agnoscere; id quod non qualitatem aliquam in Loco, vel in Imagine novam significat, sed Relationem tantum novam ad Deum, factam per Dedicationem; & proinde *Idololatria* non est; non magis quam *Idololatria* erat, Deum colere spectantes ad Serpentem Æneum; aut quod fecerunt Iudæi, qui extra patriam constituti facies suas, quando precabantur, converterunt versùs Templum, quod erat in Ierusalem. Sed Deum colere, quasi in Loco vel Imagine habitantem, Deum Infinitum, Loco finito alligantes, *Idololatria* est: Finiti enim Dei nulli sunt præter Idola cerebri, sive Phantasmata. Etiam Deum colere in Imagine vel Loco, non ut speciali modo ibi præsentem, sed ut eo modo operum Dei memoriam conservare possint, nisi Locus ille aut Imago Autoritate publica dedicatus & consecratus sit, *Idololatria* est. Mandatum enim est, non facies tibi Imaginem sculptilem &c. Serpentem Æneum statui iussit Deus; non sibi nec suo arbitrio statuit *Moses*; itaque Præceptum secundum transgressus non est. Quod autem *Aaron*, & populus fecerunt sibi Vitulum Aureum in iussu Dei, *Idololatria* erat; non tantum quia Vitulum illum Deum esse crediderunt, sed etiam quia Religionis causa id fecerunt, nulla autoritate freti, neque à Deo Rege, neque à *Mose* Dei vicem tunc gerente.

Verum de Cultu Sanctis exhibitō Reliquiisque & Imaginibus eorum, etiam hodiè in Ecclesia Romana usitato, an Cultus ille (cum nulla in illis prætendatur repræsentatio Dei) pro *Idololatria* habendus sit; præsertim cum exempla extent in Scripturis Sacris Imaginum Dei iussu erectarum? *Idololatria* certè est. Non enim à Deo erigi illas iustum est eo fine ut eas colerent. Neque enim Cherubinos, aut Serpentem Æneum coluerunt Sacerdotes; imò contra, *Hezekias* (2 Reg. 18. 4.) Æneum Serpentem confregit obeam rem, quod à populo colebatur. Distinxit enim inter Imagines, quas fieri iussit Deus, & eas, quæ homines suo arbitratu faciunt sibi.

Ex aliis autem Scripturæ locis Doctores Romani hoc saltem licitum esse volunt, Angelos vel Deum ipsum pingere: nempe ab eo, quod Deus in horto Paradisi dicitur ambulasse; & ab eo, quod à Iacobo visus





visus sit Deus, vel saltem Angeli in scala à cœlo descendentes, & ascendentes; & à Somniis & Visionibus. Sed neque Deus Infinitus ambulat, neque Ambulatio pingitur; & Visiones & Somnia, five naturalia sint, five supernaturalia Phantasmata mera sunt. Qui autem Phantasma suum pingit, non Deum pingit, sed Idolum. Non tamen dico universaliter, peccatum esse, si quis Phantasma suum pingat, sed tunc tantum quando ut colat, pingit. Idem dico de Imaginibus Angelorum atque etiam (nisi ut monumenta tantum sint) de Imaginibus hominum defunctorum. Quando verò Sancti hominis defuncti, quem nunquam viderunt Imaginem faciunt, ideo ut præsumi potest, faciunt, ut colant, & precentur quasi audientem; & proinde potentiam plusquam humanam homini tribuunt; quæ est Idololatria. Cum igitur Cultus Imaginum, tum in Veteri, tum in Novo Testamento vetitus sit, credendum non est, introductum esse in Ecclesiam à Scripturis non rectè intellectis. Restat ergo ut in Ecclesia relictus sit, dum Imagines, quas ii habebant, qui ab Idololatria ad Fidem Christianam convertebantur, non aboluerunt.

Causa autem hujus rei Imaginum & simulacrorum pretium infanum erat. Operum enim hujusmodi Domini, etsi colere ea deserunt, retinuerunt tamen sub prætextu Honorandi *Christum*, Virginem *Mariam*, Apostolos aliosque Pastores Ecclesiæ primitivæ. Facile enim erat, mutatis tantum nominibus, facere ut quod Simulacrum antè erat *Veneris* & *Cupidinis*, postea Simulacrum esset Sanctæ Virginis, & Filii sui Servatoris nostri; & similiter ex *Iove* facile erat facere *Barnabam*; & ex *Mercurio*, *Paulum*. Itaque Pastores, (per ambitionem) populo novo Christianorum placere cupientes, paulatim & ipsi ad Cultum Imaginum *Christi* & Sanctorum perducti sunt. Fuerunt tamen post *Constantinum*: Imperatores aliqui, & Episcopi, & Concilia Generalia, qui Imagines tollere conati sunt, sed serò.

Etiā *Canonizatio Sanctorum* è reliquiis erat Ethnicismi, non à Scripturis male intellectis nata, neque Romanæ Ecclesiæ Inventum novum, sed consuetudo non minùs antiqua, quam erat ipsa Romana Civitas. Primus omnium, qui Romæ Canonizatus est, erat *Romulus*; quem *Iulius Proculus* coram Senatu juravit vidisse se, & convenisse postquam esset mortuus, affirmantem quod in cœlo habitaret, & vocaretur ibi *Quirinus*, promittentemque propitium se Civitati futurum esse; & propterea à Senatu Deus declaratus est. Post illum *Iulius Cæsar*, & alii quidam Imperatores Canonizati erant, & appellati Divi.

A Romanis Ethnicis etiam est, quod Papæ sibi sumserunt nomen

Pontificis Maximi. Non tamen nomen illud ante sumserunt, quam vim suam Imperium in Italia perdiderat; nam Pontificatus, magna Summæ Potestatis pars erat. *Augustus Cæsar*, cum Statum Romanum à Democratia in Monarchiam converteret, Titulos duos solos sibi cepit, Tribuni plebis, & *Pontificis Maximi*, quibus Imperium integrum, tum rerum Civilium, tum Religionis, continebatur; quam potestatem etiam Imperatores, qui subsequuti sunt, dum stetit Imperium, retinuerunt. Quod autem Episcopus Romanus à *Constantino Magno*, Episcopis cæteris prælatus sit, causa non erat, quod *Petro* quasi Principi Apostolorum in cathedra Romana succederet, sed quia Imperii sedes erat Vrbs Romana; ut ex eo manifestum est, quod cum urbs Constantinopolis etiam Sedes Imperii facta esset, Episcopus Constantinopolitanus, de eodem honore cum Papa contentionem habuit.

Inter Reliquias etiam Ethnicismi est *Pompa*, sive *Processio*, in qua Imagines *Christi* & Sanctorum circumferri per urbem solitæ sunt. Nam in Pompis etiam Ethnicorum videre erat in curru quem *Thensam* & *Vehiculum Deorum* appellabant, simili modo circumlata Idola sua. Quem honorem etiam *Iulius Cæsar* postquam in Divos translatus esset, & nonnulli alii Imperatores Romani obtinuerunt. Usus etiam (inter honores divinos) *Cereorum* in Ecclesiis, introductus est à simili ritu Ethnicorum. Etiam ab Ethnicorum *Aqua Lustrali* derivata est, qua utuntur in Ecclesiis *Aqua Benedicta*. Item Libertas illa Servorum, quæ permittitur diebus quibusdam ante jejunium quadragesimale, imitatio est Romæ antiquæ in *Saturnalibus*; etiam *Perambulatio* illa, per Parochiarum fines post Pascham, imitatio est festi, quod Romanis appellabatur *Ambarvalia*. Neque dubito, quin aliæ Ceremoniæ non paucae à gentium conversione primæ, in Ecclesia relictæ fuerint, quas tanquam Vrtes veteres, Doctores Romani, vel per negligentiam, vel ambitionem, Christianismi vino novo impleverunt, quo tandem aliquando dirumpuntur.

C A P V T XLVI.

De Tenebris ab inani Philosophiâ.

NOli (Lector) expectare hoc loco, contra Philosophiam aut Philosophos orationem invecivam. Quid ergo agis? Distinguo inter Philosophos, & non Philosophos, & inter Philosophiam veram, vitæ humanæ Magistram sapientissimam, humanæ naturæ decus

cus singulare, & illam, quæ jam diu pro Philosophia habita est, facatam & garrulam meretriculam. Philosophia enim (sive studium Sapientiæ) quanta est, Sapientia est, id est, *Effectuum ex conceptis eorum causis, seu Generationibus, & rursus Generationum quæ esse possunt, ex cognitis Effectibus per rectam ratiocinationem acquisita Scientia*; quam nec Scriptura prohibet, nec hominum quisquam aspernatur.

Per quam Definitionem distinguitur Philosophia primo ab Experientia, & Prudentia hominum cæterorumque animalium communi, ut quæ non Ratione, sed Memoria tantum comparatur.

Deinde distinguitur à Fide & Revelatione Supernaturali, quæ non ratione acquiruntur, sed dono dantur.

Philosophandi autem Origo prima, Sermoni cœva ferè est. Fuere enim inter primorum temporum homines rudissimos, qui Opera Dei admirati sunt. Admiratio autem ad causas quærendas earum rerum quas admirantur ingenia excitat. Sed id quod Philosophiam aluit auxitque maximè Otium erat, quam *Scholam* Græci vocant. Otium autem genuit Pax; quæ nisi in magnis Civitatibus inveniri non solet. Itaque Professores Sapientiæ primi erant Gymnosophistæ Indiæ, Magi Persiæ, & Chaldæorum & Egyptiorum sacerdotes. Græcis & populis Occidentis Philosophia nondum orta erat. Postquam autem Respublica Atheniensium victis Persis florere cœpit, tunc primum ii, qui neque domi, neque foris quicquam haberent aliud quod facerent, convenire in loca publica confabulandi gratia incepterunt, neque alii rei (ut dicit Sanctus Lucas Act. 17. 21.) *vacabant, nisi ad dicendum aut audiendum aliquid novi*. Itaque qui sibi videbantur in Philosophia profecisse, docere alios cœperunt, Plato in *Academia*, Aristoteles in *Lyceo*, alii in *Stoâ*; quæ loca, *Scholæ*; & disputationes eorum *Diatribæ* appellabantur. Ipsi autem eorum Sectatores nominibus suis distinguebantur. Nam qui Platonem sequuti sunt, *Academicî*; qui Aristotelem, *Peripatetici*; & qui Zenonem, *Stoici* vocati sunt, quæ distinctio, una cum differentiis doctrinarum, permansit usque ad tempora Servatoris nostri, & (per totam Europam & Asiam fere cognita) etiam illorum temporum Philosophos inter se distinxit.

In Iudæa quoque Scholæ erant publicæ, sed in Synagogis, ubi Leges Iudæorum publicè explicabantur, & disputabatur: ut Scholæ *Libertinorum, Cyrenæorum, Alexandrinorum, & Cilicium*.

Quid autem humano generi scholæ Græcorum profuere? Plato quidem ipse Philosophus & Geometra insignis erat; sed nulli id debuit Scholæ. Commoda, quæ à Physica & Geometria habemus hodie, *Archimedi* debemus, homini Scholæ nullius. Schola Peripatetica quæ

cæteris omnes sua loquacitate fecit conticescere; quid haber præter Dialecticæ & Rhetoricæ argutias? Cujus Phænomeni naturalis causam (non omnibus obviam) reddidit intelligibilem? Sed, etsi inutilis Scholæ, innocuæ tamen hætenus fuerunt; Philosophia (Sectis inter se usque ad pugnam dissentientibus) libera tamen hætenus erat; jurare in verba *Aristotelis* nemo cogebatur, quamquam illius dogmata latius recepta erant, quam Sectarum reliquarum.

Neque Iudæis profuere Scholæ suæ; in quibus, etsi Lex & Prophetæ assidue exponerentur, Messiam tamen, quem expectabant, agnoscere præsentem non didicerunt.

Ad Iudæos tamen, quibus pro omni Philosophia erat Testamenti Veteris Scriptura, sacra Græcorum Doctrinæ non pertigerunt.

In maximo autem honore apud Græcos erat Philosophia Græca, præsertim Aristotelica tempore Ecclesiæ primitivæ, quando ad Fidem Christianam magno numero quotidie Græci accedebant; etiam inter illos Philosophi, sed hi Fidem ita amplexi sunt, ut tamen Magistrorum suorum dogmata (semicocti Christiani) non deseruerint, sed quæ cum doctrina Christiana quocunque modo conciliare potuerunt, retinuerunt. Atque hæc Sectarum (Græcè *Hæresium*) in Ecclesia Christi origo prima fuit; dissentientibus scilicet inter se Pastoribus illis Profelytis de Natura Christi, quem Deum esse per miracula ostendebant Apostoli. Attamen quia ex Principiis Philosophiæ suæ demonstrari posse non videbatur, non crediderunt verum esse. Ita alii *Valentinum* quendam sequuti, Historiam generationis Christi totam converterunt in Allegoriam; cui se opposuit ex Orthodoxis *Irenæus*. Post hunc *Apelles*, aliique Christum verum hominem esse negaverunt, Phantasma sine corpore esse affirmantes; contra quos disputavit *Tertullianus*, eo præcipue argumento, quod *Incorporeum Nihil est*. Alii qui vocabantur *Anthropomorphitæ* Deo corpus organicum tribuerunt. Alii Christum non totum, sed Dei partem esse voluerunt. Interea in Synodis suis Episcopi Presbyterique Doctrinæ has novas examinaverunt; & quas damnaverunt, *Hæreses*; quas confirmaverunt Fidem Catholicam vocaverunt; & tunc primum inter Catholicos & Hæreticos distinctum est. Orta deinde est *Arrii* Hæresis, negantis Christum esse Deum; quæ Niceni Concilii convocandi causa erat.

Synodus autem illa non modo Arrianam, sed etiam omnes præteriti temporis à Christo nato Hæreses condemnavit, Fidem Orthodoxam Symbolo quod Nicenum dicitur, breviter complectens ex Scripturis ipsis, nulla omnino Philosophiæ Græcæ habita ratione; nempe Christum Deum verum esse, & Filium Dei genitum, ejusdem cum

Deo

Deo substantia, quam Fidem confirmarunt etiam tria sequentia Concilia generalia, additâ Sententiâ de Fide in Spiritum sanctum. Etiam Hæresin Africanorum sub *Cypriano* ortam, de Rebaptizatione eorum, qui ad Ethnicismum redierant, condemnauerunt, & Symbolo Articulum illum addiderunt *Credo unum Baptisma in remissionem peccatorum*. Atque hæc, Nicenæ Synodo ex Scripturis Sacris agnita, (Philosophiâ Ethnicâ nondum advocatâ) placuere & confirmata erant. Non enim Philosophi erant eo tempore pars Patrum major.

Sed in Niceni Symboli expositionibus) nemo enim ferè Doctorem Ecclesiæ, ab eo Concilio in quingentos annos erat, cuius Scripta extant, qui in Symbolum illud Expositionem aliquam non ediderit) non habita est de sententiâ Scripturarum tanta sollicitudo. Ubi enim in Scriptura Sacra, aut in ipso Symbolo Niceno invenitur, id quod in Symbolo dicitur Athanasii, ita *Deum & Hominem esse Unum Christum, quemadmodum Anima Rationalis & Caro est Unus homo?* Constitutio hominis ex Carne & Anima nunquam pro Mysterio habebatur; sed *Christus in Carne* Mysterium maximum est. Quod homo sit Anima sua, aut Corpus suum seorsim, nemo dicit; de *Christo* utrumque rectè dicitur quod est Homo, & quod est Deus. Ubi legitur in Scripturis hominem Christianum, nisi comparatione hac Incarnationis, cum Anima & Carne hominis contentus sit, damnandum esse? Vbi legitur in Scripturis Sacris, aut in Symbolo Niceno, tres esse *Hypostases*, id est, tres *Substantias*, id est, tres *Deos*, aut aliud quod tantundem valet? Si legatur, cur ea voce Ecclesia Latina recusavit uti? Cur excusat Græcos Augustinus, ab eo quod vocem commodiorem non habuere? Verum quidem est Vocabulum in lingua Græca nullum esse quod respondeat *Personæ* Vocabulo Latino-rum. Necesse tamen non erat, ut Vocabulo Hypostasis uterentur, cum necesse non esset ut mysterium explicaretur. Deinde, quod est in Symbolo Athanasii *Filius est ex Patre solo*, illud *solo* in Symbolo Niceno non est; & præterea dicitur (Matth. 1, 20.) quod in Virgine Maria *genitum est, ex Spiritu Sancto est*. Sed dicit fortasse aliquis generationem æternam differre à generatione illâ, quæ facta est in utero Virginis. Vbi autem Scriptura Sacra, aut Synodus, ita distinguit? Nonne Deus erat Filius ex eo, quod Virgo illum ex Spiritu Sancto, id est, ex Deo conceperat? Imò Deus ab æterno erat, etsi nondum Carnem induisset. Nam de eo quod ab æterno decreverat, cui omnia sunt præsentia; loquitur Deus sæpenumero tanquam de præsentē. *Verbum Dei*, nempe *Christus promissus*, à principio, & ab æterno erat; Verba tamen illa, quæ faciunt actum promittendi non

non erant Deus, nec Substantia, sed *Vox*. Per Filium Dei *facta sunt secula*, (Heb. 1, 2.) sed non per alium Deum ea fecit Deus. Per Verbum Dei *facta sunt omnia, quæ facta sunt*; dixit enim Deus *Fiat*, & factum est. Non tamen jubemur credere Verbum illud *Fiat* esse Substantiam divinam, & Dei Filium. Citant etiam Doctores pro generatione Filii æterni, verba Salomonis dicentis in persona sapientie Prov. 3, 12, *Leborab sapientiâ fundavit terram, statuit caelos intelligentiâ*; volentes eo loco intelligi Sapientiam Dei pro Dei Filio; si *Sapientiâ* sumatur pro ipso Sapiente Deo, argumentum procedit; sed si sumatur *Sapientiâ* quatenus distinguitur, (ut plerumque fit) à Voce concreta *Sapiens*, non potest intelligi pro Substantia; neque ergo pro Filio Dei, non magis quam Iustus Iustitia, aut Virtus Vir appellari proprie potest. Etiam inter Deum & Deitatem distinguit rectè Damascenus, dicens, Deum quidem, sed non Deitatem hominem factum esse. Hæc, & huiusmodi doctrinæ, hominum singularium Opiniones sunt, non Decreta Ecclesiæ; & proinde (etsi impiæ non sint) conscientias tamen non debent obligare.

Temporibus subsequētib; Philosophiam Aristotelicam in Scriptis suis liberius aliquantò sequuti sunt: etiam eorum nonnulli Tractatibus Logicis, & Physicis in Aristotelis Sententiam editis, Aristotelismum ambitiosè ostentarunt. Dæmonologiam autem, eandem ferè, quàm in Homero & Hesiodo legimus animis jamdiu infixam, plerique eorum tenuerunt, quibus doctrina Aristotelis de *Formis separatis* magis, quàm reliquarum sectarum Philosophia congruere videbatur.

Distracto interea Imperio Romano, & in Italia jam penitus extincto, cura Urbis Romanæ, id est Potestas Romæ regia Episcopo Romano commissa est: Papatu jam re digna visa, de qua pugnaretur. Itaque de eo pugnatum est: & quo tempore Carolus Magnus Rex Galliarum Romanorum hostes Lombardos superavit, eodem Leo tertius Schismate Romæ expulsus est. Leonem autem reduxit Carolus, & in Papatu confirmavit: & Leo Imperii Occidentalis Imperatorem fecit Carolum, quem publicè in Dei nomine corona Imperiali donavit, populo acclamante, *Dei dedit*. Regibus hinc Galliarum titulus perpetuus fuit, *Dei gratia Rex Galliarum*, & in *Reges Paparum Dominatus*. Quem Dominatum ut conservaret Ecclesiæ, senex Leo, mundanarum rerum peritus, Problema nobile excogitavit, *Regna Christianorum, Regum ipsorum armis, omnia in se transferre*; & perfecit.

Post unum enim aut alterum annum, Leo Pontifex Carolum Imperatorem

peratorem ad *Vniuersitates* per Dominia sua instituendas, ubi Literæ & Scientiæ uniuersæ docerentur, per Literas suas hortatus est. Itaque Parisiis ille *Vniuersitatem* erexit primam; & postea alias alii Reges in Dominio quisque suo, structis instructisque ad studia Collegiis, legibus ad arbitrium Pontificis Romani gubernandas. Tum demum à Magistris Lombardo, Scoto, Thoma, ex Philosophia Aristotelis & Scripturis sacris commissa, nata est Theologia, quæ dicitur Scholastica. Docebantur autem in *Vniuersitatibus* *Logica*, *Physica*, *Metaphysica*, *Ethica*, *Politica* *Aristotelis*, quasi *Vniuersitas* Scientiarum in uno esset (maximo tunc Ecclesiæ Patre) *Aristotele*. Præcipue vero ad verecundæ adolescentiæ frontem confirmandam in Disputationibus, & Declamationibus publicis Adolescentes exercebantur, quo Romanæ Ecclesiæ dogmata, & sustinere & prædicare possent. Itaque per Ecclesiasticorum ex *Vniuersitatibus* in omnes fere Christiani orbis Vrbes, Oppida, Parochias emissorum Conciones & Scripta edita, animis Christianorum omnium indelibiliter infixum est, *Regulam Inisti & Injusti aliam nullam esse præter Ecclesiæ Romanæ dictamina. Regibus ulterius obediendum non esse, quam ab Ecclesia Romana permissum foret. Reges ipsos Pontifici Romano debere tanquam Oves obedire; factumque est, quod erat faciendum.*

Locus in *Vniuersitatibus* erat etiam studio Iuris Romani antiqui, & Medicinæ; solæ Scientiæ Mathematicæ, non quod Doctrinæ Christianæ contrarium aliquid continerent, sed propter Ignorantiæ & artium inconciliabile dissidium prætermissæ sunt. Nam & antea, ut quis ab honore Episcopatus arceretur, satis causæ erat, didicisse artes Mathematicas, vel terram credere rotundam esse, aut esse terræ incolas quos Antipodas appellamus.

Quomodo autem, & à quibus Opinionibus Aristotelicis derivata est doctrina Romana, vel Theologia Scholastica quam reprehendis? Dicam: Græci & Latini & Europæi plerique, quoties affirmant aliquid, conjungunt duo nomina per verbum, eo modo significantes Nomen utrumque ejusdem rei nomen esse: ut, qui dicit *Homo est Animal*, intelligi ita vult ac si dixisset, si quem rectè *Hominem* dicimus, eundem etiam *Animal* rectè dicimus. Aliquando etiam Verbum illud *Est* nomini unico apponimus; ut quando dicit aliquis *Deus est*: tunc enim ita intelligi vult, ac si dixisset, *Deus est aliquid Reale, non segmentum animi, Hypostasis, non Phantasma*: sic enim distinguunt Græci inter *Res veras*, & *apparentes* tantum. Exempli causa, *Hominem* spectantem se in speculo *Hypostasin* vocabant, sive *Substantiam*; Imaginem autem sui in speculo visam, *Phantasma*. Verbum hoc

hoc, *Est*, priore modo acceptum, nempe quando conjungit duo Nomina, vocatur *Copula*; posteriore modo sumptum vocatur *Verbum Substantivum*. Verbo Substantivo utebantur etiam Hebræi passim, ut ubi nomen suum Deus simpliciter dicit esse *Sum*; sed ut *Copula* nunquam utebantur. Nam vice *Copulæ*, utebantur Hebræi duorum Nominum *Appositione*; ut ubi dicitur (Gen. 1, 2.) *Terra res informis*, quod nos necessariò vertimus; *Terra erat Informis* &c.

Aristoteles, qui non tam ad *res* respexit quam ad *voces*, cum intelligeret (exempli causa) sub duobus nominibus *Homo* & *Animal* quæ res comprehenderentur, non contentus eo, *Homo* diligens quæsitivulterius, quænam res concipienda erat sub *Copula Est*, vel saltem sub voce Infinitivæ *Esse*; nec dubitavit, quin nomen illud *Esse*, alicujus *Rei* nomen foret; quasi esset in Natura rerum aliquid, cujus nomen esset *Esse* vel *Essentia*. Ab hoc absurdo in aliud lapsus est adhuc pejus, nempe, *Essentias quasdam* esse ab *Entibus* suis separatas, quas Coeli Orbibus Assistentes circumagere hos affirmabat. Etiam Animam humanam, ab homine separatam & distitam, per se subsistere; quæ quidem doctrina cum Theologia Homerica fortasse congruit, sed cum Scriptura sacra non congruit. Neque enim vox illa *Essentia* in Scripturis aut Ecclesiæ Anglicanæ Liturgia, Articulis, vel Canonibus invenitur: neque vox Græca *εἶδος*, nisi pro divitiis, quas Latini etiam vocant *Rem*: neque *Essentiale*, *Essentialitas*, *Entitas*, *Emitativum*, neque quicquam quod fit ex *Copula*. Non enim lingua Hebræorum id patiebatur. *Essentia* ergo res non est neque *Creata*, neque *Increata*: sed nomen Artis causa fictum. *Entia* hujusmodi nova, notha, inania (verbis & vocibus implicitis) per copulationem Nominum solus genuit *Aristoteles*, Philosophiæ quam fraudem vanam appellat *S. Paulus*, principia prima.

Ab hac doctrina de *Essentiis* & *Formis Substantialibus separatis* Dæmonologia Græcorum in Ecclesia (ut dixi) relicta est: & Superstitio illa, quàm *δαιμονία* vocant Græci, sive metum Phantasmata. Inde Exorcismorum usus ortus est, & Signi Crucis, & Aquæ Benedictæ, quibus Excantarentur aut abigerentur: deinde nata est opinio de Substantiis Incorporeis, id est nullam habentibus omnino magnitudinem, & quod Deus ipse optimus maximus magnitudinem non haberet, quanquam neque *Substantia Incorporea*, neque *Substantia Immaterialis* in Scriptura sacra inveniatur. Item quod *Anima est tota in toto, & tota in qualibet parte corporis*. Ex eodem fonte orta est Doctrina tota de Purgatorio, & de Apparitione nocturna Animarum, & Legenda Miraculorum, & quæstiones de Animabus Reproborum, ubi,

& (cum sint impatibiles) quomodo puniuntur ; aliaque multa quæ non reperiuntur in Scriptura Sacra.

Quod Corpus idem in pluribus simul locis , & plura corpora in eodem simul loco esse dicunt , neque *Aristotelis* , neque Philosophi , neque hominis cuiusque sani est , putare. Sed dici expediebat ad sustentandam Præsentiam Realem Carnis *Christi* in omni Pane consecrato.

Quod *Volendi* causa sit *Voluntas* , id est , Potentia causa Actus , Aristotelicum est , & receptum à Scholasticis ; nimirum ut Dominio Dei in Voluntatem humanam sublato , liberum statueretur Arbitrium hominis.

Præterea , quas in Physicis rerum causas reddiderunt absurdas ; ut , quod descensionis Graviorum causa sit Gravitatis ; Gravitatis autem causam esse , quod ad centrum Terræ venire conservationis suæ causa appetant. Quod idem corpus (nihil addito neque adempto) modo majus modo minus sit ; scilicet per Condensationem & Rarefactionem. Quod anima creatur *infundendo* & infunditur *creando* ; quamquam Scriptura dicat omnia creata esse per Verbum Dei. Quod pro Causis assignant Qualitates occultas , Sympathiam , Antipathiam , Antiperistasin , *Qualitates Specificas* , item *Casum* sive *Fortunam* , id est , suam ipsorum ignorantiam ; sublata enim Ignorantia , quid est aut *Fortuna* aut *Qualitas occulta* ? Quod omnis tum Sensio , tum Intellectio fit per motum quandam specierum. Quid est Species ? Species est (ut sciunt omnes , qui Latine sciunt) Forma rei aspectu cognita , constans ex Figura & Colore ; qualis est Species faciei humanæ quam Vultum & Aspectum dicimus. Species ergo sive Vultus rerum aut introumitti dicunt in oculos , & sic videri , aut Species quasdam seu Vultus rerum emitti ad objectum , & sic videri objectum. Nondum enim inter Scholasticos consensus est , an *extramittendo* an *introumittendo* Species , fiat Visio. Etiam Audire , Olfacere , Gustare , Intelligere per Species dicunt , per Aures , Nares , & Organa Intellectus transeuntes. Quod *Æternitas* non sit Temporis sine Fine aut Principio successio , sed *Nunc stans* , id est , idem *nunc* nobis esse , quod erat *nunc* Adamo , id est , inter *nunc* & *tunc* nullam esse differentiam. Hæc (inquam) quia non miscentur (quod sciam) cum doctrina Fidei Christiana , sed Responsa sunt , tantum Physica , eo fine data , ne non videretur Sapientia omnis pendere ab ore Sacerdotis , prætercunda censui.

Quod negato Libero Arbitrio sequi dicant , Deum esse Peccati Authorem , nec debere ideo Peccatorem puniri , concedant tamen

Rerum & Actionum causam primam esse Deum, conciliationem petunt ex *Aristotele* vocante Peccatum *avoplar*, id est ipsam cum Lege Incongruitatem, Privationem meram, non Factum aut actionem quampiam. Facti ergo omnis, & Legis causam Deum esse agnoscen-tes, Incongruitatis causam esse negant; quasi quis cum duas duxisset lineas rectam & curvam, ambas se fecisse diceret, sed ab alio factam esse illarum Incongruitatem. *Aristoteles* per Incongruitatem, ipsum Factum, aut saltem Deliberatum, vel Consultum Legi incongruum intellexit. Itaque Scholastici ubi videri voluerunt subtilissimi, ibi hebetudinem indicarunt maximè. Si subtiles fuissent, differentiam inter Causam Facti & Authorem facillè inveniissent. Author facti is est, qui fieri jubet; Causa est is, per cujus vires factum est. Deus neminem jubet quicquam contra Leges facere aut conari; atqui quæ facimus, viribus à Deo datis omnia facimus. Cur autem, si Deus in causa est, condemnatur nos? Responde mihi, qui sic rogas, cur Deus ab æterno alios Elegit, alios Reprobavit, & quomodo ad pœnas æternas maximasque condemnavit eos, qui malum nondum aut fecerant aut cogitaverant, nec nisi Deo volente, & vim præbente, facere aut cogitare potuerunt. Responde etiam an Figulo de Vase quod finxit, non sit licitum statuere quicquid vult. Indica denique, ubi Scripturæ aperte dicant, omnes illos, qui à Regno Dei excludentur, victuros esse sine morte secunda cruciandos in æternum.

Accedamus jam ad Ethicam, & Politicam. Docent Scripturæ sacræ Regibus, & Potestatibus Summis eorumque Ministris, etiam Ethnicis, à subditis suis Christianis, non ob metum tantum, sed Conscientiæ causa, ut à Deo ad bonum nostrum ordinatis, obediendum esse. Unde igitur nata sunt de Religione, in Germania, Gallia, & Anglia Bella Civilia, nisi à Philosophia, Ethica & Politica *Aristotelis*, & eorum qui *Aristotelem* sequuti sunt Romanorum? Mensura Boni & Mali in omni Civitate est Lex. *Aristoteles* autem Virtutem & Vitium non Legibus definivit, sed Laude & Vituperio apud Cives; Regum omnium Imperium *Tyrannidem* vocat; in Democratia sola Libertatem esse dicit, & ipse & post illum Scriptores Romani plerique ab unius *Tarquini* Regis odio, Homini vitium in Formam Regiminis transferentes, nullo quidem argumento, sed exemplo Civibus rerum novarum cupidis ut grato, ita pernitioso. Hos Authores Græcæ & Latinæ Philosophiæ Eloquentiæque causa, juvenes cum in Univeritatibus docerentur, doctrinam eorum venenosam simul imbibierunt, & de Bono, Malo, Iusto, Injusto, Legibus,

bus, & Religione, suo quisque arbitrio statuebat. Hinc initium erat mali nostri. Nam & Prædicatorum magna pars, qui de doctrina sua egregiè sentiebant; & alii Læctione Politicæ Græcæ & Latinæ videbantur sibi magni Politici; alteri quia in Ecclesia, alteri quia in Statu, pro ambitione sua res non procedebant, Bellum civile accenderunt; in quo Bello multi Civium Myriades occisi sunt, & Rex indigna morte trucidatus.

Tanti constitit didicisse Eloquentiam Philosophiamque Græcam & Latinam; nisi autem Prædicatores populum, & Universitates nostræ Prædicatores ipsos melius doceant, forte iterum ad Trojam magnus mittetur Achilles.

C A P V T XLVII.

De Quibus quæstui fuerunt ante dictæ Tenebra.

DE Prætore quodam Romano Cassio, honorificè loquitur alicubi Marcus Cicero, quod in Criminibus cognoscendis, ubi Testimonium non erat satis plenum, Accusatorem interrogare solitus sit, Cui bono fecit Reus? id est, quod lucrum, quam Potentiam, aut quam aliam rem cupitam, inde obtinuerit aut conservaverit aut expectaverit. Sentiebat enim homo prudens Malum gratis esse neminem, sed unumquemque facere, quæ volens facit propter aliquod Bonum sibi. Nam inter Præsumpta nullum majus est, neque quod Authorem Criminis ita manifestè arguat, ut à Crimine Utilitas. Itaque Authores doctrinarum quæ Christianarum Civitatum tranquillitatem jam diu turbaverunt, eodem illo Criterio, *Cui bono*, investigabimus.

Post resurrectionem Servatoris nostri, cum jamjam ascensurus esset in coelum, rogaverunt illum Apostoli dicentes, Domine, num hoc tempore restitues regnum Israeli? Dixit autem ad illos, Non est vestrum nosse tempora, siue opportunitates quas Pater in sua ipsius Authoritate statuit. Qui Regnum Dei restitutum dicunt, tunc cum Christus à mortuis resurrexit, Cui bono doctrinam hanc doctrinæ illi adeo repugnantem, tum Ecclesia Romana, tum nonnulli alii vulgò docent? Regnum Dei institutum erat in Iudæis à Deo ipso. In eo Potestatem in Terra summam habebat post Moysen Aaron, & post Aaronem cæteri Sacerdotes summi, suo quisque tempore. Iam quoniam regnum illud à Christo restituendum erat, sequebatur, ut in restituto Rex esset Christus. Itaque Ascendente Christo in coelum sequebatur ut alicui, regni sui administrationem in terra relinqueret, vel Homini vel Cœtui. Ma-

nifestum ergo est illum, qui administrationem hanc obtineret, eandem habiturum esse quam habuerant Sacerdotes Summi *Aaron* & Successores ejus in populo Israelitico, id est, Potestatem Regiam & Summam. Atque hoc bonum illud est, propter quod doctrina illa Ecclesiæ Romanæ inventa est; bonum quo nullum in terris majus esse dicitur. Tenebrosam ergo hanc doctrinam primi infuderunt Ecclesiæ Pontifices Romani, qua docerentur Cives Christiani, quoties inter Reges & Papam oriretur controversia, neglectis suorum Regum Imperatis, Papæ obedire.

Quod iidem doceant *Papam in Articulis Fidei definiendis non posse errare*, eodem tendit.

Quod Episcopus Romanus solus Potestatem suam Iure Divino immediato exerceat, cæteri Iure ab illo derivato, eodem tendit. Eodem etiam tendit quod Clericorum, Monachorum, & Fratrum in omni loco à pœnis Legum Civilium eximantur.

Ex eadem doctrina, nimirum quod *Sacerdotes* sint eodem Iure quo *Aaron*, poscunt sibi & Levitis suis in Civitatibus Christianis Iure Divino Decimas.

Quod Matrimonium Sacramentum esse dicant, eo tendit, ut Iudices sint in quæstione de Matrimonio legitimo, & per consequens de Successione ad Regna hæreditaria.

A Confessione Auriculari Consilia Regum & Magnatum explorare possunt, & aliquando explorant.

A Canonizatione eorum hominum, quorum opera in Potestate sua augenda vel conservanda egregia usi sunt, animos imperitorum Christianorum in Reges suos usque ad necem aliquando acuant.

Per doctrinam Purgatorii & Iustificationis per Opera externa, & Indulgentiarum, Clerici, id est, Pontificis Romani subditi sumptu Regum nutriuntur:

Per Exorcismos & cæteram Dæmonologiam populos terrent.

Postremò, per doctrinas humanas, Metaphysicam, Ethicam & Politicam *Aristotelis*, per distinctiones frivolas, Sermonem obscurum, & voces barbaras, tenebras jam inductas reddunt spissiores, & ipsis Principibus quando volunt palpabiles. Palparunt autem primi Germani, deinde Angli.

Postquam enim communiter creditum esset, eandem esse Potestatem Papæ in populo Christiano, quam habuerunt *Aaron* & cæteri Sacerdotes Summi in populo Israelitico, Ambitio de Functionibus Ecclesiasticis (præcipuè de Papatu) obtinendis, & eorum qui obtinuerunt Fastus, eouque paulatim crevit, & conspicuus factus est, ut.

ut omnem ferè sui reverentiam veram & Pastorali Functione debitam perdiderint.

Nam à quo tempore Episcopus Romanus pro Episcopo Universalis habitus esset, Hierarchia Romana non ineptè comparari poterat Fabulæ, quæ in Anglia inter Mulieres vetulas, pueros, & viros ex plebe rudiores pervagabatur, de *Lemuribus*, id est, de Vmbris sive Spectris, & nocturnis eorum facinoribus.

Cogitantibus enim Dominii tanti Ecclesiastici originem, quid aliud videri potuit Papatus nisi Imperii illius Romani ingentis, ingens spectrum, Sepulchro Imperii defuncti coronatum insidens?

Etiā Sermo quo utuntur in Cultu Dei publico, qui nullius tunc Gentis proprius erat, quid aliud erat, quam linguæ Latinæ veteris Imago?

Lemures per omnes Gentes unicum & universalem habuisse dicuntur Regem, cui nomen dederunt (ex historia ficta de gestis Hugonis Burdegalenfis) *Oberonem*. Ecclesiastici etiam cujuscunque Civitatis Cives sunt, unum & universalem Regem agnoscunt Papam Romanum:

Lemures Spiritus sunt; Ecclesiastici etiam appellant sese Spirituales. *Lemures*, Tenebras, Solitudines, Sepulchreta incolunt. Similiter Ecclesiastici, in Obscuritate Doctrinarum, in Monasteriis, Ecclesiis, & Coemiteriis ambulabant.

Ecclesiastici virtute Aquæ Benedictæ in quocunque loco posuissent Ecclesias suas, locum illum fecerunt ut esset *Vrbs*, id est, Imperii Sedes. Ita quoque in fabula est habuisse *Lemurus* Castella sua quædam Incantata, & Spiritus quosdam Gigantæos qui in Regionibus circumvicinis dominabantur.

Lemures, si quid mali fecissent, comprehendi & sisti ad Tribunalia Civilia non potuerunt. Ita etiam Ecclesiastici criminum Rei à Tribunalibus Civilibus exempti evanescebant.

Ecclesiastici per Incantationes quasdam, ex Metaphysicis & Miraculis confectas, usum Rationis naturalis Adolescentibus adimere confluxerunt, eo fine, ut jussis suis cæci obtemperarent. Ita etiam dicuntur in Fabula *Lemures*, Pueris ex cunabulis sublatis, alios illorum vice supponere, Fatuos quidem, sed promptos ad nequitiam.

In qua Officina sive Operatorio Incantamenta sua conficiunt *Lemures* non est dictum in Fabula. Ecclesiasticis autem Operatoria fuerunt, quas ipsi sua Autoritate sibi erexerunt Universitates.

Lemures quoties alicui irascèrentur, mittere dicebantur ex suo numero aliquem qui illum suggillaret. Ecclesiastici item si Civitati vel

Regi, cui succenserent, subditos suos Superstitiosos, & Incantatos immittebant, qui Seditione illum suggillarent, etiam aliquando Principes faciebant ut alter suggillaret alterum.

Neque *Lemures*, neque *Clerici* uxores ducunt.

Ecclesiastici de Decimis, & Imperitorum hominum quibus terrori sunt Donationibus Cremorem terræ accipiunt; quemadmodum in fabula dicuntur *Lemures* Cremorem Lactis ligurire.

In Regno *Lemurum*, qualis sit Moneta, non reperitur in Historia; Ecclesiasticorum autem Moneta quam accipiunt, eadem quidem est cum Moneta Laicorum; sed quam solvunt, *Canonizationes*, *Indulgentiæ*, & *Misse* sunt.

Lemures, præterquam in metu, & Phantasia hominum Imperitorum existentiam nullam habent. Sic quoque Potestas Papæ Spirituælis; (extra suum ipsius Dominium Temporale) in solo metu consistit Excommunicationum.

Neque ergo Henrico 8, & Reginæ Elizabethæ Potestatem illam ex Anglia ejicere difficile erat. Ejecti autem, & per Missiones Papales, Chinæ, Iapanæ, & Indiæ loca arida peragantes, quis scit an non redituri sint Spiritus illi, vel alii numero plures, & pejores? Non enim Romani soli sunt, qui ad Ecclesiæ aspirant regimen, prætendentes jus Divinum.

Tractatum hunc de Potestate Civili & Ecclesiastica ad finem jam perductum cum recognoscerem, nihil in eo inveni neque contra Sensum Scripturæ Sacræ, neque contra Leges Patriæ meæ Civiles, aut Ecclesiasticas. Nam quæ potui? cum totius Operis scopus esset unicus, ut demonstrarem, prætextum nullum esse posse, quo Legum violatio excusari possit. A sententiis autem Theologorum singularium multis in locis abiisse me confiteor.

Si cordibus scripdissem (instar Tabularum rasarum) puris, brevior esse potuissem. Suffecissent enim ea pauca, quæ sequuntur; Homines sine Lege, propter jus omnium in omnia, mutuis cædibus se ipsos interimere. Leges sine Pœnis, & Pœnas sine Potestate Summa inutiles esse. Potestatem sine Armis & Opibus in unius Personæ manum collatis, Vocem meram neque ad Pacem, neque ad Defensionem Civium, momenti ullius esse; & proinde, Cives omnes, sui (non Imperantium) boni causâ ad Rempublicam opibus suis tuendam & confirmandam, quantum possunt, obligari; idque arbitrio illius cui Summam dederint Potestatem. Quæ Summa est partis primæ & secundæ. Deinde, Quoniam in Scripturis sacris (quarum Lectionem Ecclesia nostra omnibus & permisit & commendavit) Vita æterna &

salus

salus singulorum continetur; & unusquisque periculo animæ propriæ illas legit & libimet ipsi interpretatur; & propterea æquum est, ut Conscientiæ eorum non pluribus Fidei Articulis onerentur, quam qui sunt ad Salutem necessarii, Articulos illos, quinam sint, in parte tertia explicavi. Postremo in quarta parte, ne populus à falsis Doctoribus seduceretur; consilia ambitiosa & astuta Adversariorum Ecclesiæ Anglicanæ patefeci. Hæc, inquam, ingeniis Candidis sufficerent. Sed cum doctrinis contrariis hominum animos jam dudum scribillatos esse scirem, omnia fusiùs explicanda esse existimaui, & explicui (sed Sermone Anglico) quantum potui, eo tempore, quo Bellum Civile de Disciplina Ecclesiastica natum in Scotia, per Angliam etiam & Hiberniam ferocissimè gerebatur, quando non Episcopis tantum, sed etiam Rege, Legè, Religione & Honestate sublati, Perfidia, Cædes, foedissima scelera omnia, sed larvata dominabantur; adeo ut si quis ex mundi partibus remotioribus hac impulsus, eorum quæ tunc perpetrabantur flagitiorum spectator fuisset, iustitiæ Divinæ sensum in his locis nullum omnino tunc fuisse, pro certo habuisset. Doctrina ergo hæc mea parum tunc profuit, parum inquam, sed tamen aliquid. Sperabam autem Bello extincto profuturam esse magis. Vicerunt Democratici, & Democratiam constituerunt; sed eandem (tantorum suorum scelerum mercedem) subito amiserunt. Angliam Scotiam, Hiberniam unus Tyrannus occupavit, & prudentiam eorum Democraticam tam Laicorum quam Ecclesiasticorum confutavit. Populus Bello fatigatus ipsos contempsit, non minus quam ante admiratus est. Restituto denique Rege legitimo, Veniam petierunt (id est stultitiam suam agnoverunt.) Venia data est; idque (ne sceleribus suis à bonis distinguerentur) per Amnestiam universalem. Quis credat Principia illa Seditiosa non jam deleta esse omnia, aut, præter Democraticos esse quemquam, qui doctrinam tam Pacificam quam hæc est abolitam esse cupiat? Quod ne accidat, eandem Latine extare volui. Video enim dissensiones hominum de Opinionibus & præstantiâ ingenii tolli armis non posse. Mala huiusmodi, quo modo nata, eodem extinguenda sunt. Animi Civium à Politicâ, & Philophilæ Ethnicæ Scriptoris infecti paulatim fuerant. Itaque atramentum illud Democraticum, prædicando, scribendo, disputando eluendum est. Id qui aliter fieri possit, nisi ab Vniversitatibus, non intelligo. Quantam ergo operam olim Potestati Pontificiæ præstiterunt, tantam posthac impendant Potestati Regiæ vindicandæ. Omnes interea operam demus, ne per discordias intestinas nos opprimi ab externo hoste patiamur universos.


A P P E N D I X

A D

L E V I A T H A N

C A P V T I.

De Symbolo Niceno.

A. xplica mihi quæso Symbolum Nicenum, non dico, ut res ipsas animo comprehendam, sed ut verba Fidei ita intelligam ut consentanea sunt Scripturis Sacris, & primo hæc verba [Credo in unum Deum Patrem Omnipotentem Factorem Coeli & Terræ, atque visibilium omnium & invisibilium.] Et primò quid est illud, *Credo in*, vel Græcum *πιστεύω* *εις*? Nam apud autores Græcos non memini me alibi illam phrasin reperisse. Lego *Credo alicui πιστεύω* *mihi*; *Credo ita esse*, vel *πιστεύω* *ούτως* *είναι*.

B. Propria est illa vox consentientium in articulos. Nam præpositio *εις* significat inter alia *hætenus*, ut quando dicitur *πιστεύω* *εις* *θεόν* *πατέρα* &c. si pro *θεόν* &c. ponetur *τὸν*, idem esset quod *credo huc usque* sive *hætenus*. Significat ergo præpositio *εις* determinationem articulorum credendorum, nempe quousque cum Concilio consentiant subscriptores. Mirum igitur videri non debet, si extra confessionem Fidei phrasin illam non legisti. Eadem enim est ac si te credere diceret: Deum esse, eundemque Unum esse, Patrem esse, Omnipotentem esse, & sic de cæteris. Legitur etiam *credo in Evangelio*, id est *credo Evangelio*, id est prædicatoribus Evangelii; sed ibi Græcum non est *εις*, sed *ἐν*.

A. Deus est Pater, Deus est Omnipotens &c. sunt (ut loquuntur Dialectici) propositiones. Habent enim sua Subjecta & Prædicata, & aperte in illis Deo nomen aliquod attribuitur, sed in affirmatione hac *Deus est*, quod nomen Deo attributum sit, non intelligo. Non enim puto dici posse, quod Deus est, est, & frustra dicitur, Deus est Deus.

B. Cum dicitur *Deus est*, vox *est* est verbum Substantiale, includens tum copulam tum prædicatum, tum apud Græcos tum apud Latinos.

Ita

Itaque illud *Deus est*, significat idem quod Deus existit, id est (resoluto verbo substantiva) *Deus est ens*, sive *ens*, id est reale aliquid, non merum Phantasma, quale est, quod vocatur Spectrum, vel quales colebantur à gentibus Dæmones, & ab Apostolo S. Paulo dicuntur *Nihil*.

A. Memini quidem ab Apostolo Idola vocari *Nihil*, non autem Dæmonia sic vocari.

B. Putasne tu Simulachra aurea, eburnea, lignea, & non potius Dæmonia, quæ sub illis colebantur, vocata esse *Nihil*? Præterea Idolum propriè est Phantasma, nimirum Idea, Imago rei, non res ipsa; ad quas Ideas Simulachra sua faciebant Græci. Nam Deorum suorum Ideas sive Imagines raro sumpserunt à Simulachris. Distinguitur etiam Deus per vocem illam *Ens*, à nominibus. Aliud enim est res homo, aliud nomen homo. Præterea sciendum est, quod vox *est*, ut usurpatur à Latinis, & Græcis ad copulam in propositionibus, Hebræis omnino ignota erat. Itaque utebantur semper verbo substantivo, & vice copulæ in omni affirmatione ad significandam (quam dialectici vocant) Prædicationem, nomen nomini solummodò adungebant. Latinis autem & Græcis copula *est*, non est Verbum, sed Conjunctio; & ut *est* significat nomina, inter quæ interponitur esse nomina diversarum rerum, ita conjunctio *est*, significat nomina inter quæ interponitur esse nomina rei ejusdem. Itaque ea nomina quæ à copula *est* derivantur, ut *essentia*, *entitas*, *esse*, Hebræi habere non potuerunt, nec illis æquivalentia. Latine dicitur *Terra erat vacua*; Hebraicè *Terra existens vacua*, ubi ab homine Latino non audiebatur *erat*, sed [*erat*] *aliquid existens*.

A. Quid credendum est per vocem hanc [Creator]? Anne Mundum hunc è nihilo factum esse?

B. Certè ex nihilo; non ut Aristoteles ex materia præexistente. Expresè enim dictum est in Scripturis Sacris, omnia facta esse ex nihilo. Etiam Aristoteles, qui Mundum dicit esse *Eternum*, sibi metipsi contradicit. Materia enim non dicitur, nisi de qua aliquid factum est. Symbolum ergo hoc dicit, Deum factorem esse omnium rerum ex nihilo; & quod sequitur, sua vi habet ut existat, non ab alio: & proinde etiam existit ab æterno: & quia non fuit, qui Deo dedit ut existeret, nihil etiam erit quod ipsam faciet non existere. Est ergo Deus ab æterno & in æternum. Quæ vero creata sunt, non sunt ab æterno, quia creata; in æternum autem erunt, quia forma & specie vult Deus: nam cælum & terra renovabuntur. & quanquam mundus conflagrabit, non tamen annihilabitur, sed permanebunt entia, Realia. Deus autem qui neque ab alio, neque à se factus est, non potest mutari neque Metamorphosin pati, neque à se, neque ab alio,

sed est Immutabilis & (sine mixtione illa Aristotelica) Simplicissimus. Quæ omnia attributa Simplex, Immutabilis, Æternus, sicut ex verbis Symboli deducuntur, ita de Deo in Scripturis Sacris expressis verbis prædicantur.

A. [Et in unum Dominum Iesum Christum Filium Dei unigenitum.] Cur necesse erat dicere *Vnigenitum*?

B. Quia erant eo tempore Hæretici, qui docebant Christum non esse Filium Dei genitum, sed adoptivum; alii etiam erant, qui docebant Christum non alio sensu in Scripturis Sacris vocari Filium Dei, quam quo fideles omnes ita appellantur. Cum tamen in Scripturis Sacris expressè & passim dicitur tum genitus, tum Deus à Patre natus ante omnia secula, & propterea credi debet Christum esse Deum de Deo, Lumen de Lumine, verum Deum de vero Deo, genitum non factum.

A. Quænam est differentia inter *genitum* & *factum*?

B. Per *factum* intelligimus *factum à Deo ex nihilo*, id est *Creaturam*. Quanquam enim animalia dicantur & creata & genita, quando dicuntur creata, intelligitur illud cum relatione ad Deum creatorem, qui in omni genere primum marem & foeminam creavit ex creata terra. Sed quando dicitur animal esse genitum naturali modo intelligi debet, cum relatione ad prima creata in materiam; at quando dicitur Christum esse genitum, intelligitur genitum ab ipso Deo Patre de materia Virginis.

A. Quid est [Lumen de Lumine]? Lumen enim, ut mihi videtur, Phantasma est, non res existens. Exempli causa, si inter oculum & candelam vitrum statuas cujus superficies ex multis planis constat certo modo dispositis, multæ tibi videbuntur candelæ. Scimus tamen unicam ibi esse veram candelam, & proinde cæteras omnes mera esse Phantasmata, Idola; hoc est, ut dicit Sanctus Paulus, Nihil. Neque tamen earum una verior est candela, quam reliquæ quatenus apparent; sed vera candela, quæ principio posita erat, candelarum apparentium tantum nulla est, sed res ipsa, eandemque causa illarum omnium imaginum, & propterea ab Aristotele distinguitur à Phantasmate per vocem *hypothesis*, quasi sub imagine staret res ipsa latitans; quam Græcam vocem Latini ad syllabam verterunt *substantiam*. Et sic distinguunt tum Græci tum Latini rem veram in se subsistentem, à Phantasmate, quæ videtur subsistere, nec subsistit, neque est ens. Nonne hæc est vera distinctio inter rem ipsam & suam apparentiam?

B. Ita est. Sed Patres Ecclesiæ illis temporibus, tum ante tum post

post Concilium Nicenum in scriptis suis vocem *Hypostasis* videntur alio modo interpretari, mysterium Trinitatis Christianis omnibus intelligibile reddere cupientes, & illud optimè fieri posse existimabant per similitudinem ignis, luminis, & caloris, quæ tria unum esse putaverunt, & ignem quidem ad Patrem, lumen ad Filium, & calorem ad Spiritum Sanctum retulerunt. In qua similitudine congruitas esset fortasse accurata, nisi quod ignis, splendor, & calor, substantiæ nec sint, nec ipsis Patribus esse visæ sint, præsertim Aristotelicis, nisi forte ipse ignis ponatur pro ignito. Homo enim & ignem, & lumen, & calorem extinguit quoties libet; sed ut Agens tam infirmum quàm est homo, creaturam veram substantialem à Deo omnipotente creatam extinguere possit, & in nihilum redigere, nec jubemur credere, nec credibile est. Itaque quoties comparisonem illam adducebant in scriptis propriis Patres ipsi, adjecerunt continuò, non eam ita accipiendam, quasi esset mysterii tanti idonea explicatio; sed ut, qua nullam potuere invenire meliorem; omnes enim in eo consenserunt incomprehensibilem esse naturam Dei, & Trinitatis, & Angelorum, & (ut addit Athanasius) animæ rationalis.

A. Mihi quidem non rectè videntur voluisse mysterium illud explicare. Quid enim aliud est mysterium explicare quam destruere, siue ex mysterio facere non mysterium? Fides enim conversà in Scientiam interit, manentibus sola Spe & Charitate.

B. Lumen ergo de Lumine in Symbolo ponitur, tantum pro adjutorio Fidei cæteris articulis adhibendæ.

A. Sequitur deinceps articulus ille magnus, qui in Ecclesiam antiquam tot turbas intulit, exilia & homicidia [*Consubstantialem Patri, per quem omnia facta sunt.*]

B. Et quidem verissimus est, verbis apertis declaratus à S. Iohanne cap. I: *In principio erat Verbum, & Verbum erat apud Deum, & Verbum erat Deus. Et omnia per ipsum facta sunt.*

A. Quid intellexerunt Patres per Verbum?

B. Filium Dei naturalem, siue genitum à Deo, à principio, id est ab æterno.

A. Numquid eo loco Verbum significat vocem aliquam, ut sonum à Deo prolatum?

B. Absit, Patres id passim negant.

A. Quid ergo? Vocem internam, quale est Dei Decretum æternum de condendo mundo & redimendo homine?

B. Nescio de hac de re quid senserint Patres, sed puto illos aliter

sensisse, ne nimium accederent ad doctrinam Stoicorum, quorum (apud Græcos) *εἰσαγωγή*, & (apud Latinos) Fatum idem significat quod Decretum æternum.

A. Quid ergo inquam intelligitur per *Verbum* apud Patres?

B. Nescio, nisi quod in lingua Sacra *Verbum* sæpe accipitur pro ipsa re quæ Decreta est, vel promissa. Legitur enim sæpe in veteri Testamento pro *factum est* quod Deus promissit, *factum est Verbum Dei quod locutus est*. Ego vero nemini Scripturam Sacram præterquam mihi interpretari soleo. Verumtamen si locus S. Iohannis ita intelligendus sit, nihil circa mysterium incarnationis quærere amplius vellem. Nam si Verbum hoc loco sit illud ipsum, quod decreverat Deus venturum in mundum ad nostram redemptionem, & quod promiserat Deus in Paradiso, Verbum illud non est mera vox, sed vera res, eadem cum Christo. Quomodo autem *Factus homo est*, inquirere non est meum. Sufficit mihi quod Redemptor meus factus est. Quid enim? Si credam creâsse terram & cætera omnia ex nihilo, & hominem ex terra, non credam potuisse naturam assumere humanam, nisi sciam quo modo?

A. [*Qui propter nos homines & nostram salutem descendit de cælo; & Incarnatus est de Spiritu Sancto ex Maria Virgine, & homo factus est, crucifixus etiam pro nobis sub Pontio Pilato; passus & sepultus est.*] Duæ hic sunt difficultates, quarum prima est, quod dictum sit unde descendit, nempe de cælo: non autem dictum est quousque descendit. Scio in Symbolo Apostolorum esse, *descendit ad inferos*. Sed verba illo locum non definiunt; quia homines etiam respectu cœlicolarum propriè dicuntur Inferi. Etiam in Scripturis, locus ubi hostes Ecclesiæ dicuntur futuri variè vocatur: quandoque Gehenna, aliquando Tenebræ externæ, id est extra Ecclesiam Dei, propter lucem Ecclesiæ in Goshen, quia una de plagis Ægyptiorum erant Tenebræ: aliquando lacus ignis, cum respectu, puto, ad poenam Sodomitærum & Gomorrhæorum, & lacum bituminis. Sed de his nondum, quod sciam, quicquam Ecclesia definivit. Doctores aliqui locum damnatorum statuerunt cum Bellarmino esse circa centrum terræ, ut scilicet longissimè distaret à cælo beatorum: respicientes forte ad vocem S. Petri Græcè *τρυφερόμενος*. Et quidem cœlum distat à centro terræ longius quam à superficie terræ quantum est totum punctum. Sed non credo credidisse Apostolos Poëtis Ethnicis de loco Tartari; quem Hesiodus tantundem à terra distare facit quantum terræ à cælo. Incus (inquit) novem dies & totidem noctes perpetuò de cælo cadens, decimo die attinget terram: totidem autem noctes &

& dies perpetuos è terra cadens perveniet ad Tartarum die decimo. Virgilius autem distantiam à terra ad Tartarum bis tantum facit, quanta est à cœlo ad terram. Cæterum vocem illam ab Apostolo Petro positam esse puto figuratè, quod solet fieri de multis dictionibus Scripturæ Sacræ.

B. Vtunque id sit, de loco damnatorum nihil ab Ecclesia congregata, saltem à nostra hætenus definitum est.

A. Secunda difficultas est, de eo quod dicitur [*Incarnatus est de Spiritu Sancto.*] Nam Matth. 1, 20, dicit Angelus ad Iosephum, *Quod in illa genitum est, à Spiritu Sancto est.* Quod ita sonat ac si Spiritus Sanctus esset Filii genitor, id est Pater.

B. Quid? Nonne Spiritus Dei est Deus, & idem Deus cum Filio & Patre?

A. Quomodo ergo distinguuntur Hypostases?

B. Neque in Symbolo, neque in Scriptura Sacra distinguuntur aut nominantur tres Hypostases.

A. Sed inveniuntur tres Hypostases in Symbolo Athanasii, quæ pars est Liturgiæ Anglicanæ.

B. In Græco quidem *Hypostasis*, in Latino autem & Anglicano *Persona* est.

A. De vocibus *Hypostasis*, *persona*, *subsistentia*, aliisque multis vocibus tunc interrogabo te cum Symbolum totum explicaveris. [*Et resurrexit tertia die, secundum Scripturas, Et ascendit in cælum, sedet ad dexteram Dei. Et iterum venturus est cum gloria iudicare vivos & mortuos, cuius regni non est finis.*] Hæc omnia (fateor) in Scripturis sunt, & quidem eodem sensu quo sunt in Symbolo, ubi [*sedet ad Dexteram Dei*] non intelligo ut de comparatione honoris, sed ut de honore maximo. [*Et in Spiritum Sanctum Dominum & vivificantem, qui ex Patre Filioque procedit.*] Ostende ex Scripturis Sacris, Spiritum Sanctum esse Dominum & vivificantem, id est Deum, & quod procedat etiam à Filio.

B. Primo idem Filius Dei dicitur genitus (Matth. 1, 20.) à Spiritu Dei. Deinde dicit Iob. 33, vers. 4, *Spiritus Dei fecit me*, & (26. vers. 13.) *Spiritus Dei creavit coelos.* Quod autem procedat tam à Filio, quam à Patre, manifestum ex eo, quod Christus dicit : *ego vobis mittam Paracletum*, & ex eo quod cum spiraret in Apostolos dixit, *accipite Spiritum Sanctum.* Nota, illud ex Filio non esse in Symbolo Niceno, quamquam sit in Symbolo Athanasii, sed additum esse, ut putat Bellarminus, in Concilio Constantinopolitano generali secundo.

A. [*Qui cum Patre & Filio simul adoratur & conglorificatur, qui locutus est per Prophetas.*] Quare positum est illud *conglorificatur*?

B. Nescio, sed propter hoc verbum *conglorificatur* adducor ad credendum Formulam glorificandi Trinitatem, ubi dicitur vel cantatur *Gloria Patri & Filio & Spiritui Sancto* in Ecclesiis Dei receptam fuisse aut in tempore illo aut ante.

A. Fortasse [*Et unam Sanctam Catholicam & Apostolicam Ecclesiam, Confiteor unum Baptisma in remissionem peccatorum. Expecto resurrectionem mortuorum, & vitam venturi seculi.*] Cur in Symbolo Apostolico deest illud *Unum Baptisma*?

B. Sanctus Cyprianus circiter septuaginta annis ante Concilium Nicenum, Concilium tenuerat Provinciale in Africa Carthaginense, ubi decretum est Hæreticos non debere recipi ab Ecclesia, nisi iterum Baptizentur, quod decretum puto tunc condemnatum esse, cum inserta essent illa verba *confiteor unum Baptisma*.

A. In Symbolo Apostolico non dicitur *Resurrectio mortuorum*, sed resurrectio carnis. Quænam est differentia? Habebuntne mortui, quando resurgent, carnem, ossa, sanguinem, manus, pedes, & cætera humani corporis membra?

B. Respondeat tibi S. Paulus 1 Cor. 15, 23, *Resurgent unusquisque in proprio corpore.* Deinde vers. 44, *Seminatur corpus animale, id est (ut ego opinor) quale est corpus humanum quando est mortuum; resurget corpus spirituale.* Itaque mutatur; ut vers. 51, *mysterium vobis dico. Non omnes quidem moriemur, omnes autem mutabimur in momento, & ictu oculi in tuba ultima. Sonabit enim tuba & resurgent mortui incorruptibiles, & nos mutabimur.*

A. Sed mihi videntur hic duæ difficultates; altera, quia resurgere est reviviscere; quomodo homo reviviscet in sepulchro, nisi anima ejus accedat ad corpus, nimirum de coelo vel aliquo coeli Limbo descendens; vel ab Inferno, vel Purgatorio ascendens?

B. Quid? Deusne qui fecit hominem ex terra in animal vivens non poterit eundem resolutum in terram ad vitam resuscitare?

A. Videtur ergo homo post Resurrectionem habiturus duas animas rationales, nimirum illam qua resurgit, alteram qua in morte à corpore separata, migravit in Cælum, vel Limbum, vel Purgatorium, vel Infernam. Dicunt enim omnes animam humanam nunquam interire postquam semel creata est, ne minimo quidem momento, ut rem in se subsistentem, definere esse.

B. Ego vero nihil super hac re tibi dicam, nisi quod reperio dictum diserte, & sine omni ambiguitate in Scripturis, nulloque alio textu aperte

apertè contradicente. Tu quidem una cum cæteris ferè omnibus, quod anima humana interire non potest, habes à Philosophis, quos ego post Scripturas Sacras Magistros mihi non desidero. Verumtamen si locum aliquem mihi attuleris ex Scripturis Sacris ubi alia attribuitur animæ humanæ immortalitas, præter illam quæ hominibus sub nomine æternæ vitæ data est, ego etiam sentiam cum Philosophis. Verum si attuleris loca illa quibus comminatur Deus reprobis æternos cruciatus, non inde poteris colligere animas eorum inter diem mortis, & diem iudicii, sed tantum post diem iudicii extitisse. Præterea à Iustitia Dei qui cruciatus æternos peccatoribus comminatus est, arguere æternitatem ipsorum cruciatuum non potes. Etsi enim qui bona, quæ debentur, non præstat, injustus sit, is tamen qui mala vel damna debita non præstat, injustus non est, sed misericors. Quanto minus Deus, qui est infinitè misericors non poterit sine iustitiæ suæ violatione mitigare tum diuturnitatem tum acerbiteriam meritum poenarum? Deinde Scriptura dicit (Apocal. cap. 20.) *Ipsam Infernum conjectum iri in lacum ignis, quæ est secunda mors.* Resurgent ergo reprobi, ut videtur, ad secundam mortem. Denique si anima non sit idem, quod Vita, sed substantia in se existens distincta à corpore, eademque hominis essentia, sive natura, sequi videtur addita natura divina tres esse in Christo naturas, quod est contra Fidem.

A. Etsi ex Scriptura demonstrari non possit Animam humanam substantiam esse separatam à corpore, non videtur tamen ex Scriptura demonstrari posse contrarium.

B. Videamus ergo quid Scriptura dicit tum in veteri tum in novo Testamento de natura animæ humanæ, Harmonicè. Vtut enim articuli præcedentes præcipui sint apud Theologos, articulus tamen hic de Resurrectione ad vitam æternam præcipuus est apud Christianos universos, quia in illo omnis eorum post præsentis vitæ afflictiones collocatur spes, & præsumptum gaudium. Dixit Deus ad Adamum in Paradiso (ubi erant duæ præ cæteris arbores excellentes, nempe Arbor Vitæ, & Arbor Cognitionis Boni & Mali) *quo die comederis de fructu Arboris Cognitionis Boni & Mali) moriendo morieris.* Diabolus autem ad Evam dixit, Prohibetur vobis ne comedatis de fructu Arboris Cognitionis Boni & Mali, ne fiatis sicut Dii. Ambo autem Adamus & Eva ambitione ducti, Serpenti crediderunt, Deo non crediderunt, & de fructu vetito comederunt, itaque Deus utrumque à Paradiso expulit, ne manum ad Arborem Vitæ extenderent, & viverent in æternum.

A. Intellego hinc Adamum ex usu fructus Arboris vitæ vivere potuisse in æternum, ac fuisse creatum non sua natura, sed tantummodo virtute Arboris Vitæ immortalem. Præterea, poenam violati Præcepti Divini Adamo inflictam fuisse mortalitatem, quæ necessario consequeretur ab eo quod illud perdiderit sine quo vivere in æternum non potuit. Hæc manifesta inesse in Sacro textu video. Sed non video, quare Adamus (secundum verba comminationis divinæ) non statim ac comedisset mortuus sit, sed vixit plusquam nongentos annos.

B. Deus non dixit simpliciter *Morieris*, sed *Moriendo Morieris*, id est, cum Morieris Morieris, id est, non revivisces, sed mortuus perpetuo eris. Sic explicat locum Athanasius, & rectè; nam Idiomma est Hebræorum. Ex quo intelligitur comminationem illam pertinere etiam ad Adami posteritatem, id est, ad genus humanum. Atque hinc est quod dicit Apostolus Paulus *per peccatum unius hominis mors intravit in mundum*, unde sequitur non modo cæteros homines, verum etiam Adamum ipsam necessitatem habuisse utendi beneficio mortis Iesu Christi ad vitam æternam quam perdidit sua culpa.

A. Quid ita?

B. Quia dicit S. Paulus 1 Cor. 15, 22, (quæ est harmonia veteris & novi Testamenti) *Sicut in Adamo omnes mortui sunt, ita in Christo omnes vivificamur. Unusquisque in proprio corpore. Primitiæ Christi. Deinde illi qui sunt Christi, in adventu Christi. Deinde finis &c.*

A. Adventus Christi erit idem cum die Iudicii. Nemo ergo revivascet ante diem Iudicii, sed in illo ipso die. Adamum ergo certè salvandum esse puto, nec tamen vitam recipiet ante diem ultimum. Interea quomodo dicetur vivere? Si per animam in coelo vivit Adamus antequam est animatus, & anima ejus (si modo sit substantia vivens) vivit in non animato corpore, quod valde durum est dicere. Animæ autem hominum eorum, qui in die Iudicii in terra viventes offenduntur, elevandæ ad nubes & inde ad cælum, corpora habebunt spiritualia eademque animata animabus (si quidem animæ sint substantiæ in se existentes) spiritualibus. Quænam ergo erit differentia illa inter duo illa Entia Spiritualia Corpus & Animam.

B. Mihi quidem differentia illa inexplicabilis est nisi concedatur vitam æternam hominibus non incipere nisi à resurrectione, & vitam & animam eandem esse rem, cum in Scripturis Sacris nusquam aperte distinguantur. Verba autem illa Christi in Cruce ad latronem, *Hodie mecum eris in Paradiso*, & illa ad Discipulos, *ego sum Arbor Vitæ*, quor-

quorū spectant; nisi ut sciant fideles amotum esse à porta Paradisi gladium illum flammantem, & per Sacrificium Christi patefactam viam esse ad Arborem Vitæ; id est, ad Vitam æternam. Quid ergo opus est pio homini immortalitatem suam Creationi, id est naturæ potius quam redemptioni attribueret?

A. Sed commoveor consensu omnium, qui fuere & sunt credentium animam rationalem immortalem esse; sua natura simul atque est creata, quamvis ignari doctrinæ Sacræ.

B. Equidem illos, qui sic sentiunt, non vitupero. Nam qui præclare sentit de anima propria, cavet plerumque ne illam per vitæ turpitudinem dedecoret. Caterum non concedo, illum minus cavere idem, qui constanter credit animam suam redemptam esse per sanguinem Christi, & factam æternam. Neque id concedendum tibi est, sententiam illam fuisse & esse omnium in universum hominum. Illi enim qui dixerunt in cordibus suis, Edamus, Bibamus, cras Moriemur, non ita sentiebant, qui tamen pauci non sunt. Præterea sententiæ eorum omnium, qui sine propria ratiocinatione sequuntur dictamina Magistrorum, non sunt propriæ eorum. Non ergo ita sentire dici debent agricolæ, artifices, alique homines qui circa vitam communem occupati, numquam fere de natura animæ suæ, sed de divitiis & honoribus comparandis, vel de necessitatibus suorum corporum cogitare solent. Itaque consensus ille omnium hominum reductus est ad consensum solorum Philosophorum. Deinde fuere inter Philosophos Sadducæi, qui nullos omnino credebant esse Spiritus creatos, & proinde animæ existentiam aliter, quam ut appellatur vita, non agnoscebant. Etiam sectatores Aristotelis & Platonis, non perspectis rationibus, sed sola autoritate Magistrorum id crediderunt; non sunt ergo numerandi tanquam authores opinionis quam profitentur. Adeo ut quos dicis omnes homines reducantur ad Platonem, Aristotelem aliosque paucos Philosophiæ Principes. Denique consideremus verba Ecclesiastæ quæ sunt in Capite tertio, versus finem. In Bibliis Polyglossis versio interlinearis est, *Dixi ego in corde meo super verba filiorum Adam;* (*Ad purgandos eos Deus; & ad videndum quid ipsi animal ipsi sibi*) *Quod eventus filiorum Adam, & eventus Animalis, unus est. Sicut mori illud, ita mori illum. Et Spiritus unus in omnibus, Et præstantia hominis præ animali nulla. Quia omnia Vanitas, omne vadens ad locum unum. Quis sciens Spiritus filiorum hominum ascendens ipse sursum, & Spiritus bestiarum descendens ipse subitus terram? Vbi pro, ad purgandos eos, versio septuaginta virorum habet διαξειν, & pro, super verba, ἐπὶ ταῖς λέξεσι. Sensus ergo verborum est, Dixi ego de eo quod homines dicant*

Deum facturum differentiam essentialem inter vitam hominis & bruti vitam, cum ventus hominis & bruti idem sit, neque homo per essentialiam suam brute præstet, quomodo probabitur animam hominis ascensuram, aut animam bruti descensuram esse. Sed idem Ecclesiastes Iudicium dici ultimi in eodem libro sæpe asserit. Magnum hoc argumentum est contra consensum illum, quem dicis omnium hominum. Præterea (ne obstinatus tibi videar) demonstrationem ex Aristotele, aut Platone profer vel ex alio quocunque Philosopho, quâ naturalem animæ immortalitatem, tam apertè concludit ex principiis naturalibus, quam apertè ego ex Scripturis Sacris demonstravi futuram Ele-ctis æternitatem vitæ per Christum acquisitam, acquiescam. Anima (inquiunt) cogitat, meminit, ratiocinatur. Quid si hoc negans, dixerò esse ipsum animal quod cogitat, & meminit? Quomodo refutabunt? Ratiocinari quid est, nisi rebus impingere nomina, nomina connectere in Dicta, Dicta conjungere in Syllogismos? Ab his fit Dialectica. Quomodo erat in Paradiso Adam, ante nomina ab ipso imposita, rationalis magis quam cætera animalia, nisi potentia tantum. Non videtur ergo mihi homines distingui substantialiter à brutis, eo quod illi disputant, bruta non disputant. Expectent alii immortalitatem qualem velint, ego illam expecto, quam victâ morte, nobis suo sanguine acquisivit Christus.

A. Quid sentis de voce Deiparæ quam sanctæ Virgini attri- buunt pluri-?

B. Id mulier (ut mihi videtur) rectè dici potest *Parere* quod in partu producit. Sed produxit illa Christum Deum & Hominem, quia assumptio naturæ humanæ peracta fuit in utero. Peperit, ergo Deum & hominem. Genuit autem Hominem tantum, sine semine viri, cujus seminis vim supplevit Deus.

A. Sed nova hic oritur difficultas, nempe, Quomodo Filius Mariæ, id est Caro Christi, non sit de substantia Divina.

B. Ne hominis quidem ex homine geniti Caro est de substantia genitoris sui, nisi credas id quod nascitur fieri ex semine ut ex materia. Fœminæ sanguis sola est materia fœtus, per alimentum quotidianum crescens usque ad parturitionis maturitatem. Semen in utero causa efficiens est fœcunditatis, non materia fœtus. Si credas ergo fœminam gravidam fieri posse virtute seminis humani, cur dubitas an idem fieri possit virtute Dei omnipotentis?

A. Nonne tua hac ratione, cum Dei substantia in omni carne æqualiter existat, probabitur etiam omnes alios homines habere utramque naturam humanam & divinam sicut Christus?

B. Mi-

B. Minimè. Etsi enim Deus sit ubique omnipotens; faciens ubique omnia quæ vult in omni creatura, non tamen ubique facit quicquid potest. In generatione hominis ab homine voluit ab æterno produci tantum hominem, qui omnia facere quæ vult non potest; at in generatione hominis supernaturali modo, per Spiritum Sanctum; voluit ab æterno producere hominem qui facere posset omnia quæ vellet, id est Hominem & Deum. Neque locus hic ullus est quaerendi, Quomodo? quia non modo Christiani, sed etiam Gentēs omnes quem credunt esse Deum, eundem credunt esse omnipotentem; nec requirunt, quomodo gignat, quem genuisse dicunt.

A. Hactenus doctrinam Symboli Niceni ita explicasti, ut Fidem Christianam nullo modo labefactasse quin potius confirmasse mihi videare, sed tuo modo.

Ostende nunc quid sit quod Græci appellant Hypostasin.

B. Quando aliquid intueris quod vocas album; nomen illud imponis substantiæ, sive subjecto corpori, puta marmori, etsi oculorum tuorum acies non potest penetrare in substantiam marmoris, aut cuiuscunque alius Entis. Album igitur corporis per se subsistentis, non coloris nomen est, & impositum propter quandam certam apparentiam, sive, ut loquuntur Græci, *ἐμφανὲς* vel *φαντασμα*, quod videtur quidem esse aliquid, revera autem nihil est; quam apparitionem sine aliqua causa & fundamento esse non posse satis intelligimus, nimirum album esse non posse, nisi revera subsistat ipsi apparitioni substantia aliqua, quæ ejus causa sit, & (ut dicunt Logici) Subjectum. Subjectum hoc Græci appellant *τὸ ὑποκείμενον*, vel *ὑπόκειναι*, & *ὑποκείμενον*; Latini *Ens*, Subjectum, Suppositum, Substantiam, Basem & Fundamentum. Quod autem de cognitione per Visum dixi, de cæteris etiam sensibus intelligendum est. Opponitur ergo Hypostasis Phantasmati ut causa effectui, nempe relative. Similiter si sint tria relativa, ut Pater, Filius, & neppis, ubi Filius per diversam relationem, etsi unum Ens reale, habet duo nomina, alterum Patris, quia genuit; alterum Filii, quia genitus est. Filius ergo ut medius, quanquam unum tantum sit Ens, habet duo nomina quæ ipsi dicuntur *ὑποκείμενα*; ipsum autem Ens est duorum nominum *Suppositum*, sive *ὑποκείμενον*, Hypostasis, Fundamentum Relationis. Itaque Hypostasis non modo ad Phantasmata referri potest, sed etiam ad Nomina.

A. Quanam est differentia inter *ὑποκείμενον* & *ὑπόκειναι* & *ὑποκείμενον*?

B. Inter duo priora differentia alia nulla est, nisi quod hoc *Subsistens*, illud nunc *Subsistens* significet. Pro iisdem autem utuntur Græci plerumque voce Hypostasis, & Latini voce Substantia vel Essentia.

inter quas Patres Latini non distinguunt, ut constat ex Petro Lombardo.

A. Quomodo accipitur vox Hypostasis in Testamento novo?

B. Eodem modo, quo accipitur à Scriptoribus cæteris. Ut Heb. 1. 3, ubi Christus dicitur *Character Hypostaseos Dei*. Nam Hypostasis ibi opponitur characteri, id est Substantia imagini ejusdem Substantiæ. Dicitur etiam eodem loco *splendor gloriæ divinæ*, sive (quod idem est) lumen de lucido, nam lucidum est Substantia sive Subjectum luminis. Deinde Heb. 11. 1. Fides vocatur *Hypostasis earum rerum quas speramus*, id est (nam dictio metaphorica est) Fides est Fundamentum Spei. Tertio 2 Cor. 13. 4. ubi Paulus Apostolus, qui benevolentiam Corinthiorum promissam apud Mæcedonas jactaverat, promissionem illam appellat *jactationis suæ Hypostasim*, id est, Fundamentum.

A. Quid significat *Essentia*?

B. Patres (ut dixi) non distinguunt *Essentiam* à *Substantia*.

A. Quid ergo est *Substantia*?

B. Idem quod *Ens*, id est quicquid est verè *Exsistens*, distinctum à *Phantasmate*, & *Nomine*.

A. Quid ergo opus erat Græcis & Latinis detorquere Nomina satis cognita & intellecta in nomina incerta, quorum æquivalentia in lingua Hebræa non inveniuntur, neque in ulla lingua sunt necessaria?

B. Quando Nomina detorquentur, ut cum sit à voce *ὄν*, *ὄσια*; ab *ὀφθαλμοῦν*, *ὀπίσθιος*; ab *ἔν*, *Essentia*; à *Substans*, Substantia; ab *Album*, Albedo; Detorsio illa à Philosophis dicitur Abstractio; propterea nomen *ὄν Concretum*, *ὄσια Abstractum*; *Ens Concretum*, *Essentia Abstractum*; *Album Concretum*, *Albedo Abstractum* appellatur. Aliquando autem pro voce Abstracta utuntur verbo infinitivo; & cum pro *ὄσια* Græci dicunt *τὸ ὄναι*; Latini pro *Essentia*, *Esse*; Græci pro *λευκότης*; *τὸ ὄναι λευκόν*, vel etiam *τὸ λευκόν*, articulum *τὸ* referentes non ad *λευκόν*, sed ad subauditum *ὄναι*. Item Latini à *Concreto Vivens*, Abstractum faciunt non modo *Vita*, sed etiam *Vivere*. Quæ voces Abstractæ dici possunt, nec absurdè. Cum enim Rei verè existenti nomina (propter apparitiones diversas) diversa imponerint, vocantes eandem rem *magnam*, *coloratam*, *duram*, *gravem*, considerant in illa re aliquando quod *tanta* est (quæ est consideratio Geometrarum) aliquando quod *colorata*, vel *dura*, vel *gravis* est, (quæ consideratio est Physicorum.) Et propterea ad distinctionem Phantasmatis cujus causam in Concreto esse intelligunt, ab omnibus aliis Phantasmatibus ejusdem rei, detorsione aliqua nominum ita rem signant, ut non jam *Magnam*, *coloratam*, *duram*, *gravem*, dicant sed

sed *magnitudinem*, *colorem*, *duritiem*, *gravitatem* dicant. Quas vocum abstractio (cum nihil aliud sit quam Phantasmatis vel Nominis, ab aliis omnibus ejusdem concreti considerationibus, & nominibus separata consideratio) ad doctrinam causarum ferè necessaria est. Hæc si rectè intelligas, intelligis etiam impossibile esse, ut *Essentia* ullius Entis separata existat ab ipso Ente, nempe ut ibi sit *Album* ubi non est *Albedo*, aut *Albedo* ubi non est *Album*, aut *Homo* ubi non est *Humanitas*, falsumque esse quod asserit Aristoteles, *Essentia ali- quas existere ab illis rebus separatas, quarum illa sunt Essentia*, & proinde *Animam* vel non esse (ut ille dicit) *Essentiam animalis*, aut mortuo animali non existere; & per consequens errasse Aristotelem eò quod non distinxit inter separatas res, & separatas ejusdem rei considerationes.

A. Intelligo voces abstractas ad causas rerum apparentium, nec nisi in imaginatione nostra existentium indagandas, necessarias ferè esse; sed nomen *Essentia* simpliciter, non impositum erat propter Phantasma nostrum, sicut *magnitudo*, *color*, &c. quæ causam habent in quinque organis sensuum. Nam (ut dixisti supra) non ipsa Substantia sive ipsum Ens, sed tantummodo effectus ejus apparent; & appellantur Phantasmata; *Essentia* autem *Entis simpliciter*, Phantasma non est. Quid ergo est *Essentia* vel *Esse* (quoties usurpatur ut nomen) cujus rei nomen est?

B. *Essentia* Entis *in concreto*, puta Entis *Albi*, est nomen ipsius *Albi*, sed considerati quatenus *Albi*. Eadem ratione *Essentia* Entis simpliciter est nomen Entis, sed considerati simpliciter quatenus Ens; & in universum, *abstracta* sunt nomina *concretorum*, quando considerantur seorsim à cæteris nominibus ejusdem *concreti*. *Album* (verbi gratia) est Ens *Album*. Si jam in Ente *Albo* consideremus *Album* seorsim ab Ente, dicimus pro *Albo* (doctrinæ causa) *Albedinem*, vel esse *Album*.

A. Quando ergo pro Ente simpliciter dicimus *Essentiam*, erunt *Essentia* & Ens Synonyma, & per consequens vox *Essentia* superflua est.

B. Imò. verò inconsistentes cum veritate Fidei. teste Iohanne Damasceno Cap. II. de Expositione Fidei. Qui cum dixisset *Verbum factum esse hominem*, adjecit, *Quod tamen Deus non incarnatus aut humanus esset, nullo pacto audiremus*. Manifestum ergo est, in Ente simpliciter differre inter se Ens & *Essentiam*; & multo magis in concretis.

A. Quæ causa erat Doctoribus affirmandi, quod nisi Ens & *Es-*

sentia

sentia in Deo idem essent, substantia divina esset composita?

B. Quia Definitio, quæ est explicatio Essentiæ Definiti vocatur, vulgo à Philosophis ipsa Essentia. Vt, si definitio hominis sit animal rationale, Essentiam vocant animal rationale, & compositam esse dicunt ex *animali* & *rationali*, ut à suis partibus; non distinguentes inter Definitionem hominis (quæ est *Oratio* habens pro partibus nominæ *animal*, & *rationalis*) & hominem ipsum (cujus partes sunt caput, thorax, crura, & reliqua membra.) Sed quoniam durum est animal rationale in *concreto* appellare Essentiam, nonnulli formulam illam loquendi mollire cupientes, non animal rationale sed animam rationalem, Essentiam hominis esse dicunt; eandemque Substantiam esse seorsim ab humano corpore existentem. Atque ita Essentiam faciunt partem ipsius hominis integram simulque Essentialem.

A. O Mirabiles inanis Philolophiæ præstigias! Dic quid jam verè & propriè significat *Persona*?

B. Vox Latina est, significans rem quamcunque singularem Agentem utrunque sua vel alterius voluntate. Sic Cicero, *Unus sustineo tres personas, mei, Iudicis, & Adversarii*. Quid hoc est, nisi quod ipse Cicero partes ageret, & suas, & Iudicis, & Adversarii? Quid etiam est id quod invenitur in Catechismo Anglicano, ubi Minister rogat; *Quid ex Fidei: inæ Articulis præcipuè discis?* Catechumenus respondet: *Disco primò, credere in Deum Patrem, qui creavit me & universum mundum. Secundò, in Filium ejus Iesum Christum, qui redemit me & universum genus humanum. Tertiò, in Spiritum Sanctum, qui sanctificavit me omnemque electum populum Dei.* Nisi quod Deus in Persona propria creavit omnia; in Persona Filii sui redemit genus humanum; in Persona Spiritus Sancti Ecclesiam sanctificavit. Quid hoc de Personis divinis clariùs, aut Fidei congruentius dici potest? Quod si pro Persona utamur voce Hypostasi cum patribus Græcis (cum Hypostasis & substantia idem significant) facimus pro tribus Personis tres Substantias divinas; id est tres Deos. Bellarminus & Doctores cæteri ferè omnes Personam definiunt esse Substantiam primam intelligentem, id est substantiam individuum, seu singularem, sed intelligentem, ut Deum, Christum, Spiritum Sanctum, Gabrielem, Petrum. Quid autem sunt tres illæ Substantiæ primæ Pater, Filius, & Spiritus Sanctus, nisi tres Substantiæ divinæ? Quod tamen est contra Fidem. Non intellexit Bellarminus vim Latine vocis *Persona*. Quæ vox si significet primam Substantiam, nonne *personæ* significaret idem Græcè? Quod non est verum; nam significat propriè faciem hominis, tum naturalem, tum artificialem seu larvam, tum etiam faciem representativam, id-
que

que non modo in Theatro, sed etiam in Foro, & Ecclesia. Facies autem repræsentativa, quid aliud est quam Imago vel Character repræsentati? Atque eo sensu à Sancto Paulo Servator noster, Heb. 1, 4, appellatur Character Substantiæ Dei.

A. Quid autem in Scriptura Sacra significat *πρόσωπον*?

B. Nihil propriè præter faciem seu vultum. Synecdochicè autem aliquando ponitur pro ipso homine, ut in voce *πρόσωπον τοῦ Θεοῦ*. Sed in Symbolo Fidei, mentio nulla est, neque Personæ, neque Hypostaseos, neque Trinitatis; etsi Hypostasis ponatur in Symbolo Athanasii Græco, quod Symbolum Athanasii (sed sine voce Hypostasi) recipit Ecclesia non aliter, quam pro Fidei Nicenæ paraphrasi. Nam neque Symbolum, neque Fidei articulus unus quicunque, auctoritate Doctorum singularium, neque (nisi per modum interpretandi Scripturæ Sacras) ab Ecclesia universa constitui potuit.

A. Cur ergo Patres veteres, & multi alii Doctores recentiores vocibus illis uti sunt?

B. Quia verba Scripturæ Sacræ, nempe, *Omnes Baptizate omnes gentes in nomine Patris, Filii, & Spiritus Sancti*, item verba Sancti Iohannis, *Tres sunt qui testimonium perhibent in cælis, Pater, Filius, & Spiritus Sanctus*, & loca similia de divinitate Christi aliter explicare non potuerunt.

A. At cur omnino necesse erat ea explicare, quæ sciebant ipsi incomprehensibilia, id est inexplicabilia esse?

B. Profitentur quidem Patres Ecclesiæ, tum ante tum post Concilium Nicenum, incarnationem Filii Dei incomprehensibilem esse; sed excusant se eo, quod de illa disputare ab Hæreticis compellerentur. Sic Epiphanius de Trinitate, initio lib. 7. Sufficiebat quidem credentibus Dei sermo, dicentis, *Euntes nunc docete omnes Gentes, Baptizantes eos in nomine Patris & Filii & Spiritus Sancti, &c.* Sed compellimur Hæreticorum & Blasphemantium vitiiis illicitum agere, & infabilia eloqui —, & in vitium incidere vitio contrarium alieno. Etiam Bellarminus lib. 1. de Christo: *Nostri Doctores non disputant Philosophicè ut ostendant Trinitatem, sed ut solvant Sophismata Philosophorum.* Et Lombardus lib. 1. Distinct. 23. D. Ex Augustino lib. 7. de Trinitate: *Aliiter Græci accipiunt Substantiam, quam Latini. A Latinis autem dictum est una Essentia vel Substantia, & tres Personæ. Alii enim in nostro sermone Essentia quam Substantia intelligi debet. Ut autem intelligatur saltem in enigmate, placuit ita dici, ut cum quaeretur quid sint tria, aliquid diceretur. Cum ergo quaeretur quid sint tria, vel quid tres, conferimus nos ad inveniendum aliquod nomen quo complecteremur illa tria,*
sed

sed non occurrat Animo ; quia *supereminentia Divinatis usitati eloquii facultatem excedit*,

A. Non rectè se excusat Epiphanius. Alieno enim vitio compelli ad faciendum id , quod est illicitum sine vi aut minis nemo potest. Et quod Bellarminus doctores suos Philosophicè disputare negat , ut ostendant Trinitatem , sed ut solvant Sophismata Philosophorum , non est verum. Utuntur enim Theologi illi qui Expositiones Symboli Niceni ediderunt , omnes ferè definitionibus desumptis ex Logica , & Metaphysica Aristotelis ; cum Sanctam Trinitatem ex sola Scriptura Sacra ostendere debuerint. Miror etiam Nicenos Patres , cum tot essent inter illos Philosophi , verba illa artis quibus in explicationibus usi sunt in ipsum Symbolum non intulisse.

B. Mihi vero illud mirum non est , consideranti , Quod in Synodis magnis , qui audacter perorare & disputare possunt , pauci sint. Reliqui ergò , qui sola illa argumenta approbârunt , quæ ex Sacra Scriptura allata erant (cum numero Disputatores superarent) facile suffragiis suis evicerunt , ut nihil in Symbolum admitteretur præter ea , quæ ex Scripturis aperte inferebantur.

A. Quid est *Corpus* , quid *incorporeum* , quid *Spiritus* ?

B. Nomina illa ita eruditis omnibus cognita & intellecta visa sunt , ut nesciam an ullus aut Theologus aut Philosophus Definitionibus ea explicare dignatus sit. Tu ergò , cujus rei Ideam in animo habes , quando profers vel prolatum audis vocabulum illud *Corpus* ?

A. Ego per *Corpus* intelligo nunc id de quo verè dici potest , quod existit realiter in seipso , habetque etiam aliquam magnitudinem , habet (inquam) magnitudinem , non quod sit magnitudo ipsa. Memini tamen quod *Corpus* putarem aliquando id solum esse , quod Tactui meo vel Visui obstaret. Itaque speciem quoque corporis in speculo , aut somno , aut tenebris apparentem , quamquam miratus , corpus tamen esse arbitrabar. Sed consideranti postea Species illas evanescere , ut quarum existentia dependeret non à seipsis , sed à natura animata , non amplius mihi visæ sunt reales , sed Phantasmata & effectus rerum in organa sensuum , agentium ; & proinde esse *incorporeas*. De Spiritibus autem judicabam ex aëre qui Spiritus est , & vento quem Tactu sentiebam , & propterea Spiritum existimavi corpus quidem sed tenue esse , & Spiritus alios aliis esse posse tenuiores , puriores , & alios ab aliis differre posse etiam virtute , non minùs quàm liquores , qui quamquam sint transparentes æquè , virtutibus tamen inter se immanè discrepant. Naturam autem

tem mediam inter Corpus & Spiritum, aut Spiritum & Phantasma (id est inter Spiritum & Nihil) concipere non potui. Quærendum ergo est, an in Scriptura Sacra reperiatur vox *substantia incorporea*, vel *substantia immaterialis*, vel *essentia separata*.

B. Voces illæ in Scriptura Sacra non sunt. Cæterum in primo ex 39 Articulis Religionis editis ab Ecclesia Anglicana Anno Domini 1562 expresse dicitur, *Deum esse sine corpore & sine partibus*. Itaque negandum non est. Poena etiam in negantes constituitur excommunicatio.

A. Non Negabitur. In Articulo tamen vicesimo dicitur, quod nihil ab Ecclesia credendum injungi debet, quod non è Scripturis Sacris deduci possit. Sed utinam deductum fuisset. Nondum enim scio quo sensu aliquid Maximum vel Magnum dici possit, quod non sit Corpus. Sed dic mihi, quænam est differentia inter *gigni* & *procedere*?

B. Vide Matth. 1, 20, ubi Angelus Iosephum alloquitur dicens, *Ne metuas accipere Mariam uxorem tuam. Quod enim in illa genitum est, ex Spiritu Sancto est*.

A. At illud, *ex Spiritu Sancto est*, nescio an significat *ex Spiritu Sancto genitum est*, an *ex Spiritu Sancto procedit*.

B. Locus hic Matthæi pars est Evangelii ad Festum Circumcisionis, ubi legitur in Liturgia sub Edwardo Sexto Latine edita, *Quod in illa genitum est, à Spiritu Sancto profectum est*: & ab Ecclesia nostra ita vertitur ac si scriptum esset, *à Spiritu Sancto venit*. Vides ergo quomodo locum illum interpretata est Ecclesia Anglicana (& opinor) rectè.

A. Quid igitur, cum Spiritus Sanctus à Filio procedat (ut est in Symbolo) & Filius (ut in hoc textu) procedat à Spiritu Sancto, & uterque *genitus* dicatur, *gigni* & *procedere*, omnino differre non videntur. Quorsum verba illa distinxit Ecclesia Romana?

B. Nescio: Scis autem Sphingem ænigmate quondam fuisse populo formidabilem.

A. Quam distinctionem harum vocum faciunt Patres?

B. Nullam quam ego vidi. Cyrillus dicit, *ita se habere Filium ad Spiritum Sanctum, ut Pater ad Filium*.

A. Videtur ergo Cyrillo Filium genuisse Spiritum Sanctum, & sic rursus idem esse *gigni* & *procedere*. Mihi vero satis perspicuum est Filium Dei genitum esse à Deo qui totam comprehendit Trinitatem. Verum non mihi videtur in tantillis verborum argutiis versari Salus hominum. Qui credit in Iesum Christum, quemque suorum peccatorum poenitet, quin is (etsi Theologus non sit) salvandus tamen

sit, nullus dubito. Neque vero à doctrina discedo Symboli Niceni, quam video è Sacra Scriptura manifestissimè derivatam esse: & tres, Patrem, Filium, & Spiritum Sanctum unum esse Deum, idque in tribus Personis, sumpta scilicet *Persona* in sua significatione vera & propria, pro eo qui partes suas vel alterius agit. Cæterum si vox *Personæ* sumatur simpliciter pro substantia intelligente singulari (quemadmodum sumitur à Bellarmino) ut Petrus, Paulus, Iohannes, vel (quod idem est) pro *Hypostasi*, quomodo pater, Filius, & Spiritus Sanctus non sint tres Substantiæ individuæ, id est, tres numero Dei, non intelligo: neque quomodo è Scripturis probari possit, video, ubi neque *Hypostases*, neque *Personæ* in Deo distinguuntur. Solummodo dicuntur esse tres, qui testimonium perhibent in cælo, nempe Pater, Filius, & Spiritus Sanctus, & tres illi esse unum. Illa quæ Patres dicunt extra Scripturam Sacram in suis Fidei explanationibus particularibus Christianos non obligant, quorum unusquisque non alieno periculo, sed suo & summo, salutem suam in Scripturis Sacris scrutari debet. Transeo nunc ad alia.

C A P V T I I.

De Hæresi.

A. Quid est Hæresis?

B. Vox Græca est, significans cujuscunque Sectæ Dogma.

A. Quid est Secta?

B. Secta est numerus hominum sequentium unum eundemque in scientiis Magistrum, quem pro suo arbitrio sibi elegerunt. Ut autem Secta à sequendo, ita Hæresis ab eligendo dicitur. Lucianus Librum suum de magistro eligendo (homo quidem Blasphemus, sed bonus author linguæ Græcæ) inscripsit *de discipulis*.

A. Sectæ quænam erant, & quorum hominum?

B. Philosophorum: nimirum Platonis, Aristotelis, Zenonis, Epicuri, & aliorum. Nominabantur autem Academici, Peripatetici, Stoici, Epicurei: quæ Sectæ erant principales Philosophorum Græcorum, vel eorum, qui se Philosophos videri postulabant. Etsi enim Hæresarchas ipsos Platonem, Aristotelem, Zenonem, Epicurum, pro captu Ethnicorum verè Philosophos fuisse puto, id est, veritatis & virtutis studiosos, & propter eam rem nomina eorum fere per totum orbem Sapientiæ gloria meritò floruisse: Sectatores tamen eorum Philosophos dicendos esse non puto: qui præterquam quod scirent, quænam

quænam fuerint magistrorum suorum sententiæ, nihil intelligebant. Principia enim & ratiocinationes, quibus eorum dogmata innitebantur nesciebant: neque quicquam ad Philosophiæ speciem in vita habuerunt, præterquam quod tristes inciderent, barbam promitterent, & pallio trito amicirentur, homines alioqui avari, fastuosi, iracundi, & à more civili alieni.

A. Nihilne ad Definitionem Hærescos pertinent voces (quas omisisti) Veritas, & Error, quorum alter omni dogmati adheret necessarium?

B. Nihil omnino: Hæresis enim solam denotat sententiam declaratam, siue vera ea sit, siue falsa: siue juxta, siue contra legem.

A. Videtur ergo si homines mutuo se Hæreticos appellent, convitium non esse.

B. Sectæ illæ Philosophorum Græcorum non appellabant alter alterum Hæreticum; sed scelestum, sacrilegum, furem, parricidam; *πλάγος, κατὰ γένος*, aliisque nominibus quibus utuntur infimi ordinis homines, quando ferè ad pugnam excandescunt. Postquam autem in Ecclesia Hæreses ortæ essent, maximum omnium convitium erat *Hæreticus*.

A. Nullæne erant Hæreses præterquam Philosophorum Græcorum?

B. Etiam in Iudæa, Phariseorum, Sadduceorum, Essenorum sectæ dicebantur Hæreses, ut ex Novo Testamento manifestum est. Græcismus, item Iudaismus, Christianismus, habebantur eo tempore pro totidem *Hæresibus*. Hæresis item Gal. 5. inter crimina ponitur. Et Gal. 1. doctrinam significat doctrinæ ipsius Sancti Pauli contrariam, id est contrariam Evangelio Christi, vers. 8. *Si nos aut Angelus de cælo Evangelium aliud prædicaverit præter illud quod vobis prædicavimus, anáθεμα έστω.*

A. Quid est *ανάθεμα*?

B. *Ανάθεμα* (per H) significat quamlibet rem dedicatam, consecratam, vel ab usu communi separatam. Sed *ανάθεμα* (per s) significat aliquando personam Diis Manibus devotam.

A. Quomodo Diis Manibus devoveri potest Angelus?

B. Comburi quidem non potest, neque occidi; sed pro non Angelo, seu pro spectro tantum, haberi potuit, & ut deceptor execrabilis declarari, id est, in verbis Scripturæ Sacræ, tradi Satanæ.

A. Quænam erat in Ecclesia primitiva (cum rectæ fidei regulam haberet Evangelium scriptum) Hæresium causa?

B. Philosophorum, quos dixi supra, hominum imperitorum (Apostolorum)

stolorum tempore vigentium) arrogantia : qui cæteris hominibus argutiùs disputare , & potentiùs perorare didicerant . Hi ad disciplinam Christi accedentes & Episcopos , ad defendendam & propagandam fidem , penè necessariò eligebantur : & magistrorum suorum Ethnicorum , quantum poterant , etiam facti Christiani dogmata retinuerunt ; & propterea Scripturas Sacras ad Philosophiam suam & fidem Christianam (tanquam eandem rem) simul conservandam , interpretari conabantur.

A. Quid erat Hæresis in Philosophia satis explicasti. Quid vero in Ecclesia dicebatur Hæresis , nõdum intelligo.

B. In Ecclesia primitiva usque ad tempus Concilii Niceni , dogmata quibus inter se discrepabant Christiani eo tempore erant pleraque circa doctrinam Trinitatis , cujus Mysterium , quanquam ab omnibus teneretur incomprehensibile , freti tamen suorum Magistrorum Philosophia , explicare alius alio modo ausus est . Unde primò orta sunt disputationes , deinde jurgia , & tandem , ad scandalum evitandum , & pacem in Ecclesia constituendam , Synodi adhibitz sunt , convocatz nulla jussione Imperantium , sed coitione Episcoporum & Pastorum voluntaria , quando cessante persecutione potuerunt . In quibus Conciliis quid de Fide in re controversa tenendum esse definierunt . Quod autem definitum erat , Fides Catholica ; quod damnatum , Hæresis dicebatur . Erant enim Concilium respectu Episcopi vel Pastoris singularis , Ecclesia Catholica , sive tota , sive universalis ; & sicut eorum opinio , Catholica ; singulare autem cujuscunque Pastoris dogma , Hæresis . Atque hinc , quatenus in Historiis explorare potui , origo nominis Ecclesiæ Catholicæ , & in omni Ecclesia Catholica & Hæreticus voces sunt relativæ .

A. Si nihil aliud significet Ecclesia Catholica , multæ sanè sunt in orbe Christiano Ecclesiæ Catholicæ .

B. Tot sunt Ecclesiæ Catholicæ , quot sunt Ecclesiarum Capita . Sunt autem tot capita quot sunt Regna & Respublicæ Christianæ . In omni enim Regione , Christianorum in ea regione Princeps subditorum suorum Caput est , nec ab alio in terris Capite dependet . Itaque quot sunt Ecclesiæ visibiles , tot sunt Ecclesiarum Capita . Quoniam autem electorum à Deo numerus per totum orbem terrarum disseminatus Caput habens in cœlis ipsum Iesum Christum dicitur , & est vera Ecclesia Catholicissima , & unica ; illa quoque est , in quam credere profitemur in Fidei Symbolo . Nulla enim alia est aut esse potest Ecclesia Catholica , si modo Catholica sumatur pro omnibus simul Christianis . In Christianis enim Civitatibus Regnum & Ecclesia

sia populus idem est. Itaque si alicui in terris concederetur ut esset totius Ecclesiæ Christianæ Caput, eidem simul concederetur ut esset Regnorum & Rerumpublicarum omnium Rex.

A. Quænam erant illa Dogmata ab Ecclesiis Primitivis appellata *Hæreses*?

B. Inter multas alias præcipuæ fuerunt, quæ pertinebant ad doctrinam Trinitatis, quæ continetur in Fidei Symbolo Nicæno. Quod quidem Symbolum constitui cœpit in Concilio OEcumenico Nicæno, absolutum autem est à tribus Conciliis OEcumenicis sequentibus, nempe Constantinopolitano, Ephesino, Chalcedonensi, & ab Imperatoribus Romanis illorum temporum (qui illa Concilia indixerunt) confirmatum. Causa Concilii Nicæni convocandi fuit Arrius Presbyter Alexandriæ, cui cum Alexander ejusdem urbis Episcopus dixisset Filium Dei esse Patri *ὁμοούσιον*, id est *eiusdem substantiæ* cum Patre, Arrius contradixit; cumque, multis præsentibus Presbyteris, ferveret disputatio, negavit quoque Iesu Christi Divinitatem; unde nata est pauld post in urbe Alexandrina seditio & cædes. Conservandæ autem pacis causa Imperator Constantinus Magnus Concilium illud Nicenum convocavit, in quo Symbolum usque ad hæc verba *Credo in Spiritum Sanctum*, Patres constabilerunt, & damnata sententia Arrianorum, ipsum cum sociis suis quibusdam Episcopis & Presbyteris excommunicaverunt, & ab Ecclesiis deposuerunt; quanquam (propter sequentes Imperatores aliquot Arrianos) Hæresis illa extingui non potuit. Concilium aliud generale post annos 50. habitum est Constantinopoli, ubi damnata est Hæresis Macedonii negantis Divinitatem Spiritus Sancti. Deinde, post annos alios 50. in Concilio Generali Ephesino damnata est doctrina Nestorii negantis, sicut Arrius, Divinitatem Christi. Postremò, in Concilio generali Chalcedonensi damnata est Hæresis Eutichetis & Dioscori, qui negaverunt duarum naturarum in Christo, Divinæ & Humanæ, Unionem; & ita Symbolum quod vocatur Nicenum tandem perfectum fuit, & cum dictis Hæresibus etiam aliæ his affines, condemnatae sunt.

A. Post Hæreses illas damnatas, nullæne postea subortæ sunt novæ?

B. Etiam multæ, nescio quot. Postquam enim Ecclesia Romana decretis suis arrogasset sibi, circa Articulos Fidei errare se non posse; & Primatum super omnes Episcopos concessisset Papa Imperator Phocas; & Imperii (in Italia) vis languesceret, & metus Saracenorum Principes Christianos occupasset, Papa jam ante divitiis & potentia multum auctus Concilia generalia propria autoritate convocabat,

cabat, neglecta Imperatorum, & Italiæ Regulorum autoritate, quorum etiam aliquos Reges & Imperatores, ut Hæreticos excommunicare ausus est. Itaque progressu temporis omnes doctrinas, quæ potentiam Ecclesiasticam aut surgentem impedire, aut consummata detrahare videbantur, pro Hæresibus condemnabant. Atque inde ortæ sunt Hæreses illæ numerosæ, propter quas (post edita Lutheri scripta) tot Christiani in hoc Regno Angliæ, aliisque in locis combusti sunt, donec evigilantibus tandem illorum locorum Principibus, à tam gravi persecutione & servitute Romana liberati fuerunt.

A. Ecclesia Romana quos comburi jussit Lutheranos, Anabaptistas, aliosque, habuitne pro Christianis, an pro Ethnicis?

B. Pro Christianis sine dubio; nec hos tantum, verum etiam Arianos, & eos omnes quos damnavit Synodus Nicena. Neque eos aliter vocavit quam Hæreticos. Nam etsi Philosophicis rationibus usi de Natura Salvatoris, & de Sancta Trinitate aliter senserunt quam oportuit, contra Scripturas sacras; Christum tamen pro vero Messiam habuerunt, & Filium Dei Iesum Christum, & nomen ejus invocant.

A. Si ita est, Ecclesia Romana de Imperatorum Ethnicorum antiquis persecutionibus (ut mihi quidem videtur) iniquè conqueruntur. Christiani enim temporum illorum Sectæ quædam erant, eandem habentes rationem ad Religionem in Romano Imperio stabilitam, quam Hæresis hodie ad Ecclesiam Catholicam. Gravius autem aliquanto est Christiano à Christianis quam ab infidelibus cruciari.

B. Idem videtur & mihi. Sed tamen in Regnis & Rebus publicis, ut cautio adhibeatur ne seditiones & bella civilia oriantur, omnimode necessarium est. Quæ cum sæpius nascentur à diversitate doctrinarum, & concertationibus de ingenio, poenâ certè aliquâ illi coercendi sunt, qui in Concionibus, vel Libris contraria docent iis, quæ doceri, Principum & Rerumpublicarum Legibus prohibentur. Itaque Angliæ Regina Elizabetha, sorori Mariæ succedens, sub qua multi Hæretici combusti sunt (nec ipsa Elizabetha sine periculo erat) accepto regno, jus regendæ Ecclesiæ Anglicanæ (jure naturali omnibus Regibus in suis Dominiis debitum) ante omnia, consensu Procerum & populi, omnibus Potestatibus extraneis Ecclesiæ Anglicanæ Suprematam abstulit; & administrationem ejusdem sub seipsa Episcopis suis unâ cum paucis ex consilio suo privato, Diplomate sub Sigillo Magnæ Angliæ commisit & confirmavit. In quo Diplomate

mate provisum erat ne quam doctrinam Hæreticam esse pronunciant, quæ Hæretica declarata non fuisset, in aliquo eorum, quæ dixi, Conciliorum quatuor primorum generalium. Itaque quod attinet ad Hæreses, status Ecclesiæ Anglicanæ similis erat ejus qui erat Ecclesiæ Romanæ sub Constantino Magno; & sic remansit usque ad annum decimum Septimum Regis Caroli primi, qui subditorum suorum (tantam potestatem Episcoporum non ferentium), precibus fere coactus Diploma illud Elizabethæ revocavit, relicta Episcopis potestate tantum ordinariâ, nimirum faciendi Canones, qui consentiente Rege Leges fierent Ecclesiasticæ.

A. Ecclesiæ ergo Anglicanæ conditio qualis hodie cernitur, puritate Doctrinæ conditioni Ecclesiæ quæ erat tempore Constantini, æqualis est; tum verò æquitate Legum Ecclesiasticarum etiam superior. Iniquum enim videtur, ut homo cujus Fides suo solius periculo sumitur, eo nomine puniatur quod sit erronea, præsertim ab illis, quibus alienus error damnosus non est.

B. Errare, decipi, malè sentire natura sua crimen non est, nec, dum intra pectus continetur, error fieri crimen potest. Nam quo indice acculabitur, quo recte vincitur? Quomodo ergo judicabitur? At Verba crimen esse possunt, & quibus Legislatores volunt pœnis puniri sine injuria, & quidem supplicio ultimo. Si blasphemia in Regem morte puniri potest, multo magis blasphemia in Deum. Verumtamen æquitatis est, ut in tali Lege apertè definitum sit, tum quid sit crimen quod condemnatur, tum quis sit modus puniendi, eo fine ut expectatione pœnæ malus à malefaciendo absterreatur, Legitimæ enim pœnæ finis non est, iræ contra hominem satiatio, sed ad commodum humani generis, injuriarum quantum fieri potest præventio; & iniqua est Lex omnis, quæ non antè comminatur, quam ferit; & quantumvis Summarum Potestatum in Legibus condendis jus arbitrium sit, arbitrium tamen non est, in sumendis pœnis, quæ non sint antè Legibus definitæ. Præterea Lex nisi declarata sit, & promulgata, ita ut Ignorationis excusatio omnis probabilis auferatur, tunc ne id quidem, quod contra Legem factum est rectè puniri, aut crimen appellari potest?

A. Quod factum est contra Legem Naturalem, nonne crimen est, & puniri potest, etiamsi nullus Legi adscriptus sit puniendi modus?

B. Lex naturalis æterna, divina, & cordibus solummodò inscripta est. Pauci autem sunt, qui in sua ipsorum corda inspicere, & quæ illic scripta sunt sciunt legere. Itaque quæ faciendæ, quæ fugiendæ
sint:

sint, à Legibus scriptis discunt; faciuntque & fugiunt prout prævisis poenis videbitur sibi met ipsis utile vel damnosum. Præterea si quid factum sit contra Legem Naturalem, non id crimen vocari solet, sed peccatum, idque sibi poenitentibus statim condonandum existimant, nisi cum aliquo damno civitatis vel proximi conjunctum sit; neque tunc ulterius puniri se posse putant, quam ut pro damno illato satisfaciant. Malitiam autem soli Deo puniendam relinqui. Nam si peccator peccatorem puniat peccati solius nomine, postquam Legi satisfactum sit, simile est Belli civilis.


A. Quid, si quis Atheus sit, nec sit Lex scripta quæ modum poenæ definit, nonne punietur?

B. Punietur profecto, & gravissimè. Sed prius accusandus, audiendus & damnandus est. Accusari autem præter Dictum & Factum nihil potest. Quibus autem Factis arguetur Atheismus? Quodnam enim Factum audivisti unquam tam sceleratum aut impium, cujus simile non commissum sit aliquando ab illis, qui non modò non putantur Athei, sed etiam professione tenus sunt Christiani? Non ergo ex factis judicatur Atheus. Dicto igitur aliquo sive prolato sive scripto reus fieri, neque ullo alio modo potest, nempe si directè negaverit Deum esse.

A. Nonne Atheus dicetur etiam is, qui dixerit scripseritve id, ex quo Deum non esse necessariò sequitur?

B. Ita sane, si ipse quando id dixit, vel scripsit, consequentiæ talis necessitatem vidit. Nam si Dictum vel Factum sit, id quod Lege prohibetur, & proinde puniri possit, illud definiri ita debet, ut illi omnes qui Lege illa obligandi sunt, cognoscant hoc & illud Factum, prout Lege cum circumstantiis definitum est, vel hæc vel illa Verba, quæ in Lege ipsa scribuntur, punienda esse. Nam Verborum consequentiæ difficillimæ judicatu sunt, Itaque si reus, ignoratione bene ratiocinandi, contra literam Legis loquutus sit (nullo cuiquam damno facto) excusabit illum ignorantia. Sin Index per ignorantiam alicujus consequentiæ, hominem innocentem poenæ tradiderit, excusari non potest. Quod si Verba ipsa sciat contra Legem esse, puniri potest. Quare qui Deum esse negat, vel apertè profiteretur dubitare se an sit vel non sit, etsi modus puniendi adscriptus Legi non sit, puniri potest, sed exilio, etiam æquitate Naturali. Nam Religio & Agnitio potentia Divinæ in omni Civitate Lege imperatur. Et est Civitati omni essentiale, ut in pactis servetur fides, & præcipuè, si sit jurejurando confirmata. Quia ergo Atheus jurejurando obligari non potest, à Republica ablegari debet, non ut contumax, sed ut nocuum





mentum publicum. Cur autem, cessante damno publico, occidendus sit, non video, cum ab impietate converti possit aliquando; nam à longanimitate Divina quid est quod sperare homo non possit antequam moriatur? Similiter dicendum est de Blasphemia, quæ est oratio in Deum contumeliosa, &, consentiente animo cum oratione, Atheismus.

A. Quare autem non relegati potius erant Blasphemi, per Legem Mosaicam quàm occisi?

B. Quia quo jure Rex terrenus blasphemum (Lege lata) regno suo potest expellere, eodem jure Rex populi Israelitici (qui tempore Moïsis erat Deus ipse per pactum constitutus, idemque Rex per naturam totius orbis terræ) blasphemum, Lege lata, expellere potuit ex universa terra, id est, occidere. Sed ad quæstionem tuam responsum hoc meum ita accipe, non ut consilii divini in Lege condenda causam explicans, sed ut conditæ æquitatem defendens.

A. Intelligo jam quid sit *Hæresis*; nempe, Quod primò erat opinio tantùm Sectæ. Deinde opinio Sectæ Christianæ. Tertio opinio Sectæ Christianæ ab Ecclesia Catholica damnatæ. Vellem & hoc scire, à qua Potestate, & quo Modo ab origine usque hodie, puniri consuevit.

B. Ante Constantinum Magnum, Imperatorem Christianum primum, neque Pastores neque ipsi Apostoli Potestatem habuerunt Hæreticis à se condemnatis poenam ullam infligendi, neque illos in exilium mittendi, neque libertate corporis privandi, neque quomodoque molestandi; quippe quod soli summo Imperanti ad conservationem pacis competeat, Excommunicare potuerunt, id est, eorum societatem, convictum, congressum declinare & fugere, tanquam Ethnicorum vel Publicanorum; quæ poena non est, & sæpe numero excommunicanti magis, quàm excommunicato incommoda erat. In Concilio Niceno poena (damnatis Hæreticis) in Clericos tantum constituta est, eaque erat ut Ecclesiis suis privarentur. Sed contra Discipulos illorum statutum est nihil, quia Laici fortè de Pastorum suorum doctrinis judicare minimè tenebantur, vel forte, quia plerique eorum milites erant, qui sub Imperatore ipso meruerant, nec irritandi sine periculo erant. Etiam Doctores Hæresium ipsi citabantur ad Concilium, eorum rationes audiebantur, disputabantur, & ex Scripturis Sacris refutabantur. Ad extremum si Ecclesiæ judicio subscribere recusarent, tùm demum privabantur Ecclesiis. Et siquidem postea populum Hæresi sua pergerent inficere, in exilium quandoque mittebantur. Caterum illi idem si posita contumaciâ

postea subscriberent, ab Imperatore restituebantur; sicut ipse Arrius postquam Fidei suæ confessionem Imperatori scriptam dedisset, quæ à Iudicio patrum reliquorum (ut Imperatori videbatur) non discrepabat, restitutus fuit; & Athanasius qui eam recipere noluit, ob eam rem in exilium missus est.

A. Athanasius ille Magnus summi Imperatoris mandato obedientiam negare, peccatum esse non putavit?

B. Ita videtur; loca tamen Testamenti Novi illa, quibus obedientia Potestatibus etiam Ethnicis à Christo & Apostolis præcipitur, obscura non sunt. Sed Athanasius quo zelo Hæresin Arrianam in Concilio Niceno paulò antè oppugnaverat, eodem postea de Arrio restituendo ipsi Imperatori se opposuit. Neque mirum id videri debet, cum Theologiæ Doctores dum in loca illa Scripturæ Sacræ, quæ pertinent ad præsentem controversiam, intentissime inspiciunt, loca alia quæ spectant ad jura Principum, aut negligentia, aut aliquando etiam studio, spretisque Legibus humanis, prætereunt. Sed (ut redeamus ad Hæreticorum poenas) sciendum est inter Ecclesiastica supplicia, ultimum esse quod vocatur Anathematizatio sive Excommunicatio; & propterea aliam omnem poenam dependere à Potestate civili. Causa autem, quare Constantinus, & cæteri Imperatores Romani multas poenas in Hæreticos constituerunt, ut exilium, publicationem bonorum, librorum combustionem (etiam mortem sed non in Scriptores Hæreticos ipsos, sed in eos qui libros illos damnatos ad ignem non proferrent) causa erat ne Christiani & præcipuè milites secederent in partes, & mutuo se occiderent. Nullam tamen Legem Imperatoriam invenire possum, qua Hæretici necandi sunt, exceptis Manichæis, quos ego non tam pro Hæreticis, quam pro fictis Christianis & sceleratis habeo. Legem quidem invenio, quâ homo Ethnicus vel Iudæus si gentilem suum factum Christianum tentasset à Fide Christiana revocare, comburendus esset. Sed hoc nihil attinet ad supplicium Hæreticorum. Audivi etiam Imperatorem Fredericum Ænobarbum de comburendq Hæretico Legem tulisse, sed, etsi in codice Iustiniani, Constitutionem reperio Frederici illius; confirmantem Imperatorum præcedentium Constitutiones de poenis Hæreticorum, nulla tamen extat de combustione Hæreticorum. Itaque quantum conjectura assequi possum, modus ille puniendi Hæreticos paulò post tempora Papæ Alexandri tertii coepit, qui primus unâ cum Imperatore illo Imperium ipsum & Principum omnium Leges conculcavit. Utcunque id sit, certum est, in Angliâ nostra ab illo ferè tempore, usque ad tempora Reginæ Eliza-

Elizabethæ consuetudine quadam in Legem transeunte, Hæreticos comburi solitos esse.

A. Definitioni ergo Hæreseos ab hoc tempore vocalæ aliquot adijciendæ sunt. Nimirum, ut Hæresis sit Doctrina contra Fidem Catholicam vindicanda igne.

B. Ita est.

A. Quo Iudice, qua Iudicandi Forma, condemnandi erant Hæretici?

B. Antequam imperium in Imperatores exercerent Papæ, Iudices plerumque erant illi, ad quos Rescripta Imperatorum de pœnis Hæreticorum mittebantur, nempe Prætores Urbis, Provinciarum Præfecti. Sed de forma Hæretici convincendi nihil scio. Cæterum postquam vigeret authoritas Pontificia, Cognitio causæ ad Episcopum unum vel plures spectabat; & si Reus, doctrinæ quam docuerat, publicè bis (si opus esset) requisitus, renuntiaret, poenitentiamque ageret ea forma, quam præscriberet Curia, absolvebatur. Quod si in eandem Hæresin post relaberetur, vel in aliam (nam innumeræ erant) Potestati seculari comburendus tradebatur. Neque omnino Veniæ locus erat (propter Potestatis Ecclesiasticæ & Civilis distinctionem) sine consensu Papæ.

A. Ab anno primo Elizabethæ ad annum decimum septimum Caroli primi, quomodo convincendi & puniendi erant?

B. Per totum illud tempus apparuerunt quidem valdè pauci Hæretici, propterea quod illis, quibus Regina commiserat Regimen (sub se ipsa) Ecclesiasticum, prohibitum lege erat, ne quam doctrinam Hæreticam esse judicarent, quæ non antè pro Hæresi condemnata fuisset in aliquo quatuor Conciliorum generalium primorum, id est (ut ex illis ipsis Conciliis manifestum est) quæ non erat contra Fidem in Symbolo Niceno declaratam. Sed qui convicti erant comburebantur.

A. Quomodo cognosci potest, quid sit Symbolo contrarium vel non contrarium, nisi ipsa verba Symboli ea formula, qua scripta sunt negentur esse vera, vel dicantur esse falsa?

B. Neque Lege puniendus est Hæreticus, nisi ipsis Symboli verbis contradicat. Nam ut quis dicat negari Fidem per consequentiam, atque ea de causa aliquis puniendus sit, iniquum est. Æquum ne est ut hominis vita argutis petatur consequentiarum? vel in adversariorum, aut etiam Iudicis peritia in arte Logica periclitetur? An Lex, quæ nihil exigit præter Obedientiam, ulciscetur Paralogsimum? Patres ipsi in Concilio Niceno aliter censuerunt. Cum enim essent ini-

ter illos aliqui, sed pauci, qui propter vocem *ὑποστίον*, subscribere Symbolo dubitarent, & explicationem illius vocis pleniorē poscerent, illis morem gerentes Patres cæteri, vocem *ὑποστίον* ita intelligendam esse declararunt, ut Filius Dei ex substantia quidem Patris esset, ut non tamen esset Patris pars. Ex illis qui explicationem hanc à Patribus impetraverunt, erat Eusebius Episcopus Cæsariensis, idemque ad Clerum per omnes Dioceses Epistolam scripsit, quæ vocatur Epistola Circularis, in qua certiores facit, quid decretum erat in Synodo de Fide circa sanctam Trinitatem, & de Causa quare ipse & cæteri, qui prius subscribere recusaverant, nunc subscriberent; ubi pro causa subscriptionis suæ posuit hanc, *quod formula à Patribus præscripta esset, per quam cautio adhibebatur, ne à rectæ Fidei sententia excideret, & quod ob eam causam vocem ὑποστίον non rejiceret, nempe quia Pax nobis tanquam scopus ante oculos versabatur.* Ex quo intelligitur, quoties Verba fiunt crimen, juxta Concilii Niceni sententiam, Verba illa in Formulam debere redigi, ut unusquisque quæ verba crimen habent, quæ non habent, sine pluribus Syllogismis certus esse possit. Eodem planè modo, quo id quod in factis crimen est, ab eo quod crimen non est, distinguitur per Legis Formulam. Idem senserunt & Papæ omnes. Nam ubi in Conciliis generalibus doctrinam aliquam damnant, ut Hæreticam, ejusdem doctrinæ consequentias quotquot nasci posse prævident, totidem Formulas expressas in Decreto ipso perscribunt.

A. Dixisti modò prohibitum Lege fuisse anno primo Reginæ Elizabethæ, ne qui sub illa regimen Ecclesiasticum exercerent, quicquam pronuntiarent esse Hæresin, quod non esset ab aliquo primo-um quatuor Conciliorum generalium condemnatum. Quæro igitur an Rectores illi Ecclesiastici à Regina tunc constituti, promulgaverint per omnes Ecclesias Parochiales, quænam doctrinæ illæ erant, & Formulæ verborum quibus contradicere capitale esset? Non enim credo homines imperitos, & quibus nihil ad Salutem suam legendum præscriptum erat præter Biblia Sacra, obligatos fuisse habere apud se exemplar (quod nescio an extet verum) Conciliorum. Sunt enim qui extare illa negant, ut ab Arrianis corrupta, & ob eam causam suppressa à Catholicis.

B. Dubitari non potest de ea parte Conciliorum, qua Symbolum stabilitur, quin pura extet. Quod autem ad disputationes inter Catholicos & Hæreticos attinet, utrùm ea pars perit necne hæud magni interest. Cæterum quod quæris utrùm promulgatæ erant per Ecclesias Formulæ verborum illæ, quibus sub Elizabetha continetur Hæresis,

resis, nullæ promulgatæ erant, ne ipsæ quidem Literæ Regiæ publicatæ sunt, nisi longo post tempore; adeo ut quid esset Hæresis, quid non, sciri à Reo non poterat antequam citaretur. Etsi enim propter Literas illas Regias, Hæresis declarari potuit, quicquid erat ita declaratum à prædictis Conciliis; potuit tamen per easdem non declarari. Negligentiam hanc Rectorum Ecclesiasticorum sub Elizabetha quod Literas illas Regias non citius publicaverint, reprehendit clarissimus ille Iurisconsultus Eduardus Cocus in tertio Libro Institutorum.

A. Nonne ipsum Symbolum in Liturgia Anglicana publicatum, Legis de Hæresi sufficiens erat promulgatio?

B. Ita, si in Lege id scriptum fuisset. Sed nulla ibi facta est mentio Symboli Niceni; neque indocti (neque aliqui fortasse Clerici) quid Symbolum illud cum Conciliis commune haberet, aut quomodo Decretum Constantini Lex Anglicana facta esset intellexerunt.

A. Quum Rectorum illorum, penes quos erat de Hæresi judicare, autoritas Lege sublata esset, anno (ut dicis) Caroli Primi decimo septimo, quomodo fieri potuit, ut autoritas Legibus de Hæresi quæ extiterunt tempore Regiæ Mariæ non rediret?

B. Quia Lex de omni alia potestate Ecclesiastica, præter Regiam abolenda, antè lata erat, quam potestas illa Rectorum Ecclesiasticorum erigeretur, itaque sublata illa Lege, Rectores illi auctoritatem (præter ordinariam illam excommunicandi) in puniendis Hæreticis nullam habuere, neque habent hodie.

A. Hæreticus ergo hodie alia poena præter excommunicationem puniri non potest?

B. Etiam poenis iis, quæ excommunicationem (virtute Legum Civilium) consequuntur. Citabitur enim ad Curiam Ecclesiasticam, ubi, nisi errorem suum ipse damnet, tradetur potestati seculari in carcerem conjiciendus, ibi mansurus, donec Hæresi suæ renuntiet, poenitentiamque egerit Legibus constitutam.

A. Qui sciri potest an verè renuntiaverit necne?

B. Omnino sciri non potest, præterquam à Deo solo.

A. Nonne cogi potest Hæresin suam abjurare?

B. Non potest. Solebant quidem stante auctoritate dictorum Rectorum Ecclesiasticorum examinari aliquando cum juramento de sententia ipsorum interna. Sed ea potestas una cum ipsa auctoritate ablata est, ut iniqua; propterea, quod cogitationum vindicta ad solum videtur pertinere Deum, cogitationum inspectorem, Leges enim humanæ in contumaciam tantum animadvertunt.

A. Nullane Hæreticorum poena constituitur in Evangelio?

B. Nulla, nisi quod fugiendi sunt, & communione Sanctorum (qui illo tempore de divitiis communibus alebantur) sanctiendi. Nullam poenam sapientiam invenio secularem. Neque excommunicationem reperio propter Hæresin, sed propter vitam, & scelera quibus Religio dedecorabatur. Contra autem, si ad doctrinam Christianam parabolæ Novi Testamenti adhibendæ sunt, puniri Hæreticum à Christiano homine poena civili prohibitum puto Matth. 13. vers. 27. unde hæc Zizania? 28. dixit illis (Jesus) *Inimicus homo hoc fecit. Servi autem dixerunt illi, Vis colligamus ea?* 29. *Ille autem dixit, Non, ne forte colligentes Zizania eradicetis unâ granum.* 30. *finite ambo simul crescere usque ad messem.* Nonne manifestum hinc est, Zizania, id est Hæreses reservandas esse ad Iudicium ultimum? Quomodo ergo revellendæ sunt in hoc mundo morte vel exilio? Item 1 Cor. 3. 11. *Fundamentum aliud ponere nemo potest, præterquam quod Iesus est Christus.* 12. *Sin quis hinc fundamentum superædificaverit aurum, argentum, lapides pretiosos, lignum, fœnum, culmum.* 13. *Vniuscuiusque opus manifestum fiet.* 15. *Si alienius opus comburatur, damnnum sustinebit, ipse autem salvabitur, ita tamen ut per ignem.* Quid hoc, nisi quod qui fundamentum tenet hoc, Iesum esse Christum, id est, is, qui verè Christianus est, etsi superædificaverit lignum, fœnum, culmum, id est, dogmata falsa, operam perdet, ipse tamen salvabitur. Sed quasi per ignem, id est, animo erroribus expurgatis. Etiam 2 Tim. 2. 25, *Ministrum Domini docere oportet eos qui se opponunt, in mititate, si forte Deus ipsis det resipiscentiam ut agnoscant veritatem.* Nonne hoc contra eos est, qui Hæreticum bis citatum, nisi renunciet doctrinæ suæ, statim comburi faciunt, aditumque homini Christiano ad misericordiam divinam, quantum in ipso est, occludunt? Quibus locis Scripturæ Sacre sententiam adde Theologorum omnium, neminem à Christo recipi, qui meta mortis ad illum cogitur.

A. Quomodo puniri solet Blasphemia?

B. Blasphemia si procedat ab animi sensu Atheismus est. Quis enim blasphemare Deum auderet quem esse, & curam rerum humanarum gerere existimaret. Sed id quod vulgo Blasphemia dicitur, nihil aliud est, præter affectatum divinitatis in juramentis non necessariis abusum. Quod crimen definitur à Iustiniano Novella 77, hoc modo: *Blasphemia sunt per Dei capillos, & caput, & his proxima, verba.* Deinde poena constituitur supplicium ultimum.

A. Ejusmodi juramenta nullane Lege puniuntur apud nos?

B. Nescio. Quin tamen puniri ea posse censuris Ecclesiasticis non

non dubito. Nam & scandalum est Ecclesiæ, & tertii præcepti Decalogi transgressio in primis audax. Juramentum quodlibet non necessarium, Peccatum est non parvum, ortum habens ab eo, quod soleant homines mentiri. Itaque qui verum dixerit, videritque sibi creditum non esse, ne non seriò dixisse videatur, jurat per quem, si jurare omnino necesse esset, jurare deberet, Deum. Horum impunitatem cum videant ingenia quædam luxuriantia, Deum in membra dividentes more Anthropomorphitarum, per singula jurare cœperunt, nonnullam ex novitate juramentorum laudem aucupantes, atque inde verba illa, per Corpus, per Vngues, per Capillos, Blasphema simul & Hæretica. Quomodo punienda sint viderit Ecclesiæ.

C A P V T I I I.

De quibusdam Objectionibus contra Leviathan.

AP Rodiit anno Domini 1651 Liber quidam Anglico Sermone scriptus, cui Titulus est Leviathan, cujus quatuor sunt partes, Prima de *Natura hominis*, & *Legibus Naturalibus*. Secunda de *Natura Civitatis*, & *Inre Potestatis summe*. Tertia de *Repubblica Christiana*. Quarta de *Regno Tenebrarum*. Insunt in singulis partibus Paradoxa quædam tum Philosophica, tum Theologica; & ita multa contra Potestatem Romanorum Pontificum in alios Principes, ut facile appareat Authorem existimasse causam Belli Civilis quod eo tempore per Angliam, Scotiam, & Hyberniam gerebatur aliam non fuisse quam dissensionem, primò inter Ecclesiam Romanam & Anglicanam, deinde in Ecclesia Anglicana inter Pastores Episcopales & Presbyterianos, circa quæstiones Theologicas. Bellum illud Civile incepit in Scotia anno 1639, sed concessionibus quibusdam Regiis (quarum una erat sublatio potestatis Episcopalis e Regno Scotiæ) illico sopitum est; verum citò, instigantibus Presbyterianis Anglicis anno 1640 refuscitatum. Administrabatur eo tempore Regimen Ecclesiasticum virtute Literarum Regiarum per Episcopos. Sedebat etiam Parliamentum, totum ferè Presbyterianum. Factio enim Presbyteriana Factionem Episcopalem potentia & favore populi longè superabat. Itaque anno proximo coactus est Rex, quo Parliamentum placaret, Episcopos etiam à Regimine omni Ecclesiastico extraordinario remove. Quo facto, nulla amplius potestas remansit inter Anglos cognoscendi Hæreses, sed omnimoda Sectæ apparuerunt scribentium & publicantium qualem quisque voluit Theologismum.

Iam

Iam Parisiis debebat Author dicti libri, vulgata jam libertate scribendi utens. Et jura quidem Regis tum in Temporalibus tum in Spiritualibus egregie vindicavit. Cæterum dum hoc ex Scripturis Sacris conatur facere, in dogmata lapsus est inaudita, quæ à plerisque Theologis Hæreseos & Atheismi accusata sunt.

B. Quænam sunt illa Dogmata?

A. Quid tibi videtur oratio hæc cap. 2. versus finem: *Opinionem hominum de Spiritibus mortuorum ambulantibus, de industria (puto) traditam fuisse, aut non confutatam, ad sustentandam existimationem Exorcismorum, Signi Crucis, Aquæ benedictæ, aliarumque artium Cleri.*

B. Mihi quidem vera, prudens, & Christiana videbitur, nisi contrarium evincas ex Scriptura Sacra. Equidem lego Matth. 27. vers. 52. Christo in Cruce moriente corpora mortua è Sepulchris excitata esse, non autem animas.

A. Deinde, cap. 4. sub initium negat *substantias* ullas esse *incorporeas*. Quid aliud est hoc quam negare Deum esse, vel affirmare Deum esse Corpus?

B. Affirmat quidem Deum esse Corpus. Sed ante eum idem affirmavit Tertullianus. Disputans enim contra Apellem, aliosque sui temporis hæreticos, qui Salvatorem nostrum Jesum Christum non Corpus, sed Phantasma esse docuerunt, dictum hoc universale pronuntiavit, *Quicquid Corpus non est, non est Ens*. Item contra Praxeam, *Omnis Substantia est Corpus sui generis*. Neque in ullo ex quatuor Conciliis primis generalibus doctrina hæc condemnata est. Ostende si potes vocem *incorporeum* vel *immateriale* in Scripturis. Ego vero ostendam tibi plenitudinem divinitatis habitare in Christo corporaliter, id est (ut exponit Athanasius) *Dealiter*. Omnes sumus & movemur in Deo. Sunt verba Apostoli. Quantitatem autem habemus omnes. An *quantum* in esse potest in *non quanto*? *Magnus est Deus*, sed magnitudinem intelligere sine corpore impossibile est. Ne à Concilio Niceno quidem definitum est Deum esse incorporeum. Patres autem qui aderant (nescio an omnes) ita senserunt; & ipse Constantinus vocem illam *ὁμοούσιον*, id est, coessentialem ideo comprobavit, quod ex ea voce videretur illi sequi *Deum esse incorporeum*. Nihilominus vocem illam *incorporeum*, quæ non est in Scriptura Sacra, in Symbolum inferre noluerunt. Neque vero ex voce *coessentialis* (quanquam Essentia corpus non sit) inferri potest Dei incorporeitas. Pater Davidis, & Filius Obedi, cum fuerit unus & idem Iesicus, erant *coessentialis*; sequiturne inde Patrem Davidis & Iesum fuisse *incorporeos*? Præterea Patribus Concilii Niceni in animo erat condemnare per illud Symbolum non modo

modo Arrianismum, sed etiam Hæreses omnes, quæ post mortem Domini in Ecclesiam irrepserant, quarum una erat Anthropomorphitarum, qui Deo corporis humani membra attribuerant, non autem condemnare eos, qui verum, realem & purum Spiritum, Corporeum esse cum Tertulliano scripserant. Illi quidem, qui Deo puritatem tribuunt rectè faciunt; est enim honorificum. Sed tenuitatem attribuire, quæ gradus quidam est ad nihilitatem, periculosum est. Iohannes Damascenus exponens Fidem Nicenam lib. 1, cap. 13: *Divinorum nominum* (inquit) *alia negativa sunt, significantia id quod est supra substantiam, ut ἀνόριστος* (id est sine Essentia) *ἀχρονος*, sine tempore, *ἀναρχος*, sine principio, non quod his inferior sit, sed quod supra hæc omnia elatus sit. Deus enim in numero Entium non est, sed supra ea omnia. Vides J. Damascenum Philosophum Aristotelicum (ut videre est ex opere ejus Dialectico) eundemque Patrem Ecclesiæ & Doctorem pium, dum metuit dicere cum Tertulliano Deum esse Corpus, & studet crassitudinem corpoream attenuando, quam (nescio quare) Deo indignam putat, in verba Athea incidit, dicens Deum *ἀνύσσιον* esse, & nihil eorum quæ sunt.

A. Per *ἀνύσσιον* nihil ille (credo) significare voluit præter Increatum.

B. Fortasse. Quid autem opus erat, postquam paucis antè versibus de attributo illo *Increatum* satis locutus esset, rursus idem dicere per nomen illud non ferendum *ἀνύσσιον*? Cum denique sciret Spiritum omnem utcunque tenuem, esse tamen Corpus. Quam Substantiam sive Ens reale potuit ille sibi fingere, quo Substantia videretur esse incorporea, præter Idola seu Phantasmata qualia videmus in speculis, in somno, in tenebris, & quæ Paulus Apostolus dicit esse Nihil?

A. Tertiò. Cap. 6, versus finem, *Timor* (inquit) *Potentiarum Invisibilium, sive Potentiæ illæ fictæ sint à timente, sive conceptæ à Fabulis publicè permissis, Religio est, A non publicè permissis Superstitio est. Quando verò potentiæ quæ timentur veræ sunt, vera Religio.*

B. Idem hoc dicitur ab Ecclesiaste, *Timor Domini est initium sapientiæ*; & à Psalmista, *Stultus in corde suo dixit, Non est Deus.*

A. Quartò. Cap. 16, *Etiā Dei veri personam gerebat primo Moses cum reget populum non suum, sed Dei, dicendo hoc dicit Dominus. Secundo Filius, qui venit in mundum ad reducendos Iudeos, & inducendos omnes populos in regnum cæleste. Tertiò Spiritus Sanctus qui missus est ad sanctificandum Dei populum.*

B. Videtur Author voluisse hoc loco doctrinam explicare Trinitatis,

is, quanquam Trinitatem non nominat. Pia voluntas, sed erronea est explicatio. Nam Moſem, quoniam is quoque aliquo modo geſſit Perſonam Dei (ut faciunt omnes Reges Chriſtiani) unam videtur facere perſonam in Trinitate. Valdè hoc negligenter. Si dixiſſet Deum in Perſona propria creâſſe mundum; in Perſona Filii redemiſſe genus humanum, In Perſona Spiritus Sancti ſanctificâſſe Eccleſiam, nihil aliud dixiſſet niſi quod eſt in Catechiſmo ab Eccleſia edito.

A. Sed idem repetit in pluribus locis.

B. Sed in unoquoque loco facile emendari poteſt. Vel ſi dixiſſet Deum in Perſona propria conſtituiſſe ſibi (miniſtrante Moſe) Eccleſiam; in Perſona Filii eandem redemiſſe; in Perſona Spiritus Sancti eandem ſanctificâſſe, non erraſſet.

A. Cap. 34. Negat probari poſſe ex Canone Veteris Teſtamenti, Angelos reales & permanentes ſubſtantias eſſe, ſed Phantaſmata ſupernaturalia; quæ (quia illis Deus utitur ad voluntatem ſuam declarandam) appellantur Angeli.

B. Certum eſt *Angelum* nomen eſſe Officii, Spiritusque omnes propter diaphanitatem ſubſtantiaſ ſpiritalis inviſibiles eſſe, niſi eo ſenſu, quo videri dicuntur Phantaſmata in Speculo, Somno, vel Tenebris. Itaque quoties aliquis dicitur in Scripturis Sacris viſiſſe Angelum, Viſio illa non eſt Senſio humana quæ fit per oculos, ſed qualem habuit Iacob, cum videret Angelos Aſcendentes & deſcendentes per ſcalam, cum dormiret. Sadducæi negabant Angelos eſſe Subſtantias. Quare? Non quod non crederent Teſtamento Veteri, ſed quia creationis Angelorum in Veteri Teſtamento nulla eſt mentio. Neque tamen à Iudæis excommunicati ſunt. An etiam negat probari poſſe Angelos Subſtantias eſſe ex Teſtamento Novo?

A. Non negat; ſed ſi ſunt, probari inde poſſe dicit Subſtantias corporeas eſſe.

B. Hoc neque antiquis Patribus omnibus, neque Doctõribus omnibus Eccleſiarum Reformatarum Paradoxum eſt, neque ab Eccleſia Anglicana condemnatur.

A. Cap. 38. Animam humanam ſua naturâ, id eſt ab ipſa creatione immortalem eſſe negat, ſed gratia Dei præſentis Adamo & Evæ fructum Arboris Vitæ, dum non guſtarent de fructu Arboris Scientiæ Boni & Mali. Quando autem præceptum Dei de eſu fructus Arboris Scientiæ Boni & Mali tranſgreſſi erant, tunc excluſi aditu ad Arbo-rem vitæ, facti ſunt mortales, & ipſi & eorum poſteritas; morientesque mortui manſerunt, donec per mortem Chriſti remiſſis peccatis,

tis, reviviscant ad vitam æternam in Resurrectione mortuorum generali. Sed juxta hanc doctrinam animæ mortuorum nullæ omnino existent immortales impiorum, nec piorum ante diem Iudicii.

B. De hac re sententiam meam satis ampliter modo explicavi. Addo autem, quod non intelligo, quomodo contra fidem Christianam peccare dicatur, is qui Vitam æternam confitetur, sive eam Creationi, sive Redemptioni acceptam ferat. Neque quomodo contra doctrinam vel cultum Christianum esse possit, cum neque in Scriptura Sacra (quæ doctrinam) neque in Liturgia (quæ cultum Christianum continet) inveniatur usquam vox illa *immortalis anima*; sed *vita æterna per Christum* frequentissimè.

A. Eodem Capite, Regnum Dei post Resurrectionem futurum esse dicit in terra.

B. Ex suave Philosophia hoc dicit, an ex Scriptura Sacra?

A. Loca aliquot adducit ex Prophetis Isaia, Obadia, Ioële, mihi quidem non satis intellecta, & præterea id quod à S. Petro dicitur de conflagratione & renovatione hujus mundi.

B. Adde ergo illis, locum ex Apocalypsi manifestiorem, cap. 5. vers. 9, 10, 11. *Animalia quatuor & centum & viginti quatuor Presbyteri coram Agno prociderunt habentes singuli Citharas & Phialas aureas plenas Thuris, quæ sunt Sanctorum Preces, & cantaverunt cantilenam novam, dicentes, Dignus es accipere Librum, & aperire sigilla ejus, quia occisus fuisti, & redemisti nos Deo per sanguinem tuum, ab omni Tribu, & Lingua, & Populo, & Gente; & fecisti nos Deo nostro Reges & Sacerdotes, & Regnabimus in Terra. Quid hoc clarius?*

A. Eodem capite, punitionem Reproborum in Terra quoque fore dicit, nec æternam.

B. Dubitandum non est, quin si Reprobi à Sanctis Militantibus destruendi sint, destruentur super terram; neque quidem æternè, si verum sit morituros esse mortem secundam.

A. Cap. 39. Definit Ecclesiam hoc modo: *Ecclesia est hominum numerus profitentium Religionem Christianam, unitorum in Persona una Suprema cujus jussu convenire debent, & sine cujus Autoritate convenire non debent.* Ex qua Definitione sequitur, quod tempore Imperatorum Ethnicorum, neque Concilium Apostolorum, neque aliud Christianorum Concilium ante Nicenum, erat licitum.

B. Conventiones, id est Synodi fuere aliquot Christianorum sub Imperatoribus Ethnicis. Sed per Ecclesiam intelligit Synodum cum Autoritate decernendi, & cujus Decrètis non obtemperare injustum erat. Tales autem Synodi sine summa Pötestate existere non possunt.

A. Cap. 43. Ubi dicitur (Iohan. 1. 1. & 14.) *Verbum erat apud Deum, & Verbum factum est Caro*; Verbum dicit idem significare quod Promissio, & Promissionem idem quod Res promissa, id est Iesum Christum, ut Psalm. 105. 19, & Genes. 40. 13. aliisque locis similibus.

B. Quidni? Nam vocem hanc *Verbum*, an rem Verbo significatam, Carnem factam esse putas? Quid significant illa verba ejusdem Apostoli Apocal. 13. 8: *Agnus occisus à fundatione mundi*? Potuitne occidi antequam incarnaretur? Nonne sequitur inde, tum Incarnationem tum Passionem Domini, quæ in tempore erant, fuisse tamen à fundatione mundi? Qui potest hoc esse aliter, quam in Decreto æterno Patris? Quod Decretum, quid aliud est, quam res Decreta? Nonne eodem modo etiam Spiritus Sanctus dicitur (Luc. 24. 43.) Promissio Patris? *Ego* (dicit Christus) *mittam in vos Promissionem Patris mei*.

A. Cap. 42. Ad quæstionem, Quid si quis Fidelis à Principe suo legitimo jubeatur negare Christum? Respondet licitum esse obedire, exemplo Naamani Syri, cui dictum est à Propheta, *Vade in Pace*. Quæ verba non mihi videntur Permissio, sed formula valedictionis.

B. Ita fortasse, si aliquid aliud illi vel approbando vel improbando respondisset; at in hoc loco aliter quam pro Permissione intelligi non possunt. Scis permultos fuisse Christianos, paulò ante Synodum Nicenam, bonos quidem, non fortissimos, qui morte & tormentis offentatis, Fidei Christianæ renuntiaverunt. Quas putas pœnas in tales statuisse Nicenam illam Synodum generalem? In Canonibus illius Synodi decimus nonus est, quo statuitur *eos, qui citra tormenta & periculum id facerent*, redire debere ad Catechumenos. At de illis, qui negarent intentata morte nihil statuitur. Non tamen nego quin in Apostolo vel in Discipulo, qui doctrinam Christi prædicare inter Christi hostes in se receperat, Peccatum id esset, & in Petro magnum, sed infirmitatis, & à Christo facile condonatum.

A. Eodem capite affirmat licitum esse Regibus Christianis administrare Sacramenta.

B. Omnes ferè Ministri Ecclesiæ Anglicanæ anno primo Reginæ Elizabethæ idem senserunt cum illo. Simul enim ac Regina Suprematum Ecclesiæ sibi vendicasset, emisit Mandata quædam, per omnes Diœceses, quæ Mandata appellavit Injunctiones. Quarum una erat, ut Clerici omnes cum Iuramento recognoscerent Ecclesiæ Suprematum jure pertinere ad Reginam & Successores suos. Multi autem
crant,

erant, qui jurare noluerunt, hanc (ut ipsi dicebant) ob causam, quod eo concessio, unâ concederetur Reginam si vellet posse administrare Sacramenta. Manifestum hinc est, Clerum illum credidisse, in quocunque resideret Ecclesiæ Suprematus, eidem quoque licere quod vult, ea omnia administrare, quæ à Sacerdotibus administrari solent. Cæterum ad tollendum scrupulum hunc rescriptit Regina, nunquam sibi in animo fuisse aliam sibi administrationem aut Potestatem assumere, quàm qua usi essent Pater suus Henricus & frater Eduardus. Atque hoc rescripto nec Successoribus suis Masculis Potestatem illam derogavit, nec sibi arrogavit; sciens prohibitum esse fœminis loqui in Ecclesiis.

A. Caput 43. totum in eo consumitur, ut probet peccatorum poenitentiam Fidem aliam ad Salutem necessariam non esse quam quæ continetur in hoc uno Articulo *Iesum esse Christum*.

B. In illo Articulo multa continentur, ut Iesum esse Filium Dei, Regem Iudæorum, Restauratorem Regni Dei. Etiam Scopus Evangelii alius non est, ut testatur Iohannes Apostolus Cap. 20, vers. 31, quàm ut sciamus *Iesum esse Christum Filium Dei viventis*. Præterea dicit idem Apostolus 1 Iohan. 4. 2, *Omnis Spiritus qui confitetur Iesum esse Christum & venisse in Carne, ex Deo est*. Multa item alia loca sunt in Testamento novo hujus similia.

A. Sed contra est quod legitur in fine Symboli Athanasii, nempe hoc, *Hæc est Fides Catholica, quam nisi quis pro certo credat salutare non potest*.

B. Tunc Sacræ Scripturæ, & verbis Apostoli oppones verba Athanasii? Cujus Symbolum recipitur quidem ab Ecclesiâ, ut Expositio vel Paraphrasis Symboli Niceni, sed hæc verba Athanasii nulla est pars illius Symboli.

A. Sunt & alia Paradoxa non pauca in eodem libro, sed quia minoris sunt quam ut illis nunc immoraremur non proferam.

B. Vt liber. Sed in his quæ protulisti nihil invenio contra Fidem Ecclesiæ nostræ, quamquam non pauca doctrinam Theologorum privatorum superantia.

F I N I S.

INDEX CAPITVM.

PARS PRIMA.

DE HOMINE.

Cap.	Introductio.	Pag.
I.	DE Sensu.	3
II.	DE Imaginatione.	4
III.	De Consequentia sive Serie Imaginationum.	9
IV.	De Sermone.	13
V.	De Ratione & Scientia.	20
VI.	De Principiis internis, Motus Voluntarii, quæ vulgo vocantur Passiones.	25
VII.	De Discursuum animi Determinationibus.	32
VIII.	De Virtutibus Intellectus.	34
IX.	De Scientiarum distributione.	42
X.	De Potentia, Dignitate, & Honore.	43
XI.	De Varietate Morum.	49
XII.	De Religione.	54
XIII.	De Conditione Generis Humani, quantum ad Felicitatem Viuæ præsentis attinet.	63
XIV.	De duobus primis Legibus Naturalibus.	66
XV.	De Legibus Naturæ aliis.	72
XVI.	De Personis & Authoribus.	79

PARS SECUNDA.

DE CIVITATE.

XVII.	DE Causa, Generatione, & Definitione Civitatis.	83
XVIII.	De Iure habentium Summam Potestatem in Civitate per Institutionem.	86
XIX.	De Generibus Civitatum per Institutionem, & de Successione ad Summam Potestatem.	92
XX.	De Dominio Paterno & Despotico.	98
XXI.	De Libertate Civium.	103
XXII.	De Syttematibus Civium.	111
XXIII.	De Potestatis Summæ Ministris Publicis.	119
XXIV.	De	

XXIV. <i>De Civitatis Facultate Nutritiva & Generativa.</i>	121
XXV. <i>De consilio.</i>	124
XXVI. <i>De Legibus Civilibus.</i>	128
XXVII. <i>De Criminibus, Excusationibus, & Extenuationibus.</i>	137
XXVIII. <i>De Poenis & Præmiis.</i>	146
XXIX. <i>De iis rebus quæ Civitatem lebefactant.</i>	151
XXX. <i>De Officio Summi Imperii.</i>	157
XXXI. <i>De Regno Dei Naturali.</i>	166

P A R S T E R T I A.

DE CIVITATE CHRISTIANA.

XXXII. D E Politicæ Christianæ Principiis.	173
XXXIII. <i>De Numero, Antiquitate, Scopo, Authoritate, & Interpretibus Librorum Sacrorum.</i>	176
XXXIV. <i>De Significatione quam habent in Scripturis Sacris Vocabula Spiritus, Angelus, Inspiratio.</i>	182
XXXV. <i>De significatione in Scripturis Sacris Vocabulorum, Regnum Dei, Sanctum, Sacrum, & Sacramentum.</i>	190
XXXVI. <i>De Verbo Dei, & Prophetis.</i>	194
XXXVII. <i>De Miraculis & eorum usu.</i>	203
XXXVIII. <i>De Significatione quam habent in Scripturis Sacris Vocabula Vita Æterna, Infernum, Salyatio, Mundus Venturus, & Redemptio.</i>	208
XXXIX. <i>De significatione quam habet in Scripturis Sacris, Vocabulum Ecclesia.</i>	217
XL. <i>De Jure Regni Dei in Abrahamo, Mose, Summis Sacerdotibus, & Regibus Ind.ææ.</i>	219
XLI. <i>De Servatoris nostri benedicti Officio.</i>	226
XLII. <i>De Potestate Ecclesiastica.</i>	231
XLIII. <i>De iis quæ ad Receptionem in Regnum Cælorum sunt necessaria.</i>	279

P A R S Q V A R T A.

DE REGNO TENEBRARVM.

XLIV. D E Tenebris Spiritualibus à non recta Interpretatione Scripturarum.	289
XLV. <i>De Demonologia, aliisque Reliquiis Religionum Ethnicarum.</i>	305
XLV. <i>De</i>	

XLVI. De Tenebris à vana Philosophia, & Traditionibus fabulosis. 314.
XLVII. De Lucro ab huiusmodi Tenebris quid sit & quibus accrescat. 323

A P P E N D I X,

Continens tria Capita.

P rimum de Symbolo Niceno.	328
Secundum, de Hæresi	346
Tertium, de quibusdam Objectionibus contra Leviathan.	359

F I N I S.



I N D E X

I N

L E V I A T H A N E M,

S I V E

De Materia, Forma, & Potestate Civitatis Ecclesiasticæ, & Civilis.

A Aron non habuit summam potestatem in populo Israelitico, pag. 222. à Mose summus Sacerdos consecratus. 298. vitulum aureum confando idolatriam exercuit. 312. pro se & sacerdotibus sacrificare necessum habuit. 226, 227
 Abaddon nomen officii vel qualitaris. 273
 Abjathar summus sacerdos à Salomone rege depositus. 224, 272
 Abrahami principatus. 138, 219. ius religionis inter suos. 220. cui nulla privati revelatio obstat. 16. nec ulli suorum facta. 136. ipse divini verbi interpret. 220. Abrahamum, Isaacum, & Iacobum non actu vivere, sed promissione. 299
 Absolutio, penitentia notis innititur externis, conjecturis. 237, 238
 Abstractum, concretum. 342
 Absurdum, & error quomodo differant. 22
 absurdum, privilegium solius hominis. 22
 Academia locus, & origo. 315. Academia- rum & Scholarum usus atque abusus. 4. 8. 161. 319. doctrina de sensibus. 4. in Academiis Reges & Principes publice docere possunt. (1. Universitas.) 217
 Academicorum veterum secta. 315
 Acta Conciliorum per se non sunt leges. 248
 Actiones ab opinionibus. 89. 255
 Actor quis. 80. Actoris personam plures possunt representare. 81
 Adam primus auctor sermonis. 13. non tamen fuit orator, nec vocabula technica reperit. 13, 14. minime entitatem & quidditatem. 14. potuisset in æternum vivere, nisi mandatum violasset. 208. potuisse vero & assurgere etiam si non peccasset. 168. an in statu innocentie liberis procreanda opus sit, dedisset. 209,

immortalis creatus fuit non virtute nature, sed per gratiam & virtute arboris vitæ. 208
 Adas quid, & unde dictum. 222. & seqq.
 Advocatorum, & Legislatorum certamen. 164
 Affectus in homine enumerantur & describuntur. 25. & seqq.
 Agricultura studium Civitati commendatur. 163
 Alexander P. III. sic forsan contra hereticos primus levire cepit. 354
 Anazonum pactum cum vicinis maribus. 99
 Ambarvalia. 314
 Ambrosianæ excommunicationis gravis censura. 279
 Anabaptistæ combustii. 350
 Anathema, anathematizatio. 347, 354
 Angelus, omne id per quod Deus supernaturaliter aliquid manifestat. 186. angelos res esse permanentes, & simul incorporeas, non posse ex Scripturis probari. 180, 362
 Anglicanæ Ecclesiæ suprematus penes summam Potestatem, Regem, Reginamve. 219, 364, 365. Angliæ status. 327, 359
 Animam immortalem esse an in Scriptura habeatur. 211. 335. an in Liturgia Anglicana. 363. animam citra corpus naturaliter non subsistere. 295. & seqq. rationes contrariæ excutuntur. 299. & seqq. 335. & reliq.
 Animæ immortalitas excitat ad virtutem. 337. sed & quid. *ibid.* animæ citra corpus subsistentis auctores Plato & Aristoteles. 337. animam non sua natura & per se subsistentem, sed per gratiam & Resurrectionem immortalem esse. 362, 363
 Animal artificiale. Respublica. 1. animal brutum unius anni prudentius homine decen-

INDEX.

ni. 12. animantium afflictiones. 168
 A'v'v' de Deo apud Damascenum. 361
 Antichristum Papam esse nondum satis probatum. 263, & 264
 Apostolos & eorum Successores non imperatores, sed Ludimagistros nec eorum prædicationem leges, sed monita & consilia fuisse. 232. 247. *Apostolorum officium informare & attestari. 249

Apparitiones, lemures, spectra; Vide Dæmologia, Spiritus.

Aqua lustralis. 314

Arbiter inidoneus quis. 78

Archiva Consiliarium instrunt. 127. & causam meditantem in quæstione juris. 132

Aristoteles carptus. 76. 107. 324. ejus philosophia cum sacris confusa. 290. ubi docuerit 315. quanto in pretio doctrina fuerit. 316. quæ nova, notha, & inania excogitarit. 319. 320. contradicit sibi in æternitate mundi. 329.

Arrius, & Arriani. 349

Articulus fidei unus omnes complectens, lesum esse Christum. 88. 365

Athanasius zelo heresis Arrianæ obedientiæ Potestatibus præstandæ oblitus. 354. illius symbolum tantum est paraphrasis Nicæni, non pars. 365

Atheus quis, & quando puniendus 352. 358

Augustus Cæsar Tribunus plebis & Pontifex Max. 314

Autor, autoritas. 80. 81

Automatum, hominis, & civitatis comparatio, 1

B.

Baptismus. 194. 230. 236. 238. 278. baptizare Regi an competat. 257. per baptismum Rex subditus Christi. 278 baptismi incantatio. 293. baptizari pro mortuis quid 303. baptisma unum. 334

Batavorum industria ditat. 154. Batavix Mendicorum facinora. 162

Beelzebub rex phantasmatum, filiorum te- nebrarum. 289

Bellarmionis quoad potestatem Pontificis debellatur. 232. 260. & seqq. 279. in causa Trinitatis accusatur. 342

Bellum non in pugna sed manifesta decerandi voluntate consistit. 64. bellum omnium contra omnes, quando 153. belli status, & cura in summo Principe. 165

Beza an regnum Christi à Resurrectione incepisse & Ecclesiam esse afferuerit. 296. 297
 blasphemia vel ex atheismo, vel levitate procedit. 358. blasphemum promiscue cur Deus in Regno suo morte punire jussit. 353
 Boni & mali judicium in Civitate non est privati; sed summæ Potestatis. 152. 161

Bonorum suorum Civis ita est dominus, ut jus Civitatis non excludatur. 153. 161. boni tamen publici causâ, non Imperantium. 326

C.

Canon Scripturæ. vide Scriptura.

Canonizatio Sanctorum. 313. 324

Cassii Rom. dictum, Cui bono. 323

Catholicus & hæreticus voces relativæ. 348.

tot verb sunt ecclesiæ catholicæ quot ecclesiæ sunt capita. *ibid.* tot capita, quot regna. *ibid.*

Catholica fides Athanasii. 365

Cereorum derivatio unde. 314

Christus. vide Servator. Iesus

Christianæ Politicæ principia. 173. & seqq.

Christianis etiamnum nox, aut saltem spissæ errorum tenebræ. 290

Christianissimi, Iudaismi, &c. sectæ. 347. 348

Christianismi heresis sub ethnicis Potentatibus. 350

Civitas homo artificialis, & persona unica

1. 171. extra Civitatem jurjurando non esse locum. 77. nec personæ rei inanimatæ. 81.

extra Potentiam coëxistentem status belli. 64.

83. Civitatis causæ, generatio, & definitio.

83. & seqq. Civitas acquiritur, instituitur. 86.

Civitas per institutionem. 86. usque 98 ceteris sub uno Homine vulgus, sectus Regnantia

pars. 88. extra Civitatem iustum vel iniustum nullum. 88. 138. Civitatum genera. 91. & seqq.

Civitas non est quæ subijci sine bello potest.

101

Civitas à legibus libera. 168. Civitas syste-

ma regulare absolutum. 111. Civitas facul-

tas nutritiva & generativa. 121

Civitatis sanguis. 124. proles. *ibid.* extra

Civitatem nullius rei proprietas; nec tran-

quilla communitas. 122. omnium omnia. 153.

Civitati semper externè obediendum, non

verò continuo internè credendum. 136

Civitas populi Israëliti in deserto. 122.

Civitatem subiectam & dissolventia,

quæ 111. & seqq. Civitas Rom. sub Senatu & populo inno-

mere

I N D E X

meræ seditiones. 152. etiam Athenis. 156. Ci-
vitas & Ecclesia idem ibi homines, hic Chri-
stiani. 182.

Cives Subditi. 85. Cives omnes Regis servi.
102. commodum & solatium. 91. 92. 103

Civis libertas erga summam Potestatem
quàm angustè pateat. 107. & seqq.

Civium bona Reip. tuenda causa Imperan-
tibus obligata. 153. 161. 316

Cogitationum series discursus mentalis. 9
cogitationum series irregularis. *ibid.* regula-
ris. 10.

Collegia. *vide* Systema.

Colonia hominis Civitatis artificialis pro-
les. 124. quando mittendæ 163

Concilio Laodicensi debetur Canon Scri-
pturæ. 180. 249. an quid piatum fraudum
admissum *ibid.* Conciliorum acta consilia non
leges. *ibid.* & 248. Concilii Lateranensis
decretum in Reges, hæreticos foventes 291.

Conciliorum tomi an sinceri 316. Concilia
I V œcumenica. 349. 356

Confessio auricularis exploratrix consilio-
rum 324

Conjector propheta. 11. conjectura tempo-
ris est præteriti 12

Conscientia recta. 33. vana. *ibid.* erronea,
opiniones 152. conscientia Curia naturalis ju-
stitia. 166

Consecratio, conversâ in conjunctionem.
292. qualis esse debeat. 298

Consilia ex ore Christi, I. Baptistæ, &c.
126. 247. 268. consilia non leges acta Con-
ciliorum. 180. consilia sunt Traditiones. 269.
I. Obed.

Consiliarius tantum, non est minister publi-
cus. 121. consilium dare quid. & quales esse
debeant Consilarii. 124. & seqq. consilium
comparatum ludo pilæ. 128. quales porro de-
beant esse Consilarii. 165. & 166

Constantini M. tempore nonnisi in hære-
ticos clericos animadversum, qui ecclesiis
privati. 353

Consuetudo longa lex. 129. 135. consue-
tudo quæ ignorantiam involvit nihil probat.
158

Contemnere est nec cupere nec odisse. 16

Contractus murtæ juris translatio est. 68

Contributionum æquitas & utilitas. 92. 153.
exitus redditus. 124. æqualitas. 162

Conversio ad Christum quid præcise. 243

Corpus quid significet. 183. incorporeum

an nihil. 316. corpus incorporeum, spiritum
quid. 344

Creatio. 319

Criminum principia, genera, excusationes
extenuationes. 137. & seqq.

Cruciatu damnatorum non fore æternos,
sed dari mortem secundam eamque æternam.
300. sed nec id iustitiæ Dei obflare, quam tri-
que infinita misericordia comitatur. 337

Cultus, & honor ut differant. 310. cultus
duplex divinus, civilis. *ibid.*

D.

Dæmoniacos apud Iudæos habitos mente
captos, lunaticos, &c. 41. 187. 306. 309

Dæmonia phantasmata, filii tenebrarum,
Beelzebub rex. 289. dæmones an nihil. 329

Dæmonologia Ethnicorum & poetarum in-
ter Christianos. 290. de Dæmonologia & re-
liquis aliis religionum ethnicarum copiose.
305, usque 314

Damnandos non æternum victuros, sed dari
mortem secundam. 300. 335. 363

David cur pro Saulo & Ionathano jejuna-
rit. 301

Decimæ. 254. nullo jure exiguntur. 291

Defensionis ima radix. 108

Definitionum usus. 16

Deliberatio boni, & mali 32

Despoticum dominium. 98. 109

Deus nominatur ut honoretur non ut concipi-
atur. 12. Deum & ejus cultum natura dicitur.
55. 58. Deum Spiritum esse incorporeum, an
dogmatice statuerint Theologi illi naturales.
56. 184. 345. Deum in persona propria creas-
se Mundum. 81. 342. 392. de Dei Regno na-
turali, ubi de honore, & ejus causis, attributis
divinis latè. 166. & seqq. Dei misericordiam
vix admittere, ut cruciatu sint æterni. 300.

Dei justitiam non impedire quo minus cru-
ciatus æterni relaxentur. 335. Deum affirma-
tur esse corporeum cum Tertulliano, ab ecce-
men. Conciliis non damnato. 360. Deum
divinos dixit Damascenus. 361

Diabolus, Saranam, Abaddon, non nomina
individuum, sed qualitarum & officiorum
esse. 213

Diaconus ecclesiæ, & verbi differunt. 252.

Diaconorum officia. *ibid.* & 258

Dignitas est valor hominis. 44

Disciplina ecclesiastica causa Civilis belli in
A a a 2 Scotia,

I N D E X.

Scotia, per Angliam, & Hiberniam. 327.
 Discursus mentalis, imaginum series. 9.
 discursus, investigatio, sagacitas, solertia. 10.
 discursum determinationes. 32.
 Disputari possunt Pastorum doctrinæ, at
 non Potestatum leges. 269.

Divitiæ conjuncta liberalitate potentem faciunt. 44.

Dominium Patrimonii, & despotismum. 98.

Dominium rei privatæ debetur protectioni summæ Potestatis. 143.

Δελτία, Λατρεία imperite distinguitur. 310.

Dubitatio veri, & falsi. 31.

Duella quomodo tandem efficaciter inhibenda. 166.

Dii gentium, qui, quot. 177.

E.

Ecclēsia & Civitas idem: Ecclesia homines Christiani, Civitas homines pactis mutuis in unum confociati. 182. Ecclesia ergo universalis non datur; quia nec Civitas. *ibid.* & 217, 218. 275. 348, 349. de Ecclesiastica Potestate amplissime. 231. usque 279. I. *Apostol.* Ecclesiastica officia magisterialia, ministerialia. 249. & *seqq.* electio. 251. Ecclesiasticorum sustentatio unde. 253. & 254. caput summus Imperans. 256. Ecclesiam in terra non esse Regnum Christi. 290. Ecclesiam ante Constantinum M. sine auctoritate decernendi. 363.

Ecclesiarum ministri Ministri publici. 110.

Electio *χειρροτονία*. 251. electio nunc Doctorum Ecclesiarum penes summam Potestatem, & cur, quomodo. 256.

Elisabetha Regina pastoralibus Ecclesiarum functionibus per diploma renunciat. 269. 350. lemures Anglia ejicit. 326. non absque periculo combustionis fuit sub Maria R. 350.

Eloquentia potentia est. 44.

Eus substantia. 340.

Enthusiasmus. 174-176.

Episcopus, Pastor, Presbyter, Doctor, idem. 250.

Episcoporum Angliæ, & Scotiæ ampla potestas. 259. 350. minuitur. 351. 357. nimium, cum damno religionis. 359.

Error & absurdum unde, quodplex. 21. ab errore nascuntur crimina. 139. error ab auctoritate mitigat. 143. errare, decipi, malè sentire, si factum nullum sequatur, sua natura crimen non est. 351, & *seqq.*

Eucharistia, *inde* S. Synaxis.

Essentia nomen artis, non res. 320. inventum

Aristotelis occasio. 319.

Essentia separata. 320. nulla. *ibid.* & 341.

essentia, & eius tandem coincidunt, estque essentia terminus supervacuus, & noxius. *ibid.*

Est: copula, verbum substantivum. 319.

320. 329. Hebræi eo ut copula nunquam utantur. 320, 329.

Ethica legum naturalium scientia. 79.

Ethnicismi reliquiæ inter Christianos. 305, usque 314.

Excommunicandum tantum ob mores. 240.

318. nec tamen summam Potestatem. 241.

excommunicationis fulmen quale poetici Iovis. 242. excommunicatus ut fugeat, à summa est Potestate. 255. 260. excommunicationem

Theodosii crimen fuisse læsæ maj. 279.

Excommunicatio ob hæresin. 353, 354. 357.

Exemptio Clericorum. 324.

Exilium, subditum à summa Potestate liberat. 111. vix poena est. 149.

Exorcismus. 294. 320. 324.

Experientia rerum multarum memoria. 7.

mater prudentiæ. 23.

F.

Factio famulorum. 118.

Falsarii. 145.

Familia magna, parva Civitas. 101.

Famulorum & servorum factio. 118.

Fides, 33. actus à Deo non iustus sed factus.

136. non credere, negatio, non transgressio est. *ibid.* Civitati non semper credendum. *ibid.*

fides & sanctitas procedit ab educatione, disciplina, aliisque naturalibus, Deo his utente ad suos instruendos. 153. fides suaderi non cogi vult. 233. potest tamen contradicere à Civitate puniri. 233. fidem, iubente eam abnegare summo Principe, voce posse dissimulari. 234. ad credendum nemo obligari potest.

268. fides conversa in scientiam interit. 331.

fides hypostasis. 340. credens Iesum esse Christum, omnia tenet credenda ad salutem necessaria. 286.

Formula pacti hominum ex statu belli omnium contra omnes sese vindicantium. 85.

Fridericus Episcopus an legem de comburendo hæretico tulerit. 354.

I N D E X

G.

Germania auctor hereditaria nobilitatis. 48. primi palparunt tenebras spirituales, deinde Angli. 324

H.

Hereticus quis, & an excommunicandus. 240. hæresis, doctrina publicè in Civitate recepta, nulla. 277. De hæresi latè. 346, usque 3. 9. hæresin à Civitate posse puniri, sed quam, quomodo. 350 & seqq.

Henricum I I. persequitur Papa. 152. & Henricum V I I I. 161 sed hic lemurum Potestatem Anglià ejicit. 326

Heraldi ministri publici. 120

Homo artificialis, Civitas. 1. Hominum passiones eadem non quæ objectis, sed causas. 2. humani generis conditio naturalis. 63. & seqq. conditio belli omnium contra omnes. *ibid.* & 66. 73. 83. homines natura omnes æquales. 63. 85. hominum consensio à pactis, fornicarum à natura. 85

Hominis substantia unde. 338

Honorare est opem poscere. 45. honorare est obedire. *ibid.* honori olim datum egresse gisse prædonem. 47. 83. honorum tituli. *ibid.* & seqq. honoris & cultus, causa potentis. 169. 170. 310. honor interna æstimatio, cultus externa significatio. *ibid.*

Hypostases esse totidem substantias. 317 330. 333. 339. 340. 346. hypostaseos Dei character. 340

I.

Idolum nihil. 309. 329. idololatria verò in Deum rebellio. *ibid.* idololatriam esse, cultum reliquiarum, & imaginum. 312

Iehojadæ Athaliam interficientis factum examinatur. 269. 296.

Iesunii Davidici pro Saulo & Ionathano scopus. 301

Iesus persona Dei in redimendo. 81. 342. 362. Iesum esse Christum credere, & legem implere conari sufficere ad salutem. 287

Ignominie poena. 148, 149

Ignorantia poenæ neminem excusat. 139. ignorantie inter Christianos obscura nox in quo consistat. 299. & seqq.

Imaginatio quid. 4. rectius phantasia dici-

tur & differt à memoriâ nonnisi diverso considerandi modo. *ibid.* imaginationes dormientium formia. 6. imaginatio nascens à signis, intellectus est. 8. 9. Imaginationum series discursus mentalis. 9

Imaginum figuræ contra honorem sunt Dei. 170 absurda. 171. reliquæ Ethnicisimæ. 309, & seqq.

Incanatio facta consecratio. 292. & seqq.

Incarceratio diuturnior juri naturæ reluctatur. 149

Incanatio. 338

Indulgentiæ quid. 295. quæstus. 324

Infernus quid. 212. non videri locum sed nomen perditionis. *ibid.* & 213. inferi respectu cœlicolarum. 332. gehenna, tartarus, &c. *ibid.* & 333. infernus in lacum ignis conjiciendus. 335

Infiniti non est conceptus. 12

Ingenium naturale. 34. bona phantasia. 35.

ingenium acquisitum. 37

Injuriz verbales. 145

Infantia enormium est passionum. 37. & seqq. infantiunt ebrii. 38, 39. infantiunt virgines pudoris memores. *ibid.* infani enervamenti. 39. infanos fuisse Servatorem nostrum. 41. 187

Inspiratio quid significet in Sacris. 189

Intellectus hominis duplex: communis, & proprius. 8. 9. intellectus conceptus natus à sermone. 19

Interpretatio legum quàm necessaria. 132. sacrarum Scripturarum penes summam Potestatem. 182. interpretari legem actu Regnantis est. 243. aut in defectu penes ecclesiasticam. 243. 244. tenebræ ab interpretatione non recta Scripturarum. 289

Iosue liber post mortem ejus scriptus. 177, 178.

Iovis simulacrum. 313

Iudicium determinatio discursus. 32. iudicium est bene distinguere. 35

Iudiciaria potestas ministerium publicum. 120. Iudicem bonum quæ faciunt. 134

Ius causa legis, ut libertas obligationis. 66. juri vel renuntiatur, vel id transfertur. 67. juri translatio contractus est. 68. ius in omnia quod, quando. 89. ius Regni Dei, *vide* Regnum Dei.

Iurisdictio Ecclesiastica summæ Potestati in Civitate subijcitur. 266. 270

Iurijurando extra statum civilem non esse locum. 57. juramentum quid. 71. fiat secundum

dam religionem jurantis. 72. ne cramen obligationi aliquid addit. *ibid.* jurandum non nisi per Deum. 72. 171. hinc atheus relegendus. 352
 Iustitia, & iniustitia. 72. & *seqq.* Inustum aut iniustum ante civitatem constitutam nullum. 88. 138. iniustum non est quod non sit transgressio alicujus legis. 12
 Iustitia est conari, velle. 187. Iustitia Dei potest poenam commutare. 335

L.

L Aodicense Concilium *vide* Concil.
 Laptos ob tormenta, & metum quo loco Concilium Nicenum habuerit. 364
Laurelia & *duclia* an differant. 310
 Latrocinium olim licitum & honorificum. 83.
 Leges dux naturales: defensionis, & concordie seu societatis. 66. 67. lex effectus juris, ut obligatio libertatis. 66. 137. lex nulla antequam in legislatorem consensus. 65. leges reliquæ 17 naturales: iustitiæ, & virtutum aliarum ethicarum. 72. & *seqq.* leges naturales in foro externo non semper obligant. 78. legum naturalium scientia, Ethica. 79. leges Civiles. 89. prolixè explicantur. 128. & *seqq.* dividuntur. 135. Lex civilis etiam lex naturæ, & cur. 130. 188. leges bonæ, quæ. 163. non debent innoxia libertate populum privare. *ibid.* de legibus non licet disputare. 269. leges Canonice quando & quomodo coeperint. 292. leges humanæ in contumaciam tantum animadvertunt. 357
 Legati ministri publici. 120. aliqui non. *ibid.*
 Legistarum axiomata rejicitur. 133, 134
 Lemuribus confertur hierarchia Romana. 325
 Leonis Papæ nobile problema. 318
 Leviathan Civitas. 1. Leviathanis Magni generatio. 85. mortalis deus. *ibid.* describitur ex lobo. 150. Leviathanis h. e. Tractatus de Civitate *dux paradisi*. 326. Leviathan objectionibus impetitur, & respondetur. 359, usque ad fin.
 Libertas fons obligationis, ut jus legis. 66. libertas Civium quo in consistat. 104. & *seqq.* libertas, & necessitas pugnant. 105
 Libertas populi innoxia legibus non excludenda. 163. libertæ à legibus ipse Civitates. 100

Liberum arbitrium. 321, 322
 Libri qui polit. & historici sub Monarcha non legendi. 107. 114
 Liturgia Anglicana. 333-345
Lumen de lumine quid. 330
 Lutherani combusti. 310

M.

M Agia & incantationes an meræ imposturæ. 206
 Magistratus & Præfecti. 1. 119. & *seqq.*
 Manichæi non tam hæretici quam ficti Christiani & scelerati homines. 314
 Manuum imposio *vide* Impos.
 Maria Virgo *hæreticæ*. 338
 Martyrem quid proprie faciat. 235
 Mathesis in Scholis prætermissa. 319
 Matrimonii sacramentum quo tendat. 324
 Memoria & imaginatio non nisi diverso considerandi modo differunt. 5. memoria, ipsa sensio deficiens & phantasma dilutum. *ibid.*
 memoria multarum rerum experientia. *ibid.*
 memoria & sensus, facti sunt cognitio. 23
 Mercatorum systema subordinarum 115.
 negotiandi modus. 123
 Mercurii simulachrum. 313
 Merus quid. 28. vinculum religionis. *ibid.*
 & 55. 171. causa pacis. 66. passionum omnium innocentissimus. 140. non omnis tamen actionem excusat. *ibid.*
 Monarchia, Aristocratia, &c. 92. & *seqq.*
 Monarchicum fuisse imperium populi Rom. in Iudæos. 94. Monarcham successorem posse constituere etiam alienigenam. 98
 Monarchia mixta an detur. 260. 261. Monarcha an fuerit S. Petrus. 261
 Militares duces, portuum præfecti, &c. Ministri publici. 119. 120. miles extra hos non est minister publ. 120. militum infimus jure stipendium postulat. 150
 Ministri ecclesiæ *vide* Ecclesiæ.
 Ministri in Civitate publici qui, quales. 119, & *seqq.*
 Minister ecclesiæ, & verbi differunt. 252
 Miracula contra S. Literam nihil probant. 175
 Miracula & cautela late traduntur. 203
 & *seqq.*
 Monetæ aureæ & argenteæ valoris auctio vel deminutio à plurium Civitatum consensu pendet. 124.
 Mono-

I N D E X.

Monopolium. 115, 116
Mores hominum & gentium. 49, & *seqq.*
Moralia parva quæ docentur pueri. 49.
Moralibus de controversiis suprema judicatio
quam sibi vindicat Papa, & summum Imperium Civile, idem. 266.

Mors secunda. 212, 213. **Mors æterna.** 294.
Mors moriens quid. 209, 336.

Motus voluntarii, vulgo passiones. 25. **motus vitalis, animalis.** *ibid.*

Moyſi populus Iſraelit. ad obediendum se
ſubmiferat. 136

Moyſen totum Pentateuchum non concin-
naſſe. 177. **Moyſi quomodo Deus extraordi-**
narie locutus. 198. **Moyſes Prorex Dei.** 219.
220. perſonam Dei gerens. 361, 362

Mundus venturus. 216, 217

Muſica quæ cultum divinum commendat.
 171

N.

N Aſſamati Syri exemplum in diſſimulanda
 fide ſeu religione. 234. non ſe periculo
 ultro obſiſcentia. 288

Naturales leges duæ: deſenſionis, & con-
cordiæ. 66. 67. **Addeſis Leges.** Natura omnes
 homines æquales. 63. 77. 85. **Naturæ lege ini-**
quum, Civili injuſtum. 88. **naturalis æquita-**
tis curia conſcientia. 166. **Naturale Dei Re-**
gnum. 166, & *ſeqq.* **naturalis Rationis dicta-**
mina circa honorem & cultum divinum. 168,
 169. **naturæ leges violans peccat contra**
Deum. 188. **naturalem contra legem præciſe**
crimen vocari non ſolet: mitius ergo ex hoc
forte contra quosdam agendum. 352

Nicænum Symbolum per 500 annos expoſi-
tum. 317. **addæ Symbolum.**

Nobilitatis, tunicarum, & ſcutorum piclo-
rum hæreditarium reperit Germania. 47,
 48

Nomina propria, communia, univerſalia.
 15. **res nominatæ.** 17. 341. **nomina poſitiva,**
negativa, inſignificantia. 18

O.

O Bedire Apoſtoliſ, conſilium eſt ſequi. 269
Obero rex ſemurum. 315

Objectiones, & reſponſiones contra Levia-
thanem. 359, uſque f.

Obligant leges naturales in foro interno,
non ſemper externo. 78

Olei benediſtio. 294
Omnis vocis in Concilio Niceno declara-
tio. 356
Opificia fovenda. 163
Opinio determinatio diſcurſus. 32

P.

P Actum etiam metu extortum in curia na-
 turæ validum. 70. pacto ſi licitum ſit, ju-
 ramentum nihil addit. 72. pactorum violatio
 ſupernaturalis & revelatione nitens quæ, con-
 tra quos. 74. vitium perſonæ paciſcenti non
 parit exceptionem. *ibid.* pactum ſine autho-
 ritate ſcienter invalidum. 80. pacta verba ſunt,
 non timentur. 83. ſine armis inutilia, *ibid.* pa-
 ctum Civitatis (*vide* & Formul.) 85

Papatus prolapi cauſæ. 62. **Papa an ſit An-**
tichriſtus. 263. **Addæ Primatus.** **Papatus tene-**
braz profuerunt. 323. **quæ, quantæ.** 324. le-
 muribus comparatur. 325

Paſſiones animantium ſenſuales. 10. **paſſio-**
nes motus voluntarii. 25. **addæ Affectus.**

Pæſtor ſummus ſummæ Imperans. 256
Paterna primitus imperia. 83. **Paternum**
dominium, & deſpoticum. 98

Pax tempus bello vacuum. 64
Peccatum, & crimen differunt. 138. **peccata**
non omnia eſſe æqualia. 141. **Impe Bonum,**
peccatum non eſſe quidquid contra conſcien-
tiam ſit, & quando, ubi 152. peccatum in Spiri-
tum S. in Eccleſiam videri. 302. **peccati cauſa.**
 321, 322. **peccator peccatorem puniens.** 333

Pecunia Civitatis ſanguis. 124
Peripatetici loquaciores. 315, 316

Perſona propria, repræſentativa. 79. & *ſeqq.*
perſona rei inanimatæ. 81. **Perſona Dei pro-**
pria, repræſentativa. *ibid.* **Perſona Civitas.** 86.
perſona, & hypotatiſ differunt. 317, 330, 333.
perſona quid proprie. 342, 346

Prudentia, providentia, præviſio, ſapientia.
 11. **prudencia præſumptio eſt futuri.** 12.
prudencius eſt animal unius anni homine de-
cenni. *ibid.* **prudencia naturalis.** 24. **prudencia**
experientia multa. *ibid.* **prudencia ſiniſtra, aſtu-**
tia. 37. **prudencia omnis ab experientia.** 63

Petrus an fuerit Monarcha Eccleſiæ. 261. **an**
fuerit Romæ, an ibi Epicoſopus. 262

Phantafia, vide Imaginatio. **Phantafia ſine**
judicio non laudatur. 35. **phantafiata obje-**
ctorum imagines. 4. 305. **ſubſtantie incor-**
poreæ. 361

Philo-

I N D E X.

Philosophicæ tenebræ late deducuntur. 318, usque 325. Philosophia genuina definitur & commendatur. 315. origo, sectæ. *ibid.* abusus. 318. mirabiles præstigia. 342

Plebs robor Civitatis. 162. colenda propter potentiam. *ibid.*

Pœna præcedens iusto major ad crimen hortatur. 139. pœna subsequens major delinquentem decipit. *ibid.*

Pœnæ, & præmia 146 & *segg.* late explicantur. Pœnarum inflictio à jure pendet naturali, non submissione Civium. 146. pœnæ & præmia recte dispensanda. 164. puniri possunt contradictores fidei à Civitate. 233. qui, quomodo quoad hæresin, atheismum, blasphemiam. 347, usque 319.

Pœnitentiæ judicium penes Ecclesiam, non solum Pastorem. 238

Politica tam est scientia certa, quam Arithmetica aut Geometria. 104

Politica Aristotelis & Ciceronis Principatui periculosa. 137. 154. 322. 23. Politicæ Christianæ principia explanantur. 173, & *segg.*

Pontifex maximus unde procedat. 314.

Potentia naturalis, instrumentalis. 43. potentia causa cultus. 169. 170.

Potestas summa apima, Civitatis. 1, 110. 276. extra potentiam coërcentem status belli. 64. 83. 153. Reges & Personæ summam potestatem habentes hostes inter se, semper excubantes & suspicantes. 65. 106. jura S. Potestatis in Civitate per institutionem. 86. & *segg.* Summa Potestas extra capistrum, non potest cogi. 87. indivisibilis, singulis & universis major. 92. de jure successione Summæ Potestatis. 92. 96. 97. Potestatis summæ jura sunt omnia Paterna & despotica. 101. Potestatis summæ Ministri publici. 119

Potestas Regnantis iusto minor ad dissolutionem Civitatis tendit. 151. 157

Potestas summa boni & mali Iudex, non quilibet privatus. 152. P. S. est extra vinculum legum Civiliū & pœnam. 153 Summi Imperantis Officium ordine particulatim explicatum. 157 & *segg.*

Potestatis Summæ jus judicandi de doctrinis. 255. Summus Imperans Pastor supremus. 256. personam gerens Ecclesiæ. 288. I. Civitas.

Potestas Ecclesiastica Civitati subiecta. 231, usque 279.

Præmia & pœnæ. 146. 150. 164. præmiis ambitiosi non afficiendi. 164. 165

Preces præcedunt, gratiarum actio sequitur. 178

Presbyter & Episcopus idem. 250

Presbyterianorum factio contra Episcopos Scotiæ, Angliæ. 359

Primatus, Infallibilitas, & Temporalis Potestas summi Pontificis. 182. 232. 260, usque 279. probatio. 298. à Phoca. 349.

Privilegiū revocationi quando locus. 110. 142

Probatio : quæstiones juris non sunt testibus determinandæ. 272. consensu hominum, non hoc agentium quod in quæstionem venit, non probat. 337

Processio, pompa illa imaginum, reliquiarum Ethnicismi. 314

Processus contra hæreticum. 355

Propheta, bonus conjector. 11. prophetæ veri *προφetai*. 174. & *segg.* Prophetæ antiquissimi qui. 179. Prophetis Deus locutus vel per visionem, vel per somnia, vel per gratias. 106, & *segg.* prophetia per sortes. 201

Purgatorium expugnatur. 295, & *segg.* quæstus regius. 314

Q.

Quæstiones stultas & indoctas rejice. non est hominem excommunicare. 240

R.

Ratiocinatio est computatio. 17. rationes ingreditur res quadupliciter 18. ratiocinatio est additio, vel subtractio, seu divisio & multiplicatio. 20. Rectæ rationis, æque ut Arithmeticæ, ars certa est. 21. ratiocinari & invenire, connectere, discurre. 338


Rebellionum causæ, & remedia. 154. 153, 155

Rektorū sanctitas sustinet ecclesiam & rempubl. 61 & 62

Redemptio quid. 217

Reges. Vide Potestas Summa. Reges circumscripti, Summorum Ministri. 96. Regis servi omnes cives. 102. æquitas. 103. Reges, ipsi Deo & legi ejus, non doctori se submiserunt. 247. subditi Christi per baptismum. 278. etiam ethnici Pastores vocati, & cur. 255. publice possunt docere, an etiam baptizare. 257. potestas





testas juris Civilis & Eccles. consolidatione
quæ, quanta. 260

Regnum Dei in Scripturis propriè sum-
ptum pro Regni Deo Civili, consensu populi
Israelit. constituto. 190. 192. Regnum Dei
per Prætores Abrahamum, Moſen, Summos
Sacerdotes, & Reges Judææ. 219. & ſeqq.

Regnum Chriſti non eſſe ex hoc mundo.
232. non eſſe Eccleſiam quæ eſt in terra. 250
ſed cum Reſurrectione demum incipiet. *ibid.*
& ſeqq. 363. futurumque tunc in terra. *ibid.*

Regnum in Cælorum ut quis recipiatur
quæ ſint neceſſaria. 279. & ſeqq.

Religio metus potentiz inviſibilis. 28. Reli-
gioſitate explic. 54. & ſeqq. religio medium
conſequendi finis Civitatis, qui eſt pax. 60.
Religionum libertas Romæ. 60. religionis,
doctrinarum, & opinionum negotium in Po-
teſtate ſumma. 88, 89. religio ſubeſt Civitati.
137. & 138. religionis crimen in Doctore ma-
jus. 144. religionum ethnicarum reliquiæ &
dæmonologia. 305. uſque 314. *Iamque Fides.*
Reminiſcentiæ facultas. II

Rerum publicarum ſpecies. 92. & ſeqq.
232. reſutatur Bellarminus quoad monar-
chiam mixtam. 260, 261

Res nominatæ. 17. 341

Reſurrectio hominis. 334. 335. reſurgent
etiam reprobi. 335

Romæ religionum omnium libertas, præ-
ter Judaicæ. 60

S.

Sacerdotale regnum Iſraelitarum. 221
Sadduceos angelos ſubſtantias negantes
non fuiſſe excommunicatos à Judæis, & cur.
362

Salis cum aqua benediſtio. 294

Saliva odor ſuavitatis. 299

Salvari eſt à peccato & poena liberari. 214

Salutem ut quis adipiſcatur æternam, quæ
ſint neceſſaria. 279. & ſeqq. fides ſcilicet Je-
ſum eſſe Chriſtum, & juſtitia conantis licet
non impentis. 287

Samuelis libri poſt mortem ejus ſcripti.
178. Sanctitatis exiſtimatio tollitur facienti
contrarium. 61. ſanctitas Rectorum columen
civitatis. 61. & 62

Sanctum, ſacrum, Sacramentum, quid in
Scripturis de regno Dei civili ſignificent. 192,
193, 194

Sanctorum canonizatio reliquiæ Ethnicif-
mil. 315

Sapientia eſt ſcientia multa. 24. ſapientiz
exiſtimatio tollitur admittenti contradic-
tia. 64

Saturnalia. 311

Scandala quid in Civitate, & circa religio-
nem operentur. 61

Scholæ cur ſic dicantur, & quomodo cœ-
perint. 315

Scholæſtici philoſophi vapulant. 4. 8. 13.

62. anteſignani qui, & doctrinæ ſumma.
319. & ſeqq.

Scientia conſequentiarum facti eſt cog-
nitio. 23. Scientia multa, ſapientia. 24. Signa.
ibid. ſcire perfectè, conditionaliter. 33.
ſcientiarum diſtributio. 42. ſcientia potentia
eſt, ſed parva, & cur. 44

Scripturæ Sacræ authoritatem fidei niti Ec-
cleſiæ. 34. Scripturæ non præjudicant mira-
cula. 175. De antiquitate, ſcopo, authoritate,
& interpretibus librorum ſacrorum. 176. &
ſeqq. Scripturæ ſacræ extra revelationem leges
non ſunt, niſi ab authoritate ſummam Po-
teſtatem habentis. 181. Quid in Scripturis ſacris
vocabula Spiritus, Angelus, Inſpiratio, ſignifi-
cent. 182. & ſeqq. Quid vita æterna. infernus,
ſalvatio, mundus venturus, & redemptio. 208.
Scriptura canonica ut ſit, h. e. vim legis ha-
beat in Civitate, id obtinet à ſumma Po-
teſtate. 244. & ſeqq. Scripturæ canon apud Ju-
dæos ante Eſdræ. 245. 246. N. Testamen-
tum à proſelytis privatim ut lex ſuſceptum.
246. ut quiſque ſuo periculo ſerutetur Scri-
pturas S. vel non 327. 346

Seſtæ Philoſophorum 346 Sadduceo-
rum, Pharifæorum, & c. 347. Judaifmi,
Chriſtianifmi. *ibid.*

Seculum ante, ſeculum poſt reſurrectio-
nem. 301

Seditio in electione Damafi præ Vrſano.
251. 274

ſenſus quid, & modus ſentiendi. 3. & 4.
ſenſus & memoria facti ſunt. 23

Sermonis origo & præſtantia. 13. uſus qua-
druplex. 14. totidem abuſus. *ibid.* ſermonis
copia quanto inſtructor, tanto vulgo ſapientior,
aut ſtultior. 17

Servatoris noſtri benediſti officium tri-
plex. 226. & ſeqq. Filius an ex Patre ſolo. 316

Signa, conſequentiæ obſervata. 1112

Solomonis Eccleſiaſtes, & Canticum. 179

INDEX.

Solomon Abjatharum summum Sacerdotem deposuit. 224. Templum dedicat, Suprematum Ecclesiasticum habuit. *ibid.* de Abjatharo per R. deposito & p. 296.

Somnia quid, unde. 6. Somnium, non visio, M. Bruti fuit spectrum. 7. somnia causam dedere Saryris, Faunis, spectris & lemuribus. 8. somnia jactantes enthusiastæ. 174

Sphinx populo formidabilis. 345

Spiritus S. persona Dei in Sanctificando. 81, 342, 362. processio. 345

Spiritibus de mortuorum ambulantiis opinio quo tendat. 8. 360. spiritum incorporeum non posse intelligi. 56. spiritum dici vel tenuissimum corpus, vel phantasma *ibid.* 182, & *segg.* 188. Spiritualitatem verò Dei, captum superare. 184. defenditur Spiritum esse corporeum. 306, 307. respondetur ad objectiones. *ibid.* & *segg.* Spiritus, corpus, incorporeum, quid. 344. De tenebris spiritualibus ab interpretatione non recta Scripturarum. 289, & *segg.*

Spiritualis & Temporalis Potestatis distinctio iuanis. 155. epiliptiam generans homini Civitatis artificiali. *ibid.*

Status belli. 64, 83, 66, 73

Stoicorum auctor & origo. 315

Subditi Cives 86. subjectionis solatium. 91, 92

Subiectum, suppositum, substantia. 339

Substantia incorporea seu corpus incorporeum, significatio inconstituta. 19. substantias nullas videri incorporeas. 360

Substantia & ens idem. 340. *Vide* Hypothesis. Substantiam incorpoream non nisi videri phantasmata in speculis, somnis, &c. 361

Successionis jus summæ Potestatis. 96. & *segg.*

Syllogismus actus ratiocinandi. 18, 338

Symboli Niceni expositores. 317. Symbolum Nicenum per modum colloquii explicatum. 328, usque 346. S. N. conceptum in concilio Niceno, absolutum in Cpolitano, Ephes. & Chalcedon. 349

S. Synaxis. 194, 293. in conjunctionem & incantationem abiit. 292, 293

Sytemata quid, quot. 111. & *segg.* Sytema regulare independentens, Civitas. *ibid.*

T.

Tenebræ spirituales, regnum tenebrarum 289, usque 327. quibus quæstui fuerint. 323

Thesaurarius Minister publicæ. 119. thesauri depeculatio. 146

Tituli & dignitas Ducum, Comitum, &c. quando ceperint. 48, 49

Traditiones consilia. 269

Trinitatis mysterium. 342, 343, 345, 348

Tutela summi Principis pupilli. 95, 119

Tyranni minime tales. 154, 322

V.

Vestigia in Regno Dei. 193

Veneris & Cupidinis simulacr. 313

Verbum Dei quid, & quotupliciter sumatur. 194. Verbum de Filio Dei. 331, 332

Virtutes intellectuales. 34. & *segg.*

Vita æterna quid in Script. significet. 208. comparatur statui Adami ante lapsum. *ibid.*

& *segg.* de iis quæ ad receptionem in Regnum cœlorum sunt necessaria. 279. & *segg.* vita æterna homini non essentialis, animam citra corpus naturaliter non subsistere, nec per se esse immortalæ. 294, & *segg.*

Universitates reformandæ. 161, 323. errarunt manifeste Henrici IX tempore. 161, quid in iis doceatur. 319, 323.

Volendi causa num voluntas. 321

Urbis populose immoderata magnitudo Monarchæ periculosa. 156

Z.

Zizania errorum Spiritualium. 290

SCRIPTURÆ SACRÆ

Insigniora loca annotata, in Leviathan explicata aut adducta, quorum indicio multa alia se ultra oculis offerent.

Gen:			Ecclesiastz.		
Cap.	ver.	pag.	3.	17. 18. &c.	337.
1.	2.	184	11.	Matth.	
2.	18. morte morieris.	109. 336.	19.	32.	302.
3.	5.	103.	16.	21. Vende omnia.	116.
	Exod.			Luc.	
20.	1. 1. &c. Decalogus. 126, 159. 160.		10.	de divite & Lazaro.	300.
	1. Sam.		1.	Joh.	
8.	11.	101. 102.	19.	3.	195.
	Job.			AQ.	
41.	14. 15.	150, 151	3.	38.	18.
	Pfal.			1. Cor.	
51.	6. Tibi soli peccavi.	106.	12.	Apocal.	358.
72.	1. 2. 3.	168.	5.	9. 10. 11.	363.

Erratum

p. 271, lin. 5. à fine, ubi pro *sive Crateron* legend. *sive Cratiston.*

F I N I S.